

وللنساء أحياناً..
حكاياتٌ أخرى..

الكتاب : وللنساء أحيانا حكايات اخرى

المؤلف : داليا يسري

تصميم الغلاف :

تدقيق لغوي : أحمد أسامة

رقم الإيداع : 2016/14470

الترقيم الدولي : 4-067-778-977-978

الطبعة الأولى : 2016

20 عمارات منتصر – الهرم - الجيزة

ت-011-27772007 02-35860372

Noon_publishing@yahoo.com

جميع حقوق الطبع والتوزيع محفوظة للناشر



وللنساء أحيانًا..

حكاياتٌ أُخرى..

رواية لـ

داليا يسري

للنشر
والتوزيع

obseikan.com

إهداء

إلى تلك الروح .. إلى الغائبة الحاضرة .. إلى الجميلة العابرة
وحدها في الأحلام .. إلى أُمى الغالية .. كثيرًا ما أفتقد وجودك وأعلم
يقينًا أننا يومًا ما سوف نلتقى ..

إلى أبى العزيز .. شكرًا على حبك ودعمك وتقديرك .. لقد
صدقته وأمنت به عندما لم يفعل أحد .. ولهذا لم أكن يومًا لأبلغ ما
بلغته فى أى شىء بدونك ..

داليا يسري

Obseikan.com

نظرت اليه ثم فكرت في نفسها ..

يومًا ما .. كنت أنت نافذتى الوحيدة على هذا العالم .. كنت أرى
الكون بأسره عبر عينيك .. كنتُ أتنفس عبر روحك .. أما الآن .. ومنذ أن
انتقلت إلى بيتنا الزجاجى الجديد .. لم أعد بحاجة إلى أى نوافذ ..

وهكذا رحلت بعيدًا حتى اختفت فى المدى ولم يعد بوسعه رؤيتها

مجددًا

obseikan.com

كل القصص الحزينة تتشابه في بداياتها ونهاياتها .. وتتشابه كذلك عند المنتصف.. ولكن كل القصص السعيدة لا تتشابه في سعادتها .. ولا بداياتها .. ولا أواسطها أو حتى نهاياتها .. ذلك وأنه قد خُلِقَ للسعادة بدايات كثيرة، وإنما لم يُخْلَقْ لها نهاية بعد.. لأن السعادة بحد ذاتها هي تلك المشاعر السرمدية، التي تعبر بنفسها لتتخطى حاجز الجسد و تسكن الروح .. ذلك الكيان الذي لا يموت أبدًا .. وهكذا يظل يتنقل بنفسه بين العوالم .. وما بين عالم الأرض وعالم السماء .. دائمًا ما تحمل الروح معها أسرار سعادتها .. وخبايا حُبِّها .. صورًا لأشخاصًا قد عاشوا في زمنٍ ما على وجه الأرض .. منهم من رحل واختفى أثره .. ومنهم من رحل وبقي أثره .. إلا أنه وفي كلتا الحالتين .. كان دائمًا الحب هو تلك البصمة المدهشة الوحيدة، التي غالبًا ما يتركها البشر خلفهم خلال فترة عبورهم المذهل في هذا العالم ..

هكذا كتب عادل .. في افتتاحية روايته الجديدة .. التي لازالت بلا عنوان .. أو بالأحرى بلا قصة .. ترك الكتابة في تلك اللحظة، تمامًا عندما وجد نفسه يزلق انزلاقًا رغماً عنه إلى الكتابة عن الشيء الذي لطالما افتقده بقوة وخافه بقوة... عن شعوره بالتناقض نحو ما يكره وما يريد.. ما يخاف وما يرغب .. شعور غريب بالشد والجذب .. بين رفضه للحب وانتظاره إياه .. بين مقتته للوحدة وحبها واعتياده عليها .. كان عادل يعي جيدًا أن الإنسان ليس أكثر من مجرد كائن مفعم بالتناقضات .. إلا أنه

ومع ذلك كان على تمام الثقة أن تناقضاته هو وحده هي التي تعج بالغرابة..

لطالما أذهلته الطريقة التي يحب بها البشر عبر العصور .. قصص العظماء وزوجاتهم .. تلك القصص الخالدة التي كان يتوق شوقاً لأن يحيا مثلها .. تلك المشاعر .. ذلك العشق .. ولكنه وفي نفس الوقت كان يمقت هذا الحب الرخيص .. المستهلك .. الذي يكاد أن يكون مُلقى على أرصفة الطرقات .. سرعان ما يأتي وسرعان ما يختفى .. كان عادل يتمنى أن يكتب عن الحب في ذلك العالم المثالي الذي لم يتسنى له أن يُخلق أو أن يوجد بعد في أى مكان آخر سوى خياله..

ارتدى عادل ملابسه .. وخرج من المنزل وهو يشعر بالفراغ التام .. الفراغ من المشاعر.. الفراغ من الأفكار. إنها تلك الحالة من الخواء التام التي كانت كثيراً ما تنتابه .. وهكذا ظل يتساءل في نفسه .. كيف من الممكن له أن يكتب عن الحب الرائع وهو الذي لم يجربه سوى مرة واحدة فقط في حياته!! بل إن تلك التجربة كانت أبعد ما يكون عن أن توصف بكلمة رائعة .. هو في الحقيقة لم يختبر حباً رائعاً من قبل قط.. بل لم يكن يدرى في تلك اللحظة أن ما اختبره لم يكن بالأحرى يوماً بحب..

ظل يفكر ويفكر .. ثم يعود ليحدث نفسه عن هؤلاء الكتاب مِمَّنْ لطالما كتبوا عن أشياء افتقدوها ولم يروها في حياتهم قط .. إنها نعمة الخيال .. الخيال يا عادل .. هي من تمنحنا هذه الطاقة لتتصور ما نتمناه ونعجز عن الحصول عليه .. لنشفي أنفسنا من ماعجز الواقع عن مداواته فينا من جراح ..

ركن سيارته جانبًا .. وهبط ليحصل على قسطًا من المشى الصباحي..
وهكذا كان يتأمل الشوارع ويتطفل على وجوه البشر .. لعله يشعر بشيء
جديد يدفعه للكتابة .. لعله يعثر على مفاتيح قصته الجديدة .. حتى قاربت
الساعة الثانية عشر ظهرًا ولم يلتفت لنفسه إلا عندما سمع أذان الظهر..
في تلك اللحظة فقط عاد عادل عن شروده وتذكر أن لديه موعدًا مع
الناشر.. توقف بالقرب من أحد المساجد ودخل ليصلى .. ثم ذهب لمقابلة
هيثم .. صديقه الذى يعمل في إحدى الدور المرموقة في مصر ..

اعتدل هيثم واقفًا مبتسمًا بمجرد رؤيته لعادل .. ثم تنحى جانبًا
ليحتضن رفيقه بعيدًا عن المكتب .. وسلم عليه ثم عاد فجلس إلى
موضعه مرة أخرى .. قائلًا..

- إيه يا ابني فينك كده .. غطسان ولا من شاف ومن درى .. وروايتك
الأخيرة أهي مكسرة الدنيا بقالك داخل على سنة أهو منشف ريقنا ومش
عايز تورينا كتبت إيه ولا هتكتب إيه ..

نظر إليه عادل بخيبة أمل .. ثم أشعل سيجارًا آخر..

- مش عارف مالى .. حاسس بحاجات غريبة .. والمشكلة إني بقالى فترة
فعلاً مش قادر أكتب .. مش عارف أكتب إيه حاسس إن الأفكار بتهرب منى .

- لأ ما ينفعش لازم تكتب إتصرف ..

- هو إيه دا اللى أتصرف يا أخى قلتلك ميت مرة الكتابة دى حالة ..
حالة عارف يعنى إيه حالة!! يعنى حتى الحالة دى إالى بتجلى وتخلينى
أكتب دى رزق من عند ربنا أنا مش بكتب من نفسى أنا بيجلى الإلهام من
عند ربنا .. لو مجاليش ما بعرفش أكتب ..

- روح يا شيخ ربنا يفتحها عليك بحالات كثير بدل حالة واحدة..

وبينما كان عادل ينظر إلى الأرض في شرود وهو ممسكًا بسيجاره ..
سَمِعَ صوتًا في تلك اللحظة يرد على هيثم ..

- أيوة طبعًا الكتابة دى حالة .. حالة بتيجى بسبب الإحساس ..
والإحساس أكيد مصدره القلب .. يمكن تكون شايف إن القلب عضو من
الأعضاء إلى الإنسان يقدر يتحكم فيها .. بس دا مش صح .. القلب
بالكامل بكل مشاعره وجوارحه فى إيد ربنا .. يعنى لما هو يقولك إن
إحساسه وإلهامه مش موجود وإنه مش هو إلى بيحبب الإلهام لنفسه ..
إنت لازم تكون متفهم إن دى حاجة بتاعة ربنا خالص مفهش سعى ..
بدل ما تضغط عليه المفروض تدعيه .. كده هتساعده أكثر..

رفع عادل رأسه بانهار .. كان يسابق عينيه حتى يرى من هى تلك التى
قرأت أفكاره للتو .. تلك التى تفهمته وهى لا تعرفه..

وجد أمامه فتاة متوسطة الطول .. معتدلة القوام .. تقف عند
الباب.. ذات بشرة تقع تمامًا بين المنتصف .. لا هى بسمراء ولا هى ببيضاء
تكاد تكون خمرية اللون .. ذات عينان عسلتان جميلتان ووجه طفولى،
شعرها الأسود الناعم المنسدل على كتفها يطوق وجهها بأناقة مبهرة.. أما
عن الأمر الذى قد لفت اهتمامه أكثر من مظهرها الخارجى كان عيناها ..
حقًا عيناها .. فلطالما اعتقد عادل أن العينان هما نافذة الروح .. فلقد
رأى عبر عينيها حماسًا وحبًا للحياة .. وشراسة .. والأكثر من هذا وجد فيها
اللامبالاة .. الكثير والكثير من اللامبالاة ... ذلك القدر من اللامبالاة الذى
باستطاعته أن يجعل أى رجل ينظر فى عينيها بأنه لا شىء على الإطلاق ...
فقد كان لها ذاك القدر من الجمال الغامض، الذى ليس باستطاعة أى

رجل أن يراه .. فقط الرجل الفنان هو وحده من باستطاعته أن يقرأ جمال امرأة مثلها بعينه..

رد هيثم قائلاً .. أهلاً أهلاً بالست هانم .. الفيلسوفة بتاعتنا يا سيدى.. تعالى يا ميزة أعرفك على عادل .. ولا أعرفك عليه ليه ما إنتى أصلاً عارفاه .. تعالى إنتى يا عادل أعرفك على ميزة .. ميزة دى بنت خالتى وكمان بتشتغل هنا معانا فى الدار مترجمة من الأسبانية للعربية .. وقت ما بنحتاجها بنكلمها ..

وضع عادل سيجاره على حافة المطفأة ووقف ليبادلها التحية .. مبتسماً ومشدوهاً لابتسامتها الساحرة..

- أهلاً بحضرتك ..

- أهلاً بيبك .. أنا على فكرة مش بس مترجمة .. أنا كمان قارئة ..

- وكلمة قارئ كمان لهما نفس الأهمية إالى بتحملها اسم مهنة الإنسان.. مش كده ولا إيه ..

- طبعاً .. مضبوط .. قالتها ثم نظرت لهيثم بفخر .. ثم استطردت قائلة.. أنا عارفة إن رصيدك الأدبى دلوقتى كتابين بس .. أنا قرئت منهم رواية واحدة الاخيرة طبعاً اللى اسمها " كل شىء وعكسه " وعجبتنى جداً..

عادل: تمام دى حاجة تسعدنى جداً يا أفندم .. إتفضلى أقدر أعرف إيه اللى حضرتك فهمتیه أو وصلتيله أو وجهة نظرك من روايتى الأخيرة .. أنا فعلاً بجد مهتم إنى أعرف..

ميزة : أولاً .. عجبتني جداً شجاعتك .. لأن مفيش راجل يقدر يتكلم أو يتخيل أو يوصف إحساسه هيكون عامل إزاي لو هو مكان البننت .. يعنى إنت إتخيلت فى الرواية عالم أنثوى بحت .. وكانت الآية معكوسة .. كل حاجة إحنا البنات بتعرضلها منكم إنت عكستها .. ودا إحساس أنا نفسى اتفاجئت بيه واتفاجئت إنه وصلك بنجاح مع إنك راجل معرفش إزاي وصلك إحساسى أنا مثلاً باني بنت .. ومحتاجة إني عشان أروح أقرب الأماكن يمكن أنزل بحماية ولد .. تخيل لو عكسناها وبقى الولد هو إالى محتاج يخرج من البيت تحت حماية البننت ووصايتها .. يااااه كل حاجة فى الرواية على الرغم من غرابتها شدتى .. إنت فعلاً فنان عبقرى إنك تقدر تترجم إحساس كل البنات وانت راجل .. دى قمة الشجاعة بحبيك..

- عادل : شكراً ليكى .. يجدا أنا مبسوط إني فهمت إن فكرتى وصلت لحضرتك بوضوح كده..

- ميزة : العفو على إيه ..

يُقال .. أن البشر يجمعهم شيئاً غريباً بالأشكال الهندسية .. فمنهم من هو دائرة ... ومنهم من هو مثلث .. ومنهم من هو مربع.. وهكذا ... كلما خُلِقَ إنساناً .. خُلِقَ له فى هذا العالم شريكاً يكمله تماماً .. شريكاً عند اجتماعه به يجعل كلاً منهما الآخر مثاليًا تماماً .. شخصان فى اكتمالهما حضوراً لكائن ممتاز من جميع الجوانب .. كما لو أنهم قطعى أحجية لا تتركيان إلا مع بعضهما البعض فقط..

إلا أن البشر في طبيعتهم بهم شيء من التعجل .. وشيء من المقارنة ..
وشيء من التمرد .. وكل هذه الأشياء وحدها كفيلا بإفساد هذه الملحمة
الكونية الخالابة .. التي تجمع شمل العشاق القديرين معاً .. مهما بُعدت
المسافات بينهم ومهما طال عليهم الزمان دائماً ما يلتقون في النهاية .. ولذا
تعود المشرفيين تعجل الأمور .. ظناً منهم عبثاً أن الحب شيء بيد الإنسان
البحث عنه .. وأن الزواج مهمة يلزمها السعى .. السعى والسعى والكثير من
السعى ... وهكذا لما ظن البعض أن البحث عن الحب يجلب الحب ..
وقعواً عبثاً ضحية آخرون ظنوا بالمثل أن الحب ما هو إلا عبارة عن
عملية بحث وبحث متصل .. وهكذا تزوجت نصف الدائرة من نصف
المثلث .. ونصف المربع من نصف الدائرة .. لتتكون بذلك ملحمة جديدة
من التعاسة المتصلة .. الموروثة .. مأساة بشرية .. أطفالاً حزينون .. عائلات
بأسرها لم تخل يوماً من شابٍ أو شابة واحدة قد قرروا الطلاق ..

وهكذا .. وإلى حين يتعلم البشر الصبر .. إلى حين يتعلم البشر أن
هناك بعض الأرزاق لا سعى فيها .. وأن الحب يقع على رأس هذه الأرزاق ..
سوف تظل السعادة دائماً مفهوماً ضائعاً .. يتمناه الجميع .. ويخفيه بعيداً
عن الأبصار من قد عثر عليه بالفعل ..

حملت ندى هاتفها .. في ذروة سعادتها اليومية بخلو المنزل من أفراد
العائلة .. فقد ذهب هيثم ومنار أطفالها إلى المدرسة .. وزوجها آدم قد
ذهب إلى العمل بدوره .. وبقيت هي وحدها تستمتع بتلك اللحظات التي لا
تسمع فيها صوتاً يناديها ولا حتى صدى لإحدى تلك الطلبات المنزلية التي
عادة ما تُطلب منها...

قررت الاتصال بصديقتها المقربة جدًا .. بعد أن قاربت صداقتهما على بلوغ عامها العاشر ..

- الوووو .. ميزة حبيبة قلبي .. إزيك يا روجي عاملة إيه ..

- الحمد لله كويسة وانتي إيه أخبارك ..

- أنا زى الفل طبعًا .. يلا طمني بقى إيه الجديد ..؟

تجيها ميزة بضحكة بسيطة - جديد إيه؟

- الجديد .. يوووووه يابنتي الجديد يعنى جديد أخبارك ..

- يا بنتي ما أنا فاهمة السؤال والله بس مش فاهمة إنتي أصلًا بتسأليني ليه يعنى آخر مرة اتكلمنا كانت امبارح تفتكرى هيكون إيه الجديد إلى اختلف من امبارح للتهارده ..

- يا شيخة .. ممم طيب عاملة إيه .. إيه الصوت إلى جنبك دا .. إنتي فى الشارع؟

- أه ومش هتصدقى قابلت مين دلوقتى .. عارفة عادل فؤاد؟ المؤلف دا إلى كتب رواية كل شىء وعكسه إلى حكيتك عنها .. لسه مقابله دلوقتى ..

- بتتكلمى جد؟ ياعم يا عم يا مهم إنت ياللى بتقابل ناس مهمين .. قابلتيه إزاي؟ وفين؟ ودا متجوز بقى ولا خاطب ولا نظامه إيه؟

- بصى أنا بغض النظر عن إني فى الشارع دلوقتى ومش عارفة أتكلم .. بس أوعدك المرة الجاية إن شاء الله لما أشوفه أسأله إنت متجوز ولا مش

متجاوز ولو عندك استعداد تتجاوز اتجاوزنى عشان صاحبتى منظره عليك..

- كده إترقى إترقى براحتك الحق عليا إنى عايزة مصلحتك ..

- يلا سلام دلوقتى ونتكلم بعدين ..

وكما أن كل إناء بما فيه ينضح .. كذلك كل إنسان بما يسأل يفهم .. فكل يوم يسير البشر جنبًا إلى جنب في الشوارع .. وعلى الرغم من أن المشهد يكاد يبدو لمن يراه من أعلى أو من يراه من بعيد كمجموعة من الرؤوس الملتصقة ببعضها البعض .. إلا أنهم وفي الحقيقة يختلفون كثيرًا.. اختلافات أعمق بكثير من اختلافات الوجوه والأصوات والقوالب .. فهذا يفكر في زوجته .. وذاك يفكر في طفله .. وتلك تفكر في الطلاق .. وهذه الفتاة تناجى الله أن تجتاز الامتحان بنجاح لأجل والدها وهكذا لكل منهم وجهة هو مولها .. وهكذا أيضًا .. وبما أن الناس معادن .. فوجهة كل إنسان غالبًا ما تكون هي من أهم العوامل التي تشير إلى طبيعة معدنه الحقيقي ..

أغلقت ميزة الهاتف .. ثم وضعته في حقيبتها السوداء الكبيرة الممتلئة بالأوراق، التي وعلى الرغم من ثقل وزنها إلا أنها اعتادت أن تحملها معها في كل مكان .. ثم وجهت وجهها إلى المنزل ولم تكن تفكر في شيء سوى نوعية الطعام الذي سوف تعده اليوم لعائلتها على الغداء وفي صديقتها سارة التي تتمنى أن تنسى لها الفرصة للحديث معها اليوم ..

بينما اختلفت وجهة ندى تمامًا عن وجهة صديقتها .. فما لبثت أن أغلقت الهاتف بيدٍ .. حتى تناولت باليد الأخرى جهاز الكمبيوتر اللوحي ..

الذى كان بالفعل مفتوحًا أمامها في هذه الساعة الصباحية لما كانت تستمع إلى بعض الموسيقى .. فتحت أحد المواقع الشهيرة المخصصة كمحرك بحث على شبكة الإنترنت .. كتبت عادل فؤاد ..

ظهرت لها صورة له مصحوبة بسيرته الذاتية .. وأخذت تقرأها بصوتٍ مسموع ..

مممم عادل فؤاد مواليد يعنى عنده السنة دى 33 سنة .. ممم روائى وصحفى يعمل فى جريدة ... إيه إيه؟؟؟ إيه ...!!! خريج هندسة .. قسم اتصالات...!!

وهنا فقط تركت الجهاز ثم اسندت ظهرها إلى الأريكة التى كانت تجلس عليها .. ثم استطرقت تتحدث إلى نفسها بصوت مسموع ..

ودا إيه الجنان دا .. مهندس اتصالات وسايب مجاله وشغال بيكتب كلام مش عارف إيه .. بس يا سلام عليكى يا ميرة أيوه كده على طول بتقى واقفة .. يعنى مهندس وكاتب وشاب حلو يعنى طول بعرض كده واسمرانى وزى القمر .. ومفيلش كرش .. يانها اارى دا معندوش كرش بجد .. دا أنا كنت خلاص بدأت أفقد الأمل إن فى جوه مصر راجل واحد من غير كرش .. منك لله يا آدم قرفتني بكرشك ... مش فالح بس غير تقولى خسى خسى وانت البعيد ولا على بالك منظر ككأنك مثلا ما بتعديش من قدام مرايات.. مش عارفة أعملك إيه عشان تحس إن عندك كرش وكبير كمان.. دى بطنك بقت أكبر من بطنى أيام الحمل يا راجل ... يللا يا بنت المحظوظة أهي بكرة تتجوزه دا وتعيش عيشة أحسن من عيشتى مع البيه.. وكمان تخلف عيال أحلى من عيالك مهي أحلى منك وجوزها أحلى من جوزك طبعًا هتجيب عيال وحشين لمين .. أدى أخرتك يا ندى أدى

أخرتك بس عشان كنتى مسروعة عالجواز .. إنتى خدتى على دماغك وهى لسة حرة وبتختار..

وكما كان لمفهوم عادل عن الحب وجهين .. وجهًا يتمناه ووجهًا يخشاه.. وجهًا يحمله فى خياله ووجهًا آخر يراه فى واقعه .. كان كذلك لمفهومه عن احترام المرأة وجهين .. بل أكثر من وجهين .. كان هذا المفهوم يتخلله التناقض أيضًا .. ففى حين شعوره بالظلم لمجرد تصويره أنه كان من الممكن أن يُخلق امرأة بدلًا من رجلًا مما دفعه لكتابة روايته الأخيرة .. إلا أنه وفى الحقيقة لم يَكُنْ يحمل للنساء فى داخله يومًا ذلك الاحترام الموصوف على صفحات كُتبه ..

هو فى الحقيقة لم يكن يومًا بمنافقًا حتى يتعمد التظاهر بعكس ما يخفيه من أفكار .. هو فقط كان يؤمن بأن اسمه يعتبر أكثر من مجرد اسم.. اسمه عادل وهو عادل .. إنه اسم يحمل بين طياته رسالة .. فهو على يقين من عشقه للعدل. لذلك ظن أنه من العدل له أن يتخيل كيفية الحياة فى حال انعكست الموازين بين الرجال والنساء فى المجتمع الشرقى.. وهكذا كتب رائحته التى حازت على إعجاب الآلاف .. وجمعت له قدرًا مشهودًا من النساء اللواتى لا يتوقفن عن الاصطفاف أمامه فى حفلات التوقيع .. حتى أنهن يكدن يبدون لمن يراهن من بعيد كما لو كأنهن لا يحملن كتبًا فى أيديهن ليمنحن توقيعه، وإنما قلوبًا تلك التى قد أترن وضعها على كفوفهن وتقديمها إليه... لعله بذلك يمنحها ذلك الشعور المنشود، ويجعلها بطلة فى إحدى قصصه الواقعية التى عادة ما يكون هو بطلها وهى بطلتها ..

كم هن ساذجات من خدعتهن أوراقك وكلماتك يا عادل .. لو كن يعلمن ما يدور برأسك في تلك اللحظات عندما كتبت تلك الرواية .. لو كن يتصورن كم تحتقرهن أنت بشدة .. تحتقرهن جميعاً بذنوب واحدة منهن..لما اصططفن أمامك هكذا أبداً.. ولكن بالحظك وبالحظنا .. فلقد منحنا الله تلك النعمة التي تمنعنا من قراءة أفكار أحدنا الآخر .. وإلا لما تسنى لكل منا أن يتلحف أفكاره برأسه ويحجمها عن الجميع ..

وهكذا قد يظن البعض أن امرأة تقرأ هي امرأة تبحث عن الحب في الكتب .. ولكن ماذا عسانا نقول عن نساء تتحسس ما هو أعلى من الحب عبر الأوراق .. الاحترام .. الاحترام يا عادل هو ما أوقعهن في غرامك .. الاحترام الذي لطالما افتقدنه في واقعهن ونسيه الرجال من حولهن.. الاحترام هو ما أغشى عقولهن وقادهن إلى الاندفاع عبثاً خلف سرابك .. فكم هي مسكينة من افتقدت ذلك الشعور بالاحترام في الواقع ... فقد حُكِم عليها أن تقع فريسة لأول رجل يتظاهر بمنحها إياه.

لقد قيل قديماً .. أن هناك ذنباً واحداً كفيلاً بأن يجعل كل النساء سواء .. هذا الذنب هو بالطبع الخيانة .. وما سواها قد يجعل منه رجلاً يمقت كل النساء .. يراهن مثيلاً لبعضهن .. يحملن نفس الطابع والشخصية والأفكار .. نفس الرغبات والدوافع .. حتى نفس الملابس .. فقد كان عادل يراهن جميعاً سواء .. وهكذا قد أثار البقاء وحيداً .. معلقاً آماله على صورة امرأة مثالية .. لطالما ظن أنها لم تُخلق بعد..

خرج عادل من مكتب صديقه في ذلك اليوم .. وهو يفكر فيها .. في إطلالتها وجمالها .. يتأمل ملامحها مراراً وتكراراً في صمت .. وكعادة كل الكُتاب .. حمله خياله بعيداً للحظات .. مجرباً أن يتصور له حياتاً معها أو

حتى لقاءً آخر .. ثم عاد في لحظة إلى وعيه .. وتناول نفسًا عميقًا محاولاً أن يستنشق الهواء .. محدثًا نفسه..

ولا حاجة ... ما تبقاش خفيف كده مش عشان قالتك كلمتين جم على مزاجك يعنى .. إنت لسه هتقعد تفكر في واحدة ملهاش لازمة .. دى ولا حاجة .. هتكون إيه يعنى غير واحدة تانية تافهة وفاضية من جواها .. وما عندهاش أى هدف في الدنيا غير إنها تضمن عريس وتضمن إن يبقى اسمها متجوزة .. واحدة عايزة تتجوز عشان تاخذ اللقب بس أهم حاجة تتجوز بنك، مش راجل .. بلاش قرف كلهم بقوا نسخة واحدة .. إنت تعيش لوحك أحسن ما تضيع عمرك مع نسخة من ملايين النسخ .. هيحصل إيه يعنى .. هتعد تقولك بحبك بحبك بحبك وما أقدرش أعيش من غيرك وفي الآخر هتسيبك وتمشى وتروح لأول واحد أعلى منك بقرش..

عادت مينة إلى المنزل في عجلة من أمرها .. لتنتهى الغداء ولم يكن هناك أحد في البيت سواها .. بينما لم يحضر أخوها مصطفى .. لا هو ولا والدها بعد.. دخلت إلى المطبخ .. فتحت البراد .. استخرجت منه الدجاجة التى قد جهزتها وأعدتها بالأمس للطهو .. وضعتها في قدر من الماء لأجل الغلى .. ثم ذهبت مسرعة إلى غرفتها .. بدلت ملابسها وأدت الصلاة .. وعادت إلى المطبخ مرة أخرى لتستكمل تجهيز وجبة الغداء ..

كانت مينة هى الأخت الكبرى في منزل لا أم فيه .. فقد توفيت عنهم والديهم لتتركها بمجرد بلوغها الواحد والعشرون من العمر على رأس منزل أكبر أفرادها أبًا مهمومًا وزوجًا مفجوعًا .. وأصغر أفرادها شابًا في طريقه إلى بلوغ الثامنة عشر..

تناول الجميع الغداء .. ثم ذهبت في عجلة من أمرها تفتح شبكة الإنترنت لكي تتلقى اتصالاً من صديقتها سارة كما كانت تتوقع .. إلا أنها شعرت بالخيبة عندما تركت لها الأخرى رسالة تعتذر فيها عن المكالمة اليوم لما عند صديقتها من مشاغل..

- يا ربي .. ليه كده يا سارة بقالنا أسبوع ما إتكلمناش ..

ثم كتبت إليها .. ولا يهمك لعله خير أهم حاجة بس إنتي تكوني كويسة وجوزك كويس.. مع السلامة أول ما تلاقى وقت كلميني هرد عليكى على طول أنا موجودة ..

كان عادل جالساً يتناول الإفطار على إحدى الطاولات الجانبية المطلة على الشارع في أحد المقاهى بحى الزمالك ورائحة القهوة الخلابة تفوح من تلك العلبة الزجاجية، التى يجتمع فيها الناس هذه الأيام ويسمونها مقهى.. وعلى الرغم من أنه كان فى الصباح والصباح يحب الهدوء .. إلا أن الزبائن من مرتادى هذا المقهى كانوا يحدثون جلبة كبيرة باستطاعتها أن تشوش على عقل وتفكير أمهر الكتاب وأفضلهم براعة..

حمل عادل فنجاناً من القهوة وقربه من شفتيه وارتنشف منه قليلاً ثم وضعه مجدداً على الطاولة.. وقبل أن يشرع فى محاولاته المستميتة للكتابة.. كانت عينيه تجول فى المكان .. يميناً ويساراً فى ملل .. يتأمل وجوه الناس .. ثم تلتقط أذنيه الكلام من هذه الطاولة تارة .. ومن تلك الطاولة المجاورة تارة أخرى .. التفت بعينه فى شرود وأخذ يتابع مجموعة من الشابات الواقفات على مدخل البناية المجاورة ..

كُن يتبادلن الضحكات .. كانت مجموعة من خمس شابات، جميعهن أجنبيات إلا واحدة فقط تبدو من الخلف مصرية.. ظل يتابعهن بعينيه حتى التفتت تلك الفتاة ..

إيه ده .. دي ميزة .. إيه ده .. إيه اللي جاها هنا دي..

التقط أنفاسه ولسببٍ ما لا يعرفه بعد بدأت دقات قلبه تتسارع .. قرر أن يدير وجهه جانباً بسرعة ويدعى أنه مشغول حتى لا تلمحه وتفرض نفسها على الانضمام إليه لمشاركته في جلسته الصباحية المفضلة .. وقبل أن يفعل كانت بالفعل قد لمحته .. رفعت عينها للأعلى قليلاً ومنحته تلك الابتسامة الآثرة ثم لوحت بإحدى يديها .. بادلها التحية ثم أشار لها أن تنتظر وترك موضعه وهبط الدرج على مضض حتى يتحدث إليها ..

- صباح الخير .. إزيك .. عاملة إيه؟

- صباح النور .. الحمدلله كويسة .. وانت كمان عامل إيه؟

- الحمدلله .. أنا قاعد هنا بحاول أكتب .. قالها ثم نظر بعينيه إلى البناية التي خرجت منها ميزة.. فقالت هي له ..

- أنا باخد كورس هنا ..

- كورس ... كورس إيه؟

- كورس إيطالي ..

- إيه دا انتي بتتكلمي إيطالي كمان..؟

- لا مش قوى كده أنا لسه فى تانى مستوى بس إن شاء الله هكمل
واتكلمها برضو..

- أيوه بس إنتى مترجمة أسباني!!!..

- أيوه أنا مترجمة أسباني بس هل دا يمنعنى من إني أتعلم لغات تانية
غير الأسباني؟ أنا على فكرة بتكلم إنجليزى بطلاقة كمان وعندى خلفية
كويسة عن العبرى.

- آه طب كويس والله برافو عليكى ..

صمت لبرهة ثم وجد نفسه بدون سابق تخطيط أو إنذار يدعوها
للانضمام إليه..

- بقولك هو احنا هنفضل واقفين فى الشارع كده كثير .. ما تتفضلى
فوق نشرب قهوة..؟

ابتسمت له .. ثم قالت ..

- لأ أنا أسفة مش هقدر..

- ليه .. والله عادى أنا أصلاً كده كده مفيش فى دماغى أفكار أكتيها
إنتى بجد مش هتعطينى عن أى حاجة .. ولا أنتى وراى حاجة؟

ضحكت له ثم قالت ..

- لأ هو مش مسألة ورايا حاجة أو كده .. بص هو أنا مش قصدى
أضايك بس أنا متأكدك إنك هتتفهم وجهة نظرى .. هى مسألة مبدأ .. أنا
ما بخرجش مع حد عشان كده مش هقدر..

امتعض وجهه .. وساد الصمت للحظة .. ثم ابتسم بتصنع واضح ..
قائلاً ..

- لأ عادى خلاص .. أنا متفهم والله وانا كمان بحترم الشخص إلى
عنده مبادئ و متمسك بيها..

ابتسمت له مرة أخرى وقالت ..

- خلاص فرصة سعيدة .. مع السلامة ..

استدارت لتذهب في طريقها .. بينما هو لا يزال واقفاً لبرهة مشدوهاً في
موضعه .. وبعد أن سارت بضعة خطوات التفتت إليه وقالت له ..

- أستاذ عادل .. صحيح .. عشان تلاقى الإلهام إلى بتدور عليه وتلاقى
كلام تكتبه ويطلع حلو بجد .. جرب تروح تقعد في أماكن مفتوحة يكون
فيها زرع وشجر وعصافير وطبيعة .. وبلاش الأماكن دي كلها إزاز في إزاز
وكراسى كده وطرايبزات قريبة من بعضها .. هتحبس نفسك وأفكارك في
زوايا ضيقة قوى..

ابتسم لها قائلاً .. صح عندك حق .. فكرة حلوة ..

قد يظن المرء أن تغييراً بسيطاً قد يستغرق شهوراً قبل أن يحدث ..
بل وأحياناً قد يمتد لسنوات .. إلا أنه وفي الحقيقة أن التغيرات الكبرى
غالباً ما تستغرق جزءاً أقل من الثانية .. ولا يدري المرء كيف أنه
باستطاعة امرأة لها مبادئ أن تثير فضول رجل واحد .. بل آلاف الرجال ..

فكم هن كثيرات ذينك النساء اللواتي اعتدن أن يلقين بأنفسهن عند
أقدام الرجال .. يفتحن قلوبهن لهم كالكتاب المفتوح .. إنهن كمن يقلن

تعال واقرائنى .. ذلك وأنه لا يوجد أرخص وأوفر من امرأة سهلة المنال ..
ومن منطلق منطق رجولى بحث .. اركلها اليوم بإحدى قدميك وكن أكيداً
من أنها ستركض إليك غداً لاهثة ..

عاد عادل إلى طاولته .. جلس على نفس المقعد بجسده .. ولكن عقله
في الحقيقة كان شاردًا في مكانٍ ما .. وقلبه كان يترك موقعه لأول مرة
راكضًا خلف مكانٍ آخر .. حملته ذاكرته فجأة إلى نسمة .. تلك الفتاة
المبتذلة .. التي كانت زميلة له في الجريدة .. لم يكن يمر يومًا من دون أن
تسأله للخروج معها .. بل وتلح عليه أحياناً .. تذكر كيف كان يرفضها
بعنف .. بل ويتسبب لها بالكثير من الإحراج كذلك .. بينما لا تنفك تتوقف
هى عن فرض نفسها عليه .. تذكر في تلك اللحظة كيف استمرت في فعل
هذا الأمر حتى أتى إلى الجريدة زميل جديد لهما .. عندها فقط توقفت
نسمة عن ملاحظته ووجهت أنظارها تجاه أحمد الزميل الشاب الجديد ..
الذى يكاد يبدو على وجهه أنه قليل الخبرات النسائية .. أوقعته في شباكها
وتزوجته بالفعل .. وتركت العمل وارتاح عادل من احتمالية رؤيتها كل
يوم ..

تكاد تكون مجرد لحظات تلك التى مرت على عادل فى ذلك المقهى ..
ولكن حقًا شريط خبراته النسائية السيئة قد عبر على ذاكرته للتو ..

عاد إلى موضعه .. يتأمل الموقف فى ذهول .. أليست تلك هى الفتاة
التي كان منذ عدة دقائق فقط يريد أن يتنكر منها ويدير وجهه حتى يختبئ
منها ولا يبادلها التحية !! .. ليست تلك هى الفتاة التي شهبها بالجميع
وحكم عليها مسبقًا بأنها نسخة أخرى من فتيات كثيرات ..!! كيف إذًا تجرأ
وتخلى عن موقفه ودعاها لتناول القهوة معه ..؟؟

غبي غبي .. إتدلقت زى الجردل بالظبط لا بالعكس دا الجردل
أحسن منك على الأقل لما بييجي يتدلق بيبقى فى حد ماسكه غصب بعنه
بيدلقه بس إنت يا شاطر إتدلقت بمزاجك.. وانت مالك إنت بتسألها ليه ..
بتتعلم ولا بتعمل إيه فى المركز ولا انت يخصك فى إيه اصلاً .. آه آه صحيح
إنت ما سألتهاش هى إالى قالت من نفسها .. لأ لأ هى إالى قالت اه أنا
مليش دعوة .. منظر ك إيه دلوقتى واهى واحدة رفضتك ..!!! وانا يعنى بعد
السنين دى كلها ومصمم وتمسك بمبادئى تيجى كده فى ثانية تغير رأيك
وتقولها تعالى واشربى واقعدى ومش عارف إيه ..

أيوه يا عادل بس دى ما رفضتنيش .. هى قالتلى دا مبدأ ... يعنى هى
طلعت أجدع منك واتمسكت بمبدأها وانت لأ .. يللا خلينى أنا كده بتخلى
عن مبادئى واحد ورا التانى لحد ما هبص ألاقى نفسى بقيت بواقى بنى آدم
فى الآخر .. هرجع لنفس الحالة إالى كنت عليها زمان بعد نهى وإلى عملته
معاي ..

مرت ساعات وهو على هذا المنوال .. جالساً فى موضعه شارد الذهن..
يتحدث إلى نفسه عن نفسه .. ويلوم نفسه بنفسه ثم يعود ليدافع عنها ..

وقفت ميزة كعادتها على شرفة منزلها .. تروى بناتها من الزهور .. نعم
بناتها .. هكذا كانت هى تعتقد .. فى من جلبتهم إلى المنزل بذوراً .. وهى من
هيئت لهم موضعاً مميّزاً بالشرفة .. وهى من اعتنت بهم .. وهى من كانت
تحتفظ لهم بمجموعة جميلة من الصور، فقد كانت تعتقد أنها تحمل
ذكرياتها معهم .. فكما منحت هى الزهور الماء والبيت والحياة .. منحوها
هن السعادة والعطر والأهم من هذا وذاك .. منحوها الكثير والكثير من

الصبر، عبر كل يومًا كانت تجلس بالقرب منهن وتنتظر أن ترى تغييرًا ..
تنتظر أن ترى زهرة تتفتح .. كانت ميزة تؤرخ حياة تلك الزهور بالكاميرا..
فهي تمتلك لكل واحدة منهن صورة في بداية حياتها قبل أن تنبت ..
وصورة أخرى في بداية نموها .. وصورة أخرى عندما كبرت .. وهكذا ..
كانت ميزة أمًا لزهور الريحان والقرنفل والإستر والورد البلدى ...

كانت ميزة واقفة ذلك الصباح في شرفة منزلها تستمتع بممارسة
عادتها السعيدة وتشاهد زهورها كالعادة .. حتى أتاها اتصال متعلق بعادة
امرأة أخرى مهاتفها كل يوم في نفس الموعد ..

- ممييزة حبيبة قلبى .. إزىك عاملة إيه؟

- أنا كويسة الحمدلله إنتى إزىك يا ندى .. إيه أخبارك ..

- أنا تمام .. بقى كده إن ما كنتش أنا أتصل إنتى ما تتصليش .. كده يا
وحشة..

- والله يا ندى غصب عنى وبعدين أنا مشكلتى إنى مش بلاقى كلام
نقوله .. يعنى إنتى بتكلمينى كل يوم بالظبط فى نفس الميعاد دا وبنحكى كل
حاجة وما بيقاش عندى كلام تانى أقوله دا غير إنك عارفة أنا أصلا طول
اليوم ما بين يا بشتغل يا بعمل شغل البيت ..

- مميم طيب .. ماشى .. صحيح مفيش جديد؟؟ ما شوفتيش الواد
عادل دا المؤلف؟

- لأ ما شوفتوش .. ااا لأ لأ شوفته صحيح شوفته صدفة مرة وانا
خارجة من الكورس ..

- إيه بجد واتكلمتوا؟ قلتوا إيه هاه؟

- آه سلمنا على بعض عادى ما حصلش حاجة ..

- بس كده يا شيخة .. مم؟؟ أصل أنا بصراحة عندى ليكى خبر يجزن عملتلك عليه أبحاثى دا طلع مش متجوز وخريج هندسة وكمان بقاله كتير عازب وكاتب بقى ويا حظك يا ستى ..

- ندى بجد هبطل أتكلم معاكى .. إنتى رايحة تعملى عنه بحث موسع ليه واحنا مالنا وماله ما هو حريته يجوز يتطلق أنا مالى بتتكلمى معايا ليه .. مش هتبطلى أسلوبك دا مية مرة قلتلك ما بحبش الطريقة دى ..

- خلاص خلاص .. ولا تزعلى نفسك .. أنا هقفل أهو وأريحك منى خالص يلا سلام ..

كان عادل على تزمته .. رجلاً قدرياً من الطراز الأول .. لا يؤمن بالصدف .. يعلم تمامًا أن ما حدث خلال حياته بأكملها أيًا كان لم يحدث بلا سبب أبدًا .. وهكذا وفجأة وبدون سابق إنذار .. وجد نفسه يعود مراهقًا مرة أخرى .. كمن يرى امرأة لأول مرة فى حياته .. كمن يهتم للوهلة الأولى .. كمن لا يمكنه كبح جماح تفكيره عن لهفته للقاءها مرة أخرى .. لا يعلم كيف .. ولا يعلم متى .. أو بالأحرى لم يكن يعلم لماذا يريد أن يلقاها .. فمن الظاهر كان عادل يظن أنه أقوى من أن يعترف لذاته بحقيقة إعجابه بامرأة ما .. ولكن فى أعماق أعماقه كان يعلم أن شيئًا ما بداخله قد تغير بعد لقاء هذه المرأة للمرة الأولى .. وشيئًا أقوى قد تغير بعد أن

تعثر بها للمرة الثانية .. فكما قال نزار قباني .. كل شيء يمكن اخفاؤه إلا خطوات حب تتحرك بداخلنا ..

بدأ صبره ينفذ كعادته .. وعلى اعتبار أن القدر يصنعه الله وحده .. قرر هو أن يصنع صدفة جديدة من نوع خاص .. حتى يلتقى بها مرة أخرى لعله بذلك ينجح في اختلاس خمس دقائق أخرى من عمر الزمن ليتحدث إليها ..

تناول هاتفه واتصل بالمعهد الثقافي الإيطالي متظاهراً أنه أحد طلاب اللغة الإيطالية ليستعلم عن مواعيد الصفوف الدراسية .. فلقد كان شوقه للقائها أقوى من أن يعينه على الانتظار أسبوعاً كاملاً وصولاً إلى نفس اليوم ونفس الموعد الذي رآها فيه .. عرف المواعيد واستعد للموقف مرة أخرى .. حتى يبدو للجميع لها ولنفسه انه لم يخطط للقاء .. بل جاء الأمر عفويًا كأول مرة .. وفي نفس المقهى .. ومن على نفس الطاولة.. وضع جهاز الكمبيوتر الشخصي الخاص به أمامه .. وبجانهم بضعة أوراق حتى يكتمل المشهد في مثاليته وتصدق هي عندما تراه أنهم التقوا من قبيل الصدفة للمرة الثانية على التوالي..

جلس منتبهاً ينظر عبر اللوح الزجاجي إلى الخارج .. عينيه متعلقة ببوابة البناية .. حتى عندما أتاه النادل يسأله عن الذي سوف يتناوله .. قال له بدون أن ينظر حتى إليه ..

- أي حاجة .. هات أي حاجة ..

- زى إيه يا افندم ..

- قهوة .. قهوة هاتلى قهوة أمريكانى..

لمحها تخرج من البوابة ... كانت وحدها هذه المرة .. بدون مجموعة الشابات اللواتى كانت تقف معهم فى المرة الاخيرة.. تأهب وهو على مقعده.. وجه وجهه صوب جهاز الكمبيوتر بينما كانت عيناه لازالت موجهة نحوها.. وبدون أن يشعر كان يهلل فرحًا فى أعماق أعماقه .. يشعر بالحماسة الغربية ..

إلا أن هذا اليوم لم يكن مقدرًا لهم أن يلتقوا كالمرة السابقة.. فقد خرجت ميزة من البوابة وهى تنظر إلى هاتفها النقال .. وذهبت بعيدًا فى خطى سريعة وواثقة ..

يا إلهى .. شعر عادل بخيبة رهيبة .. يا للقدر .. الذى لا يمكن لأى إنسان أن يعانده .. ففى المرة السابقة عندما أراد أن يتجنبها ويتجنب الحديث إليها لمحتته .. وفى هذه المرة عندما أتى بملء إرادته مستعدًا ومتأهبًا للحديث .. طارت بعيدًا كالعصفور ..

أدرك عادل فى هذه اللحظة أن ما حدث قد حدث لأنه يريد أن يعاند أمرًا أكبر منه .. أراد أن يصنع صدفة .. ولا يوجد فى الحقيقة شيئًا اسمه الصدفة .. بل هناك فقط أقدار .. مجرد أقدار وهكذا فإن الإنسان عادة ما يكون أفقر من أن يرتب أقداره لنفسه ..

جمع أغراضه بأئسًا من المقهى .. وطلب الفاتورة .. ثم حمل نفسه واتجه عابثًا كالعادة للجريدة .. التى ما لبث أن وصل إليها حتى تلقى مكالمة هاتفية من هيثم .. كانت كفيلة بفك عبوته لبقية اليوم ..

تناولت الهاتف ثم جاءها صوت هيثم عبر الهاتف .. أيوه يا مينة
إزيك.. بصى معلىش هكلمك بسرعة ما عنديش وقت .. دلوقتي إنتى حضرى
نفسك هتسافرى إسبانيا كام يوم كده مع عادل فؤاد فاكراه؟

- أه فاكراه بس ليه؟

- هو المفروض عنده 3 حفلات توقيع فى إسبانيا .. للجالية العربية
المقيمة هناك .. المهم إحنا ما نقدرش نجيبه مترجم من المقيمين فى البلد
هيكلفونا كتير وكمان ما نقدرش نبعته لوحده لازم حد معاه .. وانتي عارفة
البلد ورحمتها قبل كده كذا مرة وبتتكلّمى اللغة .. هتسافرى كمتريجة على
حسابنا والدار هتحاسبك باليوم .. تمام معاكى ..

- أه ماشى تمام ..

أغلقت الهاتف وهى تطير من الفرح .. ساارة سارة شفتى .. إنتى وشك
حلو قوى عليه .. أنا كأن ربنا خد الكلمة مننا وحققها لى .. هاجى عندك فى
إسبانيا وهنتقابل إن شاء الله .. سبحانك يارب .. أنا مبسوفة بجد أنا
فرحانة قوى ..

وفى مطار القاهرة .. دخل عادل قبل موعد طائرته بحوالى ساعتان
وربع تقريباً .. هو الذى على غير عادة جميع المسافرين .. قد امضى معظم
اوقاته فى الاستعداد للقاءها .. فى تحضير كلمات منمقة لأجل إبهارها ..
ولفت أنظارها .. بدأ عادل يخطو خطوات داخل المطار .. ومع كل خطوة
يخطوها كانت دقات قلبه تتسارع .. لا يعرف كيف تنتابه تلك المشاعر وهو
الذى أمضى أياماً يستعد ويستعد .. ويعيد تلك اللحظة فى خياله مئات

المرات .. ماذا سوف يقول .. ماذا سوف يفعل .. ارتدى أفضل ما يملك .. بعد أن امتلأت حقيبة سفره بالملابس الجديدة التي ركض لشراءها قبيل سفره.

وفجأة لمحته ميزة من بعيد .. التي كانت تجلس على كرسى من كراسى الانتظار .. رفعت يدها وبدأت تلوح له ليأتي .. وعلى الرغم من اعتياد عادل على العبوث لعمرٍ بأكمله .. إلا أنه لم يكن يملك أمام وجهًا ضاحكًا كوجهها إلا أن يتخلى عن عبوثه ويبادلها الابتسام ..

- ميزة إزبك .. عاملة إيه ..؟

- أنا الحمد لله كويسة .. كنت مستنياك .. الحمد لله إنك ما إتأخرتش ..

يا خبر كانت مستنياني .. هكذا فكر عادل .. فقد قالتها ميزة وهي لا تعلم كيف كان وقع هذه الكلمة على أذنه .. فقط بدا كالمراهق الذي يتحسس الكلمات التي يسمعها .. ويفهمها كما يريد هو .. وليس بمعناها عندما قيلت .. شرد عادل لوهلة .. ثم عاد للواقع مرة أخرى .. وعندما عاد لمح شخصين يقفون إلى جانبها .. كان من فرط انتباهه وانشغاله بها لم يلمحهم في النظرة الأولى ..

ميزة – أحب أعرفك بعيلتي الصغيرة قوى .. أستاذ أحمد المسعدى .. بابايا طبعًا بيشتغل محامى وعنده مكتبه .. ودا مصطفى أخويا الصغير والوحيد كمان .. حقوق إنجليزى وبيشتغل مع بابا فى مكتبه ..

كانت منشغلة بتقديم عائلتها له .. واحدًا تلو الآخر .. بينما هو كان منشغلًا بابتسامتها الدائمة .. يا إلهى لِمَ أنتِ دائمة البهجة هكذا يا ميزة ..

لَمْ أَنْتِ هكذا !! وتُرى أين هي أمك؟ رد عادل قائلاً مبادلهم التحية .. -
تشرفت بمعرفتكم .. أهلاً بكم.

كان والدها على وشك الخوض في حوار معه .. إلا أن صوت المضيفه
باغتهم من الخلف مطلقاً نداء الرحلة التالية ..

وترك والدها على الفور فكرة مبادلة أى إنسان آخر سوى ابنته
الكبرى الحديث .. فلقد ضمها بين ذراعيه لبرهة .. وبدون أن ينطق بأى
كلمات .. كان عادل يتابعهم بعيني رجل .. فرجلاً وحده قد يفهم ما يراه
البعض أن أباً يحتضن ابنته ليُشعرها بالأمان.. بينما قرأ عادل المشهد
قراءة صحيحة في لحظة.. كان والدها يحضنتها لأجله هو .. لا لأجلها هي ..
كان يحضنتها ليستمد هو شعوره بالأمان منها .. كان ذلك المشهد ليبدو لأى
إنسان آخر مشهداً عادياً .. ولكن بعين إنسان لم يختبر يوماً سوى مشاعر
الأب القاسى .. الأب المتجهّم الوجه الجامد القلب... كان يراقب في صمت ..
بل كان يستشعر إحساس أبوها في صمت.. ذلك المشهد الذى قد تيقن
عادل أنه مهما طال به الزمن لن ينساه ابداً ..

أمسكها والدها بين ذراعيه مرة أخرى ثم قال لها بصوتٍ حنون يملؤه
الحب .. حبيبة قلب بابا .. خلى بالك من نفسك ..

- وردت هي بفخر .. بوجهه يجبس دموعه خلف قناعٍ من البسمة ..
حاضر يا بابا ما تخافش بنتك راجل ..

وهكذا انتقلت ميزة من أحضان أبيها .. إلى أحضان أخيها .. بينما كان
عادل يقف بالقرب منهم أثناء تبادل الوداع، كأنه لا شىء .. حقاً شعر أنه
لا شىء .. وأن الهواء الموجود في المكان قد يكون أكثر أهمية منه في هذه

اللحظة .. فلقد كانوا يودعون بعضهم بدون أن يوجه إليه أحدهم كلمة وداع واحدة .. بل كانت نظرات أعينهم تتناثر من حوله ذهابًا وإيابًا، وتعبير من خلاله كما لو كان غير مرئي .. ما هذا العذاب الذى شعر به عادل فى تلك اللحظة .. فهو الرجل الذى قد اعتذر أخاه الوحيد عن توصيله بالسيارة إلى المطار .. ومنحته أمه سلامًا عاديًا جدًا قبل أن يسافر .. لدرجة أنه قد كرر على مسامعها كلمة .. أنا مسافر عدة مرات .. حتى تأكد أنها كانت تعنى جيدًا حقيقة أنها لن تراه لفترة من الزمن .. ومع ذلك كان سلامها باردًا كالثلج ..

خفق قلب عادل لسماع صوت عجلات الطائرة وهى تحتك بالأرض قبل الإقلاع .. عادل الذى كانت أقصى معرفة له بالطائرات هى تلك المرة الوحيدة التى قد اصطحب فيها والدته لقضاء العمرة .. ظن عادل أن قلبه قد خفق لصوت الطائرة .. ولم يكن يعلم أن قلبه قد خفق لاقترابه من ميزة حدًا كبيرًا .. فقد جاءت بهم الأقدار ليجلسا جنبًا إلى جنب على مقعدين ملتصقين فى الطائرة .. شعرت ميزة أن هناك خطابًا ما بشأن عادل .. فسألته وهى تتصفح كتابًا بين يديها ..

- عادل .. مالك فى إيه .. إنت أول مرة تركب طائرة ..؟

- لأ مش أول مرة .. سافرت السعودية قبل كده ..

- آه لأ أنا افتكرتك من الناس اللى ممكن يكون عندك فوبيا من

الطيران ..

- لأ مفيش فوبيا ولا حاجة أنا بس افتكرت إنى نسيت حاجة مهمة

أجيبها معايا ..

- خلاص مش مشكلة هناك بيبيعوا كل حاجة إن شاء الله تقدر تشتري
إلى إنت عايزه ..

وهكذا كانت ميزة على وشك أن تُنهي الحوار .. الذى لم يكن قد بدأ
بعد .. إلا أن عادل قرر أن يأخذ المبادرة ويبدأ الحديث فى أى موضوع ..
ولكن فى تلك اللحظة تحديداً كان قد نسي كل ما جهز من كلمات
وموضوعات ليتحدث إليها فهم .. فقرر أن يتصرف بعفوية مثلما تفعل
هى دائماً ..

- بس على فكرة .. اسمحيلي أهنيكى .. على عيلتك الجميلة دى ما شاء
الله ربنا يخليكو لبعض .. دول شكلهم بيحبوكى قوى ..

- آه بيحبونى قوى وأنا كمان بهمهم .. ميرسى ربنا يخليك .. بس عادى
يعنى كل العائلات بيحبوا بعض ..

- لأ بصراحة لأ .. أنا أسف بس بعارضك فى دى .. مش كل العائلات
كده يعنى أعتقد إن فى ناس لما حد من ولادهم بيبقى مسافر .. بيبقى رد
فعل بقية العيلة عادى .. كأن وجود الشخص دا زى عدمه .. بس أنا
كمان الحمدلله عيلتى مش كده .. أنا مامتى مهدلت الدنيا عياط النهاردة
عشان أنا مسافر .. وكانت حالفة تيجى توصلنى بس أنا ما رضيتش عشان
هى تعبانة ..

- آه .. آه ربنا يخليالك ..

- بس صحيح فين والدتك .. ما جاتش معاهم ليه .. كنت اتعرفت
عليها هى كمان ..

- لأ والدتي متوفية الله يرحمها ..

- أنا أسف .. لو ..

- لو إيه مفيش حاجة عادى بتعتذرليه .. ماما متوفية من ست سنين تقريباً ..

فتحت ميزة الكتاب الذى كانت تحمله بيديها .. وأخذت تقرأ .. بينما شعر هو وللمرة الثانية على التوالى فى نفس اليوم .. أن وجود الهواء الذى يحيط بوجهها الآن .. أكثر أهمية من وجوده .. مرت الرحلة .. وكانت هى تسبح فى فضاءٍ آخر .. فى عالمٍ موازٍ .. فى ذلك الكتاب الذى كانت تحمله فى يدها .. ويحملها هو بين أوراقه .. وجد عادل نفسه يشعر بالغيرة المفردة نحو كتاب .. جماد .. لا يتحرك .. ولا يتكلم ولا يتنفس .. ولكنه ومع ذلك قد استطاع أن يشغلها به أكثر منه هو الإنسان ..

كان عزاء عادل طوال تلك الرحلة التى قد انشغلت فيها ميزة عنه أنه يراها عن قرب .. يراقبها .. وكل عدة دقائق كان يدعى أنه ينظر إلى الخلف حتى يدير وجهه فيقترب منها وتصادف أنفه رائحة شعرها .. الذى كانت تفوح منه رائحة شامبو الفواكه العطرة ..

أخذ يتفحصها بعينين يملؤهما الفضول نحوها .. نظر إلى حقيبتها الجلدية البنية اللون .. وبلوزتها الرمادية اللون .. البسيطة التى تخلو من كل ما قد يكون له علاقة بالتكلف .. ووشاحها الزهري اللون، الذى كانت منذ قليل فقط تخبئ فيه رقبتها الطويلة .. كانت ملابسها عادية جداً .. تخلو من التكلفة والتزين المبالغ فيه ... تماماً كوجهها الذى كان يخلو تماماً من التبرج .. ولكنها ومع ذلك كانت جميلة جداً .. أو على الأقل .. بعين

عاشق.. كان يراها هو هكذا .. كان يرى فيها صورة أخرى للطبيعة في أجمل
اطالاتها ..

قاطعته عن تأملها عندما اقتربت لحظة الهبوط في مطار مدريد ..
وبدأت تبادلته الحديث ..

- عادل .. إيه رأيك تيجي تقعد مكاني .. جنب الشباك ..؟

- لأ طبعاً إزاي يعنى أنا جنب الشباك وانتى تقعدى على الحرف .. ليه
يعنى؟

- عشان تشوف إسبانيا من فوق واحنا نازلين .. بتبقى عبارة عن كتلة
خضرا كبيرة .. إنت أول مرة تيجي هنا لكن أنا جيت هنا مرتين قبل كده ..
المنظر دا أنا متأكدة إنه هياثر فيك جدًا عشان إنت كاتب ..

- طيب تمام نبدل .. غلبتيني بكلامك .. ابتسم ثم قام من موضعه
وقامت هى الأخرى واستبدلوا كراسيم ببعض .. وقرر عادل أنه فى هذه
اللحظة سوف يفوز فى معركة على هذا الكتاب الصغير الذى كانت
تنشغل به عنه هو ..

- بس إنتى شكلك بتجى إسبانيا قوى صح .. ليه كده ..؟؟

- أه بجهيا قوى .. بس السبب إيه ما أقدرش أحدد بصراحة .. وما
أقدرش برضو أقولك بجهيا عشان جميلة .. أو بجهيا عشان أنا شايفها
جنة الله على الأرض .. أنا بجهيا بدون أسباب .. لأن الحب عشان يبقى حب
من وجهة نظرى لازم يكون مالوش اسباب ..

- إحكىلى بقى جيتى إسبانيا قبل كده ليه؟

- جيت هنا مرة دراسة لمدة شهر مع أعز صاحبة ليا .. ومرة ثانية
سياحة دى جيتها لوحدى بصراحة لأن كان فى معالم كتير ما لحقتش
أشوفها فى المرة الأولانية..

- ممم .. بس إنتى شوقتيني لهما قوى .. أنا بدأت أحبها من قبل ما
أشوفها أنا كمان ..

- طب استنى بقى لما تشوفها ونشوف رأيك هيبقى إيه .. بص بص
بسرعة بسرعة .. أهو المنظر إالى كنت لسة بقولك عليه ..

كانت تتحدث بعفوية مطلقة .. وهى لم تكن تعلم أن ما تظن أنها
مجرد كلمات بالنسبة إليها .. كان يستمع إليها هو بأذن عاشق .. تعزف
حبيبته بكلماتها على أوتار قلبه .. فجأة وجد نفسه مفتونًا بها .. بكل ما
تتفوه من كلمات .. بنظراتها البريئة العفوية المفعمة باللامبالاة .. كان
مغمراً بتجاهلها إياه .. فأى امرأة ترضى كبرياءه بقدر ذلك النوع النادر من
النساء .. المثقفات .. الذكيات .. الغير مباليات بوجوده..

وهكذا كلما كانت هى لا تكثرث لأمره .. كلما انجذب هو أكثر .. فأكثر ..

هو .. قد يكون رجلاً خمسينى العمر إبيضَّ شعره .. إلا أنه لم يفقد
يوماً رونقه .. كانت طلعتة تجسد مقولة "الشباب فى القلب" .. فلفرط ما
مارس الرياضة على مدار حياته .. بل لفرط ما مارس لعبة حب الحياة ..
كان قد تعود على لعبة خداع الزمن ..

كم عمرك اليوم ..؟؟ لقد أصبحت اليوم يا أحمد في اواخر خمسينياتك ولكن مع ذلك لازالت عين من تلقاك تمنحك عبثاً عشر سنواتٍ أصغر.. ولما كنت دائماً شاباً مختلفاً .. لما أصبحت وستظل دائماً رجلاً مختلفاً .. شقيقاً ولكن مع ذلك لا تعباً لكلام الناس ..

منهم من قالوا انظروا كيف يفسد ابنته !!.. انظروا كيف يدللها ويترك لها حق اختيار مصيرها..!! انظروا كيف يتركها تسافر بعيداً وحدها ..!! إنه يؤذى سمعتها .. لن تزوج أبداً تلك التي سافرت بعيداً وحدها..!!! ومنهم من قالوا إن رجلاً توفيت زوجته ولم يتزوج بعد هو بالتأكيد رجلاً خاطئاً!! فعلى الرغم من وفاة زوجته على كبر .. بعد أن نشأ وتربى أبناؤه بالفعل .. إلا أنه لم يسلم من المحاولات المستميتة لأفراد عائلته لإقناعه بالبحث عن زوجة أخرى .. بعد زوجته العزيزة التي توفيت وتركت له ابنة جميلة في الواحدة والعشرين من عمرها .. وابناً في الثامنة عشر آنذاك..

وهذا هو عهد ابنتك بك .. وهذا هو عهد أبنائك بك .. فقد علمك حب الحياة عدم الاكتراث بما يؤذي.. وعلمت أولادك كذلك أن حب الحياة يبدأ من تجاهل آراء الناس ..

عندما تقف على مفترق طرق .. عندما تشعر بالتيه .. فقط اتبع قلبك وأحلامك ولسوف تصل بالتأكيد إلى مبتغاك في نهاية المطاف..

كان هذا هو أحد أيام مارس الجميلة في بداياتها والمحيرة في نهاياتها .. تلك التي تقف تماماً على الحدود بين الصيف والشتاء .. الدفء والبرودة.. الليل والنهار .. وهكذا كانت ميزة من عشاق هذا الشهر المفعم

بالتناقضات .. الذى لا يتوقف عن خداع البشر .. فتارة يلوح لهم بالصيف.. وتارة أخرى يلوح لهم بالشتاء ..

كانت قد وصلت للتو إلى غرفتها في أحد فنادق مدريد العريقة .. التى تعود في تاريخ إنشائها إلى العصور الوسطى .. كان الفندق قد تم تصميمه تمامًا على الطراز المعماري المفضل لها.. عندما دخلت غرفتها وضعت الحقائق على الأرض .. ثم ركضت ببهجة لتقف على الشرفة .. تراقب حركة الطيور .. وتستمع إلى اصواتهم في شغف.. بل وتحاول أن تحصيهم عددًا .. ثم تستشعر الرياح على وجهها ...

ذات يومٍ ليس ببعيد .. سُهِتِ النساء بالغرف .. منهن من وصفت بغرفة الجلوس، تهوى التيبس طوال اليوم في مكانٍ واحد على الأريكة أمام التلفاز .. ومنهن من وصفت بغرفة النوم، وتلك هى التى لن يتسنى لك أن تراها أبدًا بدون رؤية آثار النوم على وجهها .. ومنهن من تشبه المطبخ في ولعها بالطعام وحبها للطهو وشهيتها المفتوحة دائمًا .. وبدانتها الملحوظة التى هى نفسها لم تعد تكثرث إليها أكثر من ذلك .. وأخرى لفرط عنايتها بنظافتها أصبحت تقضى نصف يومها في دورة المياه..

وهكذا ... تبقى دائمًا امرأة الشرفة هى امرأة الحياة والطبيعة .. امرأة الهواء والشمس والقمر .. امرأة تقف في اعتدال صفاتها فوق خط رفيع بين الاختلاط والانعزال .. بين حب المنزل وحب الخروج منه .. امرأة تعشق الشرفة وتقضى فيها معظم أوقاتها هى امرأة بالتأكيد تعشق بيتها وفي نفس الوقت تعشق الطبيعة .. وهكذا حققت ميزة المزيج الممتاز بين وجودها في البيت وخارجه في آن واحد.

أتاها صوت عادل عبر هاتف الفندق الداخلى .. يتعجلها بالنزول ..

- ولكن لسة بدرى جداً .. ميعاد حفلتك بليل .. إنت مش شايف الساعة كام ..

- أيوه بليل بس هو احنا جاين هنا ننام ولا إيه .. أنا قدامى ربع ساعة ونازل يلا ..

- تمام .. هقابلك تحت ..

بينما ذهب عادل ليحضر نفسه ويرتدى ملابس أخرى .. ويتجمل ... ركضت هى أيضاً لتفتح حقيبتها .. أحضرت ميزة معها نصيباً وافرًا من الحبوب .. طعامًا للطيور .. كما اعتادت أن تفعل دائمًا فى مصر .. وهنا أيضًا كذلك فى المرتين السابقتين على هذه المرة ..

وقفت فى حركة سريعة تنثر الحبوب على حافة الشرفة .. نثرت الكثير والكثير منهم .. ثم عادت بخطى مسرعة إلى الداخل .. وأحضرت كوبًا من الماء وضعتته بالقرب من الحبوب ..

وهكذا وضعت الكاميرا فى حقيبة يدها .. ثم ركضت مسرعة إلى الأسفل .. فهى تكره عدم الالتزام بالمواعيد .. وعلى عكس كل النساء .. كانت لا يشعرها انتظار الرجال لها بأى نوع من أنواع الأهمية أو الإحساس بالفخر .. لذا تحركت وهى تأمل ألا ينتظرها عادل كثيرًا ..

نزلت إلى قاعة الاستقبال فى الفندق .. نظرت حولها يمينًا وشمالًا فلم تجده ... نظرت إلى الساعة .. لسة قدامه خمس دقائق كمان .. هكذا فكرت ميزة ..

كان عادل يعتنى بنفسه لأول مرة منذ سنوات .. هو نفسه لم يكن يدرى ماذا أصابه .. هل أصبح اليوم فجأة متصابياً .. أم طفلاً سعيداً بنزهة سوف تصطحبه أمه إليها بعد طول انتظار.. كان يشعر أنه على وشك الانفجار من فرط السعادة .. لأسباب هو نفسه لم يكن يفهمها كثيراً ولم يكثرث حقاً أن يرهق نفسه للتحقق منها .. ولكن كل ما كان يعرفه .. وكل ما كان قد بدأ في إدراكه للتو .. هو أن مشاعره أثناء علاقته النسائية السابقة الوحيدة .. التي انتهت بخيانة .. لم تكن بمشاعر حبٍ أبداً .. فهو لم يذكر ولو للحظة طوال تلك السنوات .. أنه قد شعر تجاه تلك الفتاة بنفس القدر الذى يشعر به الآن من السعادة تجاه وجود ميزة حوله ..

سار عادل بخطى مسرعة طوال الرواق .. كالطفل يكاد أن يركض .. استقل المصعد نزولاً .. وعندما فتح الباب مصراعيه بدأ يتأنى في خطواته.. محاولاً أن يخفى سعادته .. لعلمه أنها كانت تجلس في مكانٍ ما في الاستقبال وتنظر إليه في تلك اللحظة .. وقف لدقائق ثم نظر يمينا وشمالاً.. حتى فوجئ أنها ليست في قاعة الاستقبال .. التفت يمينا وشمالاً بطريقة ملحوظة حتى رآه موظف الاستقبال .. وأشار له من بعيد إلى مدخل الفندق .. لقد قال الموظف شيئاً ما ولكن عادل لم يسمعه .. خرج من الباب ليجد ميزة تقف في وسط الحديقة .. ممسكة بيدها كاميرا سوداء معقولة الحجم يلتف طوقها حول رقبتها .. تنظر للأعلى وتلتقط بعض الصور ..

لطالما اعتاد عادل على أن يظن أن النساء يقضين ساعات وساعات أمام المرأة .. لدرجة أنه قد تأخر في غرفته ظناً منه أنها لن تترك غرفتها قبله ... إلا أنها فاجأته كالعادة بنفس الملابس التي حضرت بها على متن الطائرة .. في حين أنه فتح حقيبته عن آخرها واختار أفضل ما يملك ..

وتعطر وتهياً للخروج برفقتها .. جاءت هى بنفس الملابس التى عبرت بها البحر من مصر إلى هنا .. شعرها الأسود الناعم فى نفس وضعه وهينته .. وبينما كان هو يتأهب لموعد .. كانت هى تتأهب لأداء عمل .. مجرد عمل .. كانت هى فى عينيه امرأة جميلة وقصة حب آتية .. وكان هو فى عينها مجرد نصاً جديداً علمياً أن تنهى ترجمته لترسله فى الموعد المحدد إلى صاحبه ..

اقترب منها بخطي ثابتة .. ولم تلحظ وجوده إلا عندما قال مبتسماً
ميزة .. بتعملى إيه ..؟

- بصور العصافير .. تعالى بص كده ..

اقترب عادل من الكاميرا .. وشاهد صوراً كثيرة أبطالها فقط من الطيور .. ثم رفع عينيه إلى الأعلى لتقع عينه على إحدى شرفات الفندق .. التى كانت تعج بالطيور .. ثم قال ..

- والله منظر حلو جداً .. كويس إن حظك حلو ولحقتيه ..

ابتسمت والهواء يداعب خصلات شعرها يمينا وشمالاً .. وتركت الكاميرا من يدها فأصبحت حرة تتدلى من على عنقها .. ثم رفعت عينها للأعلى فانعكس ضوء الشمس على عيناها العسليتان ..

- لأ مالحقتوش .. دى بلكونة أوضتى أنا أصلاً .. حظيتلهم الأكل أول ما دخلت ..

انهر عادل فى ذهول .. ثم سألهما ..

- أكل .. أكل إيه؟ هو إنتى جيبتى معاكى من مصر أكل للعصافير؟؟

- أه دى زى ما تقول كده عادة قديمة .. وراثه عندنا فى العيلة .. أنا متعوده بحط أكل للعصافير هناك فى بيتنا فى مصر .. وبحطهم كل مرة باحى فيها هنا .. عشان بحب إسبانيا ..

- مش فاهم إيه علاقة حبك بإسبانيا بالأكل بتاع العصافير بصراحة ..

- هفهمك بس ما تقولش عليه مجنونة اتفقنا؟

- لازم تكونى عارفة إنى عمرى فى حياتى ما هقول عليكى مجنونة ..

فى تلك اللحظة .. منحته ميزة نظرة اطمئنان وسعادة .. كان يراها لأول مرة فى حياته ثم نظرت للأعلى وتابعت التصوير مرة أخرى وهى تتحدث ..

- أنا دلوقتى لما بحط لعصافير ربنا أكل ياكلوه ببقى إتسببت لهم فى رزق .. ولما أتسبب لهم فى رزق هما هيجبوني وهيدعوا من ربنا إنى أحطلمهم كل يوم .. وكل يوم يبجوا المكان إلى أنا فيه يلاقوني .. وساعتها ممكن ربنا عشان كده يسبنى أعيش فى إسبانيا .. أنا بعمل كده كل مرة باحى فيها هنا .. لأنى طول عمرى حاسة إن مصيرى هنا مش فى مصر .. وبعدين العصافير دول فيهم ميزة حلوة قوى .. تتلخص فى جملة الشاعر مش عارفة مين .. امنحهم القليل من الحبوب يمنحوك الكثير من السعادة ..

انتهت هى من حديثها ثم تركت الكاميرا مرة أخرى ونظرت إليه .. تتابع بعينها قسماات وجهه وتنتظر الرد .. ضحك عادل ثم سألها ..

- ودا مين الشاعر إلى قال المقولة دى بقى ..

- ودى عايزة كلام .. أكيد أنا طبعًا ..

ردد عادل عبارتها بافتتان .. وقال لها وبدون أن يدري كانت الطيور
قد خطفت عينيه بالفعل ونظر للأعلى هو أيضاً ..

- إنتي خيالك واسع قوى يا ميمة .. عمرك ما فكرتي تكتبي قبل كده؟

ردت وفي صوتها نبرة ساخرة ..

- ممم عايزنى أكتب ومش خايف إنى أنافسك ..

- لأ مش خايف .. وصدقينى يوم ما هلاقى نفسى خايف من منافسة
بنت ذكية زيك .. ساعتها بس هتاكد إنى فعلاً مش راجل بجد ..

فى هذه اللحظة .. تركت ميمة رؤية الطيور .. ونزلت بعينها من أعلى إلى
أسفل .. نظرت إليه .. كانت ميمة فى هذه اللحظة قد تركت النظر إلى عالم
الأحلام .. وهبطت بعينها إلى عالم الواقع .. نظرت اليه وكأنها لأول مرة
تراه.. بل وكأنها لأول مرة ترى رجلاً فى عمرها ..

ميمة التى من فرط حبه فى الخيال استبدلت عشق الرجال بعشق
الطيور .. استبدلت عشق الواقع بعشق الخيال .. قالت له خلصت تصوير
يللا بينا .. وبالسخرية .. عندما قررت الذهاب كان هو قد عشق تلك
البقعة لتوه .. كان قد أراد هو أيضاً الجلوس ومراقبة الطيور ..

فقد بدأ عادل لتوه يرى العالم بعينها .. كان ينظر إلى شرفتها التى
يجتمع عندها الكثير والكثير من الطيور .. وبدت له كشرفة تجتمع عندها
العصور .. كائنات صغيرة قد وقعت لتوها فى عشق صاحبة الطبيعة .. كان
يتأمل بعينيه حركة الطيور .. وبخياله ذلك الرابط العاطفى الذى قد
يجمع بين إنسانة ومجموعة من الكائنات الصغيرة اللطيفة..

قاطعته مرة أخرى .. عادل .. عادل .. يلا نمشي عشان نلحق ناخذ
جولتنا زي ما اتفقنا .. أنا خلاص صورتهم ..

كانا في سيارة الاجرة .. عندما عرضت ميزة على عادل أن يشاهد
أفضل لقطاتها المحفوظة على ذاكرة الكاميرا بالفعل .. أمسك الكاميرا
بيده.. أخذ يشاهد صورة تلو الأخرى .. إحداهم كانت للطيور .. والأخرى
للنباتات من زوايا مختلفة .. كان يشاهد الصور وتروى له هي عن
قصصهم .. ظل يتابع صورة تلو الأخرى حتى تعثر في طريقه بالمصادفة على
عدة صور لأخيها .. وفي تلك الرحلة .. أعنى رحلته داخل كاميرتها .. وليست
رحلته القصيرة معها بالسيارة .. اكتشف عادل أنه قد رأى لتوه العالم
عبر عينها .. قل لي ماذا تُحب أن تصور .. أقل لك من أنت !! هكذا فكر
عادل ..

أنتِ يا ميزة ملكة اللامبالاة .. كنت في البداية أظن أنكِ تتقنين بها ..
ولكن الآن اتضح لي أنها محور حياتك .. أنتِ تُباليين لأجل الجميع ماعدا
نفسك .. انظري إلى ألبومك المفضل .. لم أعثر خلال رحلتى في الكاميرا على
صورة واحدة لكِ .. أنتِ صاحبة الكاميرا..

لا ترى عينكِ سوى من تُحبين .. لذا لا تلتقط عدستك سوى
صورهم .. ولأنكِ من إحدى الكائنات القادرة على منح الآخرين الحب ..
امتدت دائرة حُبك حتى أصبح بمقدورك منح الحب لكائناتٍ أخرى غير
البشر .. أصبحت عينكِ تُدرك إنسانية الأشياء .. أرواح الطيور .. وسعادة
النباتات ..

جالت بخاطره أفكار كثيرة داخل سيارة الأجرة .. حتى سَمع صوت ميزة
وكأنها تطلب من السائق التوقف ..

بالفعل توقفت السيارة .. وقالت له في بهجة هيا بنا ..

اندفع عادل يركض خلفها .. كالطفل يركض خلف أمه .. ويستمد منها الأمان .. الذى قد ظن هو للحظات أن سبب هذه المشاعر تجاهها هو فقط أنها مرشدته الوحيدة في بلدٍ لا يعرف لغتها سواها .. إنما في الحقيقة .. كان يستمد شعوره بالأمان منها فعلاً .. ليس لأنها مرشدته الوحيدة في هذه البلد فقط .. وإنما لأنها هي مرشدته في الحياة كذلك ..

شعر عادل بأمان في تلك اللحظات .. كان قد نسى إطلاقاً متى كانت آخر مرة زارته فيها مشاعر مماثلة .. لدرجة أنه قد قرر الاستسلام .. ولم يعبأ حتى أن يسألها عن وجهتهم ..

كان المشهد الغالب على المكان .. هو اللون الأخضر .. لما امتلأت إسبانيا بحدائق وأشجار يسكنها عددًا لا يحصى من الطيور .. في ميدان كبير وعريض تتوسطه ساعة كبيرة مُهيبة .. أخبرته ميزة فيما بعد أن هذا الميدان من أشهر الميادين الإسبانية .. يُسمى بميدان باب الشمس .. وهكذا راقب حركة شفتها وهي تتألق بنطق الكلمات الإسبانية " لابويرتا ديل سول " قالتها ثم ابتسمت في سحر ..

سألها بينما كانت كاميرتها لازالت في يديه ..

- ميزة .. إنتى ليه مالكيش هنا ولا صورة .. مش حاجة غريبة دى .. دا إنتى صاحبة الكاميرا!!

- آه بص بصراحة من غير تأليف يعنى أنا بيكون شكلى وحش قوى فى الصور ..

ضحك بسخرية .. ثم قال ..

- شكلك إيه ..!!! شكلك بيبقى وحش فى الصور .. أمال العبد لله ببقى
إيه .. عفريت ..

- آه والله شكلى بيبقى وحش فى الصور .. وبعدين إنت لو عرفت هدفى
من التصوير يمكن تفهم أنا ليه مش بحب أتصور ..

- وإيه هدفك ؟..

- دايماً عندى إحساس إنى هبعده .. معرفش هبعده إزاي بقى هروح
حتى بعيدة .. بلد تانية .. أسافر.. أتجوز .. أشتغل الله أعلم .. المهم إنى
هبعده .. عشان كده دايماً بصور أى لحظة عايزة الزمن يقف عندها ..
عشان أفدر دايماً أرجعلها فى أى وقت وأقف وافتكرها .. واضحك بسببها ..
يعنى أنا بصور ذكرياتى إلى مش عايزة أنساها أبداً وهو ده هدفى، وعشان
كده مش شايفة إنها هتمثل أى نوع من أنواع الذكريات إنى أحتفظ بصور
ليا لوحدى .. أنا الحالة الوحيدة إلى بتخلينى أوافق أتصور هى إن يكون
فى حد بحبه موجود وأنا عايزة أتصور معاه عشان أحتفظ بالذكري .. أو
صور ال 6×4 العجيبة إلى بطلع فيها سوابق دى .. بس كده ..

- لعلمك وجهة نظر تحترم برضو .. بس دا ما يمنعش إنى مش مقتنع
بجزء مهم منها ..

ثم رفع الكاميرا فى وجهها .. فضحكت هى ورفعت يديها لتخفى وجهها
وقالت له..

- لأ .. لأ بجد ما تصورنيش .. مش عايزة بجد أتصور .. هات الكاميرا ..

- لأ هصورك .. وبعد ما هصورك هصور نفسى عالكاميرا بتاعتك
كمان وإياكى تمسحها .. عشان كل ما تشوفى صورتى تعرفى يعنى إيه
شخص صورته طالعة سوابق يا أستاذة ميزة ..

أمسك عادل الكاميرا بيده .. وركض خلفها وركضت هى .. بينما كان
إصبغه يضغط على صورة تلو الأخرى .. التقط لها مجموعة من الصور
مفعمة بالحياة ..

ثم وقف وهو يلتقط أنفاسه .. وعكس الكاميرا .. والتقط صورة
لنفسه .. وهكذا .. تأكد عادل أنها سوف تراه الآن .. لاعتقاده أن عدسة
كاميرتها هى عينها .. وذاكرة كاميرتها هى ذكرياتها .. وهكذا وبدون أن يعبأ
بشكله .. ولا يكتثر كيف بدا فى الصورة .. ترك لها صورة له على كاميرتها ..
وهو سعيد لمجرد قناعته أنها سوف تراه فى كل مرة تتصفح فيها ألبوم
صورها ذهابًا وعودة على كاميرتها ..

كانت ميزة امرأة رياضية .. اعتادت بالفعل أن تمارس رياضة المشى
السريع منذ سنوات .. بينما كان عادل شابًا يتمتع بلياقة معقولة .. لذا لم
يكن يعبأ بالذهاب إلى صالة الألعاب الرياضية إلا كلما شعر بأنه قد
اكتسب عدة كيلوجرامات ..

لقد تجولا معًا فى شوارع مدريد لعدة ساعات .. عبرا خلالهما على
لاجرامبييا وبلاسكيس وغيرهما من هذه الشوارع الكبرى التى قد اشتهرت
بها المدن العظيمة مثل مدريد .. ولفرط ما استمتع عادل بالجولة، نسى
آلام قدميه .. بل ونسى كذلك آلام معدته التى كانت تنذره بالجوع .. وعلى
الرغم من شعوره بالاستنكار لما أخبرته ميزة أنها تشعر بأن مصيرها سوف
يكون فى هذا البلد .. إلا أنه قد بدأ لتوه يرى إسبانيا عبر عينها .. بلدًا

يقف على خط المنتصف .. بين الحضارة والتاريخ .. وبينما تسير في شوارعه.. تزورك مشاعر مختلفة ... تارة تشعر أنك في العصور الوسطى..حتى يكاد يبدو لك أنك كمن يقف بين الناس آنذاك .. ويسترق السمع إلى أحاديثهم الغير مفهومة ... بينما تتلقف عينك على بعد عدة خطوات فقط من نفس موضعك مشهداً لبناية يعود تاريخها إلى ذاك العصر .. وتارة أخرى تصادف عينك أبراجاً عالية توحى لمن يراها بقدر التقدم التكنولوجي المنتشر في أرجاء المدينة ..

هذه هي حقاً مدريد وشوارعها .. عبارة عن كتلة خضراء كبيرة تعج بشوارع تعود إلى القرون الوسطى في بنائها ... وشوارع أخرى حديثة البناء في عمر الزمن ..

قاربت الساعة السادسة مساءً .. قالت له ميزة ..

- عادل ... إنت اكيد جعان .. صح؟

- آه جداً ..

- طب أنا بقى هأكلك أكلة تحفة .. أنا متأكدة إنها هتعجبك جداً ..

كان المطعم على الطراز القديم .. يحتوى على طاولات داخلية وأخرى خارجية .. سألته أين يحب أن يجلس .. قال لها في لامبالاة شخص يتضور جوعاً ..

- أى حاجة .. إلى يعجبك .. المهم ناكل ..

- تمام يبقى نقعد برا .. وما لبثوا أن جلسوا حتى حضر النادل .. وطلبت هي الطعام .. ثم استطردت بالحديث .. بص الأكلة إلى هناكلها

دلوقتي دى من أشهر الأطباق الإسبانية .. فعلاً كل الناس بتيجي من برا
عشان ياكلوها هنا ..

- يااه .وعبارة عن إيه الأكلة دى بقى ..؟

- عبارة عن رز أصفر كده .. بص هو شبه الرز البسمتى بتاعنا بس هو
برضو مش رز بسمتى قوى يعنى .. المهم وبيتحط عليها بسلة ومأكولات
بحرية كتير قوى بقى جمبرى على قواقع وحجات تانية كتير ..

وفجأة اختفت ملامح التعب من على وجهه .. وتهلل مبتسماً ثم قال ..

- بتتكلّمى بجد والله العظيم .. إحنا هناكل الكلام دا دلوقتي ..؟

ضحكت ثم قالت .. كنت متأكدة إنها هتعجبك .. المهم فى معلومة
مهمة إنت لازم تعرفها عن الطبق إالى هينزلنا دلوقتي ..

- إيه؟ قولى ..

- الأكلة دى اسمها بالأسبانى الباييا .. كلمة الباييا دى مأخوذة من
الكلمة العربية (الباقية) دا عشان تاريخ الطبق دا بيعود للعصور
الأندلسية لما كان العرب المسلمين بيحكموا إسبانيا .. والعرب بطبيعتهم
بيحبوا الرز والمأكولات البحرية .. فكانوا بيعملوا موائد ضخمة ومليانة
أكل .. والخدم بتوع العرب كانوا من الأسبان فى الوقت دا .. كان الخدم
بيستنوا لحد مالعرب يخلصوا أكلهم وبعدين ياخدوا كل الأكل الباقي من
كل الأطباق ويحطوها على بعض فى طبق واحد.. شوية من هنا على شوية
من هنا بقى وكده طلعلنا طبق كبير اسمه الباقية .. يعنى الأسبان بيقولوها
الباييا لأنهم ما بيعرفوش ينطقوا حرف القاف .. فهمت ..

- ياااااه بتتكلمی جد .. یا نهار أبيض .. إنتی عایزة تفهمینی إن كل الهلومة إلی إحنا فیها دی .. البلد الطویلة العریضة الخطیرة الی تجن دی .. والناس النضیفة إلی حوالینا دی كانوا زمان خدم عندنا إحنا العرب!!! .. وكمان أشهر أكلة عندهم دلوقتی تاریخها بواقی الأكل بتاعنا!!

- آه والله .. تخیل ..

صار عادل یقلب كفیة علی بعضهما .. حتی حضر الطعام .. وبدأ کلهما فی تناول غدائه ..

كانت الساعة قد أصبحت السادسة والنصف مساءً .. عندما انتهوا من تناول الطعام .. عرضت علیه ميزة العودة إلی الفندق لتغییر ملبسه إذا أراد .. قبل التوجه إلی المكتبة، التي من المفترض أن يتم بها حفل التوقيع .. صمت لوهلة عندما سألته .. ثم قال .. لأ .. مالهش لازمة هنضیع وقت..

- نضیع وقت لیه مین قالك .. هنا مش زی مصر الشوارع مش زحمة .. میعاد الحفلة الساعة سبعة ونص .. لسة قدامنا ساعة ..

رفض عادل معللاً رفضه برغبته فی تناول القهوة .. إلا أنه فی الحقيقة كان قد رفض رغبة منه فی قضاء أطول فترة ممكنة برفقتها .. تناولوا القهوة ثم أشارت ميزة إلی تاكسى .. وطلبت منه أن یصطحبهما إلی شارع لابالما .. حیث توجد المكتبة، التي كان من المفترض له أن یعقد حفل توقيعیه بها.. كان الشارع بأكمله هادئاً فیما عدا المكتبة .. التي كانت مستنيرة ویوضع بالقرب من مدخلها صورة لعادل كُتبت أعلاها كلمات باللغة الإسبانية لم

يفهمها هو .. وهنا تسنى لعادل للمرة الثانية على التوالي .. أن يجد فرصة ليضع صورة له على كاميرا ميزة .. فقد طلب منها لتوه أن تلتقط له صورة بالقرب من صورته الموضوعية على مدخل المكتبة ..

استقبلتهم مديرة المكتبة بحفاوة .. وقضيا معاً أمسية جميلة .. برفقة العديد من المغاربة والعرب القاطنين بمديرية .. في البداية بدأت ميزة بالترجمة عند الضرورة ... ولكن عندما بدأ عادل الحديث .. كان بالفعل معظم الجلوس من العرب .. لذا قررت أن تجلس في المقعد الوحيد الذى وجدته شاغراً في آخر صف بتلك القاعة الصغيرة ..

كان محور الأمسية يدور حول روايته الأخيرة بعنوان " كل شيء وعكسه "، تلك الرواية التى كانت ميزة قد قرأتها مسبقاً بالفعل .. إلا أن هذا لم يمنعها أن تتسلل خلسة بدون أن يلحظها عادل .. وتشتري لنفسها نسخة أخرى من الرواية .. خبأت الرواية فى حقيبة يدها .. ثم التفتت يميناً ويساراً .. ونظرت إلى عادل فتأكدت أنه لم يلحظها.. ثم عادت إلى مقعدها مرة أخرى .. وهكذا انتهت أول أمسية ثقافية بنجاح بعد أن قام عادل بتوقيع عددًا لا بأس به من كتب الحضور.

وفى تلك الليلة .. أسندت ظهرها إلى وسادة عريضة على سريرها بالفندق .. كانت أبواب الشرفة مفتوحة بالفعل .. والهدهد يعم المكان .. فلا تكاد تسمع صوتاً من الحديدية سوى صوت نداء بعض الحشرات العابثة .. وصوت الرياح الخفيفة .. التى كانت تعبت بأحد أبواب شرفتها .. تارة تقذفه إلى الأمام .. وتارة أخرى إلى الخلف .. وصوت أزيز الباب بدأ يزداد شيئاً فشيئاً ليعلو ضجيجه على صوت الحشرات والرياح ..

نظرت ميزة إلى باب الشرفة بملل .. ثم نفخت وقامت وهى تتحدث إلى نفسها بصوتٍ لا هو عالٍ ولا هو مسموع .. ياربى .. ياربى معقول مش عارفة أرتاح شوية .. ثم أغلقت الباب بقوة لتتأكد من أنه لن يزعجها أكثر من ذلك .. وعبر خطوتين قفزت مرة أخرى بسرعة إلى أحضان سريرها الدافئ.. وعلى الرغم من شعورها بالتعب والإرهاق ومعرفتها بأنها سوف تستيقظ في الصباح الباكر.. الا أن فضولها أبقاها يقظة في تلك الليلة ..

كانت ميزة شخصية سريعة الملل .. من المستحيل بالنسبة إليها أن تقرأ الكتاب ذاته مرتين .. الا أن اليوم كان الأمر مختلفًا .. فقد قررت ألا تقرأ الكتاب بأكمله .. وأن تقرأ مقاطع منه .. وقد قررت أيضًا ألا تختار بنفسها ما سوف تقرأ .. بل ستدع القدر اليوم يقرر لها ما تقرأه في عادل نفسه .. وليس ما تقرأه في كتابه .. عادل الذى قد بدأ لتوه يثير عندها علامات استفهام .. ولطالما كانت علامات الاستفهام لدى امرأة فضولية مثلها كفيلة بجرها إلى قصة لم تكن في الحسبان ..

مالت برأسها نحو المصباح الصغير الموضوع بالقرب منها .. ممسكة بيدها كتاب عادل .. فتحتة وقررت أن تبدأ بقراءة عادل نفسه، لا الكتاب.. لعلمها أن كل كاتب مهما بلغت مهارته الأدبية .. ومهما بلغ وسع خياله .. دائمًا ما يترك شيئًا منه في كتبه .. ولما كانت الأوراق أصدق من البشر.. وأوسع صدرًا منهم .. لما صادقها الكُتّاب واستمتعوا برفقتها عن رفقة البشر.. لذا تُحتم الطبيعة البشرية على كل كاتب أن يُفصح عن خبايا أسراره .. وعن أعماق الأجزاء المظلمة بداخله على صفحات كتبه .. وهكذا تبقى هذه الأسرار وهذه الأجزاء معلقة على صفحات الكتب .. بانتظار ذلك القارئ الذكى الذى بوسعه أن يكتشفها ..

أمسكت الكتاب .. أغمضت عينها .. مدت إصبعها بداخل الكتاب ..
اختارت صفحة عشوائية وبدأت تقرأها من جديد لا بعين قارئة عادية ..
وإنما بعين إنسانة تبحث في دواخل إنسان هذه المرة .. ووضعت بمتناول
يدها ورقة وقلم .. لتكتب كل جملة تشعر أنها تتحدث عن عادل نفسه ..
لا عن أحد أبطاله .. وهكذا بدأت في لعب لعبتها مع رسائل القدر حول
عادل ..

ظلت تقرأ وتقرأ .. ثم أمسكت القلم وكتبت ..

{ كل ما حَلَمْتُ به يوماً هو بيت .. بيتٌ تفوح من إحدى حجراته رائحة
الطعام المتزلى المُعد بعناية، ومن الحجرة الأخرى تفوح رائحة الملابس
الرطبة المغسولة حديثاً .. ويعلوه صوت ضجيج إخوتي الكثيرون المختلط
بصوت التلفاز .. وصراخ أمي وهي تتحدث إلى أخي تأمره بترتيب خزانة
ملابسه .. هذه كانت كل أحلامي في يومٍ من الأيام .. إلا أنني لم أعثر يوماً
عليها .. وكيف يكون لي بيتٌ بلا أم !!.. وهل يُسمى البيت بيتاً بدون أم؟ }

استكملت القراءة .. حتى عثرت على عبارة أخرى رنانة .. وقررت
كتابتها..

{ أحياناً قد يتحتم على المرء أن يفقد الكثير قبل أن يبدأ في أن يدرك
معنى وجوده، وهذه في حد ذاتها حقيقة .. ولكن ماذا عن الحقيقة الأخرى..
الحقيقة المخفية .. التي قد تقلب الصورة تمامًا .. فتجعل من الأحياء
أمواتاً .. ومن الأمواتِ أحياء .. وهكذا دائماً وعلى ما أظن يموت المرء،
عندما يتخلى أحبائه عن وجوده .. ويصبح بقائه بلا معنى .. وغيابه كذلك
بلا أثر ..

كيف تخيلتُ يومًا فكرة رحيلى .. هل سوف تكون مثل رحيلها ..؟؟
وهل يجب أن يعنى الرحيل بالضرورة الموت ..؟؟ أنا أموت فقط عندما لا
يعنى غيابى شيئاً لأى إنسان آخر.. {

كتبتها ثم استشفتُ أمراً كانت أكيدة منه .. ألا وهو أن عادل يشعر
بالخيبة لعدم تعلق حياة الآخرين على وجوده .. وأنه يشعر بالخواء، يشعر
أنه وإن مات اليوم لن يستمر أحدهم بالحزن على فراقه لمدة تكثر عن
أسبوع .. وسوف ينساه الجميع ..

استكملت التصفح والقراءة .. حتى وصلت إلى المقطع التالى ..

{ردًا على سؤالك يا عزيزتى .. كيف يتسنى لك يومًا رؤية الشياطين..؟
أقول لك أن الشياطين لا يمكن أن ترى الشياطين .. نعم !!! لم تتعجبين؟
الشياطين ليس باستطاعتها أن ترى أقرانها من الشياطين .. ولم تُبدى
نفسها لمن هو فاسد مثلها وبشاركها رسالاتها في دمار وهلاك البشرية!!!

إنما تظهر الشياطين فقط للملائكة .. وقبل أن تسألينى .. نعم هناك
ملائكة تعيش معنا هنا على الأرض .. وأنتِ بالطبع لستِ واحدة منهم..
فكما هناك شياطين على هيئة بشر .. هناك أيضًا ملائكة على هيئة بشر ..
وهؤلاء يجتمع حولهم الشياطين والملائكة معًا .. الملائكة تنجذب بطريقة
تلقائية إلى الملائكة .. والشياطين كذلك قد تمضى حفنة من السنوات
البشرية بأكملها بالقرب من ملاكٍ واحدٍ بغرض إفساده .. ثم تفشل ..

وهكذا أعود لأحكى لك عن نفسك وعن نفسى .. وعن معاناتى معك ..
يوم ظننت إنك كنتِ ملاكًا.. والآن بعد أن عرفتكَ كما أنتِ .. بصفتك
الحقيقية .. سقط القناع عن وجهى أنا أيضًا أمام نفسى .. بتُّ ضائعًا لا

أعرف من أنا .. هل أنا ملاك أم شيطان ..؟؟ ما هو تصنيفي يا عزيزتي ..؟؟
أو كيف هو تصنيفي؟؟ هل أنا منكم أم أنا منهم ..؟؟ وماذا لو كنتُ لا أنا
منكم ولا أنا منهم ..؟؟ إذًا من أين أنا ..؟؟ حدثيني عن نفسي يا عزيزتي، أو
يا من كنتِ عزيزتي .. لأنني لم أعد أعرفها أكثر من ذلك .. }

انتهت من نسخ هذا المقطع الأخير .. ثم طوت الورقة ووضعتها داخل
الكتاب، الذي ألقته دون أن تدري بالقرب من وسادتها ثم غابت عن
العالم وغطت في نومٍ عميق ..

كانت الساعة التاسعة والنصف صباحًا .. دق الهاتف بالقرب من
سريرها .. ردت بصوتٍ نائم

- ألو ..

- ميزة إنتي لسة نايمه .. إنتي عارفة الساعة كام دلوقتي تسعة ونص ..
إنتي مش قلتيلي إمبراح إننا هنركب القطر الساعة عشرة ونص؟؟

قفزت فجأة من موضعها .. - إيه .. يا نهار ابيض .. إنت لميت حاجتك
طيب..؟

- أه أنا صحيت من بدرى ولميت حاجتي وفطرت كمان ..

- طب إقفل بسرعة يلا هجيلك بسرعة .. وفي ظرف خمسة عشر
دقيقة .. كانت ميزة قد جمعت كل أغراضها .. ارتدت ملابسها .. وضعت
الحبوب على حافة الشرفة مجددًا .. ثم فتحت باب الغرفة وأخذت تركض
للأسفل .. حيث وجدت عادل ينتظرها في قاعة الاستقبال .. ذهبًا معًا

ليقوموا بعمل تسجيل خروج من الفندق .. وقبل أن يهما بالرحيل ...
استأذنته ميزة أن تدخل إلى دورة المياه .. وفي هذه الأثناء حضر أحد الخدم
مسرّعاً لا يكاد يلتقط أنفاسه .. أعطى عادل كتاب ميزة وبداخله الورقة ..
وقال له شيئاً باللغة الاسبانية لم يفهمه عادل .. فمد يده في جيب جاكيتته
ومنح هذا الخادم يورو نظير خدمته ..

ذهب الخادم وبدون أن يدري عادل مد يده بداخل الكتاب وفتح
الورقة وقرأها .. ثم وضعها بسرعة داخل الكتاب لما شعر أن ميزة على
وشك العودة .. وبالفعل عادت في لحظات .. فسلمها الكتاب وقال ..

- ميزة .. في واحد من خدمة الغرف جيه دلوقتي وادانى الكتاب دا
وقالى حاجة ما فهتمهاش ..

وأعطائها الرواية .. احمر وجهها خجلاً .. ثم قالت له .. أه دا بتاعى ...
قصدى يعنى مش بتاعى دا واحدة إدتھولى إمبارح فى المكتبة نسيته معايا ..

قالتها ثم أشاحت بوجهها بعيداً عنه .. لتخفى عينيها .. وهى توبخ
نفسها على ذلك المبرر التافه، الذى قالته لتوها .. بنت إدتھولى إيه الغباء
دا وهى بنت هتديهولى ليه .. دا كنتى قولتيله الحقيقة أرحم .. بطلى غباء ..
يارب ما يكونش أخذ باله إنك بتكذبى ..

تم الأمر ووصلا إلى محطة القطارات الداخلية فى مدريد فى الموعد ..
وهكذا لحقا بقطارهم المتجه إلى مدينة ميليا فى سلام .. كانت سعاداته هذا
اليوم أكبر من أن تمنحه فرصة الاندهاش بجمال المكان ..

وما أن ركبا القطار معاً .. حتى شعر أن حرجه تجاهها قد زال .. وأنه
قد أصبح بمقدوره مكالمتها كما يريد ..

- بقولك إيه يا ميزة .. ممكن أسألك سؤال ..؟

- إتفضل .. قالتها وكانت آثار التحفظ لازالت باقية في صوتها منذ أن أعطاها عادل الكتاب .. بينما كان هو لازال محتفظاً بضحكته، التي يعترتها الفضول الواضح..

- مم .. لو ما فيهاش رخامة يعنى .. هو إنتِ عندك كام سنة كده؟؟

- مم لو مفهاش رخامة إزاي .. دا السؤال دا هو الرخامة نفسها .. بس أنا هرد عليك عشان الموضوع دا ما يفرقش معايا زى بقية البنات .. عشان تبقى فاهم بس مش أكثر .. أنا عندى 28 سنة .. يارب تنام مرتاح النهاردة ..

- أه هنام مرتاح وليه ما أنامش مرتاح .. يعنى هتعب بالنهار وكمان بالليل عايزانى أحط راسى عالمخدة ما أنامش .. عامة أنا أسف لو كنت أزعجتك ..

- لأ عادى ما أزعجتنيش .. قلتلك أنا ما بيفرقش معايا الكلام دا ..

- بس إنتى على فكرة شكلك أصغر من سنك دا بكتير .. أنا مستحيل لو شوفتك أديكى أكثر من 22 أو 23 .. قالها فنظرت إليه ميزة نظرة تحمل معنى كف عن خداعك ومجاملاتك .. فاستطرد هو ..

والله العظيم بتكلم جد مش بجاملك .. أنا سألتك عن عمرك عشان كده شكلك أصغر من دا بكتير..

- ميرسى .. شكراً ... قالتها ثم تابعت النظر عبر النافذة ..

حقًا يشيخ الناس مبكرًا بفعل الهموم .. بفعل الأحزان .. أو بفعل القرارات الخاطئة .. لذلك أفهم الآن لماذا يبدو على وجهك أنه يصغر عمرك الحقيقي بسنوات .. أنت لم تتذوقى بعد آثار الاختيارات الخاطئة يا مينة .. لم تجربى حتى الآن عواقب السير في اتجاهٍ مغايرٍ لطبيعتك .. هكذا فكر عادل في تلك اللحظة ..

- طب مينة بقولك إيه .. لو ما فيهاش رخامة يعنى .. ممكن أسألك سؤال تانى..

- قول .. قالتها وقد إضيقَّت عينهاها بالفعل ..

- هو إنتى إزاي واحدة زيك لحد دلوقتى كده ما إتجوزتش ..؟؟

- لو ما فيهاش رخامة !!.. بص يا عادل هقولك على حاجة .. أنا هرد على السؤال بتاعك على الرغم إنى المفروض ما أردش وانى شايفاه سؤال شخصى جدًا.. وعلى الرغم برضو إنى شايفة إن ردى أكيد هيضايقك كراجل جدًا .. بس لو ما فيهاش رخامة عليك اسمحلى أرد ..

- لأ عادى أنا مش هزعل خدى راحتك ..

- أنا لسه ما إتجوزتش لعدة أسباب منطقية جدًا .. أولها أنا لسة ما لقيتش الراجل إلى هيخلينى أحس إن وجوده فى حياتى أهم من حريتى .. ثانيًا أنا لسة ما لقيتش الراجل إالى يقدر يحسنى إنى لما أبعد عنه هيوحشنى الكلام معاه .. ثالثًا وهى الأهم أنا لسة ما لقيتش الراجل إالى عمره ما بيعس إنه مهدد بسبب ذكاء مراته .. وكمان أنا من وجهة نظرى العمر المناسب للجواز هو العمر إالى البنات بتختاره لنفسها وبتحس فيه إنها مستعدة لخطوة كبيرة زى دى وقد مسؤولياتها .. مش العمر إالى

الناس والمتجمع بيحدده لها .. فهمتى .. دا ردى باختصار شديد .. طبعًا
بالإضافة إن الجواز قسمة ونصيب ..

أنهت كلامها ثم أشاحت نظرها بكبرياء صوب النافذة .. وهى تظن أن
هذه هى اللحظة التى سوف يبدأ فيها عادل بسرد ردود الرجال العادية
جدًا والمتوقعة كذلك .. والتى لطالما اعتادت أن تسمعها من الكثير والكثير
من الرجال من قبله .. عبارات مثل .. مش كل الرجالة زى بعضها .. إنتى
بس إالى بيتيألك عشان متشائمة .. ياريت تبقى مرنة شوية عشان الناس
تعرف تتعامل معاكى .. والست مالهاش الا بيت جوزها .. والست حريتها مع
جوزها..

إلا إنه قد خيب ظنًا بصمته .. نعم بصمته .. فقد أثر الصمت لما
سَمِعَهُ منها .. أثر الصمت ليقينه أن الرد على امرأة مثلها فى هذا الصدد
خصيصى يتطلب العمل ولا يتطلب الكلمات .. وليقينه أنه مهما قال لها
الآن ومهما وصف لها فهى لن تصدق إلا أعماله .. وليست كلماته .. وقد
كان ظنه صدقًا فى محله .. فقد أثار صمته فى تلك اللحظة لديها فضولًا
عظيمًا تجاهه .. ومشاعر دفعتها للانجذاب نحوه بقوة ..

وهكذا أحيانًا .. يظن المرء أن الكلام فقط هو من يحمل معاني كثيرة..
إلا أن فى هذا اليوم .. جلس كلاهما متقابلين فى القطار .. ينظر كل منهما
عبر النافذة بعينيه .. ولكن بقلبه كان كلاً منهم يوجه أنظاره صوب الآخر ..
ساد الصمت المكان .. وهكذا ولو كان للفكر صوتًا .. لكان قد أحدث جلبة
قد يصل صداها إلى أحر بلاد العالم ..

وهكذا أيضًا .. لم يكن عادل فى تلك اللحظة يعبأ بمحاولة فهمه لتلك
المقاطع المحددة التى قد اختارتها ميزة لنقلها من روايته .. لأنه قد بدأ

يقتنع أنها بالفعل تفهمه .. تفهم ما لا يقوله ولا يريد أن يقوله .. لقد قرأتك ميزة .. لقد قرأتك بالفعل يا عادل ..

ها هو .. لقد وضع قطارهم القادم من مدريد لتوه أقدامه في مدينة ميليا في تمام الساعة الواحدة .. بينما كانت شمس مارس لازالت ساطعة .. وهوائه لازال ينقل عبير الأشجار في المكان .. ورائحة الزروع الرطبة تتخبط ما بين أنف عادل وعيناه وجبينه .. اتجها إلى الفندق، الذي سوف يمضيان فيه هذه الليلة ..

كان الفندق هذه المرة .. فندقًا عاديًا جدًا .. يشبه جميع الفنادق، التي سوف تتعثر بها عينك في كل مدينة ترسى أقدامك بها .. تناولا الغداء .. رتبا أنفسهما .. ثم غادرا الفندق قبيل غروب الشمس في الطريق إلى المكتبة، التي سوف ينعقد فيها الحفل ..

أخبرته ميزة أنها سوف تتركه وحيدًا لبضع ساعات في محطتهم التالية الأخيرة .. سبته .. حيث سوف يتوجب عليها الذهاب للقاء صديقتها العزيزة سارة ..

- أنا أسفة بجد .. أنا عارفة إنى المفروض جاية هنا مرشدة ومترجمة والمفروض أبقى معاك كل الوقت .. بس بجد أنا أسفة .. بص لو عايز تيجي معايا تتعرف عليها وتقابلها تمام أنا ما عنديش مانع ..

- إنتِ بهزرى .. ما تعتدريش من ححك تروحي تشوفها .. وانا مش هروح معاكِ طبعًا .. ودا إختياري وانا مش طفل عشان تتحملى مسؤولية

وجودك معايا هنا .. اتفضلى روحى قابلى صاحبتك وانبسطى .. إنتى لحد دلوقتى عملتى اللى عليكى وزيادة ..

أمضيا أمسيتهما الثقافية الثانية بنجاح على الأراضى المغربية التى ترفع العلم الإيبانى .. وفى طريق العودة .. أخبرته ميزة أن هناك مكانًا أخير يجب أن يزوراه قبل مغادرة هذه المدينة ..

وبالطبع استسلم عادل لرغبتها بدون حتى أن يعبأ بسؤالها إلى أين .. هكذا ترك لها الحق فى مفاجأته .. لما رآه من سعادة ظاهرة حتى فى خطى قدميها .. التى كادت بفعلها أن تطير من على الأرض..

يقال .. أن هناك أماكن تحفر ذكراها حفراً فى ذاكرة الإنسان لمجرد عبوره بها مرة واحدة .. فهناك أماكن تذكرها لجمالها .. وهناك أماكن تذكرها لجمال من جمعتك بهم جذراتها .. وهناك أيضاً أماكن تذكرها لرائحتها الذكية .. نعم لرائحتها الذكية والفريدة جداً كذلك.. وماذا لو اجتمعت كل هذه العناصر جميعها فى مكانٍ واحد !!!

كان الشارع ضيقاً بما يكفى ليسقط عنه وصف شارعاً .. ويُسمى بدلاً من ذلك بحارة. رُصفت أرضيته بالكامل بالحجارة التى تعود فى الطراز والتاريخ إلى القرون الوسطى .. ولكنها ليست كتلك الحوارى الزلقة المعبأة بالروائح الكريهة التى قد اعتاد عليها عادل طوال حياته ..

ما إن اقتربا من أولها .. حتى توقفت ميزة بسعادة .. أغمضت عينيها وتنشقت نفساً عميقاً والابتسامة العريضة تعلق وجهها ..

- شامم ..؟؟

- بص يا عادل .. الحلويات إلی إحنا هنطلبها دلوقتی دی إسمها تشوروس .. دی من أشهر الأكلات الحلوة هنا .. ودا كمان من أحسن المحلات إلی بتعملها ..

- بصی هی باينة من ریحتها إلی جايبة آخر الشارع بس هی إیه برضو أحب أعرف عبارة عن إیه؟

- حاجة بسيطة خالص .. عبارة عن كوابية مليانة شوكولاتة سائلة .. ومعها كده صوايح زی إكلیر بس سادة .. بتغطسهم فی الشوكولاته .. وامممم بتاكلها ..

- بصی هو أنا مش من عشاق الشوكولاتة .. بس إنتی شكلك بتحبها صح؟

- أووووووه جدًا .. وغالبًا الحالة الرهيبة إلی أنا بمر بيها دی دلوقتی بسبب الشوكولاتة إلی جاية فی السكة ...

نظر إلیها عادل بسعادة .. وأثر الصمت والمشاهدة .. بينما وصلًا معًا وأخيرًا إلی مقعدين بداخل ذلك المتجر الصغير جدًا .. المملوء بطاويات ومقاعد قديمة نوعًا ما .. وديكورات ولوحات على الطراز القديم تملأ المكان ..

لقد تعلم عادل على يد ميزة حرفة جديدة .. ألا وهي حرفة الحياة .. أو بمعنى أدق حرفة عيش الحياة .. التي كان يراها الآن في عيني ميزة .. ميزة هي تلك الفتاة التي علمته أن هناك أكثر من مائة طريقة لتذوق جمال الحياة .. بل علمته أن هناك أكثر من مليون طريقة لحب الحياة.

عادة ما يتناول البشر الطعام .. لنفس الدوافع ولكن بطرق مختلفة .. هبط كوبي الشيكولاتة السائلة أمامهما .. وبينما تناول عادل وجبته في دقيقتين .. تلذذت ميزة في تناول الشيكولاتة .. أصبحت تأكلها ببطء .. تتذوقها بسعادة .. أغلقت عينها وظلت تلتهم أصابع التشوروس بالشيكولاتة واحدة تلو الأخرى ..

ثم حملت معها بقية كوب الشيكولاتة الخاص بها خارج المحل .. بينما اكتفى عادل بالسير خالي الوفاض بالقرب منها .. يراقبها بشغف ..

وفجأة .. فتحت ذراعها وركضت قليلاً .. ثم جلست على أحد الأرصفة.. ومدت ملعقة صغيرة كانت قد حصلت عليها من صاحب المطعم بداخل الكوب .. وأخرجتها ممتلئة بالشيكولاتة .. وضعتها في فمها وأغلقت عينها وبدأت تتهد .. ثم قالت له .. هل هناك في الحياة ما هو أثنى من عشق الشيكولاتة ..!! ثم فتحت عينها لتجده جالساً بالقرب منها .. يرد على سؤالها بلا .. لأ مفيش .. ما أفكرش إن في ..

هو الرجل الذي قد علمته التجارب ألا يثق بامرأة تنكر حبا للشيكولاتة .. أو بالأحرى علمته التجارب ألا يثق بامرأة باستطاعتها أن ترفض إغراءً مثل إغراء الشيكولاتة .. لأن امرأة تعشق الشيكولاتة وتجاهر بحبا هي امرأة تُحب الحب .. وما الحب سوى قطعة من الشيكولاتة تذوب في الفم ..!

جلس عادل بالقرب منها ولكم تمنى أن يُعانقها في هذه اللحظة .. ولكنه كان يعلم يقيناً .. أنه لايزال ينقصه مشواراً طويلاً قبل أن يبلغ تلك اللحظة .. مشواراً هو لا يعلم في هذه اللحظة إن كانت سوف تسمح له يوماً بأن يسيره جنباً إلى جنب معها .. أم لا...!! ثم سألها ..

- ميزة صحيح .. انتى ما قولتليش .. ليه إسمك ميزة ..؟ دا إسم غريب قوى أنا أول مرة أسمع في حياتي كلها ..

- إسمى ميزة .. عشان زمان لما ماما الله يرحمها كانت حامل فيه .. أهل بابا وكل الناس كانوا متوقعين إن أول طفل دا هيطلع ولد .. وكانوا محددينله إسمه كمان .. وفرحانين قوى .. وساعتها ما كانش في سونار بالصورة كان السونار ساعتها بالصوت بس .. وكانت تيتا ماما بابا قاعدة عندنا في البيت وكل ماما ما تتعب من الحمل تقولها دا ولد .. إلى جاي ولد .. دا تعب ولد .. دا إنتى حامل في ولد .. وبس عملوا حسابهم على كده واشتروا هدوم ولاد كمان .. وفجأة اتقلبت الموازين .. أنا اتولدت بنت .. طبعا كلهم اتصدموا ماعدا بابا وماما .. ماما حالتها النفسية تعبت عشان تيتا ماما بابا حملتها المسؤولية واتخانقت معاها .. كأنه ذنب إن ست تجيب بنت .. كأنه ذنب سبحان الله .. بس بابا ما سكتش .. كان فرحان بيا جدا .. وقالهم بكرة بنتى دى تبقى ملكة .. تبقى أحلى بنت .. وقالهم أنا هسميها ميزة .. عشان هي ميزة .. وعشان لما تكبر كل مكان تروحه وكل ما تقابل ناس .. أكيد هيسألوها إسمك ميزة ليه .. زى إنت ما عملت كده دلوقتى هيكون ردها أنا إسمى ميزة عشان بابا بيحبني .. وعشان أنا ميزة بابا .. وعشان بابايا دايمًا بيقولى إنى إسمى ميزة .. وإنى أنا ميزة ..

انتهى يومهم في ميليا .. وها هي سبته .. تُبدي ابتسامتها الحزينة لهم من بعيد .. أو بالأحرى تُبدي له هو وحده ابتسامتها الحزينة من بعيد .. ابتساماة الوداع .. وداع المحطة الأخيرة من الرحلة، التي من الممكن أن تكون المحطة الأخيرة من لقائه بها ليس فقط في إسبانيا، وإنما في الحياة..

استيقظت ميزة في الصباح .. هاتفت عادل وأخبرته أنها ستذهب لقضاء اليوم في منزل صديقتها المقربة سارة وستعود قبل موعد حفلة التوقيع بساعة .. للقاءه في الفندق ...

سألته إن كان بحاجة إلى شيء ما؟؟ عرضت عليه مرة أخرى مرافقتها عوضاً عن الجلوس وحيداً في بلد لا يتحدث لغته .. ولكنه تمسك برفضه.. واستأذنها في استعارة كاميرتها هذا اليوم فقط .. ووافقت هي على منحه إياها ..

وكما في الأيام الخوالي .. عندما كانت ميزة تستيقظ من فرط البهجة والحماس مبكراً بساعتين قبل الموعد المحدد لاستيقاظها في تلك الأيام التي من المفترض لها أن تقابل سارة بها.. حدث معها بالمثل في ذلك اليوم .. استيقظت بساعتين مبكراً عن موعد استيقاظها.. مما منحها وقتاً وقيماً لتناول القهوة والإفطار وارتداء ملابسها برفق بلا عجلة .. وهكذا ارتدت ميزة أفضل ما تملك ... ارتدت فستاناً صيفياً طويلاً أصفر اللون واسع الأكمام .. يتلائم مع الطقس المشمس الرائع الذي كان يعم الأجواء في هذا اليوم .. تركت شعرها الأسود الطويل يسبح في تناغم مع الرياح على ظهرها.. تزينت بابتسامتها كالعادة .. حملت حقيبتها .. والحقيبة الأخرى التي تحتوى على الأشياء التي قد جلبتها لصديقتها وزوجها معها من مصر ..

أما عن سارة .. فقد كانت ليلة غير عادية على الإطلاق بالنسبة لها هي وزوجها .. قضتها وهي تسترجع ذكرياتها مع ميزة .. فتحت حقيبة الصور القديمة قبل أن تنام .. وأمسكتهم بيديها واحدة تلو الأخرى .. انظر هذه لنا عندما كنا في مدينة شرم الشيخ .. وهذه لنا معاً هنا في قصر الحمراء قبل

أن ألتقى بك بعدة ايام .. تخيل .. كنت معها دائماً والآن أصبحت دائماً معك أنت..

انظر تلك الصورة لنا أنا وهى عندما كنا فى الجامعة معاً .. انظر كيف كنا نبدو حينها ..

عادة ما يقضى الرجل الشرقى وقتاً فى إقناع زوجته المستقبلية بضرورة الانفصال عن صديقاتها قبل الزواج منه .. إلا أنه وفى الحقيقة .. لا يقنعها فقط بالانفصال عن صديقاتها وإنما هو يقنعها بالانفصال عن الحب برمته .. نعم الحب .. ولا تسألنى ما هى علاقة الحب بالصدقة .. لأننى سوف اقول لك أن الحب هو الصدقة .. والصدقة هى الحب .. وكيف لحب أن ينشأ بدون صداقة بين رجل وامرأة .. ذلك وأن الأصدقاء يتحدثون إلى بعضهم البعض.. يحسنون الاستماع إلى بعضهم البعض .. فالصدقة تقوم على لغة الحوار .. وهل من الممكن أن يتزوج رجلٌ من امرأةٍ بلا لغة حوار !!! وأئى زواجٍ هذا الذى تنقصه لغة الحوار وبهجة مشاركة الأحاديث الليلية وال الصباحية .. أى زواج هذا الذى تنقصه بهجة مشاركة المواقف والضحكات .. تنقصه بهجة السخرية من المواقف المحرجة .. بل بهجة الحزن معاً كذلك..

وهكذا سوف يرجع دائماً شعورك بالوحدة اليوم إلى أن أحدهم قد نجح يوماً ما فى إقناعك أنه هو وحده يستطيع أن يلعب جميع الأدوار بحياتك .. وهكذا أيضاً تُحرّم المرأة من الكثير عندما تصدق رجلاً أخبرها لتوه أن حبه لها يكفها ويغنيها عن كل صداقات العالم !!!

اترك لها صديقتها كما تفعل لنفسك .. وتحفظ بأصدقائك على الرغم من علمك بشرورهم ونواقصهم ..

في يوم من الأيام .. سافرت الصديقتان إلى إسبانيا .. بعد أن تعهدتا على مواجهة الحياة معًا .. على تكملة الطريق معًا .. جمعتهن الأحلام كما جمعتهن الواقع .. إحداهن ترتدى الحجاب والأخرى لا .. ويشاء القدر أن تقع الفتاة المحجبة في حب مدرس اللغة الإسبانية خاصتها .. يحدث كل شيء بسرعة .. يعتنق الرجل الإسلام .. يتزوجا .. وهكذا تفرق الأماكن بين الصديقتان .. ولكن القلوب المحبة لا تفرق أبدًا ..

اليخاندروا الجميل .. الذى قد تساءل جميع من عرفوا بقصته هو وسارة .. لِمَ قد يترك رجلًا مثله حسناوات بلاده ويلتفت إلى عريية مسلمة محجبة .. لا يكاد يرى من خلال ملابسها أمرًا سوى وجهها وكفها .. تساءل جميع من في مصر آنذاك .. ما هو الملفت لهذه الدرجة في وجهك فقط يا سارة .. حقيقة الأمر أن ما رآه اليخاندروا فيها .. كان بالفعل أبعد وأعمق من وجهها .. لقد اغرم الرجل بروحها .. وهل يوجد شيء أجمل من أن يُغرم رجل بروح امرأةٍ ما !!!

قيل قديمًا .. إن فكرت يومًا في الإقدام على الزواج .. عليك أن تسأل نفسك قبلاً .. هل هذا الشخص هو الذى سوف استمتع برفقته عندما يصبح عمري سبعون عامًا ..؟؟ هل سنجد حديثًا مشتركًا يجمعنا حينها؟

مدت ميمة يدها لتفتح الباب الحديدى .. الذى يتوسط السياج الخارجى المحيط بالمنزل .. دقت الجرس .. فتحت لها سارة واستقبلتها بعناق طويل ودافئ .. واليخاندرو يقف فى الخلف مبتسمًا فى صمت .. مستمعًا لكلمات تلك اللغة التى قد بدأ يُفك طلاسمها مؤخرًا شيئًا فشيئًا.. بعد الدروس المكثفة التى خاضها مع زوجته سارة ..

- وهشتينا يا مينة .. قالها ثم استكمل حديثه بالإسبانية .. ادخلا إلى البيت هل ستقفان على عتبة المنزل كثيرًا .. ادخلا البيت يتسع لنا جميعًا ..

دخلت الصديقتان .. أخبرهما اليخاندرو أنه سوف يتركهم للقليل من الوقت وسوف يذهب إلى المطبخ لتحضير بعض حلوى المارينجى الإسبانية الشهيرة، التي أخبرتها سارة أنه بارع للغاية في إعدادها .. وأنه قد صمم أن يُعدها احتفالاً بوصول مينة .. وهكذا جلست الصديقتان تتبادلان أطراف الحديث ..

- وحشتيني قوى يا سارة .. والله العظيم انتى من ساعة ما مشيتى وأنا حاسة بوحدة فظيعة .. بجد ساعات كثير بكلم ندى عشان أملى الفراغ إلى عندى ..

- إنتى وحشتيني أكثر .. أنا مش هقولك إنى حاسة بوحدة .. تخيلى على الرغم إنى عايشة فىن وأهلى وأصحابى كلهم فىن .. بس فعلاً .. دايمًا بقول لنفسى الحاجة إلى هتكلم سعادتى دايمًا هى وجودك إنتى وأهلى هنا معايا ..

- طمنيى عاملة إيه فى سبته .. هنا أحلى ولا الحياة فى مدريد ..؟

- لأ بصى بصراحة الإنتين حلوين .. بس أنا حبيت مدريد أكثر، على الرغم من إن هنا أسهل بكثير نلاقى أكل حلال عن مدريد بنتهدل على ما نلاقيه ويبقى غالى جدًا .. بس سيبك إنتى .. الناس فى إسبانيا كلها فعلا بحس إنهم طبيين وودودين وما عندهم شى أى نوع من أنواع العنصرية .. عمرى ما حسيت بالتمييز بسبب حجابى أو لبسى المتغطى .. أنا بمشى فى وسطهم عادى ..

- ولقبتى الإجابة على سؤالك ولا لسة تايمة؟؟

- أى سؤال تقصدى ..؟

- فاكرة يا سارة سؤالك .. لما زمان كنتى بتقوليلى إنك بتحسى إنك مش بتنتمى لمصر .. ولا بتنتمى لإسبانيا .. كأنك واقفة فى مكان فى النص بينهم إنتى مش عارفاه .. هاه عرفتى بتنتمى لمن دلوقتى .. ولا لسة؟

- بنتمى لجوزى طبعًا، مفيش مكان فى الدنيا دى كلها ممكن انتميله ويكون أحن عليا من حضن جوزى .. المهم سيبك منى شوية ... إنتى عاملة إيه؟؟

- كويسة الحمدلله ..

- ميزة عايزة أقولك على حاجة .. نصيحة بلاش تقعدى تسدى فراغك بالكلام مع ندى عشان بجد مالوش لازمة صدقيني ... ونصيحة تانية .. حاولى ما تروحيلهاش البيت كتير ..

- إيه أروحلها البيت يا بنتى .. أنا بقالى بتاع تلت شهور أهو لا دخلت بيتها ولا هدخله بعد ما جوزها الندل عمل الحركة بتاعته دى معايا.. يا بنتى المفروض قالتلى إنى هروحلها ومحدث هناك غيرها حتى الولاد فى المدرسة .. والأستاذ آدم كان عارف إنى جاية من بالليل ومفهمها إنه مش هيبقى موجود .. بس هوب لقيناه طب علينا فى نص اليوم .. وداخل بالمفتاح كمان مش بيرن الجرس .. أنا الحمدلله ما كنتش مغيرة هدومى ولا حاجة .. بس الحركة ضايقتنى لأن معروف إن فى بنات لما بيقعدوا مع بعض بيخففوا فى اللبس .. المهم .. يا بنتى من ساعة ما دخل ونظرات مقرفة بقى وأسلوب وحش وبعدين بيوزعها يقولها إدخلى هاتيلى مش

عارف إيه من جوا .. دى دخلت وانتي عارفها باردة وبطيئة طول عمرها قعدت ساعة تدور وتقلب وهو شغال بصبصة واستهبال .. حسنى بالقرف والاشمئزاز بجد .. قمت مشيت بسرعة وانا ماشية بييص نفس البصات برضو وشغال يقولى تعاليلنا تانى .. ولا أقعدى إنغدى .. حاجة قرف .. بنى آدم ما عندوش ريحة الدم وما بيتكسفش وهى ولا واحدة بالها من حاجة .. وعمالة ترسم فيه وتقولك بيحبنى وبيجلبى هدايا وطاير بيه فى السما .. وطبعاً أنا ما أقدرش أتكلم معاها ولا أجيبلها سيرة ..

- مين دى إالى تجيبلها سيرة .. بغض النظر عن حوار خراب البيوت دا واللى احنا عارفين كويس قوى ومتأكدين إنها حتى لو عرفت إنه بييص برا عمرها ما هتسيبه، إنتى لو اتكلمتى هو هيقلب الطرايزة عليكى وهىروح يقول إن إنتى عينك منه وبصالها فيه .. لأ وهو راجل حلو قوى ويتبصله بصراحة .. إيه القرف دا .. أنا بسمع منك الكلام أهو وحسيت بالقرف .. بس كويس إنك ما بقيتيش بتروحيلها .. بس صحيح هى مش بتجيب سيرتى فى حاجة؟

- يوووه هتموت وتعرف منى خير واحد بس عنك .. بجد يا بنتى مش ممكن حشيرة جدًّا .. كل شوية سارة جابت ولاد؟ سارة ما خلفتش ليه؟ هى سارة ما بتخلفش ولا إيه؟ روى قوليلها تعمل تحاليل وفحوصات .. مش ممكن مملة عمرها ما بتزهق من الأسئلة..

- لأ هى مش مملة .. هى دى ندى هتفضل طول عمرها كده .. عايشة جوا جدول مقارنة كبير قوى بينها وبين كل الناس .. مش فالحة فى حاجة غير إنها تفضل مركزة مين إتجوز ومين إتطلق ومين بيحب مين .. ومين اشترى لمراته ذهب .. والذهب عيار كام .. والشبكة شكلها عامل إزاي ..

ومين ولاده أحلى وأشطر وأذكى من ولادها .. فظيعة يا ساتر الحمد لله إنى خلصت منها ومن زنها .. عقبالك إنتى كمان ..

استكملا حوارهما حتى قاطعهما اليخاندروا .. قائلاً لقد انتهيت من إعداد الحلوى .. هيا بنا نُعد الغداء .. وهكذا قضيا ثلاثتهما وقتاً ممتعاً فى المطبخ .. اشتركا معاً فى إعداد الغداء .. ثم تناولوا الغداء معاً .. وجاء موعد عودة ميزة إلى الفندق .. كانت سارة على وشك الذهاب لتُقل صديقتها إلى الفندق بالسيارة وحدها .. الا أن اليخاندرو تمسك برأيه وذهب معهما .. ليُقلهم هو بينما يستكملان هما حديثهما فى تلك الأثناء .. فى الطريق أخبرت ميزة صديقتها عن عادل .. فكان رد سارة .. كويس إنى جيت معاكى بقى أما تعرفينى عليه .. المرة الجاية إن شاء الله لما أروح المكتبة هبقى أشتري كتابه دا أما أشوف فيه إيه مادام بتقولى عليه حلوكده وعاجبك ..

لقد شعرت ميزة بحركة غريبة فى الفندق .. منذ اللحظة التى دخلت فيها من الباب الرئيسى .. وفجأة .. أغلقت الأنوار .. وظهر عادل فى المنتصف مُحاط بدائرة من الضوء .. مسلطة عليه هو وحده .. ممسكاً بشيء ما فى يده .. بينما لمحت ميزة قبل انغلاق الأضواء أحد العاملين بالفندق ممسكاً بكاميرتها فى يده ويوجهها نحوها .. كان جميع من فى الفندق محدقون فى صمت .. يشاهدون الموقف بسعادة بالغة .. خيم الذهول على وجه كلا من ميزة وصديقتها سارة .. والسعادة غمرت وجه اليخاندروا كذلك .. بدأ عادل فى الحديث باللغة الإسبانية .. قال لها وهو يتلعثم...

ميزة .. أنا أحبك .. لقد اخترت البوح لكِ بحبى باستخدام اللغة الإسبانية .. التى سميتها أنتِ لغة الحب .. أحبك وأريد أن أتزوج منك ..

ولأنك تُحبين الطبيعة .. لقد أعددتُ لكِ هذا الخاتم من أوراق الشجر ..
مؤقتًا .. حتى نعود إلى مصر واشترى لكِ أجمل خاتم .. لأجمل عروس ..

ثم اقترب منها .. وجلس على إحدى ركبتيه .. ومد إليها يده .. أملًا أن
تمنحه يدها هي أيضًا .. شعرت ميزة بالتوتر الزائد عندما اقترب منها عادل ..
وأصبحت هي أيضًا تقف معه داخل دائرة الضوء ..

نظرت إلى صديقتها التي كانت تقف بالقرب منها ... ولكن لشدة
العتمة لم تر وجهها .. فأمسكت بيد سارة من ناحية .. ومن الناحية
الأخرى .. شعرت أن الجميع ينتظر موافقتها .. والجميع ينظر إليها .. توترت
وأرادت ألا تتعمد إحراجه فقالت نعم .. أوافق .. وفي هذه اللحظة وضع
عادل الخاتم في إصبعها .. أنبرت القاعة .. وصفق الجميع .. وبدأ بعض
الموجودون بتبادل القبيل .. وها هي كعكة الشيكولاتة المستديرة الكبيرة التي
قد طلب عادل بإعدادها منذ الصباح قد حضرت وبدأ العاملون بالفندق
باقتسامها وتوزيعها على الجميع .. وبينما كان اليخاندروا سعيدًا .. كان
وجه زوجته يعلوه شيءٌ من الغرابة .. وشيءٌ من الاستنكار ..

أما ميزة .. فشعرت بالتورط الغريب .. وقبل أن يبدأ عادل في الحديث
منفردًا إلى ميزة .. تدخلت سارة .. وقدمت نفسها إليه .. مدت يدها قائلة ..

- أنا سارة صاحبة ميزة الأنثيم .. أهلاً بيك ..

- وأنا عادل .. معلش أنا عارف إنك اتعرفتي عليا بطريقة غريبة ..

منحته سارة ابتسامة باردة .. ثم قالت ...

- لأ عادى مفيش مشكلة الأيام جاية كتير .. ألف مبروك .. ربنا
يسعدكم ..

نظرت ميزة إلى الساعة .. ثم قالت .. إحنا لازم نمشى دلوقتي .. عندنا
ميعاد ما ينفعش نتأخر..

فنظرت سارة لعادل .. أستأذنيك بس في ميزة عايزة أقولها حاجة قبل
ما أمشي..

ثم أمسكت صديقتها وشدها جانبًا ..

- ميزة إنتي إيجنتي .. إزاي تورطى نفسك كده .. الراجل لسة عارفاه
ما كملتيش تلت أيام، وتوافقى عليه كده .. كده مرة واحدة .. دا جواز
يابنتي هو لعب عيال !!..

- أنا إتورطت يا بنتي .. أنا عارفة إن إنتي معاكي حق .. بس هعمل إيه
أخرجه قدام كل الناس دول .. أنا قلت أوافق دلوقتي وبعدين هقوله إنى
محتاجة وقت أفكر وإنى قلت إنى موافقة بس عشان ما أسبيلوش الإحراج
قدام كل الناس دول ..

- أه زى ما توقعت بالظبط .. بتوافقى على طلب الجواز مرة واحدة في
ثانية عشان ما تحرجيش حد .. هتفضلى لحد إمتى ما بتعرفيش تقولى
كلمة لأ .. لأ لأ .. أنا ما بقولكيش ارفضيه ولا بقولك وافقى .. بس كل إلى
عايزة أقولها لك إن دا قرار كبير قوى ومسؤوليته كبيرة ما ينفعش توافقى
عليه في ثانية ..

- عندك حق .. أنا هقوله النهاردة إن شاء الله أول ما نخلص إلی
ورانا ..

- أه قوليلوا وبعدين اتصلی بیا فی التليفون إحكیلى .. إحكیلى قبل ما
تسافری یا میزة و فی سؤال حطیه قدام عینیكى كده قبل ما تفكرى وتقررى
فی أى حاجة .. لو عادل دا كان إتقدملك بطریقة تقليدية .. كنتی هتوافقى
عليه برضو ولا لأ؟؟ یعنی یاریت تشیلى من دماغك الطریقة الرومانسیة
الفتاكة إلی إنتی طول عمرک بتعلمی بیها دى وانتى بتفكرى توافقى ولا لأ..
فاهمة ..؟

وعبر عینان إنسانة ینقصها الكثير .. كانت ندى لا ترى فی الناس سوى
ما ینقصها فقط .. تمامًا تشبهه فی مشاعر انتقاصها للكثير .. مشاعر الرجل
الأصلع الذی دائماً ما تكون رؤوس الناس هی أول ما تقع علیه عیناه أينما
ذهب ..

تشبهه فی مشاعر انتقاصها للكثير .. عیون الجائع الذی لا تقع عیناه
أثناء الطریق سوى على محلات الطعام .. والمأكولات التى یتناولها المارة
ویحملونها فی أیدیهم ..

هكذا كانت عینا ندى .. لا ترى سوى ما ینقصها هی فقط ..

ولأن ندى ینقصها الكثير .. كانت ترى فی الآخرين الكثير .. بل بالأحرى
كانت ترى كل شىء فیما عدا تلك الاشیاء التى تملكها هی بالفعل ..

ما إن عادت ميّزة إلى مصر .. قررت ندى كعادتها استغلال تلك الفترة الصباحية التي تخلو فيها إلى نفسها كل يوم في الذهاب إلى بيت ميّزة هذه المرة .. حتى تتحرى منها معلومات عن عادل وكيفية طرحه لطلب الزواج منها .. أرادت أن تعلم كل شيء وعلمت أن الهاتف وحده لا يكفي لإرضاء رغبتها هذه المرة ..

وبينما هي هناك .. في بيت ميّزة يتبادلان أطراف الحديث .. دق جرس المنزل .. ذهبت ميّزة لتفتح الباب فوجدت باقة كبيرة من الورد البيضاء .. يحملها العامل .. وعلى رأسها تجد بطاقة بيضاء كبيرة ... فتحته ميّزة لتقرأ بينما وقفت ندى بالقرب منها تختلس النظر إلى محتوى البطاقة .. التي كُتبت فيها ..

عزيزتي ميّزة .. أظن أنه من العيب أن أهديك باقة من الزهور الحمراء الفاضحة، ذات العطر الفواح المنتشرة في كل مكان .. والتي يفوح عطرها ليبدو كدعوة لأي عابر أن يقترب منها .. ولأنني أظن أن كل امرأة تشبه زهرة ما .. أهديك باقة صباحية من زهور الجلادياوس البيضاء .. التي تُشبهك كثيراً .. فهي بيضاء اللون كبياض قلبك وروحك .. وهي خجولة مثلك تخفي عطرها بداخلها .. ولا تمنحه هكذا بسهولة إلى أي عابر سبيل ..

عزيزتي ميّزة .. أتمنى أن أكون جديراً يوماً ما بالعثور على عطرك ..

صباح الخير ..

ابتسمت ميّزة ابتسامة دافئة .. ثم حصلت على نفس عميق .. وعانقت الباقة .. ثم نظرت إلى ندى، التي كان لا يُخفى من على وجهها علامات الفوران .. التي بدأت تُخبئها باستخدام ضحكة مصطنعة .. قبلت ميّزة على وجنتها .. وقالت ..

- ألف ألف مبروك يا حبيبتى .. والله العظيم فرحتك خالص .. وأدم
كمان فرحك ربنا يتملكم بخير .. دا الواحد كان خلاص قرب يفقد الإمل
إنك ممكن فى يوم من الأيام تتجوزى .. يلا عامة ألف مبروك ..

- شكرًا يا ندى .. الله يبارك فيكى ..

- مع السلامة بقى أنا همشى عشان الحق أطبخ ورايا حاجات كثير ..

- مع السلامة ..

استقلت ندى سيارتها .. أغلقت نافذتى السيارة .. بينما بدأت تتحدث
إلى نفسها بصوت مسموع من فرط الغيرة ..

غبية .. غبية .. شايفة بيكتبلها إيه .. يا بختها .. هى دى الجوازات ولا
بلاش ... الراجل مؤلف وبيكتب فيها أشعار .. وأمور وطويل وظروفه حلوة ..
باضتلك فى القفص يا ميزة .. وبعد ما كنت قلت خلاص الحمد لله هشفى
غليلى منك وهتفضلى طول عمرك عانس .. أديكى هتتجوزى واحد برقبة
النطع اللى أنا متجوزاه .. بكرة تعيشى أحلى عيشة وافضل أنا الخدمة
إلى ما وراهاش حاجة غير الطبخ والغسيل منك لله يا آدم .. منك لله ..
ضيعت عمرى معاك .. أدينى أهو إالى كنت خايفة منه ومتوقعاه حصل ..
أنا أول واحدة إتجوزت فيهم .. وأكثر واحدة باخد على دماغى .. والتانيين
كل واحدة فيهم صبرت ونالت .. يا ميله بختك يا ندى .. هتفضلى طول
عمرك كده .. حظك زى وشك .. حسبى الله ونعم الوكيل فيك يا آدم ..

لقد أوشك مارس على الانتهاء الآن .. وقد بدأت نسومات الهواء العليل
فى النفاذ مع اقتراب نهاياته .. فقد بدا هذا اليوم يومًا خانقًا من بداياته ..

السماء تميل إلى الاصفرار، شاحبة اللون .. غابت عنها شمسها رائحة التراب تفوح في الأجواء .. وعلامات التعاسة لا تخفى نفسها من على وجوه المارة، الذين ضاقت عيونهم حتى أوشكت على الانغلاق في محاولة بأسة منهم لمنع الأتربة من اغتيال أبصارهم ..

أوشكت الساعة أن تدق الثالثة .. بقي على موعد انتهاء عادل من عمله بالجريدة ثلاث ساعات .. وها هو يتسلم زهرة وردية اللون موضوعة في وعاء نباتات صغيرة تحمل بطاقة ..

عزيزي عادل .. لقد أهديتي زهورًا جميلة هذا الصباح .. ولكنها وعلى الرغم من جمالها الباهر إلا أن هذا لا يمنع حقيقة أنها كانت قد ماتت بالفعل لحظة اقتلعت من وعائها .. وهكذا و دون أن تشعر قد منحنتي الموت في أبهى إطلالاته .. لذا أثرتُ أن أمنحك الحياة في صباحها .. أمنحك الآن إحدى بناتي .. زهرة في بيتها .. في وعائها ... لازالت حية تتنفس .. وهكذا وسواء تزوجنا أو لا .. سوف تذكرك هذه الزهرة دائماً بي .. في كل مرة تُسقيها القليل من الماء سوف تتذكرني .. وهكذا ومع الوقت ... سوف تتعلم أن تحبها في كل مرة ترعاها .. وبهذا أكون قد أهديتك الحب في أجمل أشكاله ..

تناول الأولاد الطعام وذهبنا لينالاً قسطاً من الراحة .. بينما كان آدم عائداً لتوه من العمل .. عابثاً كعادته .. لا يعياً بشيءٍ سوى الطعام .. لذا قد تعودت ندى ألا يسأل على شيءٍ سوى الطعام .. جلس إلى طاولة الطعام منهكاً كعادته .. لم يلتفت إلى شيءٍ سوى يد ندى زوجته وهي تلقى بطبق الطعام بإهمال أمامه .. مد يده ليبدأ بتناول طعامه .. ثم بدأ في

حشر الطعام حشرًا سريعًا في فمه.. وبينما كانت ملعقة كبيرة مملوءة بالأرز والخضروات تحفر طريقها داخل فمه رفع آدم رأسه قائلاً والطعام يتدلى من فمه ..

- إيه مالك ..؟ قالبه وشك فيه يا ولية..؟ ولا أه صحيح أنا نسيت إن النكد بقى عادة عندك ..

- النكد .. أه صح أنا دلوقتي إلى نكدية .. بص لنفسك .. فوق لنفسك يا أستاذ .. تقدر تقولى إحنا متجوزين بنعمل إيه فحياتنا ..؟؟ تقدر تقولى فيه إنت ولا مرة في حياتك كلها .. عمرك ما جيبتلى ورد؟؟ مثلاً مثلاً يعنى .. بقالنا أد إيه متجوزين ..؟

- على فكرة نبرتك في الكلام مش عاجبانى .. وصوتك ابتدى يعلى .. وعامة أنا برضو هعمل بأصلى .. وهرد بالذوق .. عشان أنا طيب ومحترم .. بقى شوفي بقى يا بنت الناس ... عايضة ورد يا ست ندى .. حاضر من عينيا.. لو كنتي كلمتيني النهاردة كنت عديت على أمى في البيت قطفلك شوية ورد من الجنيينة إلى وراها .. خلاص كده .. فوكي وشك بقى خليتي أعرف أطفح .. أنا تعبان ومش ناقصك ..

- إيه .. إنت بتقول إيه .. هو دا أخرك في الورد .. مش هاين عليك تطلع فلوس من جيبك وتروح تجيبلى شوية ورد .. إنت هتفضل لحد إمتى بخيل كده .. أنا مش قادرة أستحمل بخلك أكثر من كده .. حرام عليك ضيعت عمري معاك ..

وهنا قرر آدم ترك الطعام بعد أن أوشك على الانتهاء منه .. وقال لها بصوتٍ عالٍ ..

- بقولك إيه يا ولية .. أنا ساكتلك من بدرى .. وعمال أقول دى هتههد
وتقعده دلوقتي .. بس حيث إنك بتتكلمى بقى وبتقولى بخلك ومش بخلك
ومن ساعة ما إتجوزنا فبصى بقى يا بنت الناس .. أنا والله ما جريتش
وراكى وقعدت أترجاكى واتحايل عليكى عشان تتجوزينى .. أظن بقى لو
بتتكلم فى مين إالى ضيع عمره على مين .. يبقى بلاش إنتى .. أنا إالى ضيعت
عمرى مع واحدة جريت ورايا بالمشاوير هى وامها .. وبلفتنى ووقعتنى فى
شباكها عشان تضحك عليه وتخلينى أتجوزها .. وأنا من طيبتى عشان أنا
طيب وابتن ناس محترمين وقعت واتجوزتك... وإن كنتى ناسية أفكرك إن
إنتى إالى إتعرفتى عليا زمان .. وان إنتى إالى طلبتى منى آجى أخطبك ..
وأفكرك كمان أيام ما كانت أملك بتسهى أبوكى الغلبان وتعزمنى عندكوا
عالغدا فى البيت من وراه وما كناش لسه أيامها لا مخطوبين ولا فى بيننا
حاجة رسمية .. فا والنبي ياختى بطلى غيرة من صاحبك اسمها إيه دى
وفوقى لنفسك وخليكى فى عيشتك وما تقعديش تعمليلى فيها الضحية.. أما
بقى لو العيشة دى مش عاجباكى .. أحب أقولك إن الست بتندفن مع
جوزها ..

- أه فعلا عندك حق .. دى أكثر كلمة صح إنت قلتها فى حياتك كلها أنا
فعلاً إتدفتت معاك..

- والله لو مش عاجبك الباب يفوت جمل ..

جلس مرة أخرى إلى الطاولة لاستكمال طعامه .. ثم قال .. أه هو دا
كلامى وإن كان عاجبك، وعلى صوتك عليا مرة تانية كمان عشان أروح
ملبسك الطبق إالى قدامى دا فى وشك واقوم أوريكى علقة حلوة من بتوع
زمان أصل شكلك بقيتى بتنسى كثير الیومين دول ..

وضعت ندى الطعام على الطاولة .. وجلست تناول معه الغداء كما
اقتضت العادة ..

وحشتيني قوى .. يااه بجد وحشتيني قوى .. أنا مفتقداكى جداً .. يمكن
تكونى بعيدة فعلاً .. بس على الأقل أنا عارفة إنتى قد إيه حبيبتى أنا
ومصطفى .. وازاى قضيتى عمرك كله بتهتمى بينا .. بس عادل .. يااه ... دى
أصعب حاجة أنا ممكن أتخيلها .. يمكن حتى ما أقدرش أتخيلها ..

هذا ما كان يدور بخلد ميزة فى تلك اللحظات تحديداً .. فقد بدأت
الأمر لتوها تتكشف أمامها .. بدأت تتعرف إلى عادل وعائلته أكثر فأكثر ..
أخبرها الكثير والكثير عن نفسه وعن عائلته وعن ماضيه .. أخبرها الكثير
من الأسرار المحكية .. والكثير والكثير من الأسرار الغير محكية. التى
اكتشفتها هى بعينها ..

عرفت ميزة عن أبو عادل .. المهندس القاسى، ذو الملامح الصارمة ..
الرجل الذى أجبر ابنه الأكبر عادل على الالتحاق بكلية الهندسة .. أملاً فى
أن يحذو حذو أبيه .. وهكذا انصاع عادل إلى أمر أبيه فى البداية والتحق
بالفعل بكلية الهندسة .. بل والأكثر من ذلك قضى سنواته الخمس فيها
بنجاح .. حتى تخرج وعندها فقط أعلم أباه بعدم رغبته فى العمل بمجال
الهندسة .. وبأنه سوف يتبع قلبه ورغبته فى الكتابة .. وسوف يعمل فى
المجال الصحفى ..

كانت هذه هى المرة الأولى فى حياة عادل، التى يستطيع أن يستجمع
فيها قواه وشجاعته ليقف فى وجه أبيه ويعلن عن رأيه الخاص .. فقد رياه

والده هو وأخوه تربية تكاد تشبه التربية العسكرية.. كذلك قد تمكن هذا الرجل من أن يصنع من زوجته إنسانة باردة القلب والمشاعر .. سلبية ومسلوبة الإرادة بالكامل .. ليس لها صوت .. ولا تملك أن تُبدي رأياً .. وهكذا ومع الوقت .. عرفت ميزة من خلال أحاديث عادل أن والده قد أمر والدته منذ زمنٍ أن تقطع جميع الصلات التي تربطها بأفراد عائلتها .. حتى إختوتها .. وانصاعت هي لأوامره .. وها هي الآن .. تحولت مع الوقت من فتاة جميلة في الشباب .. إلى امرأة هزيلة ضعيفة قهرها الزمن .. ومعى شخصيتها عنها زوجها .. وقطع عنها صلاتها بأعز أحبائها ..

جلست ميزة بالقرب منها ما يقرب الثلاث ساعات في محاولة لخوض حوارٍ ما .. في أى موضوع إلا أنها مع ذلك لم تصل إلى أى نتيجة حتمية ..

فقد اكتفت والدة عادل طوال الجلسة بالكامل بالرد باستخدام الكلمات المختصرة .. آه .. صح .. نعم .. عندك حق والله يا بنتي ..

نوعاً ما .. كان عادل مفتوناً بعائلة ميزة .. أو بمعنى آخر .. كان مفتوناً بأبيها .. ذلك الأب الذى لم ولن يعثر عليه يوماً .. وحتى تلك اللحظة .. هو نفسه لم يكن يعلم هل يُحب ميزة أم يُحب عائلتها .. هل يريد أن يتزوج من ميزة نفسها .. أم يريد العثور لنفسه على عائلة أخرى بديلة ..؟ وهكذا .. ليس بمقدور أى إنسان أن يُقدر حجم مأساة إنسان قد ولد في رحم الصمت والقسوة .. ليس بمقدور أى شخص أيًا كان أن يُقدر على أى أساس يُحب هذا الرجل .. وعلى أى أساس يختار!!..

فكم هي غريبة هي الحياة .. تأخذ منك أمراً ما .. حتى تجعلك تمضى بقية عمرك أسيراً له .. مولعاً بالبحث عنه .. وغريبون هم البشر كذلك .. لا يقدرّون سوى ما ينقصهم .. ولا يبحثون سوى عنه ..

وبينما تأمل عادل بطريقة أو بأخرى في شخص والد ميزة صورة أخرى لأب حنون بديلاً عن والده القاسى .. لم تتأمل ميزة لوهلة .. أن تبحث عن بديلاً لأمها .. ولأنها لم تتأمل ذلك .. هى لم تعباً يكون أم عادل امرأة لا تعرف كيف تكون أمًا لأبنائها هى .. حتى تمتلك مهارة احتضان الآخرين ..

أوشكت الساعة على الثالثة صباحاً .. بينما كان مصطفى لازال ممسكاً بهاتفه .. مختبئاً تحت غطاءه .. والظلام الدامس يعم الغرفة .. يتحدث إلى مها خطيبته عبر الهاتف ..

- مصطفى .. بجد حرام عليك أنا ضميرى بيأنبئى جداً كل مرة بنعمل فيها الحاجات دى بحس إنى مكسوفة من نفسى .. ومكسوفة من ربنا كمان .. ومكسوفة من بابا ..

- إيه يا ستى كل طابور الكسوف دا .. فى إيه يعنى هو حصل إيه لدا كله .. إنتى هتبقى مراتى أصلاً .. دا عادى إحنا المفروض ناخذ على بعض عشان ما نتفاجئش بعد الجواز إن شاء الله ..

- أيوه بس دا حرام .. أنا مش مراتك أنا خطيبتك .. حرام .. يعنى إنت ترضى إن عادل يعمل مع ميزة أحتك كده ..؟

- لأ طبعاً .. إنتى إتجننتى ولا إيه .. هو إيه دا إالى عادل يعمل كده مع ميزة .. خدى بالك من لسانك وشوفى إنتى بتقولى إيه ..

- يا سلام .. يعنى زعلتك قوى الكلمة وما زعلتس من إالى إنت بتقعد تزن عليا عشانه ومش بتسكت غير لما بتعمله معايا ..؟؟

- يا عبيطة .. أنا طبعًا ما أَرْضاش إن حد يعمل في أختي كده عشان
أنا ما أضمنش إنه يتجوزها ولا يحافظ عليها زى أنا ما يحافظ عليكى ..
وبعدين إيه عادل وميزة يعنى هو احنا مش قلنا إحنا غير كل الناس وما
ينفعش نقارن نفسنا بيهم؟؟ إحنا حالة حب مختلفة يا بنتى ..

من نفس المقهى فى الزمالك .. أول مقهى التقوا عنده بالصدفة .. قررا
أن يلتقيا اليوم .. وفى الصباح الباكر كذلك .. فى نفس الموعد تقريبًا .. فما
أجمل من أن يُجدد الإنسان ذاكرته ببعض الأماكن التى تحمل بين أبوابها
بعض أوراق الحب المبعثرة ..

- بص يا عادل .. أنا مش عايزاك تفهمنى غلط .. أنا والله العظيم
مش بحب الوساطة .. بس هعمل إيه .. إنت مش متخيل أنا بعد ما
إتخرجت عملت البدع عشان أشتغل .. قدمت تقريبًا فى كل حته إنت
ممكن تتخيلها .. واترفضت .. فىن فى الآخر اضطريت أقول لهيثم يشوفلى
شغل .. والحمدلله مرتاحة جدًا فى الفلوس بتاعتهم كويسة أو على الأقل
بتكفينى وبكمل حاجاتى باخد من بابا مصروف ..

- أنا عارف إنك صاحبة مبدأ .. بس للأسف الوساطة دى دلوقتى
بقت عاملة زى الرشوة كده .. نظام عام ماشى فى البلد إحنا مش عارفين
لغيه ومجبرين نتعامل بيه .. ربنا ينجينا يا بنتى.. بس قوليلى .. ما جربتيش
تشتغلى مدرسة مثلاً .. بيتيألى الوظيفة دى حلوة قوى للبنات خصوصًا
بعد الجواز .. بتبقى تخلصى شغلك بدرى وتقدرى تاخدى ولادك معاكى
المدرسة .. ومرتب كويس وممكن تدى دروس كمان .. والأهم من دا كله
إنتى معاكى لغات..

- أه .. يوووه جريت تصدق ووجد ما عمرتش فيها أكثر من يومين .. اشتغلت مدرسة في حضانة ست أيام في الأسبوع بمرتب 400 جنيه في الشهر ساعتها .. حرفيًا روحت يوم واليوم التانى سيبتهم ومشيت .. الوظيفة دى لو بعشر آلاف جنيه ما أقدرش عليها .. مش شغلتى ..

- فهمتك .. أهم حاجة إن الإنسان يعمل الحاجة إلى هو يبجحها وبيحسها وبس.

نام الولدين .. ودخل آدم ليحصل على حمام دافئ قبل النوم .. بينما جلست ندى تُمارس عاداتها المفضلة .. تختلق كذباتها المثيرة للشفقة التي لا تنفك تعرضها عبر صفحاتها الشخصية على موقع التواصل الاجتماعي فيس بوك عبر الإنترنت .. ثم تقضى بقية سهرتها في التفحص والتنقيب عن أخبار جديدة على صفحات صديقاتها ..

قامت بتحميل صورة لباقة ورود حمراء كبيرة من على الإنترنت .. ثم نشرتها على صفحاتها الشخصية على الفيسبوك .. ورسمت أعلى الصورة ثلاثة قلوب حمراء .. وكتبت بالقرب منها .. رينا يخليك ليا يا حبيبي .. يا أحلى وأحن راجل في الدنيا كلها .. وتعيش وتجيلى .. ثم ذكرت اسم زوجها بعد ذلك ..

قامت من موضعها .. ووقفت بالقرب من باب دورة المياه .. بينما كان هو لازال يحصل على حمامه .. طرقت الباب فسمعت صوته يرد من الخلف ..

- نعم عايزة إيه ..؟

- بقولك إيه بص أنا نزلت صورة دلوقتي على الفيس بوك للورد ..
إعمل نفسك إشتراكى النهاردة ولما تطلع رد عليه بكونت وكتبلى انك
بتحبنى فاهم ..؟

- يخربيت تفاهتك ..

- تفاهة إنت بتسمى دى تفاهة .. أنا الحق عليا إنى بعملك منظر قدام
الناس.

عادت مرة أخرى إلى نفس الأريكة التي كانت تجلس عليها واستكملت
رحلتها الليلية في التطفل على الآخرين .. فتحت صفحة سارة .. وبدأت
بتفحصها .. وجدت صورة حديثة لسارة واليخاندرو كانت سارة قد نشرتها
لها هي وزوجها معًا .. كانوا في حديقة يقفان بالقرب من بعضهما البعض ..
ويبتسمان فقط .. وبينما هي تتفحصهم .. أتاها صوت آدم من الخلف
منادياً ..

- ندى .. ندى .. إنتى يا هانم يالى إسمك ندى ..

- ششش هتصحى العيال عايز إيه ..؟

- عايز إيه؟؟ حصلينى يا هانم إنتى نسيتى إن النهاردة الخميس !!!..

تكررت الكلمة .. حصلينى .. حصلينى .. حصلينى !!!..

ابتسمت ندى ابتسامة تعلوها نظرة فخر .. ثم تركت الحاسب
وركضت إليه ..

استيقظ مصطفى متأخرًا في هذا اليوم .. لأنه قد حصل على إجازة مسبقًا حتى يتمكن من الحصول على قسطٍ من الراحة .. دخل إلى المطبخ.. وجد إفطاره معدًا بطريقة مسبقة وموضوعًا في البراد كما تعود..

حصل على طعامه ثم جلس على الأريكة .. وطبق الطعام في متناول يده .. وفي اليد الأخرى ممسكًا بكمبيوتره اللوحى .. الذى فتحه لتوه .. كان صندوق البريد الخاص بحسابه على موقع فيس بوك ممتلئًا بالرسائل .. التى كانت بالفعل جميعها من فتيات ..

- هاى أنا نونة الشقية ممكن نتعرف؟؟

- نتعرف طبعًا بس الأول أعرف إنتى طالعة شقية كده لمن ..

وهكذا بينما كانت تمضى ميزة أوقات فراغها بين القراءة وترتيب المنزل والحديث إلى صديقتها عبر الإنترنت .. اعتاد مصطفى أخوها أن يمضى أوقات فراغه عبر استخدام شبكة الإنترنت بطريقة سيئة .. وعلى الرغم من أن ما يفعله يُعتبر خيانة لهما .. إلا أنه كان يعتقد أن هذه نقرة .. وهذه نقرة أخرى .. تلك للزواج والأخريات للتسلية .. ولا مانع له أن يتبدل بين هذه وتلك .. بغرض التسلية والترفيه .. لأنه رجل .. وهن نساء ..

حضر اليوم الموعد .. ليلة العمر .. بل ليلة الحياة .. بداية البدايات .. ومهد الحب الجديد.. منحت ميزة أخيرًا موافقتها على الزواج من عادل .. بعد مرور فترة كافية من التعارف بينهما .. وعلى الرغم من رغبة عادل فى إقامة حفل زفاف كبير يجمع فيه بكل من عرف كلاهما فى يوم من الأيام .. إلا أن ميزة خالفته الرأى .. فكل ما أردته هو زفاف بسيط وصغير يجمع

بين عائلتيهما فقط .. وصديقتها سارة .. هؤلاء فقط هم كل من أحبت ميزة في يوم من الأيام ..

أرادت ألا ترى في أهم أيام حياتها سوى هؤلاء, من أحببتهم وأحبوها .. من كانت على تمام الثقة من أنهم سوف يبادلونها السعادة .. ويمنحونها أفضل أمنياتهم ..

حفل الزفاف في أحد الفنادق الشهيرة في مدينة دهب الساحلية .. على الشاطئ في النهار .. كان الطقس رائعًا .. لا هو بارد ولا حار .. في منتصف أول بوابات الشتاء .. في منتصف شهر أكتوبر العزيز ..

ذهب أحمد ليحمل يد ابنته ويسير معها من غرفتها إلى الشاطئ .. بدت تمامًا كالأميرة في ذلك الثوب الأبيض الخلاب، الذي يضيق أكثر ما يضيق عند الخصر .. ثم يتسع بعد ذلك حتى يغطي قدميها .. وشعرها معكوفًا بأكمله لأعلى .. ووجهها مغطى بذلك الوشاح الأبيض الشفاف .. بدت بسيطة وجميلة وهادئة .. وبدت كذلك سعيدة ..

كانت سارة ترافقها في غرفتها .. في حضور هدى خالة ميزة وخبيرة التجميل ومصففة الشعر ..

- يا اااه يا ميزة .. أنا مش مصدقة عينيا .. بقيتي عروسة زى القمر ..
- ربنا يخليكي ياسارة ... أنا مبسوطة قوى إنك هنا .. كنت خايفة لحسن ما تعرفيش تنزيليلي ..
- إنتي بتهزري يا بنتي .. ولو ما كنتش أنزل مخصوص عشانك .. أنزل مخصوص عشان مين .. دا إنتي صاحبة عمري ..

- آه والله .. سبحانك يارب .. فات علينا كام سنة كده أصحاب .. ما
كانش حد يتخيل إن صداقتنا هتكمل أصلاً كلهم كانوا بيقولونا أول ما
هتتجوزوا هتقطعوا علاقتكم ببعض..

- مالكيش دعوة بالناس .. خلينا فيكي دلوقتي.. النهاردة يومك .. أنا
مش عايزاكي تفكرى فى أى حاجة سلبية .. عايزاكي تفرحى وبس .. فاهمة ..
طرق أحدهم باب الغرفة .. كان هذا هو والد ميزة ..

- ها إدخل ..؟

- إفضل بابا ..

دخل مبتسمًا .. وعيناه تدمعان .. أمسك بابتنه بين يديه قائلاً ...

- يااه أنا مش مصدق نفسى بجد .. مش مصدق عينيا .. مامتك لو
كانت هنا كانت هتفرح بيكي قوى .. كان نفسها تفرح بيكي جدًا .. الله
يرحمها ..

- آه يا بابا ربنا يخليك .. بس إنت هنا .. وانا فرحانة إنك شايفنى ...
دلوقتي .. إنت بتعيط ليه بس .. مش إنت كنت دايماً تقولى نفسى أفرح
بيكى ..

عانقها والدها ثم قال لها ..

- آه افرح بيكى .. بس ما كنتش أعرف إنى لما أفرح بيكى هزعل عشان
هتسيبيلى البيت وتمشى..

- وبعدين يا بابا بجد هتخلينى أطلع أفركشلهم الفرح كله دلوقتي أهو..

ضحك أحمد في لحظة .. ومسح دموعه .. ثم قال ..

- لأ لأ .. تلغى الفرح إزاي وهو لعب عيال .. دا عادل كان يروح فيها .. ألف مبروك يا حبيبتي ربنا يهنيكى عقبال لما أشيل ولادك قريب إن شاء الله ..

وماذا عن الأستاذ عماد ..؟؟

هو صاحب متجر البقالة المجاور لمنزل مينة وأسرتها ... رجل خمسينى طيب القلب .. أو على الأقل هكذا يقول عليه جيرانه .. طويل القامة، داكن البشرة .. أصلع الشعر .. يشبه في هيئته الكثير والكثير من الرجال .. ولكنه وعلى طيبة قلبه يتمتع بقدر كبير من الروح الفضولية .. هوايته المفضلة كانت دائماً ولا تزال تتبع آثار وحكايا السكان من حوله .. والذين بعد مرور فترة زمنية كبيرة .. كان قد حفظ أسمائهم واحداً تلو الآخر بالفعل عن ظهر قلب .. بل أكثر من ذلك .. أصبح الآن الأستاذ عماد صاحب متجر البقالة بعد قضاء الكثير من السنوات في متجره .. يعرف الكثير والكثير من أسرار بيوت الجيران .. بحكم سكنه القريب، وعمله هنا كذلك .. ومعرفته الوطيدة بالكثير والكثير منهم ..

كان جميع السكان المجاورون له يعرفونه جيداً بدورهم .. ويعلمون طباعه .. حتى أنهم كانوا يلاحظون نظراته التى تكاد تخترق الحقائق البلاستيكية التى يحملونها معهم أحياناً أثناء عودتهم إلى المنزل ومرورهم

من أمام متجره.. لعله بذلك يلمح شيئاً ما بداخل الحقيبة يؤكد له شكوكه أن فلاناً قد تجرأ واشترى بقالته من متجرٍ آخر...

فقد كان متجر الأستاذ عماد ظاهرًا بمثابة متجرًا للبقالة .. وإنما في باطنه كان يعتبر مركزًا لنقل وتداول الشائعات والمعلومات المعروفة في الشارع .. يمكنك أن تتفقد عنده أخبار آخر طلاقات الشارع .. وآخر زواجه كذلك .. وأخبار أبناء الشارع ونتائجهم في الثانوية العامة .. وغيرها من الأخبار التي يحب البعض أن يتداولها فيما بينهم ..

لطالما ربطت الأستاذ عماد علاقة طيبة بأحمد .. والد ميرة ومصطفى.. وكذلك ربطته علاقة طيبة بميرة ومصطفى .. اللذان قد اعتادا أن يتبادلا معه السلام والتحية بل وأحياناً الكلام كذلك.

كان مصطفى في طريقه إلى أحد المقاهي الشهيرة بجى المهندسين ليلتقى بأصدقائه .. عندما مر على الأستاذ عماد ليشتري منه السجائر .. ثم ذهب بعد ذلك في طريقه ..

بينما استطرد الأستاذ عماد حديثه إلى إحدى زبائن متجره من الجيران .. التي كانت بالفعل تقف في متجره تشتري بضعة أشياء في ذلك الحين ..

- شايضة يا مدام عبير .. والله الواد مصطفى دا ابن الأستاذ أحمد .. والله شاب محترم .. وأخلاق .. ومتدين ويعرف ربنا ...دا من صغره كل جمعة بينزل مع أبوه يصلى معنا في المسجد ويحضر الخطبة كلها كمان .. وطول عمره كده عينه في الأرض وتشوفيه ما يرفعش عينه في وش بنت أبدأ .. بيتكسف من خياله .. أه والله .

- والله ونعم الاخلاق يا أستاذ عماد .. دا الشباب دلوقتي بقوا حاجة تكسف اللهم احفظ ولادنا وبناتنا والله .. الواحد بقى بيسمع كلام يشيب..

- لأ لأ .. ما تقوليش كده .. كله إلا مصطفى .. دا متربى على إيدى آه والله .. دا أهله ناس محترمين وامه الله يرحمها كانت سِت كُمَّل تتحط عالجرح يطيب .. دا أنا لو عندى بنت والله العظيم ما كنت اتكسفت وروحت طلبت منه يتجوزها .. كنت قتلته خدها ببلاش كده... آمال إيه دا مصطفى دا ابني واكثر من ابني كمان ..

- ربنا يخليه لأهله ..

قالتها بنبرة ملل .. ثم وضعت يدها في حقيبتها لاستخراج بعض المال .. ثم استطرد هو بالحديث بنبرة يعلوها الفخر ..

- طب إنتى عارفة يا مدام عبير .. أقولك على حاجة .. مصطفى دا أنا إلى مجوزه .. آه والله .. هو آه لسة ما إتجوزش بس لولايما ما كانش عرف يخطب .. أصل ديك النهار لما أبوه راح يخطبله أبو العروسة واخوها جم لحد عندى هنا وسألوا عليه وعلى أخلاقه هو وأهله .. بس أنا قتلهم كلمة الحق ... قتلهم مصطفى دا طول عمره ماشى سليم وشاطر فى دراسته وعمرنا ما سمعنا عنه حاجة وحشة و أهله بياكلوا فراخ ولحمة طول السنة.. وقتلهم كمان إنه واد كُمَّل و زى الفل وخجول جدًا آه والله .. حتى السجاير ما مسكهاش إلا على كبر، وما يدخنش قدام أبوه أبدًا.

- ربنا يقدرك على فعل الخير يا أستاذ عماد ..

وهكذا قد تُذهلك تلك التفاصيل العجيبة الغربية .. التى قد يستأثر بها لنفسه رجلًا يعمل فى مثل موقعه .. والتى تبدأ من متابعتة لهوية

الأشخاص الزائرين لكل بيت من بيوت السكان .. وتنتهى عند ما الذى سوف تتناوله كل أسرة اليوم على الغداء ..

وهكذا أيضًا .. ومن قلب مجتمع مولع بالمظاهر .. ومن قلب رجل يشعر بالكثير والكثير من الدونية التى تدفعه لاعتبار مرور أحد الجيران بالقرب منه دون إلقاء التحية جريمة يُحرمها القانون .. أصبح الأستاذ عماد يُقيم كل إنسان طبقًا لمعاييره هو الخاصة .. هذا إنسان ذو خلق، لأنه لا ينسى أبدًا إلقاء التحية عليه أثناء مروره .. وذلك يفتقد للكثير والكثير من التربية، لأنه أحيانًا يعبر دون إلقاء التحية ..

هذه أسرة رفيعة المستوى، لأنها تتناول إما وجبة من الدجاج أو وجبة من اللحم كل يوم .. وتلك الأسرة عكسها تمامًا .. لأنهم يتناولون أطباقًا مثل الكشرى والعدس وغيرها ..

وهكذا أيضًا .. قد تذهلك حقيقة أن مستقبل فتاة بسداجة وبراءة وطيبة قلب مها .. كان ولازال وسيظل دائمًا مستقبلها متوقفًا على كلمة تخرج من فم رجل مثل الأستاذ عماد ..!!!

نعم .. إنها الحقيقة !!..

مها .. هى تلك الفتاة العادية جدًا .. البريئة .. او بالأحرى التى كانت بريئة .. كانت كذلك قبل أن تُعقد خطبتها على مصطفى .. تبلغ من العمر اثنان وعشرون عامًا .. ولازال لم تختبر فى حياتها ولا قصة ارتباط عاطفى واحدة .. صدقًا .. لم تفعلها على الرغم من أنه لطالما كان أمرًا متاحًا وملقىً أمام عينيها .. إلا أنها لم تفعلها .. لأنها كانت ولازال تكتره أكثر ما

تكره في الحياة فكرة أن تقدم على فعل شيء في الظلام .. الحياة في
الخوف .. وكيف لحبٍ نقيٍّ وصادقٍ وحقيقٍ أن يولد في رحم الظلام ..

إن المشاعر الجميلة فقط هي تلك التي تزورنا في النور .. هكذا كانت
تظن هي .. حتى تعثر بها مصطفى صدفة في زفاف إحدى أصدقائه .. ومنذ
أن وقعت عيناه عليها قرر الزواج منها.. ذلك وأن شابًا قد تقلب في الحياة
يمينًا ويسارًا.. وقضى وقتًا ليس بهينًا في تجربة كل شيء وأى شيء .. أصبح
يتمتع الآن وعلى صغر سنه هو الآخر بعينان فاحصتان .. يكاد يعلم من
النظرة الأولى فقط طبيعة و معدن كل فتاة .. أخبرها أنه طلب الزواج منها
لأنه وقع في حبها منذ النظرة الأولى .. إلا أنه وفي الحقيقة لم يقع في حبها
هي .. بل وقع في حب أخلاقها .. وطيبة قلبها .. أو بالأحرى قد يكون وقع في
حب تلك السداجة التي كانت تُطل من عينيها بوضوح، لقد عَشِقَ
مصطفى سداجتها التي نباته أنها ستعمل على تسهيل مهمته في السيطرة
عليها فيما بعد..

أما عن مها .. الفتاة التي لا تنام بسبب وجع الضمير .. إن ضميرها
يقتلها الآن .. تشعر بالانحطاط .. تشعر بالتدنى .. والأكثر من ذلك تشعر
بالتناقض .. كيف فقدت هويتها إلى هذه الدرجة برفقتك يا مصطفى ..؟؟
لقد حصلت على فتاة بريئة وحولتها إلى فتاة تفتقر إلى العفة .. هكذا كانت
هي .. فتاة بلا تجارب .. نشأت على أسلوب تربوي محافظ .. وكبرت لتعرف
أن تلك النشأة وتلك التربية وتلك الأوامر المشددة بالاحتفاظ بالدين كانت
فقط سارية في الصغر .. أما في الكبر .. اختلف الأمر .. أمسى على الفتاة
الآن أن تُحارب لأجل الفوز بنصيبٍ جيدٍ من الزواج .. كانت مها خاطئة
وتعلم أنها هي ومصطفى مخطئون .. لدرجة أنها انقطعت عن الصلاة ..
أصبحت تستحي من لقاء ربه الآن بعد أن كانت في الماضي لا تترك ركعة ..

إنها نفس الفتاة التي كانت في الكثير من الأحيان تحرص على أداء صلوات السنة كلما سنحت لها الفرصة بالماضي ..

ضاق بها الحال .. وضاق عليها صدرها .. ولم تكن تعرف إلى من يمكنها أن تشكو سوء خلق مصطفى .. فكرت أن تُخبر أخته ميزة .. إلا أنها عادت عن قرارها في نفس اللحظة .. ولا تعلم السبب .. هل تكون مها قد استحت من ميزة .. أم فقط تكون خافت من ردة فعل مصطفى عندما يعلم أنها قد كشفت أمره أمام أخته الكبرى، التي يعتبرها بمثابة أمًا له ..؟؟

لقد توصلت إلى حل وسط .. اتصلت مها بخالة مصطفى وقررت أن تذهب لزيارتها في البيت .. ثم أخبرتها عن كل ما تفعله هي ومصطفى معًا .. أخبرتها بالحقيقة وهي تبكي بحرقة من فرط الخجل .. ومع ذلك كان رد فعل خالته، غريبًا جدًا من امرأة في مثل عمرها ومكانتها ..

- يا عبيبيطة .. حد يقول كده .. وانا اللي لما كلمتيني اتخضيت وحتيت إيدي على قلبي، وقلت دى أكيد مشكلة كبيرة .. بطلى عياط بقى ما تزعلينيش منك .. وهى فين المشكلة دى يعنى.. دا بيعمل كده من مشاعره ... أه والله .. مشاعره .. عارفة بيعمل كده عشان يبحبك، لو ما كانش يبحبك ما كانش طلب يعمل معاكى الحجات دى.. انتى بس إلى مزوداها حبتين .. شكلك هبلة وخام وما تفهميش فى حاجة ..

يووه .. طب بطلى عياط بس خلينى أعرف أتكلم معاكى .. إنتى عايزانى يعنى أقولك تقويله لأ..؟؟ عشان يروح يبص لبرا ويسيبك .. أنا عمرى ما هقولك كده عشان أنا بخاف عليكى وانتي زى بنتى بالظبط .. يا حبيبة قلبى لازم تعرفى إن البنات الشاطرة هى إلى تعرف توقع الواد

وتربطه بها وتفضل في نفس الوقت محافظة على نفسها برضو .. أمال إيه ..
.. إنتى لازم تخليه ما يعرفش يستغنى عنك ابدأ ..

- أيوه يا طنط .. بس دا كده حرام قوى .. ما ينفعش .. حرام وعيب ..

- يا حبيبتي إنتى سهل عليكى تقولى كده عشان إنتى بنت .. إنما هو راجل .. هما غيرنا .. إنتى لازم تعفيه وتصونيه .. وخليكى حاطة فى دماغك كده إن إالى إنتى بتعمليه دا بتخليه ما يبصش برا وعشان تضمنى إنه يفضل معاكى .. وبعدين بكرة إن شاء الله لما تتجوزيه وتبقى فى بيته إبقى ساعتها توبى براحتك .. إنما دلوقتى لأ .. هو حد لاقى عرسان .. وبعدين مصطفى دا متربى على إيدى .. أنا عارفاه دا طول عمره طيب وقلبه أبيض وميح هو كمان .. فيها إيه يعنى لما يتشاقى معاكى شوية .. ما إنتوا فى فترة الخطوبة ودا وقتكم .. وهى دى أحلى فترة وأكثر فترة كل العرسان بيتشاقوا فيها ..

- يا طنط بس ..

- بلا بس بلا ما بسش .. إعقلى كده .. أنا يعنى عليا من الكلام دا بإيه .. مانا ممكن دلوقتى أقولك اعترضى وقوليله لأ ومش لأ وعيب وحرام .. وكلها كام يوم وبسيبك ويروح يدور على غيرك ودا شاب زى الورد وهيلاقى بدل الواحدة ألف يا حبيبتي .. وبعدين النصيحة دى بقى مش عشان مصطفى ولا مش مصطفى أنا بنصحك لوجه الله .. اه ما إنتى لو كملتى على كده هتعنسى ياختى وهتقعدى جنب أمك فى البيت .. المبادئ بتاعتك دى ما بتأكلش عيش دلوقتى عشان تبقى عارفة يعنى .. البنات كلها حالها واقف وعلى قفا من يشيل .. والعرسان قليلين ودا سوقهم .. هتقوليله لأ

النهادة هيقولك هاتي دبلتي وحاجتي وهيروح دوغرى يخبط على أول باب
قدامه..

- بس دا بيتعصب عليا في الشارع يا طنط وبيزعقلى وساعات كمان
بيشتمنى أنا وأهلى وأنا بتحرج جداً وساعات كتير بيعيط ...

- معلش يا حبيبتي بكرة بعد الجواز يتغير ..

تلك العبارة الشهيرة التي لطالما تراوحت ما بين " إستحمله دلوقتى
بكرة بعد الجواز هيتغير " و " معلش هو طايش ومجنون وبكرة بعد الجواز
هيعقل "، " خديه بايظ وبكرة بعد الجواز حاله هيتعدل " .. جميعها كانت
دائماً ولازالت عبارات مختلفة في الكلمات .. موحدة في المعنى .. ولكم دمّرت
تلك العبارة بيوتاً .. ولكم أتعست من حيوات .. ومع ذلك .. لازالت تلك
العبارات متداولة حتى يومنا هذا .. تتداولها النساء وتتناقلها فيما بينهن
حتى يتأكدن من وصول تعاستهن المغلفة من واحدة إلى الأخرى في دائرة
مفرغة بلا نهاية، تلك التعاسة العذبة التي في ظاهرها فستان الزفاف
الأبيض .. وفي باطنها العذاب ..

ومن أخبرك عبثاً يا حواء أن بوسع رأس البصل أن تتحول فجأة إلى
تفاحة رائعة المذاق وجميلة الحمرة بمجرد وضعها في البراد !!!

ومن أخبرك عبثاً يا سيدتى أن بوسع ذلك الحمار البسيط، الذى
لاحول له ولا قوة أن يتحول فجأة إلى حصان عربى أصيل .. رشيق
القوام.. جميل الطلعة بمجرد حصوله على بقعة مميزة فى إحدى
إسطنبولات الخيل الشهيرة...!!!

ومن أخبرك عبثاً يا سيدتى أنه بوسعك التغاضى عن مذاق وأضرار الطعام الفاسد بمجرد طهوه والإغداق عليه بالكثير والكثير من التوابل.!!!

وهكذا من أخبرك يا عزيزتى أن الزواج ساحرة عملاقة تستطيع بضربة واحدة من عصاها السحرية أن تحول رجلاً فظاً إلى أمير ساحر ليق طيب القلب ..؟؟ ومن أخبرك يا عزيزتى أنه بمقدور مجرد جرة قلم في توقيع الرجل لعقد الزواج أن يُغير خصاله السيئة المتأصلة في أعماقه منذ الصغر ويحولها فجأةً إلى حسنات ومميزات؟؟

يا عزيزتى إن البشر لا يتغيرون ... وإنما هي أعيننا فقط هي التى نُجملهم لتغيب عقولنا وتُعمينا عن الحقيقة عندما نكون فى أمس الحاجة إلى تلك الكذبات التى سوف تساعدنا على البقاء حولهم ..

وهكذا يبقى السؤال .. أو بالأحرى التساؤلات .. حول من أخبرك يا حواء .. ومن أخبرك يا آدم .. أن الزواج هو مباراة كبرى للتغيير؟؟ يتصارع فيها الطرفين لإحداث أكبر أثر من التغيير على حياة الآخر ..

تتصارع حواء على إجبار خاطئها على ترك الدخان .. والمواظبة على الصلاة، التى فى أغلب الأحيان تكون هى نفسها لا تواظب عليها كذلك .. ولكنها تفعل ذلك بحكم العادة .. العادة الجماعية التى تحولت مع الزمن إلى تيار يتبعه بطريقة لا إرادية الكثير والكثير من البشر ..

أما آدم .. يتصارع لفرض سيطرته .. لتغييرها كذلك ولكن للأبج بالفعل .. فيبدأ فى خوض معركة العزلة التى تنقسم على ثلاث مراحل .. يفرض على فتاته أولاً ارتداء ملابس معينة ثم تُشرد عيناه بعد ذلك وهو

معها بعيدًا ينظر على الأخريات اللاواتى يرتدين ملابس أكثر وضوحًا من ملابسها هي .. التى وباللغرابة قد انتقاها لها هو بنفسه ..

بأمرها بالانفصال عن صديقاتها .. ثم يُكِنُّ بعد ذلك حقدًا دفينًا لأقربهن إليها .. ويضع التفريق بينهن هدفًا واضحًا نصب عينيه .. بحجة أنهن يَغَرْنَ منها .. لأنها كانت الأوفر حظًا منهن فى العثور عليه .. كما لو كأن مجرد كونه ذكرًا فى حد ذاته .. يعتبر إنجازًا يُحسد عليه .. وتُحسد النساء لوجوده بقربهن ..

وهكذا .. وبعد أن يقود الرجل معركته بنجاح فى عزلها عن العالم .. من خلال تحديد ملابسها تارةً .. ومن خلال قطع صلاتها بصديقاتها تارةً أخرى .. يدير وجهه إلى آخر الخيوط المتبقية لها .. عائلتها .. أسرتها .. المكان الذى قد خرجت منه هى إلى الحياة .. يعزلها عن الناس اللذين قد أحبوها أكثر من أى شىءٍ آخر فى العالم .. فينجح فى التقليل من زياراتها إليهم شيئًا فشيئًا .. حتى ينتهى بها الحال أن تجد نفسها وبعد سنوات وحيدة بين أربعة جدران .. ليس لها منفذ .. ولا مخرج .. ولا ونيسًا سواه .. وفى تلك اللحظة .. التى لطالما حارب هو لأجل الوصول إليها كثيرًا .. يدير وجهه عنها ويتهمها بحب الحزن والكآبة الدائمة .. ويبدأ بإقناع نفسه أنه تعيشًا وقع ضحية المجتمع .. ثم يجوب فى عالم الاوهام يروج لفكرة أنه مظلوم مع زوجته .. ثم ينتهى به الحال ليلقى بنفسه بين أحضان أول امرأة أخرى تعبر طريقه ..

يقال أن اللعبة تبقى دائمًا كما هى .. فقط يتغير اللاعبون ... وهكذا بيد أن هذه المقولة فى محلها .. لما تحتويه القصة الوحيدة التى يعيشها

الجميع من هزلية بائسة تُكرر نفسها ولكن فقط في وجوهٍ مختلفةٍ عبر
أزمنةٍ مختلفةٍ ..

أما عن الفائز في مباراة التغيير الكُبرى .. التي لطالما اعتاد الجميع على
لعبها مع الجميع .. فبوسعى أن أقول أن هذه المباراة بالتحديد لا فائز بها ..
وإنما فقط خاسرون .. كلا الطرفين دائماً خاسر.. ذلك وأننا لا نُغَيِّر من
نُحب .. وإنما نتغير لنُحب .. نتغير لنحبهم كما هم ... نُحبهم لما يمتلكون من
مميزات ومن عيوب .. نعم .. نحبهم لما يملكونه من عيوب تماماً مثلما
نحبهم لما يملكونه من مميزات.. وهذا هو الحب الصادق يا عزيزي .. أما
عندما تقرر الاقتران بامرأة تحبها على أمل أن تغيرها فيما بعد لأنك تعجز
عن تقبل عيوبها الحالية .. إذًا فاعلم جيداً أنك لا تحبها .. لأنك إن كنت
أحببتها لكنت تركت لها بريقها .. فبريق الإنسان دائماً ما ينبع من طبيعته
التي هو عليها .. وليس من تلك الطبيعة التي يحاول عبثاً التشبه بها.

كان يقترب .. خطوة فأكتر .. خطوة تلو الأخرى .. وصوتًا ما بداخله ..
يطير فرحًا ويؤكد له أنه في الواقع .. أنه على أرض الواقع ... أن هذه
اللحظة حقيقية وليست حُلْمًا .. لا يعرف كيف أو لماذا تذكر الآن قصة
سندريلاً .. أو بمعنى آخر تذكر مشهد سندريلاً وهي ترتدى الفستان الرائع
الذي قد جلبته لها الساحرة حينها .. يااااه ميزة شبه سندريلا الهاردة ..
هكذا كان يراها .. وهكذا هي فعلاً بدت .. بل العجيب في الأمر أنه قد اتضح
له أخيرًا .. أن قصة حياته كثيرة الشبه بقصة سندريلاً، التي اعتادت أن
تخطف قلوب وعقول الفتيات الصغيرات قديمًا .. فهو الرجل الذي لطالما
اعتاد أن تُلقى النساء بأنفسهن تحت أقدامه .. إلا أنه لم يختبر سوى

الأفضل.. ولم يقع سوى في حب الأفضل .. الأفضل والأجمل معًا .. أو على الأقل كان هو لفرط حبه بها يراها أجمل جميلات الكون ..

اقترب عادل من عروسه .. ليتناول يدها من والدها .. رفع عن وجهها شالها الأبيض .. وَقَبَّلَ جبينها .. ثم وضع كفيه حول وجهها .. سألت على وجهه دمعة خفيفة .. وهو يضحك بشدة ويقول ..

أنا مش مصدق نفسى .. معقولة أنا أتجوز القمر دا .. بجد أنا مش مصدق نفسى إني لقيتك .. ربنا يخليكى ليا أنا هخليكى أسعد واحدة في العالم ..

سلم عادل على والد ميرة .. الذى قد سَمِعَ لتوه كلمات زوج ابنته الرائعة .. واطمئن وأثر الذهاب للجلوس بعيدًا على طاولته .. بالقرب من مصطفى ومها وأسرتها، التى وصلت من القاهرة خصيصى لحضور الزفاف الصغير ..

كان عادل يطير من الفرح .. وميزة كذلك .. كان كلاهما قد بلغ درجة من السعادة جعلت عيناهما لا ترى أيًا من الحضور .. كانا لا يريان سوى بعضهما البعض .. ولا يكتثران بأيّ من الحضور كذلك .. لا يعبان من يتحدث ومن يقول ما .. ولا يعبان لأى شىء سوى ببعضهما البعض .. فقط تركا أنفسهما لتيار السعادة .. الذى قد جرفهما بعيدًا عن الجميع في ذلك اليوم.

بينما كانت سارة وزوجها يجلسان على طاولتهما .. يتبادلان نظرات الحب فيما بينهما .. كانت مها تترقب في غضبٍ مكتوم عينا مصطفى، التى

كانت تتفحص أجساد جميع النساء الأجنبيات الموجودات بالفندق .. اللواتي قد تجمعن لمشاهدة وتصوير حفل الزفاف ..

أما عن ندى كانت تجلس في صمت هي الأخرى .. حيث كان وضعها لا يختلف كثيرًا عن وضع مها في ذلك اليوم .. إلا أنه قد يكون أسوأ قليلاً .. فقد كانت بين كل دقيقة وأخرى تلتفت وتعنف زوجها والابتسامة المصطنعة لا تُخفى من على وجهها .. إنت بدمتك دا منظر تيجي معايا بيه .. فضحتني وخليت كل الناس تتفرج علينا .. مش كنت فكيت كيسك شوية وروحت جبنتك زفت بدلة جديدة .. يا عالم .. يا هووو هصوت واشد شعري مش كفاية إنك مش دافع مليم في سفريتنا من القاهرة لحد هنا وإن ماما هي إلى دفعتلنا كل حاجة كمان مش هاین عليك تجيبلك حطة بدلة تشرفني بيها .. بقى في حد يروح مناسبة وهو لابس بدلة فرحه إلى بقالها كام سنة متخزنة .. يادى الفضايح ..

أعلن صوتًا في الأجواء دعوة مفتوحة لمشاركة العروسين الرقصة التالية .. لجميع الأزواج .. وهكذا قفزت سارة واليخاندرى إلى ساحة الرقص .. وتبعهم ندى وأدم بخطوات مسرعة .. بينما رفضت مها مشاركة مصطفى الرقصة .. ولم يتحرك كلاهما من على الطاولة ..

همس اليخاندرى في أذن سارة في تلك اللحظة .. يسألها ..

- أليست هذه هي صديقتكم الشريرة التي تتحدثون عنها دائماً؟؟

- نعم هذه هي .. ولكن لِمَ تسأل؟؟

- لا أفهم إن كانت هي شريرة .. ولا تحب ميزة .. إذا لِمَ تدعو ميزة

شخصًا ما هي تعلم أنه لا يحبها إلى زفافها ..؟؟

- لقد خجلت منها .. كما أننا نعلم جيدًا أن آدم زوجها بخيل جدًا ..
لذلك أنا وميزة ظننا أننا حتى وإن دعوناها لن تأتي .. لأنه لن يقوى على
تحمل تكاليف الإقامة في هذا الفندق لمدة يوم واحد حتى .. ولكنهم فعلوها
وحضروا .. انظر كيف تنظر إلينا ... إنها تمتلك نظرة شريرة جدًا.

- نعم .. معك حق .. لقد عرفتها من نظرة عينها ..

هو لم يخبرها يومًا عن سر كراهيته للنوافذ .. أو بالأحرى عن سر
خوفه القاتل منها .. كان فقط يكتفى بملاحقتها في البيت .. وإغلاق كل
نافذة تقوم هي بفتحها مبكرًا .. كان لا ينام ولا يغمض له جفن إلا بعد أن
يتحقق من كل النوافذ ويتأكد من أن جميعها مغلقة عن آخرها ..

لا يعلم لماذا إرهقه إخفاؤه لهذا الأمر عن زوجته كثيرًا .. نظر بالقرب
منه .. فوقعت عيناه على وجهها النائم .. ثم راح ينظر إلى تلك النافذة
المخيفة .. الموجودة في غرفته .. لكم كان يتمنى أن يُغلقها تمامًا وإلى الأبد
بالحجارة .. تلك النافذة اللعينة، التي لطالما أرقّت مضجعه وحرمته النوم
في ليالي كثيرة بالفعل منذ أن تزوج .. نظر إلى وجه ميزة مرة أخرى .. كان
يشعر بالقلق كثيرًا في هذه الليلة لسببٍ هو نفسه لم يعرفه بعد .. تابع
النظر إلى وجه زوجته النائمة بينما كان يتذكر النافذة الصغيرة التي كانت
موجودة في غرفته في بيته القديم .. تلك النافذة المطلة على المنور الداخلى
للبنية .. ذلك المنور الذى لطالما امتلأ بالكثير والكثير من الفئران
والسحالي.

كان عادل قد قضى عمراً بأكمله وهو على قناعة أن وراء كل نافذة دائماً يوجد الكثير والكثير من الوحوش الصغيرة والمخيفة، التي تبقى دائماً في الظلام .. تتريص أن يفتح لها الباب حتى تدخل وتستوطن بيته .. وهكذا كبر عادل ومرت السنوات ومع ذلك لم ينس أبداً صوت أمه عندما كانت تنهأ عن فتح أية نافذة .. إوعى تفتح الشباك لحسن الفار يعضك ولا السحلية تقرصك .. هذا الصوت الذى لا ينفك يتكرر فى ذهنه فى كل مرة ترى فيها عيناه نافذة .. هكذا ترسخت تلك العبارة بصوت أمه فى ذهنه .. وترسخت معها كذلك مخاوفه الكبرى فى قلبه ..

نظر مرة أخرى إلى زوجته وطلب من الله ألا يفتضح أمره أمامها .. وألا يفتضح أمر خوفه المرضى من الفئران والسحالي .. تمنى ألا يدخل بيته الجديد إحداهم أبداً .. تمنى ألا تضعه الأقدار فى مواجهة مثل تلك أمام أعين زوجته أبداً ..

أراد عادل أن يخفى خوفه عن زوجته .. لم يردها أن تكتشف أمره أبداً .. ولكم أسرتها ميزة فى نفسها .. تلك المرات الكثيرة التى كان يلاحقها هو بأوامر إغلاق جميع النوافذ .. فقد كانت هى ترى كل نافذة كمصدراً من مصادر الضوء والهواء المنعش والحياة .. وهو يراها مصدراً لكل تلك الوحوش العجيبة الغريبة، التى يصيبه مجرد تخيل مشهد المواجهة بينه وبين إحداها بحالة من الهلع الغريب ..

ولو أخبر عادل زوجته عن خوفه وهلعه .. لاختلف الأمر كثيراً .. لاختلف للأفضل بالطبع.. ولكن ماذا بوسع رجل شرقي يرى فى خوف الرجال خطيئة كبرى تعيهم وتنتقص من رجولتهم .. تُرى ما الذى كان

يتوجب عليها فعله لأجل إقناعه بالتخلص من إحدى معتقداته التي نشأ عليها ولا تملك هي أدنى فكرة بشأنها !!

كان هذا هو الشهر الرابع .. نعم .. الشهر الرابع .. فلقد مضى على زواج عادل وميزة ثلاثة أشهر بالفعل .. قد اختبر كلاهما خلال تلك الفترة أقصى مشاعر السعادة .. التي من الممكن أن يختبرها إنسان ما .. حتى أن ميزة كانت قد بدأت تظن أن زوجها عادل ليس برجلٍ عادي .. وإنما هو هبة قد مُنِحَتْ إليها من السماء .. بدأت تظن أن هناك خطبًا ما في هذه السعادة ..

كان عادل في العمل .. يجلس في مكتبه عندما شرد بذهنه وتذكر ذلك اليوم .. في فترة خطبته لميزة .. عندما وجد نفسه مرتاحًا لأول مرة منذ زمنًا أن يروى لشخص ما قصة تعرضه للخيانة من خطيبته الأولى .. التي اكتشف بعد فترة أنها كانت ترافق شابًا آخر أثناء معرفتها به ..

تذكر عادل رد ميزة المقنع جدًا .. والمريح جدًا .. والمقلق جدًا في نفس الوقت .. عندما قالت له حينها بكل هدوء ..

بص يا عادل .. أنا الكلام إلى إنت حكيته دا فرحني جدًا .. هقولك ليه .. تعالى نتخيل دلوقتي إني جيبتلك طبق مِش وطبق بسبوسة .. لو إنت كنت معلقة البسبوسة الأول هتقول أه طعمها كويس .. بس لو كنت معلقة مِش وبعدها على طول معلقة بسبوسة هتحس إن البسبوسة حلوة جدًا .. وهتفضل عمرك كله عايش فرحان إنك كنت مِش الأول لإنك لو ما كنتش كلته الأول ما كنتش هتقدر تَقْدِر قيمة البسبوسة .. والعكس صحيح ..

- مش فاهمك عايضة تقولى إيه؟؟

- هوضحك .. يعنى الإنسان دايماً عشان يعرف يقدر قيمة ومعنى التجربة الحلوة لازم يمر بتجربة وحشة الأول .. وبكده بيكون ربنا خصص لكل إنسان نصيب من التجارب .. نصها حلو ونصها وحش .. الناس إالى ربنا بيحيمم بياخدوا نصيهم من التجارب الوحشة فى نص حياتهم الأول .. عشان بعد كده يقضوا عمرهم كله فرحانين بالنعمة إالى هى طبعاً التجربة الحلوة .. إالى ما كانوا هيعرفوا يحسوا بحلاوتها من غير المرور بالتجربة الوحشة قبلها ... والعكس صحيح بمعنى .. الشخص إالى مش محظوظ ربنا بيبعتله التجربة الحلوة الأول .. ولما هو بيثبت عدم جدارته بيها .. ومش يقدر النعمة وبيتمرد عليها .. ربنا بياخدها منه وبيبدله بدلها تجربة سيئة .. وساعتها بيكون إكتتب عليه يقضى بقية حياته فى الندم على النعمة إالى فرط فيها فى يوم من الأيام ..

تذكر ذلك اليوم .. وذلك الكلام .. كلام ميزة، الذى قد أقلقه بقدر ما أثار الرعب والقلق بداخله .. ماذا إن كانت محقة فيما تظن .. إذا فسوف يبقى السؤال دائماً .. أين هى تجربتك السيئة يا ميزة .. هل يُعقل أن تكونى قد كذبتى عليه بشأن عدم مرورك بأى تجربة ارتباط قبلاً ..؟؟ إن كانت معادلتك صحيحة التكوين .. فسوف تظل دائماً الكفة غير متساوية بينه وبينك .. فلقد مر بكلا التجريبتين .. السيئة والجيدة .. أما أنتِ ..؟؟ فلا يعرف ..

هل أنا أول رجل فى حياتك صدقاً .. هل يجب أن أصدق هذا الحديث..؟؟ هل يعقل أن امرأة فى مثل عمرك لم يعبر على قلبها رجلاً قبلى؟؟ هكذا فكر عادل ..

عاد عادل من العمل في هذا اليوم وقد جلب في يده قفصًا كبيرًا يسكن بداخله عصفورين صغيرين .. كهديّة لزوجته التي كان يعلم جيدًا أنها تعشق الطيور أملاً في أن تنال الهدية إعجابها وتبرئ له المجال في مصارحتها بما يجول في خاطره .. إلا أنها أخذتهم منه بيدٍ ثم فتحت باب القفص وأطلقتهم للحرية باليد الأخرى ..

فكان تعليقه يُبدى شيئاً من الغضب ..

- إيه دا .. إنتى عملتى كده ليه ..؟؟ طيرتهم ليه؟؟ حد يعمل كده، أنا جايهم عشانك تقومى تطيرهم ..؟؟

نظرت إليه وهى تضحك ..

- أيوه بطيرهم يا عادل .. تقدر تقولى إيه المتعة إالى أنا أو إنت أو أى إنسان تانى ممكن يكتسبها من إنه يتفرج على كائن مسلوب الإرادة ومسلوب الحرية .. بياكل ويشرب أى حاجة إنت بتقدمهاله بس لمجرد إن ما عندوش حل تانى ..؟؟ هما هياكلوا أى حاجة أنا هحطهالههم مش عشان هى عجباهم لأ بالعكس عشان هما ما عندهممش الحرية إالى تخليهم يطلعوا يدوروا على أكلهم لنفسهم ..

- أوّلا دول عصافير مش بشر .. ثانيًا إنتى مش واخدة بالك إنى جايبلهم أكبر قفص عند الراجل ..

- ولو .. مهما كبر القفص هيفضل برضو فى النهاية قفص .. هيفضل برضو فى النهاية سجن .. وإيه المتعة من إنى أتفرج على كائن حر فى قفص كبير .. وكونه قفص كبير وشكله حلو دا ما يغيرش حقيقة إنه برضو سجن .. إنت بتتكلم عليهم بتقولى دول عصافير مش بشر .. كأن ربنا ما خلقههمش

روح زى إالى خلقهالنا .. وكأن حب الحرية اقتصر بس على الروح البشرية.. بس كلامك غلط .. حب الحرية دا نزعة موجودة جوا كل روح ربنا خلقها على الأرض .. ومش من حقك إنت كإنسان عشان إنت إنسان وربنا سخرك حجرات كتير لخدمتك وأكرمك بالعقل إنك تطغى وتسلب الكائنات الثانية إالى هما أضعف منك حقها فى الحرية وحقها فى الحياة ..

- يا سلام .. وهو أنا يعنى وحش وشيرير وانتي إالى طيبة .. إنتى ليه محسسانى إنى بلاقى الفلوس فى الأرض ولا بسرقتى .. أنا بشتغل وبشقى يا هانم بالفلوس دى .. ولعلمك هقولك على حاجة أنا غلطان وأستهل ضرب الجزمة أصلاً إنى فكرت أجيبك هدية ..

- شايف هو دا الفرق بيننا .. إن إنت بالنسبة لى مسألة فلوس .. وبالنسبة لى أنا مسألة حرية .. وبعدين ممكن أعرف إنت ليه متعصب؟؟ متنفز ليه؟؟ يعنى هل أنا مثلاً ست مبدرة وبأخذ منك الفلوس برمها فى الأرض؟؟ إنت إالى أسأت اختيار الهدية ودا مش ذنبى طبعاً .. إنت من ساعة ما عرفتنى وعارف إنى بحب أتفرج على العصافير .. ويهتم بيهم ويحبهم .. بس سعادتى بيهم وهما أحرار ببيعوا بمحض إرادتهم ياكلوا من بيتى أكبر بكثير من سعادتى بيهم وهما بياكلوا غضب عنهم عشان ما عندهم مش حرية الخروج والبحث عن أكلهم بنفسهم .. ومن وجهة نظرى .. إن لقمة مغموسة بالتراب والتعب والحرية .. أشرف بكثير من لقمة نظيفة ومتوضبة وجاهزة للأكل بس للأسف ما تقدرش تاكلها غير وانت فى السجن..

- أه معلش ياستى أصل أنا راجل جاهل .. أصل أنا ما بفهمش .. وانتي
إلى بتفهمى وبتحسى .. أنا وحش وبحب الحبسة والمحاييس وانتي بتحى
الحرية ..

- مش ممكن إنت شكلك جاى تتلكك عشان تتخانق معايا .. أنا
حاسة إنى بتكلم مع حد ما بيسمعنيش ..

- أه وكمان ما بسمعكيش .. معلش أصل أنا أطرش .. أصل أنا
أطرش.. قولها دى كمان .. ساكتة ليه قولها ..

لم تكن ميزة تملك من عمق البصيرة ما يكفى حتى تفهم سبب ضيق
عادل من إطلاقها لسراح العصفورين اللذين قد جلبهم عادل لتوه إلى
البيت بهذه الطريقة .. عادل الذى لم يشعر بالإهانة لأجل المبلغ الذى قد
صرفه على العصفورين، وإنما شعر بالإهانة لأن ميزة قد رفضت لتوها
درسًا هامًا من دروسه الرجولية .. هو الذى كان يعلم جيدًا أنها تحب
العصافير الحرة .. اشترى لها العصفورين فى قفص يكبر حجمهم بمئات
المرات .. فقط ليلقنها درسًا جديدًا عن الحب .. وهو درسًا عن الحب فى
قفص .. وعن إمكانية الحياة فى قفص .. وتناول الطعام وقضاء الحاجات
فى قفص كذلك .. كان عادل يرى فى ذلك القفص الكبير المزخرف .. صورة
أخرى عن بيت الزوجية .. أو بالأحرى عن قفص الزوجية كما كانوا
يقولون فى الأفلام .. ذلك القفص الذى قد حاول هو جاهدًا أن يُبقى عليها
بداخله قدر المستطاع ..

لقد كان عادل كمن يحاول فى بؤس أن يمد يده إلى الفضاء ويلتقط
عصفورًا بريًا حرًا ليرغمه إرغامًا على التعود على حياة الأفاص .. لم يكن
هو أيضًا باستطاعته أن يفهم أنه ليس بوسع الطيور الحرة .. السابحة فى

الفضاء .. أن تتعلم استخدام قدميها لأجل السير جبناً إلى جنب على الأرض مثل البشر المقيدون بأقدامهم وقوانين الجاذبية !!

شعرت ميزة بالضيق بينما كانت لاتزال لا تفهم حقاً سبب غضبه .. لقد عاد من العمل وهو غاضب عن آخره .. أنا مش فاهمة هو لو عنده مشكلة في الشغل يطلعها على دماغى ويتلكك فى خناقة ليه .. ما هو ممكن يقعد يحكىلى عنها ونتكلم أسهل، إيه القرف ده ..

عَلِمْتُ أنها لو حاولت التحدث إليه بأى شكل من الأشكال سوف يفور في وجهها في تلك اللحظة .. ويتحول الخلاف البسيط إلى مشكلة كبيرة .. لذلك أثرت الجلوس في أحضان أحد الكتب عن الجلوس في أحضان زوجها الغاضب .. تركته في غرفة الجلوس وذهبت لتقرأ على كرسي القراءة الخاص بها الذى جلبته معها من بيت أبيها إلى بيتها الجديد .. وأثرت وضعه بالقرب من المكتبة الحائطية العملاقة التى قد قامت بتصميمها هى وعادل معاً .. واختاروا لها غرفة نومهم مكاناً..

وهكذا يقولون .. أن الإنسان يرتكب جريمة الانتحار في حق نفسه مرتين .. مرة عندما يقرر قتل نفسه .. والمرة الأخرى عندما يقرر الانقطاع عن القراءة .. وهكذا كانت فلسفة ميزة في الحياة قائمة على هذه العبارة .. فقد اعتادت دائماً أن تلجأ للكتب معظم أوقاتها .. كانت دائماً ما تقرأ .. بغض النظر عن سعادتها أو حزنها ..

مرت ساعتين على هذا الحال، تاهت ميزة في أعماق الكتاب .. ولم تشعر بالوقت إلا عندما اقترب منها عادل .. قبلها على جبينها ثم مد يده لإغلاق الكتاب في يدها وقال لها في رفق ..

- ميزة .. ميزة .. إنتى هتفضلى قاعدة هنا كتير وسايبانى برا لوحدى ..

قالت له بصوت هادئ ..

- أنا ما سيبتكش تقعد لوحدك يا عادل .. وانت عارف كويس قوى
إنى عمري ما بسيبك تقعد لوحدك أبداً .. أنا سيبتك عشان تهدا .. ودى
فيها فرق كبير .. أهم حاجة إنك تكون هديت بما فيه الكفاية عشان
تعرفنى إيه السبب فى إنك راجع من برا أصلاً غضبان .. أقدر أعرف إيه
إلى مضايقتك..؟

- لأ لأ .. أنا مش راجع غضبان ولا حاجة يعنى هو فى واحد غضبان
هيجيب لمراته هدية برضو ..

- عادل .. أنا عارفاك كويس .. فى حاجة مضايقتك أو مخوفاك .. قولى
أسهل من إنك تتعصب عليا فى خناقات مالهاش أساس ..

تهند عادل .. ثم صَمَت لبرهة .. وذكرها بحديثها إليه عن أقدار البشر ..
وعن قناعاتها بأن لكل إنسان تجربتين إحداهما سيئة والأخرى سعيدة ..

- أه فاكرة كلامى يا عادل .. ما نسيتهوش ولسة مقتنعة بيه .. فى إيه
بقى ..؟

- أنا عايزك تكونى صريحة معايا .. أنا بحبك وانتى مراتى .. ومش
مممكن أبعد عنك أبداً .. إنتى كنتى على علاقة بحد تانى قبلى؟؟

انتهيت من موضعها .. وبدأ الغضب يبدو على قسمات وجهها هى هذه
المرّة ..

- عادل .. إنت بتقول إيه؟؟ إنت بجد بتقول إيه وازاى بتفكر بالطريقة
دى .. إنت سألتنى السؤال ده قبل ما نتجوز على فكرة وانا ردبت عليك ..
وشرحتلك ظروفى ووجهات نظرى فى كل حاجة كويس وانت إقتنعت
ساعتها.. أقدر أفهم حاجة .. لو إنت شاكك فىا وشاكك إنى كنت مرتبطة
بشخص تانى قبليك أصلاً إتجوزتى ليه؟؟ وبعدين أصلاً أنا مش فاهمة لو
أنا حببت واحد تانى قبليك مش هقولك ليه ..؟؟ إيه العيب فى الحب
يعنى..؟؟

- العيب مش فى الحب .. العيب فى اللى الناس اللى بيحبوا بعضهم
بيعملوه مع بعض قبل الجواز..

- أه يبقى تصحيح .. بلاش تقول العيب إالى الناس بيحبوا بعض
بيعملوه .. قول الحرام اللى هما بيعملوه عشان فى فرق كبير قوى بين
الكلمتين .. وبعدين إنت إزاي تشكك فى أخلاقى !!! والله بقى أنا طول
عمرى أعرف إن الحب ده مشاعر نضيفة .. إنت إالى مفهومك عن الحب
محتاج يتناقش مش أنا .. بتتهمنى بحاجة أنا ما عملتهاش ليه .. روح شوف
نفسك بقى أيام ما كنت خاطب إنت كنت بتعمل إيه إنت وخطيبتك..

قالتها ثم أشاحت بوجهها إلى الجانب الآخر من الغرفة .. بعيداً عن
عينيه ..

- إيه !!! .. أنا لا سمح الله .. أنا عمري ما عملت حاجة تغضب ربنا
أبدًا وخطيبتى دى عمري ما لمستها أصلاً كنت بمسك إيدها بس .. ما
حصلش بيننا أى تجاوزات أيام الخطوبة على فكرة .. (قالها وهو فى
أعماقه يدعو الله ألا تنظر ميزة إلى وجهه فى تلك اللحظة حتى تعرف أنه
يكذب) ..

نظرت إليه وعلامات التوتر تبدو على صوتها ووجهها ..

- تصحيح تانى .. ما إسمهاش تجاوزات .. إسمها زنا .. والفرق كبير قوى برضو بين الكلمتين ..

بدأ عادل يبتسم ويضع يده على رأسها ويمزح .. فى محاولة للدفاع عن نفسه وللهرب من الموقف المحرج الذى قد بدأه مهاجمًا وانتهى به الأمر مدافعًا ..

- يا هبلة .. والله العظيم إنتى هبلة .. إنتى إزاي تفكرى فيه كده .. أنا بس الواحد متلخبط من كتر إالى بيشفوه حواليه.... أنا جوزك وقتلتك كل حاجة عنى عشان كده شايف إنه من العدل إنى أعرف كل حاجة عنك ..

- من العدل إنك تعرف كل حاجة عنى لما يكون فى حاجة حصلت وأنا ما قلتهاش .. لكن مش من العدل إنك تعيش فى الوهم وتصدق حاجات ما حصلتش .. إسمع يا عادل .. إنت عارف كويس قوى إنى مختلفة عن بقية البنات إالى إنت شفتمهم ودا بشهادتك إنت قبل ما يكون كلامى أو كلام كل الناس .. أنا واحدة متحررة وكنت بسافر وبروح وباجى قبل ما أشوفك .. وكل دا قولتهولك وعرفتهولك .. يا ترى تفتكر لو واحدة بشخصيتى حبت واحد قبليك هتخى عليك ليه؟؟ مش هقولك ليه؟؟؟

صمت عادل قليلاً .. ثم احتضنها برفق وقال لها .. خلاص ما تزعليش منى بقى، ما كانوش كلمتين دول إالى هيقلولنا اليوم بدرى بدرى .. يلا قومى إلبسى ونخرج نقعد فى أى حتة بره .. قبَلت ميزة دعوته وانتهى اليوم مهدوء .. إلا أن الهدوء لا يشير بالضرورة إلى نهاية سعيدة .. وإنما فى بعض

الأحيان .. يُمثّل نهاية مقلقة .. وذلك وأنه عندما تخرج الكلمة من فَمِ قائلها .. لا يمكن أن تعود مرة أخرى إليه.. وهكذا .. يبقى السؤال دائماً .. إلى أى مدى يمكن للماضى أن يعيبت فيها بمستقبل الإنسان..؟

كان هناك الكثير والكثير من التساؤلات لدى عادل .. كانت إجاباتها قد بدأت بالفعل تعبت في رأسه .. هو الرجل الذى قبل أن يتزوج وافق زوجته على وضع المكتبة في غرفة النوم .. وها هو يلوم نفسه بعنف على موافقتها على هذه الفعلة .. أصبح الآن يغار كلما رآها تجلس معه في نفس الغرفة بجسدها .. ولكن عقلها وفكرها وقلبيها في عالمٍ آخر .. ومرة أخرى عاد إليه ذلك الشعور.. الذى انتابه في الطائرة عندما كان برفقتها أول مرة .. ولكن هذه المرة أصبح هذا الشعور أعمق وأكبر .. فهو على ثقافته كان قد بدأ يكره جميع الكتب ... يكرههم جميعاً بل ويمقتهم بسبب مشاركتهم إياه في زوجته .. ياللعجب .. أصبح يرى تلك المكتبة الجامدة الثابتة في موضعها داخل غرفة نومه كرجلٍ غريب .. أو بالأحرى مجموعة من الرجال سوف تحتل دائماً مكاناً عظيمًا بينه وبين زوجته .. بينما كانت هى لا تستوعب ولا تفهم ولا حتى يخطر على عقلها احتمالية أن تكون كراهية عادل لحبها للقراءة يعود للغيرة .. وكيف بالأحرى يمكن لإنسان أن يغار من مادة .. أن يغار من شيء .. ومن حفنة من الأوراق ..

كانت ميزة أخيرًا قد أفرجت لتوها عن إحدى صورها هى وعادل أثناء قضاء شهر العسل الخاص بهم .. ونشرتها عبر موقع التواصل الاجتماعي فيسبوك .. والتي شاهدها ندى لتوها .. وعرفت السر وراء إخفاء ميزة المعلومات عن وجهتهم حينها .. وتهربها من إخبارها ..

يا بنت اللعيبية .. المالديف .. المالديف مرة واحدة .. طبعاً ما إنتى طول
عمرك محظوظة .. وانا هاجى فيكى إيه .. يا أدددم .. يا آدددم .. تعالى شوف
الرجالة إالى بتمنى مرتاتها .. تعالى شوف الرجالة إالى بتدلع مرتاتها .. مش
إنت إالى أخذتنى يومين اسكندرية .. وكانوا مع أهلك كمان.

حضر آدم مسرعاً من خلفها .. وانحنى من خلفها وألصق عينيه
بشاشة الحاسب .. وصمت لبرهة بينما كان يتفحص الصورة هو الآخر ..
ثم اعتدل واقفاً مرة أخرى .. وقال ..

- أشوف الرجالة ..!!! وشوفى إنتى الستات .. مالديف إيه اللى عايزانى
أوديهولك .. روحى شوفى الستات بيعملوا فى نفسهم إيه الأول .. ولا بصى
لنفسك فى المراية .. دا إنتى بتخافى تسرحى شعرك لتتكهري .. دا أنا أما
ببقى ماشى فى الشارع ما بعرفش أفرق بينك وبين الجاموسة العشر ..

ألقت الحاسب من يديها فى هذه اللحظة .. ووقفت فى مواجهته
ووضعت إحدى يديها على خصرها ..

- نعم .. إنت بتقول الكلام دا لمين .. والله ميزة إالى إنت بتقارن بينى
وبينها دى لسة متجوزة ما بقالهاش كام شهر .. إستنى عليها شوية يا حبيبي
كمان كام سنة كده وهتلاقىها خلفت وكعبلت وطلعتها كرش هى كمان
وشعرها بقى منكوش .. وبعدين هو أنا بقيت عاملة كده من نفسى ولا إنت
ساعة ما إتجوزتنى أنا كنت كده .. أنا يا حبيبي كنت ست البنات لحد ما
إتجوزتك وبقيت الخدمة بتاعتك إنت وعيالك...

- أهم حاجة إن إنتى دلوقتى حالاً اعترفتى إن إنتى عندك كرش ..

- دى بطن الولادة يا حبيبي .. إلى عنده كرش هنا عارف نفسه
كويس..

وشينًا فشيئًا .. وكلمة من هنا وكلمة من هناك .. تطورت المشاجرة
بينهم .. حتى عبرت من حدود الحديث إلى حدود تبادل الشتائم .. ثم
تطورت أكثر من ذلك لتعبر من حدود تبادل الشتائم .. إلى حدود الضرب ..
نعم الضرب .. فقد استيقظ الولدان ورأوا أمهم لتوها وهي تحاور أبوهم
بأسلوب غير لائق .. لذلك ظن أنه من الواجب عليه القيام بتأديبها ..
ركض إلى غرفته وحصل على أحد الأحزمة الجلدية المعلقة على الشماعة
.. وعاد ومنحها عدة ضربات موجعة متتالية .. وهكذا لقد حفر آدم لتوه
في ذاكرة أبنائه مشهدًا لن ينسوه أبدا ما حيوا.. لقد وقف كلاهما ملصقًا
نفسه إلى الحائط وانهمروا في حالة من الفزع والبكاء الهستيرى..

ثم ارتدى ملابسها بينما كان كلا الولدين يبكيان في حضن أمهم
الباكية التي تتألم هي الأخرى .. وذهب وهو في طريقه للخارج .. فتح باب
الشقة وقال لها بصوت خشن ..

- جتك القرف نكدتى عليه .. بقولك إيه أنا هغيب ساعتين زمن ..
أرجع الاقى العيال نايمين وانتي لابسة على سنجة عشرة ومستنيانى ..
فاهمة .. وبيتهألى إنتى عارفة أنا هعمل إيه لو رجعت ما لقيتش كلامى ده
إتنفذ ..

بينما كان يقضى زملائه في العمل الأوقات المخصصة للراحة تارة في الدردشة معًا .. وتارة أخرى في تناول الطعام .. كان عادل يختلس تلك الأوقات ليتفكر في شؤونه هو وزوجته ميزة..

إن تلك الكتب التي ترافقها ميزة .. وتقرأها باللغة الإسبانية أصبحت تحمل عقلها إلى عالم آخر هو لم يزره قبلاً .. بل والأكثر من ذلك تجعلها عصبية عليه أحياناً .. تُجادل في كل شيء .. يتطلب إقناعها بأمرٍ ما حججًا كثيرة .. بدأ عادل يشعر بالتيه .. بل بدأ ينظر إلى جانب جديد في شخصيته لطالما كان مخفيًا عنه في أعماق نفسه .. الست المفروض تكون طوع جوزها .. يعنى بدمتك إنت سمعت عن واحدة ست جوزها يبجي يقولها تعالى نعمل كذا ولا ناخذ قرار كذا تقوله فهمنى ليه .. إنت مش شايف أمك عاشت إزاي مع باباك كنت سمعتها صوت قبل كده ...؟؟

لأ .. بس بلاش تتمنى نسخة ثانية عن حياة باباك مع مامتك .. إنت نفسك عارف إنك ما تقدرش تتجوز واحدة ست شخصيتها زى شخصية مامتك .. إلى قتلك صمتها وسكوتها عن حاجات كثير من زمان .. أوووف .. إنتى عملتى فيا إيه يا ميزة .. أنا بدأت أحس إنى بشوف نفسى بطريقة جديدة .. خليتيني أنا نفسى ما بقيتش عارف إيه هى مواصفات الست المثالية إلى نفسى فيها !!..

عاد عادل إلى البيت في ذلك اليوم .. كاد يستمع إلى صوت ضحكات زوجته وهو يقف على الباب .. فتح باب الشقة ودخل راضياً حتى يتأكد مع من كانت تتبادل الضحكات.. فوجدها تجلس على الأريكة .. وجهها الكمبيوتر الشخصى بالقرب منها .. تتحدث في مكالمة عبر الإنترنت إلى

صديقتها سارة .. وعندما رأته مميزة أنهت المكالمة مع صديقتها واغلقت الجهاز بالكامل بمجرد وصوله إلى المنزل ..

- حمدلله على السلامة .. كده وحشتنى زى كل يوم ..

- أنا الحمدلله كويس .. عمالنا إيه النهاردة على الغدا؟

- محشى ورق عنب وملوخية وفراخ .. يلا غير هدومك على ما أحط الأكل ..

ذهب لتغيير ملابسه بينما كان يفكر فى كيفية مفاتحتها فيما يريد .. ثم انتهز فرصة جلسوهما معًا لتناول الطعام ..

- بقولك إيه يا مميزة .. هى صاحبتك إسمها إيه دى سارة .. على طول صايعة كده ما وراهاش حاجة تعملها ..؟

- لأ يا عادل مش على طول صايعة ولا حاجة .. وراها حاجات عملها إنت إالى بتصادف معاك تدخل علينا واحنا بنتكلم ..

- والله أصلها غريبة يعنى .. وبعدين ما هى لو هى صايعة وفاضية .. إنتى ست متجوزة ووراكى بيت وراجل عايزك ..

- عادل .. إنت قصدك إيه أنا مش فاهماك .. إنت عايز تقول إيه؟؟

- لأ عادى مفيش هقول إيه يعنى .. أصلك مصاحبالى واحدة راحت إتجوزتلى واحد مش راجل .. عشان تعرف تصيع معاه براحتها هناك ومحدث يشوفها ..

غضبت مميزة وتوقفت عن الطعام ..

- بقولك إيه يا عادل لو سمحت ما تتكلمش عن أعز أصحابي بالطريقة دي .. وبعدين لا هي ولا جوزها عملوك حاجة .. يعني هما عملوك إيه عشان تتكلم عنهم كده .. ولا إنت شوفت منهم إيه عشان تتكلم عنهم بالطريقة دي .. وإيه تصيب هناك دي يعني إذا كنت إنت اول مرة قابلتها هناك شفتها محجبة .. هتكون متجوزاه عشان تصيب معاه إزاي يعني وهو جوزها بالعقل كده ..

ترك طعامه هو الآخر .. وضرب الطاولة بيديه بقوة وقال ..

- إنتي مالك بتتشجعي عليه كده ليه .. وبتدافعيهم وبتحاميلهم كده ليه .. شكلك كان نفسك تتجوزي واحد أجنبي إنتي كمان .. شكل جوز صاحبتك عاجبك .. مش كده .. قولها قولي إنه عاجبك وإن إنتي بتعجبك القعدة هناك عشان تلزقيه .. على فكرة دا أصلاً مش راجل ..

- إنت مش سامع نفسك بتقول إيه .. إنت شايف إنت بتقول إيه .. أنا تعبت بجد .. أنا مش قادرة أستحمل شكك الأعمى وغيرتك الفظيعة دي .. إنت مش ممكن .. إنت فاكرنى إيه واحدة من البنات الرخيصة إلى إنت كنت متعود تشوفهم إنت واصحابك ..

تركت له الطاولة ثم ذهبت بغضب إلى غرفتها .. بينما استمر هو في ترديد العبارات التالية ..

- إنتي مالك متفرعنة كده ليه .. وعشان إيه .. ما هو كله من أبوكي إلى كان سايبلك الجبل عالغارب .. طبعاً ما إنتي ليكي حق تزعلي من كلامي عشان أخذتى عالسايب فى السايب .. أبوكي هو السبب ما بيعرفش يربى .. بس أنا لعلمك مش ممكن أربى عيالى زى أبوكي ما رباكى ..

استدارت ميزة وعادت أدراجها .. ثم نظرت إليه .. وقالت له بغضب ..

- عادل إنت حصلك إيه .. إزاي تتجراً تتكلم عن بابا بالطريقة دي ..
يعنى إتكلمت عن سارة وجوزها وسكتلك .. إنما كمان توصل لدرجة إنك
تهينى وتهين بابايا .. لأ سوري يعنى أنا ما أسمحلكش ..

- هو إيه دا إالى ما تسمحيليش .. أنا هنا راجل البيت دا وحر أقول
إلى أنا عايزه .. إيه زعلانة منى عشان بقول إن باباكي ما بيعرفش يربى ..
طب لعلمك أبوكي ما عرفش يربيكى وهو إالى كبرلك دماغك كده .. أصلاً
أبوكي دا راجل إين **** وإين ****

بكت ميزة وازدادت غضباً وقالت له ..

- إنت جاي تتلكك عشان تتخانق معايا وتشتمنى بأهلى .. بتشتم بابا
ليه هو بابا كان عملك إيه قبل كده .. إنت عمرك من ساعة ما إتجوزتنى
ما سمعت منى كلمة وحشة فى حق باباك ولا مامتك .. بتجيب سيرة بابا
ليه .. لو سمحت إحترم نفسك وما تتكلمش معايا أبداً إنت فاهم ..

قالتها ثم ذهبت إلى غرفتها وما إن أغلقت ميزة الباب خلفها .. حتى
اطمئن عادل من أنها لن تخرج قبل عدة ساعات .. أسند ظهره إلى المقعد
فى فخر وسعادة .. ثم قرر استغلال ذلك الوقت فى تجربة شىء ما .. حاول
فى تلك الأثناء تجربة جميع كلمات المرور فى محاولة بائسة منه لفتح جهاز
الكمبيوتر الشخصى الخاص بها.. ومع ذلك فشل .. فترك الحاسب .. ثم
اتجه إلى غرفة نومهم .. حاول فتحها ففشل .. فطرق الباب عدة مرات ومع
ذلك لم تفتح له الباب .. حاول التحدث إليها وإقناعها بفتح الباب برفق..
الا أن الرد جاءه من خلف الباب ..

- ما تخافش قبل ما أنام هفتح أدليك الغطا والمخدة والهدوم إلی هتروح بهم شغلك بكرة .. نام عالكنبة النهاردة .. أنا مش قادرة أشوفك ولا أبصلك ..

- كده .. ماشى .. طب خليكى فاكراها ..

ما أصعب الشعور بالوحدة .. وهل يوجد فى الكون أجمع شعورًا أبشع من الوحدة .. ميزة التى لطالما خافت أكثر ما خافت من تلك المشاعر.. الوحدة .. وشبح الوحدة الذى ظل يلاحقها لسنوات .. خافت أن تشيخ وحدها .. لذلك تزوجت عادل .. وها هى الآن .. تكاد تفقد عقلها .. فقد بدأت تشعر أن وحدتها قد ازدادت بعد الزواج منه .. بل على العكس.. بدأت تشعر أن سنوات عمرها قبل أن تعرفه لم تكن تندرج حتى تحت مُسمى الوحدة .. بل كانت مفعمة بالحركة والحياة التى قد حرمتها منها عادل الآن بوجوده .. حتى أنها الآن تخشى أن تروى لسارة عن مشاكلها مع زوجها حتى لا تُعطى انطباعًا سيئًا عنه لدى صديقتها ..

ومع ذلك فهو لا يصدقها أبدًا .. لا يمر يومًا بدون أن يتشاجر معها بسبب وبدون سبب .. تارة بسبب صديقتها التى لا ينفك يهتمها ظلمًا أنها تُفشى عندها أسرارهم الزوجية .. وتارة أخرى يهتمها بإخفاء ماضيها عنه .. وتارة يتعمد إهانة والدها بدون أسباب .. وتارة أخرى يهتمها بأنها لا تحبه ..

وكيف لا تُحبك يا عادل وقد تزوجتك أنت بالتحديد بعد طول

انتظار...!!

وهكذا يبقى السؤال .. هل توجد في الحياة مأساة أصعب من مأساة رجل ضعيف الثقة بنفسه؟؟ هل توجد في الحياة مأساة رجل .. يسترجع شريط ذكرياته السيئة في كل مرة ينظر في عيني زوجته .. زوجته التي أذنبت من وجهة نظره فقط لكونها امرأة..؟؟

مر يومان بعد ذلك .. وهدأت الأمور بينهما شيئًا فشيئًا، إلا أن ميزة لأزالت ترفض الحديث إليه .. وها هو يتأخر ساعتين عن موعد عودته المعتاد إلى المنزل .. حتى يذهب ليشتري لزوجته هدية ليصالحها بها ..

- شوفتي جيبتلك هدية أهو ..

نظرت إليه بتعجب ثم قالت ..

- هي دى يعنى طريقتك في الإعتذار..؟؟ إنت مكسوف تنطق كلمة أنا أسف .. ففكرت تروح تشتريلى هدية بدلها ..؟؟

- لأ لأ .. طبعا الحوار مش كده خالص .. طب شوفي الهدية طيب الأول..

- مش عايزة أشوف حاجة شكرًا .. أنا أفضل كلمة اعتذار عن هدية من غير سبب ..

قام عادل بفتح الحقيبة .. وقرر استعراض الهدية أمام عينيها .. لعلها بذلك تتخلى عن فكرة مطالبته بالاعتذار .. واستخرج منها حوالى ثلاثة أو أربعة قطع من الملابس .. التي قد انتقاهم وجلهم خصيصى لها ..

- بصى .. أنا جيبتلك هدموم جديدة .. بصى كده ..

نظرت إليهم ميزة بقرف .. ثم عاودت النظر إليه بغرابة .. وقالت ...

- إيه دا ..؟؟ الهدوم دى ليه أنا ..؟؟ ولا لأم أحمد مرارة عم عطية البواب ..

- آه ليكى إنتى .. إيه رأيك إوعى يكون ذوقى مش عاجبك ..

- لأ بجد يا عادل .. هو إنت تعرف إنى بلبس الهلاهيل دى .. سورى يعنى أنا ما أقصدش أضايقك بس إنت عارفنى صريحة واللى فى قلبى على لسانى .. وبعدين أنا عارفة كويس قوى إن دا مش ذوقك لأنك أيام الخطوبة جيبتلى بلوزة قبل كده وعجبتنى جدًا ولسة بلبسها لحد دلوقتى وممكن كمان لو عايز أدخل أجيبها لك من جوا.

لم تفلح هذه الإستراتيجية معها .. إذًا فلننتقل إلى الإستراتيجية رقم اثنان .. هكذا فكر عادل..

- إيه دا إنتى قصدك إيه ..؟؟ إنتى بتغلطى فى ذوقى ..؟؟ إنتى شايقة إنى بيئة وذوقى وحش .. يااااه ما كنتش أتخيل أبدًا إنى إتجوزت ست مش بتحترم جوزها ولا بتقدره .. أنا ما كنتش متخيل إنى ممكن أتجوز ست مش بتقدر الراجل إالى معاها .. قالها ثم استدار وذهب إلى غرفتهم ..

وهكذا .. والى رجل شرقى .. يفتقد إلى الكثير والكثير من ثقافة الاعتذار.. كان بمقدورك يا عادل أن تعتذر ببساطة .. ولكنك قد قررت الالتفاف على الموقف لأجل تفادى النطق بكلمة واحدة فقط تعبر عن

الاعتذار، وفي نفس الوقت قررت الالتفاف على الموقف لأجل تحقيق شيئاً ما في رأسك أنت يا عادل .. محاولاً إقناع زوجتك بارتداء ما يحلو لك أنت من ملابس ..!!

فيم كنت تفكر يا عادل بينما كنت تنتقى لها تلك الكنزات الباهتة الواسعة جداً .. والتي تفوق قياسها الحقيقي بمراحل ..؟؟ فيم كنت تفكر يا عادل بينما كنت تخطط عمدًا لإفساد المظهر العام لزوجتك ..؟؟ إنها وفي نهاية المطاف حتى و إن وافقتك على ارتداء تلك الملابس التي تعتبر مجرد رؤيتها إهانة كبيرة للموضة .. سوف تظل دائماً زوجتك أنت .. وبغض النظر عما كنت إنت تعي هذا الأمر أو لا .. فإن مظهر الزوجة من مظهر زوجها .. ولو سخر منها الناس لانتقصت هذه السخرية من كرامتك أنت كذلك .. وليس كرامتها هي وحدها، كما كنت تتخيل..!!

أغلق عادل باب الغرفة خلفه .. بل وأوصده كذلك .. ثم وقف مبتسمًا ينظر إلى نفسه في المرآة بفخر المنتصرون في الحروب الكبرى .. فهو لم ينجح في تفادي الاعتذار إليهما عن الموقف السابق لتوه فقط .. بل نجح في إيقاعها هي نفسها في الخطأ .. والآن بات من الواجب عليها هي الاعتذار له..

مرت دقائق بعد ذلك .. وها هي ميزة تحاول فتح الباب .. فوجدته موصدًا .. وها هو نفس المشهد يتكرر .. ولكن هذه المرة هو بالداخل وهي بالخارج .. كان صوتها يأتيه منادياً من خلف الباب .. ومع كل مرة كانت تقول فيها .. عادل إفتح يا عادل .. كان شعوره بلذة الانتصار يتزايد شيئاً فشيئاً ..

- عادل لو سمحت ممكن نتفاهم ..؟؟

- لأمش ممكن .. أنا مش مصدق إننى إزاي كده مش بتقدرى وجهة نظر وآراء الراجل إالى معاكى..؟؟

- إفتح يا عادل طيب هنتكلم ..

- لأ إننى غلطتى فيا غلطة كبيرة قوى .. أنا مجروح .. أنا مش قادر أشوفك .. أنا مش قادر أتكلم ..

- أنا اسفة يا عادل بجد ما كنتش أقصد أزعلك .. ممكن تفتح ..

وهنا فقط .. وقف عادل والابتسامة تعلقو وجهه عن آخره .. وسار عدة خطوات حتى وصل إلى باب الغرفة .. وقبل أن يفتح لها الباب تحول وجهه إلى تعبيرات الحزن والأسى ..

ازدادت مشاعرها بالوحدة .. فهى لازالت تُعتبر فى عداد حديثى الزواج .. ولكن مع ذلك تُهاتف زوجها وتخبره برغبتها فى حضور زفاف إحدى أقاربها فى نهاية الأسبوع ولكنه يعتذر بحجة تراكم الكثير من المهمات على رأسه فى العمل فى ذلك اليوم .. يا إلهى .. أصبح يتعين عليها الآن أن تذهب إلى حفل الزفاف وحدها .. كما لو كأنها لم تتزوج قط .. لازالت ميزة وحيدة فى الزيارات العائلية .. وحيدة فى المناسبات الاجتماعية .. ووحيدة كذلك فى المنزل .. فهى أحياناً تبقى أياماً بلا عمل، بينما يخرج هو منذ الصباح .. ولا يعود إلا فى وقت متأخر .. وعلى الرغم من ذلك .. هو الذى يريد أن يفصل المسافات ما بينها وبين صديقتها الوحيدة سارة ..

بدأت الهوة في الاتساع بينهما يوماً تلو الآخر .. عادل الذى كانت
جلستها معه فى الماضى مفعمة بالأحاديث المتنوعة .. أصبحت الآن
كلماتهم إلى بعضهم البعض تُختزل فى سؤالين فقط .. هتعمليلنا إيه بكرة
عالغدا ..؟؟ هتلبسيلي إيه النهاردة بالليل؟؟

أصبحت حواراته جميعها متكررة وتتحصر فى إشباع تلك الرغبات
التي يتساوى فيها الإنسان وسائر الكائنات الحية .. التي خلقها الله بلا عقل
وبلا فكر ..

هناك أمر جديد يدب فى قلبها الآن .. إنه هذا الشعور بالدونية .. نعم ..
الدونية .. إنها ميزة تلك المرأة التي تشعر بالدونية الآن ... هى نفسها تلك
المرأة التي لفرط ما عشقت سحر الكلمات .. وقعت فى حب لغات عدة ..

امرأة مثل ميزة .. أغرمت بلغات البشر حد الجنون .. امرأة عشقت
أكثر ما عشقت أن تسبح فى فضاء الكلمات الشاسعة .. ميزة التي كانت
تستمع فى ذهنها بتحويل أى كلمة تسمعها إلى نفس الكلمة ولكن بلغات
أخرى ..

قادتھا الظروف إلى حظھا العاثر .. فوجدت نفسها متزوجة من رجل
على الرغم من مشاطرته إياها لغتها الأم .. إلا أنه ومع الأسف ليس
بمقدوره مشاطرتها فى لغة الحوار ..

وإن رجلاً يجهل بالقواعد الأساسية للغة الحوار .. قد يكون وجوده
أمراً عادياً وغير ملحوظاً بالنسبة إلى أى امرأة أخرى .. أما بالنسبة لميزة ..
كان هذا الأمر بمثابة جريمة لا تغتفر فى حق الفكر والانسانية وفى حق كل
هؤلاء الرجال اللذين قد عبروا على فكرها قبله من خلال كتبهم ..

وهكذا نجحت استراتيجية عادل في تحميل ميزة الخطأ وفي إجبارها على الاعتذار هذه المرة .. وهكذا أيضًا بعد أن اكتشف عادل لتوه أسلوبًا جديدًا لإخضاع زوجته .. توالى بينهما الشجارات على نفس المنوال ..

بات الأمر يزعجها كثيرًا الآن .. فكلما حاولت الحديث إليه في أمرٍ ما .. أو مناقشته أو جداله في أى شيء .. استغل هو الموقف .. وتصيد لها الأخطاء .. ثم قام بتحويله إلى مشاجرة هي السبب فيها وهو الضحية ..

استمر عادل في التقاط الكلمات العادية من فمها وتحويلها إلى شتائم مقصودة .. حتى بدأت ميزة في تعلم فن جديد .. أو بالأحرى بدأت في تعلم لغة جديدة .. ألا وهي لغة الصمت .. بعد أن بدأت تكره الحديث إليه .. بعد أن قررت تجنبه في كل شيء ..

سهير .. الشهيرة بسوسو .. الحاصلة على أحد الدبلومات الفنية عن جدارة .. تلك المرأة اللعوب .. سهلة المنال .. إنها من هؤلاء النساء .. الملقاة على الأرصفة .. يتعثر فيهن المارة من الرجال يمينًا ويسارًا ..

كانت تُفضل أن تخرج من حارتها الضيقة القاطنة في حي روض الفرج كل يوم مرتدية العباءة السوداء في طريقها إلى العمل .. تلك العباءة التي تلمع ألوانها في عيني المارة من بعيد .. بينما تتدلى خصلة كبيرة من الشعر المصبوغ بالأصفر خارج حجابها .. ولا تتخلى أبدًا عن أحمر الشفاه الفاقع الحمر، الذى كانت تعتقد أنه سر انوثتها .. حتى تصل إلى مقر عملها في غرفة الكافيتيريا في الجريدة .. وتقوم بارتداء الزى الرسمى للفتيات

العاملات في جميع غرف الكافيتيريا الموجودة بالجريدة .. والذي هو عبارة عن بنطال أسود اللون وقميص أبيض ..

لقد تعلمت سوسو في مدرسة الحياة الكبيرة .. ومن خلال احتكاكها بالكثير والكثير من الرجال .. كيفية الدخول إلى عالم كلٍ منهم على حدة .. وهكذا .. لطالما كانت لها تلك العينان المحنكتان .. المملؤتان بالخبرات .. عينان تفتقدان للكثير والكثير من الحياء .. وتوحيان بالكثير والكثير من البغاء .. الذي كانت لا تحترفه كمهنة في حقيقة الأمر .. ولا تترجح من خلاله.. وإنما كانت تعتقد أن طبيعة العلاقات المشبوهة، التي لطالما قد ربطت بينها وبين الكثير والكثير من موظفي الجريدة .. ليست إلا طريقة لتحفظ بها لنفسها بمكانة مرموقة لدى كل رجل في مقر عملها .. وهكذا وحتى تضمن أن يكون لها ظهرًا تستند إليه وتستقوى به على قريناتها .. بل والأكثر من ذلك .. كانت سوسو فتاة الكافيتريا البسيطة أحيانًا تتسبب في فصل إحدى الصحفيات المحترمات بالجريدة بسبب شعورها بالغيرة منها فقط، أو لأن تلك الصحفية قد اعترضت طريقها بطريقة أو بأخرى .. كانت تنجح في فعل ذلك اعتمادًا على علاقتها المشبوهة بجميع الرجال تقريبًا .. أو أغلبهم على الأقل .. حتى هؤلاء المنتمون إلى مناصب عليا .. كانت أيضًا على علاقة بهم كذلك .. فلقد كانت فلسفتها في الحياة تستند على مبدأ واحد .. يتكون من عبارة واحدة .. ألا وهي { الراجل ممكن يعمل أى حاجة.. للست اللوثة إلى بتديله اللي هو عايزه .. وانا ضعيفة وغلبانة إيه يعني لما أستعمل حلاوتي عشان أضمن مكاني }

كانت ترى في فلسفتها ذكاءً .. بينما كانت هي في الحقيقة لا تحوى شيئًا سوى الخبث .. الخبث فقط .. الخبث والخبث والمزيد من الخبث .. وهكذا

سوف يظل هناك دائماً خيط رفيع فاصل بين صفتي الخبث و الذكاء ..
تماماً كما الخيط الرفيع الواقع بين صفتي الطيبة و الغباء ..

فقد كانت ميزة امرأة ذكية طيبة القلب .. بينما كانت سوسو امرأة
غبية خبيثة السريرة ..

كانت سوسو ترى في رجلٍ يرفض إغرائها تهديداً كبيراً لها ولمكانتها .. بل
والأعمق من ذلك كانت ترى فيه تهديداً كبيراً لأنوثتها الزائفة .. لطالما
رفضها عادل .. وعاملها كحشرة .. إلا أنها كانت دائماً وستظل دوماً
كالصياد الماهر .. الذى لا يصطاد على عجلة من أمره .. بل يُفضل أن يبقى
في الأجواء .. ليراقب فريسته من على بُعد .. حتى يتحين الفرصة المناسبة،
ويقبض قبضته وينال ما يريد ..

بدأت تُلاحظ شروده في تلك الأيام .. وبدأت تحوم من حوله من
جديد... ومرة أخرى بينما كانت تضع أمامه فنجان القهوة الصباحى ..

- صباح الخير يا بيه .. مالك كده يا خويا مش على بعضك .. زى ما
تكون في حاجة شاغلاك..

- ماليش .. قالها وهو ينظر بعيداً ..

- لأ لأ .. ودى تيجى برضو .. لأ مالك يا بيه شكك نازل متضابق .. شكل
في حاجة مزعلاك هي المدام مضايقتك في حاجة؟؟

- وإنى مالك إنتى أنا إيه إالى مضايقتى .. يللا يا بت إمشى من هنا
بدل ما أوريكى ..

وضعت يدها في خصرها .. وبدأت تتلوى ..

- يا بيه هو أنا في ديك الساعة لما توريتى .. دا إنت سيدى وتاج راسى ..
أه والله دا إنت مش بس سيدى وتاج راسى .. وأنا عمري ما أزعل منك ..
والله يا بيه لو ضربتني بالجزمة ما هزعل منك ..

نظر إليها باشمئزاز .. ثم أشاح بوجهه بعيداً ..

عاد عادل إلى البيت .. فوجد ميزة كالعادة .. كانت قد أعدت الغداء
مبكراً وجلست لتقرأ قليلاً كالعادة .. جلساً معاً في صمت أصبح مؤخراً من
عادتهم .. يتناولان الغداء ..

- بقولك إيه يا ميزة .. ممكن أطلب منك طلب ..

تنفست الصعداء .. أخيراً بدأ يتحدث إلى .. لعلنا نتحدث الآن في أمرٍ
ما.. في أى شىء يا عادل .. أشعر بالوحدة الرهيبة .. هكذا فكرت ميزة
وهكذا جاوبته بحماس.

- إتفضل يا حبيبي .. إنت تؤمر .. عايز إيه ..؟

- أنا كنت عايز الباسوورد بتاع الكمبيوتر بتاعك .. كنت عايزه يبقى
معايا .. ينفع؟

- ودا يطلع من إيه بقى إن شاء الله .. إنت بتشك فيا تانى؟

- لأ طبعاً مش بشك فيكى .. بس أنا جوزك عادى يعنى من حقى يبقى
معايا..

- خلاص أنا موافقة .. وهديهولك دلوقتي حالاً وأدبك الكمبيوتر بتاعى
تفتش فيه برحتك كمان ..

تهلهل وجهه وابتسم قانلاً .. – بجد والله العظيم .. ربنا يخليكى ليا يا
حياتى.. كنت متأكد إنك مش هترضى تزعلينى منك أبداً .

- أنا موافقة بس بشرط إنت كمان تدينى الباسورد بتاع الكمبيوتر
بتاعك وبتاع الفيس بوك دلوقتي حالاً قبل ما تقوم من مكانك وتلمس
الجهاز بتاعك ..

- إنتى قصدك إيه عايزة تفتشى عليا يعنى ولا إيه .. قالها وقد تحول
وجهه من الابتسام إلى نظرات الغضب ..

- أنا قصدى إنى ما عنديش حاجة أخيبها عنك يا عادل .. وعشان
كده عندى استعداد أدبك الكمبيوتر قبل ما ألمسه عشان ما تفكرش إنى
مسحت منه حاجة .. لكن بص على تصرفك إنت خايف من إيه .. فى إيه
على جهازك إنت خايف إنى أشوفه ..

ابتلع عادل ريقه فى تلك اللحظة ونظر فى اتجاه آخر لوهلة .. ثم عاد
لينظر فى عينها مرة أخرى واستطرد قانلاً ..

- أنا مش خايف من حاجة .. كل الموضوع يعنى إنى راجل وليا
خصوصياتى..

- أووووه راجل وليك خصوصياتك .. وبالنسبة ليا أنا عشان ست
ماليش حقوق ولا خصوصيات يعنى .. وبعدين دا مين إلى بيقول الكلام

دا.. عادل فؤاد الكاتب المشهور نصير المرأة !!؟؟ أنصحك المرة الجاية لما
تيجى تألف كتب إبقى إكتب وجهات نظرك الحقيقية وابعد عن الخيال.

تغيرت إيماءات وجهه من الهجوم إلى الدفاع .. ثم رد بنبرة يعترها
الفضول..

- قصدك إيه يعنى مش فاهم ..؟

تغيرت نبرة صوتها هنا من الشدة إلى اللين الشديد .. ثم مدت عبر
طاولة الطعام .. لْتُمْسِكْ بيده..

- فين عادل الجميل الرقيق بتاع زمان .. عادل المثقف المُتفتح .. إلى
عنده وجهات نظر وآراء ومُثل عليا كسرت الدنيا وعجبت الناس كلها ..

ثم رَفَعَت يدها لتلامس إحدى وجنتيه بدفاء .. ثم استطردت ..

مالك .. إيه إلى حصلك يا عادل .. إيه اللي حصل بيننا .. على طول
قلقان وعلى طول شاكك فيا وغيران من حاجات ما حصلتش .. أنا حاسة
إنى زى ما أكون إتجوزت شخص تانى غير إلى حبيته..

صمت لبرهة .. ثم اعتدل واقفًا وترك مقعده أمام الطاولة .. وقال
بحدة ..

- ما أعرفش روى إسألنى صاحبتك إلى بتفضحيننا عندها .. أو دورى
على إجابة السؤال ده فى كتبك .. ولا أقولك ما تروى تقولى لأبوكى واخوكى
أحسن بالمرة.

تركها وذهب ليعتكف كعادته في غرفة الجلوس .. جامدًا أمام التلفاز حتى يأتي موعد العشاء فيتناول العشاء ويخلد إلى النوم .. بينما لا تعلم هي لماذا انتبأتها رغبة شديدة بالبكاء .. لم تقو على أن تُقاومها هذه المرة كما اعتادت أن تفعل في المرات الأخيرة بعد أن تزايدت حدة الشجارات فيما بينهم .. وجدت نفسها تبكي وحيدة على طاولة الطعام .. وتتساءل إلى متى سوف يتعين عليها أن تتحمل شكوكه .. التي لا تنتهى .. تارة يتهمها بإخفاء ماضيها .. وتارة أخرى يتعرض بالإهانة والسخرية لسمعة والدها .. وها هو لا يتوقف عن رميها باطلاً بتهمة إفشاء أسرارهم إلى صديقتها سارة. وهو الأمر الذى لم تفعله هي أبدًا منذ أن تزوجت به .. وهو أمر كذلك لم تعتد صديقتها سارة نفسها على أن تفعله معها فيما يتعلق بعلاقتهم الزوجية .. فقد كانت كلاهما تعلمان جيدًا أن (للبيوت أسرار) ويحترمان هذه الخصوصية جيدًا .. وعلى الرغم من أنها قد شرحت له هذا الأمر مرارًا وتكرارًا .. إلا أنه لأسباب غير معلومة .. لا يصدقها .. ولأسباب غير معلومة لها كذلك .. يكن كراهية شديدة لصديقتها المقربة ..

جلست تبكي ولم تفارق موضعها من على طاولة الطعام .. وظنت أنه لم يشعر ببكاءها .. إلا أنه وفي الحقيقة قد شعر ببكاءها .. وكان على وشك أن يعود ليواسيها ويحتضنها .. إلا أنه قد راجع نفسه عن تلك الخطوة .. مفكرًا .. يا أهبل .. عايز تروح تصالحها زى النطع .. إنت شكلك نسيت .. الستات كلهم عجينة واحدة .. أول ما تلاقيك بتشد عليها شوية تروح معيطة عشان إنت تجيب ورا وتروح تصالحها .. يا خسارة يا ميزة كنت فاركك حاجة مختلفة طلعتي شبه كل الستات .. جتكوا القرف فعلاً كلكم زى بعض ..

اقتربت منه هذا الصباح .. لتضع له فنجان قهوته المعتاد .. ولكن هذه المرة أثرت أن تقترب منه هو شخصيًا .. لا أن تضعه على حافة المكتب وتذهب بعد ذلك في طريقها كما اعتادت دائمًا .. رآها عادل وهي تقترب أكثر من اللازم ... ولكنه لا يفهم لماذا لم يمنعها ويصرفها بعيدًا ككل مرة .. بل تركها هذه المرة حتى تقترب منه أكثر من اللازم ..

وضعت الفنجان بحركة ليونة تحتوى على شيء من الخلاعة .. ثم اعتدلت .. وقد بدأت تفهم أن السياج الحديدى الذى قد أحاط به عادل نفسه لسنوات قد بدأ يسقط لتوه .. مما فتح لها مجالاً أكثر لتقترب ..

- صباح الخير يا بيه .. إيه يا ترى لسة قافش مع المدام زى إمبارح ..؟؟

رد يهدوء .. وعلى وجهه نظرة من الكِبَر، بينما كان فمه معكوفًا في دلالة على القرف..

- ولو قلتلك أه لسة قافش هتعملى إيه يعنى ..؟؟

- لأ لأ لأ ... يبقى إنت يا بيه ما تعرفش مين سوسو .. دا أنا سهير .. سهورة .. وسهورة تعمل كتير عشان تفرفشك يا بيه .. إنت بس تشاور .. وتسيب الباقي عليا ..

شعر أن الحديث قد بدأ يأخذ لتوه منعطفًا آخر .. فاستفاق وقال لها بنبرة شديدة اللهجة .. إمشى من هنا يللا يا بت .. روحى شوفى شغلك ..

- بشوقك يا بيه .. أمشى دلوقتى وارجع وقت ما تحب .. وعامة دا رقمى .. أول ما تلاقى نفسك مبسوط أو قافش عادى يعنى .. إدينى بس إنت ألو .. وهتلاقينى خدامتك جيت رميت نفسى تحت رجلك ..

شعر عادل بالضيق الشديد .. وقرر أن هذا اليوم هو يوم مناسب للذهاب وإلقاء التحية على البعض من أصدقائه القدامى .. هؤلاء من باعد الزواج بينه وبينهم نوعاً ما .. قرر أن يذهب ليلقاهم في ذلك المقهى الشهير، الذى قد اعتادوا على قضاء سهراتهم فيه .. ذلك لأن أغلبهم لم يتزوج بعد .. بل أنه حتى لم يرتبط ..

كانت مجموعة من خمسة أو ستة شبان .. أغلبهم في مثل مرحلة عادل العمرية .. إما يكبرونه بعام .. أو يصغرونه بعام .. بعضهم متزوج .. والأغلب لم يتزوج بعد .. كانوا يدخنون الشيعة ويتبادلون الضحكات عالية الصدى .. بينما كانت فناجين القهوة تتناثر أمامهم يميناً ويساراً على تلك الطاولة العملاقة التى قد اعتادوا أن يجتمعوا إليها كل مساء ..

وعندما رأوه .. تهلّلوا .. وانتفضوا من أماكنهم جميعاً ليرحبوا به بحرارة ..

قال أحدهم .. فينك يا عم .. الجواز واخذك منا .. من ساعة ما إتجوزت ومحدث بيسمعلك لا حس ولا خبر ... أيوه كده شكل رجلك خدت عالجواز بقى ..

قال الآخر .. - لأ بس لعلمك شكلك مضايق .. أصل إحنا كده يا رجاله الواحد فينا أول ما يتجوز يختفيله فترة .. ويتنهاله يومين وينسى أصحابه .. وأول ما يتخانق مع مراته يبجى جرى يقعد تانى نفس القعدة دى .. واهو إسألهم عندك إلى سبقوك أهو وإتجوزوا متلحقين قاعدين زبهم زيك .. (قالها وهو يشير بيديه إلى كلا الصديقان الآخران المتزوجان الجالسان إلى نفس الطاولة)

ضحك الجميع .. ثم استطرده الأخير حديثه ..

- لأ بجد يا عادل مالك شكلك مخنوق ..؟

- آه مخنوق ومخنوق جدًا كمان ..

- خير في إيه ..؟

- بصراحة ميزة مراتي تاعباني معاها .. مثقفة كده وبتتكلم كذا لغة .. على طول بتقرا كتب أو بتتعلم أو بتشتغل أو بتعمل حاجات وعندها هوايات غريبة .. أنا حاسس إنى مش متجوز ست .. حاسس إنى متجوز آينشتاين .. مش عارف أمشى كلامى عليها براحتى .. أو مش عارف حاسس كأن فى حد تانى مشاركنى فيها .. ما بتسمعش الكلام خالص لازم عشان أطلب منها نعمل حاجة أقعد ساعة أفهمها وجهات نظرى المستقبلية ورؤيتى للموقف .. تصوروا إمبراح بقولها هاتى باسوورد الكمبيوتر بتاعك فتحتلى موشح ومش راضية تقولى هات بتاعك إنت الأول .. هى بقت كده ولا إيه .. الند بالند يعنى !!! ناولنى يا ابنى سيجارة من اللى فى إيدك دى خلينى أطلع فيها همى ..

ما لبث أن أنهى كلامه .. حتى تناثرت الضحكات يمينًا وشمالًا .. وقال أحد أصدقائه ساخرًا..

- شفت .. آدى أخرة التناكة .. لعلمك تستاهل أه والله تستاهل إلى بيحصلك دا .. أصلك كنت طالع فيها قوى .. وعاملنا فيها عم العالم وعظيم العظماء .. وبتحب القراية والعلم والمعرفة وبتدور على واحدة تشاركك اهتماماتك .. وتكون مثقفة وتكون وتكون وتكون .. وقعدت تحلم وتخيّل وكلنا قلنا لك إن البنث إلى فى خيالك دى ما بقتش موجودة وحتى

لو لقبيتها واتجوزتها عمرك ما هتفرح معاها ولا هتتعرف تسيطر عليها وإننت ما صدقتناش .. عامة كويس إنك قلت كده أهو عشان إحنا لسة ما إتجوزناش يا عم .. والتجربة خير دليل .. (قالها ثم مد فمه إلى العمود الممتد من دخان الشيشة سحب نفسًا عميقًا .. ثم نفخه في الهواء)

رد آخرًا بسخرية – إوعى ياض يا عادل تكون كل ما بتيجي تقولها تعالى نعمل إلی بالك فيه بتعد كمان تسألک وتجادلك وتقوله إيه وليه وإديني اسبابك .. أه حاكم الحاجات دى مالهاش أسباب ..

عادل – إنت بتقول فيها .. دى من كام يوم بتقولى إنت مش ملاحظ إن كل كلامك معايا بقى يا فى الأكل يا فى الحاجات دى ..

رد أحد الأصدقاء المتزوجين ..

- بص الواد دا والمصحف معاها حق .. لعلمك أنا لما جيت أتجوز .. نقيت واحدة ست بيت شاطرة وتعليمها على قدها .. لازم تكون أقل مئى كتير طبعًا .. إحنا كده الراجل مننا لازم مراته تكون طوعه وأقل منه عشان يعرف ياخدها تحت جناحه .. إنت اسمع بقى حلك عندى إوعى تكون بتجيبيلها شغالة، خلمها تشقى فى البيت شوية وتطبخ وتنضف وكده.. وهتلاقها إتعدلت معاك..

رد عادل بسخرية .. ما هو دا اللى هيجتنى .. أجيبيلها شغالة مين دا أنا أول ما إتجوزنا كنت هبوس رجلها عشان إجيبيلها شغالة .. بس هى ما رضيتش تقولى ما أدخلش حد غريب بيتى .. بتعمل كل حاجة بتطبخ وتنضف وترتب وتنظم .. كأن طالعلها سبع رجلين وتمن إيديين بتعمل كل حاجة لوحدها بنت اللذين ..

رد أحد الأصدقاء الذى كان يجلس فى زاوية الطاولة صامتًا يراقبهم منذ البداية..

- طب ولما هى كده إنت عايز إيه تانى..؟؟

عادل - أوووف ... ما أنا قلتلك عايز أحس إنى كبير فى نظرها .. وتسمع كلامى من غير جدالات ورغى كثير أنا إتخنقت من الطريقة دى ما بقيتش مستحمل .. مش عارف أتحكم فيها يا أخى ..

- خلاص .. يبقى تجرب معاها طريقة جديدة .. صمم على رأيك .. وبعد كده لما تطلب منها حاجة وتسألك عن السبب قولها هو كده وزعلها واشخط فيها شخطين هتهمد وتسكت وتسمع الكلام ومع الوقت هتعود عالنظام الجديد .. ولو ما إتعودتش مفيش مانع تلتطشها لثشتين كده هتتعديل معاك .. والمثل بيقولك إكسر للبنت ضلع يطالعها 24 ضلع ..

عاد عادل فى هذه الليلة متأخرًا إلى البيت .. بينما لم يرد على اتصالات ميزة المتتالية أثناء جلسته مع أصدقائه .. وقف أمام باب الشقة، مد يده فى جيبه فأخرج المفتاح .. بعد أن قرر ألا يدق الجرس هذا اليوم ..

كانت ميزة قد أمضت يومًا عصيبًا تقلبت فيه أعصابها يمينًا وشمالًا بفعل تأخيره .. وعدم رده على اتصالاتها المتتالية .. إلا أنها ما إن سمعت صوت سيارته .. قد ركضت إلى الطاولة وفتحت الكمبيوتر .. وجلست أمامه محاولة أن تدعى أنها تعمل .. حتى لا يعرف شيئًا عن قلقها عليه..

دخل إلى المنزل مستقيم الظهر .. رافعاً أنفه إلى الأعلى .. وينظر إليها
بشراسة .. نظرة تنم على كم الأفكار التي كان مشحوناً بها .. منها تلك
النظرة، التي تُنم عن كل هذه الكلمات، التي قد أعدها مسبقاً ليقولها لها..

كانت جالسة إلى طاولة الطعام .. وجهاز الكمبيوتر مفتوحاً أمامها ..
وقف عادل أمامها بينما تجنببت النظر إليه .. تظاهرت أنها لا تراه .. وفي
تلك اللحظة قال لها بحدة ..

- ميزة .. إنتي مش شايفاني ولا إيه يا هانم ..

لم ترد سؤاله .. وتابعت عملها ..

- ميزة .. ميزة .. أنا بكلمك على فكرة ..

- لأ شايفاك يا عادل إرتحت .. شايفاك وسامعاك ومش عايزة أرد ..
إنت شايف الساعة كام دلوقتي .. تقدر تقولي حضرتك كنت فين كل ده
وسايبني قاعدة قلقانة عليك .. تقدر تقولي كنت فين كده وما كلفتش
نفسك ترد على مكالمة واحدة بس من مكالماتي ..

- كنت في مشوار كده ..

- مشوار كده دا اللي هو يطلع إيه يعني ..؟

- يطلع زى ما يطلع .. المهم أنا جعان قومي حضريلى العشا ..

- الأكل عندك في المطبخ .. قالتها ثم عاودت النظر إلى جهاز
الكمبيوتر..

- طبعاً الهانم مش فاضية لبيتها ولجوزها .. قاعدة بتشتغليلى ليل نهار وناسية إنك متجوزة راجل .. فاكرة نفسك متجوزة نطع زى إلى صاحبتك متجوزاه .. بس عامة خلاص الكلام ده هينتهى النهاردة .. أنا قررت إن إنتى لازم تسيى شغلك عشان تعرفى تنتهى لبيتك وجوزك ..

أسندت ميزة ظهرها إلى الكرسي .. وشبكت يديها بعضهم ببعض .. ثم نظرت إليه بسخرية وقالت ..

- يا سلااااام .. إنت حضرتك قررت كده بين يوم وليلة إنى لازم أسيب شغلى .. عشان ما أثرش على بيتى وعلى اهتمامى بيك .. صح؟

- آه صح .. وهتسيبيه وكلامى هيمشى ..

- ولو قتلتك إنى مش موافقة ..

- مش موافقة إزاي يعنى ..؟؟

- مش موافقة زى الناس يا أستاذ عادل .. عشان إنت حججك فارغة وشكلك مشحون وجاى تطلع غضبك عليا كالعادة .. بيتى إيه يا عادل وجوزى اللى أنا مش واحدة بالى منهم .. ما تبص حواليك كده، هو إنت من ساعة ما إتجوزنا لحد دلوقتى كنت عمرك رجعت البيت يوم ما لقيتتش أكل؟؟ ولا عمرك فتحت دولابك ما لقيتتش هدوم نظيفة .. ولا مثلاً مثلاً عمرك شفت تراب على أى حاجة جوا البيت .. ولا بلاش دى إنت عمرك دخلت من باب الشقة لقيتتى بقولك معلش مش هقع معاك عشان ورايا شغل .. أنا بشتغل فريلانسر لو إنت مش واحد بالك يعنى شغلى إصلاً بعمله من البيت حتى ما بخرجش .. عشان كده بقولك قرارك دا أنا رافضاه ومش موافقة عليه ومش هسيب شغلى ..

- يعنى إيه يعنى إنتى بتعارضى كلام جوزك .. أنا الراجل هنا وكلامى هو إلى هيمشى ..

- وأنا بقولك لأ مش موافقة .. والموضوع مش موضوع راجل وست .. الموضوع موضوع صح وغلط ..

اقترب منها عادل بينما يعلو وجهه نظرة غريبة من الغضب .. كانت هذه النظرة جديدة تمامًا عليها .. كانت تراه فى هذه اللحظة كما لم تراه ولم تعرفه من قبل .. رجلاً أخر مختلف تمامًا غير ذلك الرجل، الذى قد عرفته طوال تلك الفترة .. كانت حركات يديه المتوترة توحى لها بشيء ما .. شعرت لتوها أنه على وشك أن يضربها ..

- كده .. إنتى بتتحدينى .. طب أهو ..

أمسك عادل جهاز الكمبيوتر الخاص بها بحركة فجائية وسريعة وعنيفة وألقى به على الأرض بقوة .. ثم قفز بإحدى قدميه يدعس على ما تبقى من الجهاز ليتأكد أنه قد دمره بالكامل .. وهكذا قد صَبَّ جام غضبه على الجهاز متفاديًا بذلك ضربها هى نفسها فى آخر لحظات ..

- إنت بتعمل إيه يا مجنون .. إنت أكيد إتجننت إنت مش طبيعى .. أنا مش هقعديك فى البيت دا ثانية واحدة ..

فى تلك اللحظة .. أدرك عادل أن الخطة لم تَسِرْ كما المتوقع .. أراد أن يفعل شيئًا .. أى شيء .. إلا أنه فقط لم يكن يخطر بباله ما هو الأمر الذى يتوجب عليه فعله فى تلك اللحظة .. لو اتخذ أى خطوة ليمنعها من الذهاب لانتقص من رجولته .. ولو تركها تذهب إلى بيت أبيها فى تلك

الساعة المتأخرة .. لانتقص من رجولته أيضاً .. كان عليه أن يختار الآن بين أمرين كان يظن أن كلاهما يعتبر انتقاصاً حاداً لرجولته ..

لذلك ظن أنه يتوجب عليه استكمال ما بدأ .. قرر أن يتركها تذهب للمبيت عند أبيها في تلك الساعة المتأخرة .. أدباً لها .. من وجهة نظره هو ..

جلس في غرفة الجلوس .. وفتح التلفاز ورفع الصوت .. ليؤكد لها عدم اهتمامه بمسألة رحيلها .. بينما استطاعت أن تجمع هي بضعة أشياء في حقيبة سفر صغيرة كانت تمتلكها وتضعها فوق الخزانة في غرفة النوم.. تركت ميزة المنزل بينما كانت الساعة قد عبرت لتوها حدود منتصف الليل بالفعل .. وجهها يحمر من فرط الغضب .. لا بل كان يحمر من فرط قوتها في كبح جماح دموعها .. التي انهمرت بقوة ما إن أدارت محرك السيارة .. وقادتها بعيداً بما فيه الكفاية عن المنزل ..

بينما هو .. وضع يده في جيب بنطاله .. فوجد تلك الورقة .. التي تحمل رقم سوسو .. ولا يعلم لماذا رآها تلمع في تلك اللحظة .. كما لو كأن هناك ضوءاً خفياً ينبعث منها..

على الرغم من تدنى مستواها الاجتماعي .. إلا أنها كانت تمتلك هاتفين كلاهما من أحدث الموديلات المطروحة في السوق .. لم تتعب لأجل الحصول عليهما كثيراً .. فلقد ادخرت بعض المال لأجل أحدهما بينما حصلت على الأخر هدية من أحد رجالها .. نظير خدماتها منقطعة النظير.. كانت شهيرة الشهيرة بسوسو .. تظن أن امتلاكها إلى هاتفين سوف يُحسِن من شعورها تجاه نفسها .. سوف يمنحها لحظات من الإحساس بالمساواة

مع بقية النساء الشريفات .. اللاوتى تمقتمن هى بقدر ما تتمنى فى أعماق أعماقها أن تحظى بحياة شبيهة بحياتهن ..

بالإضافة إلى أن امتلاكها لهاتفين كان يُسهل على أصدقائها من الرجال الوصول إليها .. كانت تستعد للنوم باكراً فى هذا اليوم عندما دق هاتفها .. نظرت إلى الشاشة فلم تتعرف إلى المتصل، فقد كان رقمًا غريبًا هذه المرة .. فكرت ألا تُجيب، ثم عادت فى لحظة عن قرارها .. وقالت بصوتها المعهود بنبرته الخلاعية، التى توحى بأنوثه مزيفة مدعاة ..

- آلوووو .. مين عايز سوسو ..

جاء الصمت كرد لبرهة .. يليه صوت أنفاس شخص متردد ..

- آلوو ..

- مين .. مين عايزنى؟؟

- أنا .. أنا ..

- سى عادل بيه .. يادى الهنا يادى الهنا .. والنعمة عرفتك من صوتك يا بيه .. أى والله .. أصل سوسو على طول كده مرزقة .. وقلبي دليلها .. كنت حاسة يا أخويا إنى هنول الرضا وإنك هتتصل النهاردة ..

- تعاليلى دلوقتى ..

أعطاهم العنوان .. ثم أغلق الهاتف .. وهو لازال ينظر فى ذهول إلى تلك الورقة الصغيرة، المكتوب عليه رقم هاتفها التى قد منحتة إياه هذا الصباح .. كان لا يعلم لماذا فعل ذلك .. هل فعلها ليعاقب ميزة ..؟؟ هل

فعلها رغبة منه في إيذاء زوجته العزيرة..؟؟ أم يفعلها الآن ليؤذي نفسه هو بدون أن يدري !!..

بل بالأحرى كانت الإجابة عن هذا السؤال قابعة في أكثر أعماقه ظلامًا.. والتي كان هو يعلمها جيدًا ولكنه فقط يأبى أن يعترف لنفسه أمام نفسه بدوافعه الخفية التي قد دفعته لارتكاب تلك الجريمة لتوه .. رغبته الذكورية الدفينة، التي تدفعه دفعًا لأهمية الشعور بهيمنته و سيادته على أحد الكائنات الأضعف .. هي ما دفعته حقًا إلى فعل هذا الأمر ..

يال غباءك يا عادل .. ها قد تناولت الهاتف واتصلت وأحضرت لتوك امرأة لعوب إلى منزل الزوجية .. إلى منزل زوجتك .. المُحاط بمنازل الجيران .. الجيران اللذين يعرف معظمهم زوجته .. ولكنه ومع ذلك لم يفكر في هذا الأمر .. بل لم يفكر البتة .. فقد كل ما فعله هذه الليلة هو أن يُلغى عقله وقلبه .. وأن يتبع غريزته الحيوانية، التي تسكن في أكثر أعماقه ظلامًا..

بعد قليل اتصلت سوسو لتخبره أنها أوشكت على الوصول .. حتى يستعد .. أغلق الهاتف وتركه ودخل راکضًا إلى غرفة النوم .. فتح خزانته وأخرج منها الجلباب الوحيد، الذي يملك .. فقد أحضرته له أمه قبيل زواجه، حتى تشجعه على الذهاب كل يوم جمعة لحضور الصلاة في المسجد كما رتبته هي ..

وها هو عادل الرجل، الذي لطالما كره ارتداء الجلباب عبر سنوات حياته .. حتى قبل أن يلتقى ميزة بأعوام .. لطالما كره ارتدائه .. لما كان الجلباب ولازال يبرز حدة الشبه الذي يجمع بينه وبين أبيه الرجل القاسى، الذي لم يكره عادل أمرًا في حياته ككرهه لأن يكبر ليجد نفسه

يتحول إلى نسخة أخرى عن هذا الرجل .. وهكذا وعلى الرغم من أن لا ميزة ولا أمه ولا أى إنسان قد منعه قبلاً من ارتداء هذا الزي سوى نفسه.. إلا أن نفسه الآن قد دفعته لأسباب غير معروفة إلى ارتدائه.

ركض ففتح الباب .. دخلت سوسو ويعتلى وجهها تعبيرات تدل على حالة الفرح العارم التي كانت تعيشها في تلك اللحظة .. سوسو التي ظن عادل أنها سعيدة لأنه سوف يمنحها الآن شرف الحصول عليه بعد طول انتظار..

إلا أنها كانت سعيدة جداً في الحقيقة. لأن عادل هو أول رجلاً من زياتها .. يسمح لها بدخول منزل الزوجية الأنيق .. فقد كان بقية زياتها من الرجال أذكي من أن يتركوا لها خيطاً تستطيع أن تستدل به على المنزل، الذى تقطن به زوجته وأولاده .. كانت سوسو سعيدة بالبيت بينما كان غرور عادل قد عبث بعقله وأوهمه أنها سعيدة لمجرد حصولها على شرف البقاء بالقرب منه ..

كانت سوسو قد استعدت وارتدت أفضل ما تملك، ثم ارتدت من فوقه عبائتها السوداء اللماعة الشهيرة .. بل قد أحضرت معها في حقيبتها زى العمل الرسمى .. لعلمها المسبق أنها سوف تمضى الليلة في بيته.

منذ أن وطأت قدمها أرض البيت .. وهو يعاملها بازدراء مغلف بلغة لا تحتوى على شىء سوى الأوامر.. قال لها وهو يشير على الأرض ..

- انتى يابت .. اعدى هنا ..

ركضت ببلاهة وجلست القرفصاء في تلك البقعة التي قد أشار هو لها.. بينما كان هو جالسًا بعلياء على الأريكة المقابلة لبقعتها .. ينظر إليها من أعلى ويقول ..

- تعرفي إيه عن الشاعر بوشكين وقصته مع مراته ..؟؟

وها قد بدأت علامات البلاهة تظهر أكثر فأكثر على وجهها .. وتضع إحدى يديها على خدها.

- لا مؤاخذه يا بيه .. مش فاهمة حاجة .. ما تأخذنيش يعني بس أصل العلم..

- إخرسى .. (قالها بنبرة تعسفية) مش فاهمة يبقى تخرسى وتسمعى..

- تحت أمرك يا بيه ..

وهكذا أمضى عادل ما يزيد عن الساعة والعشر دقائق في حوار مستمر .. حوار لا يسمع فيه صوتًا سوى صوته .. ولا يرى في عيني مُحاوره شيئًا سوى تلك النظرة بالانهار التي لظالما كان يتمنى رؤيتها في عيني ميرة، ولكنه لم يفلح .. نظرة بالانهار ممزوجة بالكثير والكثير من الجهل والبلاهة.. وجه سوسو الذي كان يتركب من فم مفتوح من فرط الغباء .. يعلوه تلك النظرة .. نظرة الإنسان الذي قد بلغت به بلاهته إلى تلك الدرجة، التي سوف تكون فيما إجابته على كل الأسئلة وعلى أى الاسئلة .. نعم دون تفكير .. وهكذا .. قاد عادل سلسلة من النقاشات الأدبية المستمرة المتعلقة بالشاعر الروسي بوشكين وأشعاره .. ثم انتقل فجأة إلى الحديث عن قوانين الجاذبية الأرضية .. بينما كان يبدو لمن يراه من بعيد

كالكائن، الذى يستمد قوته واحترامه لنفسه من خلال التغذية على غياب
وبلاهة الآخرين ..

فقد كان عادل فى تلك الحالة، التى جعلته بأمس الحاجة لأن ينظر إلى
أى كائن من أعلى .. وقد منحته سوسو تلك الفرصة بكل سهولة .. فقد
كان يروى لسوسو الكثير عن تلك الموضوعات المعقدة، التى يعلم هو جيداً
أنها أبعد ما تكون عن تفكيرها البدائى الشهوانى العادى جداً.

وبعد أن أنهى حديثه .. شعر أنه قد نال كفايته من الشعور بالعظمة
اليوم .. اعتدل من موضعه .. فوقفت هى بدورها ظناً منها أنها سوف
تنضم إليه فى فراشه الليلة .. إلا أنه نظر إليها بغضب متفحصباً ..

وقال .. إنتى رايحة فىن كده إن شاء الله ..؟

منحته تلك الضحكة الرقيقة .. التى عادة ما تستخدمها فى مثل تلك
المواقف ..

- إيه يا بيه .. يعنى هكون رايحة فىن يعنى .. دا إنت أبو المفهومية ..

- إمشى يا بت إطلعى برا .. (قالها وهو يشير إلى باب البيت) ..

- إيه يا بيه .. ودى تيجى برضو هتسبى أنزل فى الوقت ده لوحدى دا
أنا ولية .. (قالها ظناً منها أن نخوته سوف تمنعه من تركها فى الشارع فى
هذا الوقت .. وهى لم تكن تعلم أنه قد فعلها لتوه مع زوجته) ..

- إطلعى برا يا بت دلوقتى حالاً .. ياما هفتح الباب وارميكى فى الشارع
بأيدي ..

- حاضريا بيه .. الى تشوفه ..

وهكذا قامت من موضعها وسارت في خطى بائسة نحو الباب، وعيناها موجّهتان للأسفل بينما كانت قد عكفت فمها إلى أحد جانبي وجهها تعبيرًا عن الخيبة .. فتحت الباب وذهبت في طريقها .. بينما دخل هو إلى غرفة نومه .. ولا زالت رأسه مرفوعة للأعلى بنفس هيئة الكبرياء، التي قابلها بها .. اضطلع لينام وهو مرتاح السريرة في هذه الليلة ..

كان أحمد قد خَلد للنوم بالفعل في تلك الليلة .. فلقد اعتاد منذ زمن أن ينام مبكرًا .. فليس بحاجة للسهر بعد رحيل زوجته وونيسته .. بينما كان مصطفى يتحدث إلى مها عبر الهاتف كعادته .. في سهرتهم التليفونية الليلية .. التي لطالما اعتادوا عليها .. عندما وجد ميزة تفتح باب الشقة وتدخل وفي يدها حقيبة صغيرة .. أغلق مصطفى الهاتف على الفور ونظر إلى وجهها، الذي كان يبدو على وجهه علامات البكاء .. تناول منها الحقيبة.. ثم قال بصوت يملؤه القلق ..

- ميزة .. مال عينيكى ... إنتى كنتى بتعيطى مش كده .. عمك إيه عادل .. عمك إيه ..

استيقظ احمد لتوه على صوت مصطفى .. وجاء مسرعًا ..

- فى إيه ميزة يا حبيبتي إيه إلى جابك دلوقتى .. وجوزك فىن .. إنتى غضبانة ولا إيه ..

أجهشت بالبكاء مرة أخرى .. وألقت نفسها في حضن أبيها .. وأخبرته عن كل شيء .. روت له تفاصيل مشكلة الليلة .. والمشاكل التي تسبقها كذلك .. بينما كان مصطفى جالساً يستمع إلى الكلام بانتباه، ولا تختف من على وجهه علامات الغيظ ..

قال أحمد بصوت غاضب ..

- عارفة يا بنتي .. أنا ممكن أقولك على كل المشاكل إلى بتحصل بينكم دى إنها عادى بتحصل بين أى إثنين متجوزين فى أول سنة .. بس فكرة إن جوزك يكسرلك الكمبيوتر .. ويسيبك تنزلى لوحده فى الوقت ده من البيت .. دى والله العظيم ما هعديها له .. هو أنا مش سايبك مع راجل ولا إياه .. إزاي يسيبك تخرجى دلوقتى لوحده .. على الأقل كان وصلك ..

مصطفى .. - ولا تزعلى نفسك .. ولا تعيطى .. ودينى لأربيه لما أشوفه هو بيكسرلك .. أنا هكسرله بتاعه هو كمان وأكسرله دماغه بالمرة .. مدام عاملى فيها راجل يبقى يوريني نفسه راجل لراجل ..

نظر إليه أبوه بغضب .. وقال له بحزم .. إنت إتجننت إنت كمان هو أنا ناقص مشاكل .. اللى إنت بتتكلم عنه دا يبقى جوز أختك .. ولما نحب نربيه ونعاقبه وناخد موقف الموقف ما يكونش بمد الإيد .. الموقف بيكون بالتصرفات العاقلة ..

- إنت مش سامع الكلام إلى هى بتقوله .. كل دا تصرفات عاقلة هو خلا فيها عقل .. هو مش عارف هو متجوز مين ولا إياه ... دا المفروض أصلاً بيوس إيده وش وضره إن أختى رضيت تتجوزه وتبصله ابن ال.....

- قلتلك اسكت .. وما تتدخلش خالص .. أختك إتصرفت صح وسابتله البيت ومشيت ودلوقتي هتفضل هنا معززة مكرمة لحد ما بيعي يعتذرلها وساعتها أنا إلى هربيه وهعمل فيه اللي أنا عايزه..

نظر إلى ابنته .. ثم قال .. - خشى نامى إنتى يا حبيبتي وريحي فى أوضتك .. وما تزعليش نفسك أنا هعرف أتصرف معاه..

أرادت سوسو أن تُباهى بنفسها .. وبانتصاراتها فى تلك الليلة .. أمام زميلتها فى العمل الهام .. ولكنها كانت تُفكر طوال الطريق فى الصباح إلى العمل ماذا تفعل؟؟ وماذا ستُخبرها ..؟؟ كانت تعلم جيداً أنها لا تملك قصة جديدة عن إحدى مغامراتها العظام لتروى عنها .. لذلك قد أثرت الصمت والانتظار .. حتى تحصل على قصتها المنتظرة لإخبار صديقتها .. ذهبت إلى العمل وقدمت القهوة كالعادة إلى عادل .. الذى كان موجوداً على مكتبه .. يدخن سيجاراً وتعاير العبوث تعلقو وجنته .. وضعت القهوة ثم ذهبت فى صمت .. لما وجدته شاردًا يبدو عليه أنه كان متأزم الفكر .. ذهبت بعيداً فى صمت ..

أما هو فقد عاد إلى البيت فى هذا اليوم .. وجده خاويًا لأول مرة .. وجده خاويًا ووجد نفسه هو أيضاً بمعدة خاوية .. اقترب من الطعام الذى قد أعدته ميزة بالأمس للغداء .. فوجده قد فسد بسبب قضائه الليلة بأكملها داخل الفرن .. فتح البراد بحركة بائسة بحثًا عن أى شىء مُرضى .. فلم يعثر سوى على الأجبان والبيض .. قام بقلبي بيضتين كان يتبارى أثناء طهوه مع نفسه فى إحداث أسوأ الآثار على المطبخ وأدواته التى تحمها ميزة كثيرًا .. بل والأكثر من ذلك .. شعر عادل لتوه أن الانتقام من ميزة يبدأ من

إفساد مطبخها وبيتها .. لذلك قام بقدر المستطاع بالعمل على اتساح البيت .. واتساح المطبخ بأكمله كذلك ..

تناول البيضتين فلم يشعر بالشبع .. ولا الرضا .. وكيف لرجلٍ تعود على تناول الطعام الجيد المُعد مسبقًا كل يوم أن يتناول فقط بيضتين .. فَكَّر قليلاً .. ثم تناول هاتفه واتصل بأحد المطاعم المشهورة .. وطلب الحصول على وجبتين من الحمام ..

وجبتين .. وَلَمْ وجبتين يا عادل ...!! لِمَ طلبت الحصول على وجبتين...؟؟

ما لبث أن أنهى مكالمته مع المطعم .. حتى اتصل بسوسو .. كانت مكالمته إليها تتلخص في كلمة واحدة فقط " تعالِ " .. وردت هي بكل طاعة.. " حاضريا عادل بيه " ..

ركض مرة أخرى إلى غرفة نومه، التي كانت قد بدأت تتحول هي الأخرى من مكان مرتب ومحترم يصلح للنوم والعيش .. إلى مكان فوضوى تكاد عيناك لا ترى معالمه من كثرة انتشار الفوضى فيه .. خلع ملابسه وارتدى نفس الجلباب .. الذى كان يرتديه بالأمس ..

وصل الطعام قبل وصول سوسو بحوالى نصف ساعة .. إلا أنه وعلى الرغم من جوعه الشديد .. أثر البقاء وانتظارها .. ولكن لماذا تنتظرها يا عادل ..؟؟ هل بسبب عدم رغبتك فى تناول الطعام وحيدًا ..؟؟ أم ماذا...؟؟

وصلت سوسو وهى فى نفس درجة السعادة والانهار التي كانت علمها بالأمس .. بل وهى ترتدى نفس الملابس أيضًا .. دخلت إلى البيت فوجدت

حقيبة الطعام موضوعة على طاولة السفرة .. التي ما إن دخلت حتى ذهب عادل وجلس عليها وقال لها ...

- يلا إفرشى الأكل .. أنا جعان ..

كان حديث عادل إلى سوسو في أغلبه مقتضب جدًا .. يقتصر على الأوامر فقط.

- حاضر يا بيه .. فرشت الطعام .. ثم سحبت إحدى كراسي الطاولة وكانت على وشك الجلوس عندما قاطعها هو قائلاً ..

- إيه دا .. انتى نسيتى نفسك ولا إيه هتقعدى كده معايا زيك زي تاكلى على نفس الطراييزة ..

- لا مؤاخذة يا بيه ..

قالتها في انكسار ثم جلست القرفصاء على الأرض في البقعة المجاورة له .. بينما تناول هو بعلياء إحدى الوجبات وقذفها لها بتكبر لتأكل .. وهكذا تناول كلاهما الطعام في صمت .. بينما كان عادل يراقب حركات سوسو أثناء تناول الطعام .. حركاتها التي توحى للكثير بشيء من القرف .. كانت تُشعره بعظمته كذلك .. فهو عادل ابن الحسب والنسب، الذى يترفع بنفسه عن هذا الأسلوب وعن هذه الطريقة في تناول الطعام ..

أنهى طعامه ثم قام واغتسل .. وجلس إلى أحد المقاعد في غرفة الجلوس .. ثم ناداها ..

سوسو .. إنتى يا بت تعالى هنا .. أشار بيده إلى نفس البقعة التى
جلست عليها بالأمس .. جاءت فجلست فى طاعة تامة .. جلست فى طاعة
وصمت ..

ظل يتحاور معها لبعض الوقت .. فى موضوعات شبيهة لتلك التى
تحدث عنها بالأمس .. ولكن هذه الليلة لم يطل حديثه كثيراً .. صمت لبرهة
.. ثم أمرها أن تذهب إلى غرفة الغسيل فى بيته وتجلب من هناك الطبق
البلاستيكى الأحمر المستدير، وأن تملؤه بالمياه الدافئة والملح .. وتأتى
لتغسل له قدميه .. ركضت سوسو بسعادة عارمة .. فأخيراً سوف تفعل
شيئاً تفهمه واعتادت عليه .. لعله يتوقف عن إخبارها عن تلك
الموضوعات الكثيرة التى لا تفقه فيها شيئاً..

ظنت سوسو أن امرأ ما مما تتوقع سوف يحدث الليلة بعد أن نغسل
له قدمه .. إلا أن ظنهما لم يكن فى محله هذه المرة كذلك .. فلقد أنهت
مهمتها فى غسيل قدميه .. ثم أمرها بعد ذلك أن تغادر البيت .. هذه المرة
غادرت بدون نقاش أو جدال ..

- إطلعى برا ..

- حاضريا بيه من عينيا ..

فقد كانت سوسو على دهائها .. وانحرافها .. وانفلاتها .. قد تعلمت
أمرأ واحداً حميداً من مدرسة الحياة .. ألا وهو الصبر .. وقد كانت حرفة
الصبر هى وحدها ما أخبرتها بالانتظار والطاعة بدون أسئلة ..

كان عادل يظن أن في حياة ميزة حبًا أول سواه .. وهو بالفعل كان محققًا في هذا الأمر .. فإن وجد رجلاً آخر بإمكانه مشاركته ميزة وقلب ميزة .. وحب ميزة الأول .. فهذا الرجل هو بالتأكيد أباها ..

أحمد .. الذى هدأ من روع ابنته .. ونهى مصطفى عن التدخل بعنف وطيش .. وتظاهر هو بالهدوء كرد فعل على الموقف .. إلا أنه وفي الحقيقة كان يشعر أن هناك بركانًا من الغليان يفور بداخله .. فمنذ تلك اللحظة، التى وقعت عيناه فيها على ابنته وهى تبكى .. وهو يشعر بهذا الشعور .. لعلمه جيدًا بطبيعة ميزة المحبة للحياة .. القوية المشرقة .. كما رباها هو .. لا تبكى المرأة أبدًا إلا عند حدوث أمر ليس هينًا، وهى كذلك كانت قد اعتادت أن تفعل عبر حياتها .. ألا تبكى إلا على أمر كبير ..

وهكذا لطالما كان أحمد يعتقد أن هناك نوعين من البشر .. نوع مشرق ينبعث منه الضوء بطريقة طبيعية إلى الآخرين .. والآخرين .. مظلومون .. أو بالأحرى منطفئون .. يعيشون على ضوء الآخرين .. ولا يرون النور إلا عبر المشرقون في حياتهم .. إلا أن أحمد في هذه الليلة كان صدقًا يحترق بداخله .. كان يرى أن عادل قد أطفأ نور ابنته ميزة .. قد امتص منها إشراقها وتسبب في تحويلها إلى إنسانة مظلمة مثله ..

تظاهر أحمد بالعودة إلى النوم .. ولكنه في الحقيقة لم ينم هذه الليلة .. بل بقى يقظًا ولم يغفل له جفن إلا بعد أذان الفجر بحوالى ساعة .. وهكذا .. لأجل ابنته .. قد أثر البقاء في البيت في اليوم التالى وعدم الذهاب لمكتبه ..

أوشك يوم العمل على الانتهاء .. بينما شعر عادل بالفراغ المطبق .. فراغ المعدة وفراغ الفكر والأهم من هذا وذاك .. فراغ البيت .. فقد كان في السابق يملك ما يعود لأجله كل يوم .. أما الآن فشعوره بالوحدة بعد غياب ميزة جعله يبدو كالمشردين .. لا يملك بيتًا يعود إليه .. وهل يبقى البيت بيتًا من دون امرأة تشغله؟؟

فكر في الاتصال بها .. الاتصال بميزة .. أمسك الهاتف وكانت تفصله عنها ضغطة زر .. إلا أن صفة العناد، التي قد كانت دائمًا ولازالت تشغل حيزًا كبيرًا من شخصيته .. قد منعتة في آخر لحظة ..

فكر فيما سوف يفعل بعد انتهاء يوم العمل .. فلم يبق أمامه سوى أصدقائه .. الذى قد تذكر لتوه انه لم يُباهى بانتصاره على زوجته أمامهم بعد .. فذهب والتقى بهم ليخبرهم تفاصيل تلك المعركة، التي دارت بينه وبين ميزة ..

بينما كانت ردودهم تتراوح بين تلك العبارات ...

- يا عم يا عم .. أيوه كده رفعت راسنا ..

- دا إنت ما كانش حقك تكسرلها الكمبيوتر .. دا إنت كان حقك تكسرلها دماغها الناشفة دى عشان تتعلم تسمع الكلام بعد كده ..

عادل والابتسامة تكاد تحفر طريقها بالعودة إلى وجهه مجددًا .. يعنى إنتوا شافين إنى أسيبها شوية وما أروحش أصالحها دلوقتى ..؟؟

- آه طبعًا يا عم تصالحها .. تصالحها دا إيه دا هى اللى المفروض تصالحك ..

أنا بقى هزعل وإنها كده بتعاقبنى يعنى .. بس الحلوة مشيت من هنا ..
والدنيا بقت زى الفل..

عادل – مش فاهمك؟؟

يرد أحدهم – مش فاهمه إيه بس يا عم .. بيقولك سلطان زمانه ..
يعنى قضاها مع بنات طبعًا ..

بالتعاسة هؤلاء النسوة .. يالسوء حظك يا سيدتى .. سوء حظك
الذى ينقسم فى قسوته إلى نصفين .. نصفًا قد أتاكِ رَغْمًا عنكِ .. وزع
عليكِ عندما وزعت الأقدار على البشر .. ونصف أخر قد جلبته على قلبك
بارتكابك خطيئة سوء الاختيار .. وهكذا القيتِ بنفسك فى قبرٍ من الزواج
السيء .. مع رجلٍ لا يعرف كيف يحترم امرأته .. ويثق تمام الثقة أن والدها
رجل لا يحترم ابنته كذلك .. وهكذا تبقى المرأة كالكرة .. تتقاذفها تارة
أقدام الزوج .. وتارة أقدام الأخ .. وتارة أخرى أقدام الأب .. يلقى بكِ زوجك
خارجًا .. ولا ينفك عن ركلكِ خارج أسوار بيته الحديدية .. ويعاملك
بازدراء.. بل ويمارس عنفه عليكِ كذلك .. لثقتته أنكِ لن تهربين بعيدًا أبدًا ..

فى وجود والد مثل والدكِ .. سوف تنحصر رحلة هروبك دائمًا بين
اتجاهين .. أولهم من بيت أبيكِ إلى بيت زوجك .. وثانهم من بيت زوجكِ
إلى بيتِ أبيكِ .. وثالثهم من بيت أبيكِ إلى بيت زوجك .. وهكذا .. سوف تقع
على حياتك لعنة الهروب ثنائى الاتجاهين إلى الأبد .. ومع الوقت سوف
تتفاقم الأزمات فوق عنقك .. لتجدين نفسك غير قادرة على الهرب لما
تعلق بمصيرك وجود الأطفال البؤساء .. الذين ما جلبتهم إلى الدنيا إلا
لتشاركتهم تعاستك وأحزانك وتنقلها إليهم رُغْمًا عنكِ بالطبع ..

للحظات ظن عادل .. أن بقاء ميزة طويلاً في بيت أبيها .. سوف يعيدها إليه منكسرة بمحض إرادتها كبقية النساء .. إلا أن ظنك قد خدعك يا عادل .. تمامًا كذكائك الذي يبدو من تصرفاتك أنه قد بدأ يرحل عنك شيئاً فشيئاً في الأيام الأخيرة .. ذلك وأن ميزة امرأة غير كل النساء .. إنها امرأة تملك رجلاً يحترمها .. أباً يقدر وجودها .. وهي كذلك امرأة تملك بصيرة حسن الاختيار .. لذلك على عكس قريناتها .. أثرت الانتظار طويلاً قبل التسرع في الزواج .. ففى حين تزوجت كل زميلاتنا تقريباً بمجرد انتهائهم من امتحانات السنة الرابعة من الجامعة .. بل قد تزوج بعضهم قبل الانتهاء من دراستهم كذلك .. إلا أنها هي قد أثرت الانتظار لعلمها ولإدراكها الجيد بالعواقب المترتبة على التسرع في قرار مثل هذا .. والإقدام على الزواج من أول شخص يطرق باب بيتها ..

وبالسخرية الامر .. ميزة التي انتظرت طويلاً .. وتحرت الدقة كثيراً .. واختبرت عادل كثيراً .. كانت قد تظن أنها عرفته بما فيه الكفاية قبل الزواج .. إلا أنها ودون أن تدرى قد وقعت ضحية قلبها في تلك اللحظة .. قلبها الذي أخفى عن عينها حقيقة مهمة .. ألا وهي أن عادل كان يتظاهر بكونه شخصاً آخر في حضورها .. بينما كانت هي تتصرف معه على سجيتها منذ اللحظة الأولى ..

وهنا يبقى السؤال .. هل تسبب الحب يا ميزة في زواجك من عادل...؟؟
أم كان تظاهر عادل وتقنعه بصفاتٍ ليست منه في شيء هي السبب الحقيقي وراء إتمام ذلك الزواج؟؟

بقيت ميزة في بيت والدها .. وهي حزينة تسأل نفسها .. كيف خدعت نفسها بالظن أن عادل يُحبها بهذا القدر...!!

إلى بيحب ما يقدرش يبعد عن اللي بيحبه كل الوقت .. لو كان بيحبني زى ما بيقول ما كانش قدر يبات ليلة واحدة بس فى البيت من غيرى.. أنا إزاي كنت غبية كده .. دا حتى ما خافش عليا وسابنى أنزل لوحدى بالليل ما هانش عليه حتى يوصلنى .. أنا هفضل قاعدة هنا لحد ما ييجى يصالحنى .. يا إما هطلب الطلاق..

هكذا فكرت ميزة فى تلك الأيام ..

عاد عادل من جلسته المسائية مع أصدقائه .. ورأسه نَعَجَ بالأفكار الجنونية .. بل تعج بالأفكار الشيطانية .. تناول هاتفه واتصل بسوسو .. التى كانت قد بدأت بدورها تسأم من جنونه هى الأخرى .. وبنفس الطريقة المملوءة بالعنف والازدراء .. وبنفس الصوت .. وبنفس الاختزال والاقتراب .. اقتصرت المكالمة على كلمة واحدة فقط .. ألا وهى ..

- تعالى ..

- حاضريا بيه ..

سوسو القادمة من الأحياء الشعبية الفقيرة .. المرأة اللعوب .. التى لطالما اعتادت أن تُباهى بمغامراتها الرجالية أمام زميلتها المسكينة إلهام .. التى ينقصها الكثير والكثير من الجمال .. بل ينقصها كذلك الكثير والكثير من الحنكة والمهارة التى تملكها سوسو وتحترف من خلالها الإيقاع بالرجال..

كانت سوسو تشعر بالدونية المطلقة وهكذا وفي كل مرة تصادف عيناها في الشارع سيدة بصحبة زوجها اعتادت هي أن تمقت هؤلاء النساء وتحسدنهم كثيراً .. وكانت تهوى الإيقاع بالرجال المتزوجون تحديداً بغرض رد اعتبارها لنفسها .. كانت تستخدم هذه الطريقة للانتقام من كل امرأة شريفة تملك أسرة هي لا تملكها .. وتملك بيتاً هي لا تملكه .. بل بالأحرى تملك حياة هي تدرك جيداً أنها لم ولن تملكها أبداً في أى يوم من الأيام .. كانت سوسو تُمارس دور العشيقة باحتراف .. ولكن عشيقة فقط لكل رجل متزوج .. حتى يمكنها أن تواسى نفسها بتلك اللحظات، التي تختلس فيها النظر إلى بعضاً من الحياة السرية لامرأة أخرى ..

قامت وارتدت ملابسها .. وبينما هي تقف أمام المرأة تضع الحجاب على طريقتها المعتادة وتخرج أطراف شعرها من مقدمة الرأس ..

- ماشى يا سى عادل .. اما نشوف اخرتها معاك إيه .. قالتها وهي تلوى فمها بتأفف..

وهكذا ذهبت إليه .. وهكذا أيضاً أمضى برفقتها هذه الليلة فترة زمنية.. لم يكن هو نفسه يدرى كم من الدقائق .. أو كم من الوقت قد عبر عليه .. كل ما يدرى هو أنه كلل مجمل الأوقات التي مضاهها مع سوسو لتوه بتاجٍ من الخطيئة كُتِبَ على رأسه كلمة خائن .. تلك الكلمة التي قد مضى عمراً بأكملها قبل أن يلقي زوجته ميزة يبالغ في وصفه لعمق كراهيته إليها .. اكتشف عادل لتوه أنه ما كره الخيانة يوماً لبشاعتها كما كان يدعى.. وإنما كرهها لرغبته الشديدة بها .. يا إلهى .. كم هو ساخرٌ هذا العصر .. لقد أمضى ساعات ودقائق وألفاً كتباً يذم في خطيبته السابقة.. التي ما منحته يوماً تلك الخيانة النكراء، التي قد منحها هو لتوه لزوجته ..

وإنما كان كل ما فعلته أنها رافقت عليه شائبًا آخر .. كانت كل لقاءاتها معه في أماكن عامة على امرأة ومسمع من الجميع.

باللسخرية .. استمر عادل في كراهية الخيانة، حتى ارتكبتها في أبشع صورها ..

بالفرط سعادة سوسو الآن .. لقد سمح لها عادل لتوه أن تطأ قدميها أرضية غرفة نومه المقدسة .. غرفة نومه هو وزوجته .. كانت هذه هي المرة الأولى التي ترى فيها سوسو تلك الغرفة .. بل هذه هي المرة الأولى .. التي تضع رأسها محل رأس زوجته العزيزة .. حبيبة عمره .. تلك المرأة التي انتشرت عنها الشائعات وتحدث عنها جميع العاملين في الجريدة فور زفافها من عادل .. تحاكوها بجمالها .. تحاكوها بدوقها .. وتحاكوها بعلمها .. ها هي سوسو تفخر بنفسها لإحرازها هدف الانتصار على مينة .. المرأة التي وعلى الرغم من أنها لم تلتقِ بها في حياتها قط .. إلا أنها كانت في غاية السعادة للانتصار عليها .. لقد حصلت سوسو لتوها على أعلى ما تملكين يا مينة .. لقد حصلت على زوجك .. وأنت لازلتِ في بيت أبيك تبكين الحُب .. هكذا فكرت سوسو ..

كان عادل قد نجح خلال عدة أيام فقط .. في ترك كل ما له صلة بصفة العقل خارج جسده .. حتى وصل به الحال إلى تلك المرحلة .. التي قد قادته إلى تلك اللحظة، التي يصل إليها الإنسان بعد أن يتجرد من كل الجوارح التي تربطه بالإنسانية ويتحول إلى حيوانٍ جائع لا يتبع أمرًا سوى تلك الأوامر التي تتبع من أعمق رغباته ظلامًا .. فأمسى يشعر أنه قد غاب عن الوعي تمامًا في تلك الليلة .. يشعر أنه يدور في دوامة ما .. دوامة أكبر منه بكثير .. دوامة هو نفسه لم يكن له عليها سلطانًا .. لم يكن عادل

يقوى على إيقافها أو التحكم بها أو حتى الخروج منها .. وهكذا استمر عادل في منحها أمراً تلو الآخر .. حتى انتهى من تنفيذ جميع رغباته الجنونية في السيطرة .. استفاق عادل من دوامة الخطيئة وعاد إلى الواقع بمجرد خروج أخر أمر لديه ..

وهكذا تمت أولى مهمات الخيانة بنجاح .. وعندما نظر بالقرب منه في الفراش .. وقعت عيناه على مكان مميزة فلم يجدها .. بل وجد سوسو .. لا يعرف لماذا شعر بالمفاجأة عندما رأى نظرات سوسو المبتذلة تتجه نحوه .. نظر إلى الساعة الرقمية الموجودة بالقرب من فراشه فوجد أنها قاربت الرابعة فجراً .. وهنا لا يعرف ماذا أصابه .. قام فأمسك بسوسو من ذراعها .. وتحدث إليها بازدراء واضح كانت هي قد اعتادته بالفعل منذ أن عرفتته ..

- قومي .. قومي يا بت إنتي إطلعي برا يلا .. إمشى من هنا قبل ما حد يشوفك..

- يا بيه بالراحة شوية مش كده .. مش هلاقي حاجة أركبها دلوقتي ..

- إطلعي برا البيت يا بت بقولك يلا مش عايز حد من الجيران يشوفك .. يلا قبل ما حد يصحى..

- يا بيه بس .. بس ...

- ما بسسسش .. هتقومي تلبسى وتغورى من هنا ولا تحبى أقوم أرميكي في الشارع زى ما إنتي كده.

استسلمت سوسو لرغبته وارتدت ملابسها على عجلة ثم تسلمت لتخرج من البيت مسرعة في تلك الليلة .. التي تشاء الأقدار أن تتزامن لحظة خروجها من البيت مع انطلاق أولى نداءات أذان الفجر ..

رافقها حتى باب البيت .. ليتأكد أنها سوف تتسلل برفق .. بدون أن يشعر بها أيًا من الجيران .. أو حتى بدون أن يشعر بها الحارس .. وتبين له أنه قد أخرجها من البيت بنجاح .. ثم حملته قدميه ببؤس مرة أخرى في طريق العودة إلى غرفة نومه هو ومييزة .. لا يعرف لماذا لم يقو على العودة إلى سريره مرة أخرى .. لذلك قد أثر الجلوس على أريكتها .. مقعد القراءة، الذى تحبه زوجته كثيرًا لدرجة أنه يعتبر هو قطعة الأثاث القديمة الوحيدة في المنزل بأسره .. لعله جلس كان يشعر أن هذا المقعد قد أصبح الآن هو البقعة الطاهرة الوحيدة في هذا البيت ..

صوت الأذان يتكرر بصوتٍ عالٍ .. وفي كل مرة يتردد فيها يخيل له أنه أعلى مما قبله .. غطى عادل أذنيه في محاولة بأئسة ليمنع وصول صوت الأذان إليهما .. إلا أنه ومع ذلك لم يتوقف عن سماعه .. أغمض عينيه لعله بذلك يكف عن النظر إلى ذاك الفراش .. محل خطيئته .. لا يعرف لماذا أجهش بالبكاء في تلك اللحظة إلى هذا الحد .. أجهش عادل بالبكاء حد الجنون .. استمر في البكاء والنواح كالأطفال .. البكاء الذى كان قد هجره منذ الصغر .. لما علمه والده أن الرجل الحق لا يمكن أن يبكى .. ها هو الآن يستغل فرصة وجوده وحيدًا في البيت حتى يبكى بحرقة .. ولن يشهد على لحظة بكائه هذه سوى جدران هذا البيت، التى قد شهدت لتوها على لحظات خطيئته .. وها هى تشهد مرة أخرى على لحظات بكاؤه السرية ..

قد يظن البعض أن عادل يبكي لأنه قد خان زوجته .. أو يبكي حزناً
وخجلاً من ميزة .. وقد يظن البعض أن عادل يبكي خوفاً من الله .. إنما في
الحقيقة .. كان عادل يبكي بحرقه حزناً على حاله .. حاله الذي قد أسمى
يرثى له .. بعد أن ارتكب لتوه الفعل التي قد قضى عمراً بأكمله يمقتها ..
ويخبر الناس عن بشاعتها .. كان يبكي لشعوره الغريب بالتناقض .. بين ما
كره وما اقترفت يدها ..

انظر إلى حالك يا عادل .. ماذا سوف تفعل بنفسك الآن .. كيف
ستنظر إلى نفسك في المرأة بعد أن تكشفت لك دوافعك المظلمة ورفعت
الغطاء عن نفسك أمام نفسك !! ها هي الأيام تقودك لتفعل الأمر الذي
لطالما خشيته .. الذي لطالما كرهته .. ولطالما لاحقته في كتبك .. وأوهمت
نفسك والعالم أجمع أنك أنت نفسك كنت أحد ضحاياه .. ها قد نجح
شيطانك في تحويلك من مظلوم إلى ظالم ..

ظل يبكي ويبكي حتى انتفخت عيناه من فرط البكاء .. فقرر الذهاب
إلى دورة المياه .. ليغسل وجهه بالقليل من الماء البارد .. وبينما هو ذاهب ..
عبر في طريقه من أمام المرأة .. فرأى نفسه .. وبالفرد المفاجأة .. شعر
للهولة الأولى أنه لا يرى نفسه هو .. بل يرى أبيه .. أو بالأحرى يرى نسخة
مصغرة عن أبيه .. الذي لطالما كانت أكبر مخاوفه أن يكبر ليجد نفسه
يتحول إلى نسخة أخرى عنه..

نظر في المرأة في تلك اللحظة .. كان وجهه عابثاً ذو عينان منتفختان ..
ويرتدى الجلباب .. وياللتشابه .. لقد رأى عادل في تلك اللحظة على وجهه
نفس علامات القسوة والعبوث، التي لطالما ارتسمت على وجه والده ..
وهكذا سقط على ركبتيه أرضاً .. ممسكاً بياقة جلبابه .. واستطرد في موجة

بكاءه الهستيرية، وهكذا ازدادت حدة البكاء شيئًا فشيئًا .. استمر في محاولة خلع الجلباب وهو يبكي ويقول بصوتٍ عالٍ ..

- بقيت شبيهه .. بقيت شبيهه بقيت شبه أبوك ..

دخلت سوسو إلى الجريدة في هذا اليوم .. يعترها شعورًا مبالغ فيه بالفخر .. تكاد من شدة فخرها لتبدو كمن كانت قد حصلت لتوها على جائزة كبرى .. وما أن انتهت من تقديم خدماتها الصباحية للموظفين .. عبرت على مكتب عادل فوجدته خاويًا هذا الصباح .. وعرفت أنه من المحتمل ألا يظهر اليوم ..

دخلت إلى حجرة الكافيتيريا .. أغلقت على نفسها الباب .. وأمضت الكثير من الوقت تروى لإلهام عن تفاصيل ليلة أمس ..

كان رد الهام ملء بالتعجب ..

- إيبيه .. يالهوى يا ولاد .. بقى الأستاذ عادل .. إلى بينضرب بيه المثل بالأدب والأخلاق يطلع منه كل دا .. دا صحيح إلى تحسبه موسى يصبح فرعون ..

ردت عليها بفخر واضح على تقاسيم وجهها وصوتها ..

- أو مال إنتى فاكرة إيه .. يابت دا أنا سوسو .. دا أنا سوسو يا بت محدش يقدر يقاومنى ..

- أه يا قادرة .. أموت واعرف بتعلمها إزاي .. بتوقعي أتخن وأنشف
دماغ في الرجالة إزاي..

- أهودا بقى سر الطبخة .. لا يمكن أديه لحد أبدًا ..

- بس تفتكرى هو ما جاش التهادرة ليه .. داهية ليكون عقل ورجع
لمراته ومش عايز يعرفك تانى .. حاكم الرجالة دول مالهومش أمان..

- مش عايز يقابلنى إيه .. فششششر .. وهو أنا هسييه .. خلاص دا
جالى برجليه .. ودينى منا سايباهولها مراته القادرة دى .. هموت واعرف
سايباله البيت وتعمل إيه .. بيضالها فى القفص بنت المحظوظة .. عارفة
يا بت لو كنتى شوفتى بيتهم عامل إزاي بس .. كنتى تعرفى إن إحنا مش
عايشين .. أه والله مش عايشين..

استيقظ عادل الخاطى .. متأخرًا ذلك اليوم، بينما لا يدري متى نامت
عيناه .. وجد نفسه نائمًا فى موضعه على الأرض .. ولم يقرب هذا الفراش
مرة أخرى منذ ما حدث ..

قرر ألا يذهب إلى الجريدة .. فهو لازال لا يعلم بعد كيف سيواجه
سوسو .. وكيف سوف يتعامل معها بعد أن وضع نفسه على قائمة
رجالها الكثيرون .. جلس على الأرض لوهلة وأثار النوم المختلطة بآثار
البكاء لازالت تعلق عيناه من ليلة أمس..

ذهبت به مخيلته إلى أبشع المناطق ظلامًا .. عادت إلى مسامعه للتو
أخبار كل هؤلاء الرجال من مرافقى سوسو .. المرأة التى قد بدأ يتراءى له

في تلك اللحظة كم هي مدنسة .. يذكر الآن كل زوملاؤه في الجريدة اللذين قد تحدثوا أمامه عن علاقاتهم الوضيعة بسوسو أو كيف اعتاد دائماً أن تصل إلى مسامعه أخبار تلك العلاقات الكثيرة المرعبة، التي لطالما اشتهرت هي بها وكانت ولا زالت لا تنكرها عن نفسها كذلك .. شعر أن سوسو قد جمعت كل الدنس الأسود الموجود في العالم واحتفظت به لنفسها وحدها هي فقط .. لفرط ما عرفت من رجال شعر أنها دنسته معها .. شعر أنه الآن متسخ مثلها .. نظر إلى جسده فشعر أنه ينظر إلى جسدٍ لم يره مسبقاً .. كما لو كان لأول مرة يرى نفسه .. كانت عيناه قد بدأت للتو ترى شيئاً جديداً .. أو بالأحرى قد بدأت ترى أطيافاً جديدة .. نظر إلى يديه وبدأ في شمهم .. فشعر أن هناك رائحة من القرف والدنس تغطيهما .. بل تغطي جسده بأكمله .. عرف عادل لتوه أن تلك الرائحة قد التصقت بجسده للأبد .. وهاهو يبدأ رحلته مع صديقه الجديد .. وسواسه الجديد .. هوسه بالنظافة ..

كان لازال واقفاً في محله أمام المرأة .. عندما قرر أن يركض ويتناول هاتفه سريعاً .. ثم اتصل بإحدى الصيدليات المجاورة، التي تمتلك خدمة توصيل الطلبات إلى المنازل .. طلب منهم إرسال سائل رغوى للاستحمام مزود بمواد معقمة بأسرع وقت ممكن .. أغلق الهاتف .. وظل واقفاً في موضعه يتحرك يميناً وشمالاً .. لا يدرى فيم يفكر وماذا سوف يفعل .. حتى يصل طلبه .. لذلك أثار أن يمضى هذا الوقت في محاولة بأئسة لغسل يديه ..

أحدهم قد قرع باب بيته للتو .. فتح عادل الباب ولا يعرف لماذا عندما فتح الباب نظر إلى ذلك الشاب البرئ البسيط .. تلك النظرة .. وبإلها من نظرة .. إنها نظرة الحسد، تلك النظرة التي تنبع من ذلك الشعور الذي قد بدأ عادل لتوه يفهم ويستوعب أن للحسد أسباباً ودواعٍ

أخرى قد تكون بعيدة كل البعد عن السيارة الجديدة والزوجة الجميلة والبيت الأنيق .. اكتشف عادل لتوه أنه أحياناً قد يحسد الناس بعضهم البعض على براءتهم .. يحسدون بعضهم البعض على نعمة الطهارة .. نعمة النظافة .. بل والأهم من هذا وذلك .. يحسدون بعضهم البعض على حرية الاحتفاظ بنقائهم الطبيعي .. وشفافيتهم .. تلك الأمور، التي قد أدرك عادل لتوه أنه أبعد ما يكون عنها..

حصل على حمامًا طويلًا .. ولم يقرر الانتهاء منه حتى شعر بالإطمئنان النوعي .. أنه قد أصبح نظيفًا بما فيه الكفاية .. ليخرج .. إلا أنه لم يكن يدرى أن ذلك الشعور بعدم النظافة، الذي قد بدأ يزوره لتوه .. لا ينبع من الخارج .. وإنما من الداخل .. لذلك فإن هذا الشعور بالاتساخ لا يمكن أبدًا لإنسانٍ أن يقضى عليه من خلال الاستحمام .. فهو شعور داخلي ينبع من مكان لا يمكن للماء بلوغه أبدًا ..

وهكذا .. لطالما انقسم الخطائون عبر تاريخ البشر إلى صنفين .. صنف يُخطئ ثم يقوده الشعور بالذنب إلى التوبة .. وصنف آخر .. يُخطئ .. ثم يركض مسرعًا ليلقى بنفسه إلى أقرب يدٍ هو على يقين من أنها سوف تهنئه على خطأه .. ويل وستصفق له كذلك ..

وكعادة بعض الخطائين .. وكعادة بعض المتكبرين .. لم يكن عادل في حالة تسمح له بتعنيف نفسه أكثر من ذلك .. لذلك قد عرف وجهته لتوه.. سوف يذهب لينضم إلى أصدقائه .. أصدقاء السوء .. ليروى لهم بكل فخر عن انتصاراته الرجولية في المعركة التي يظن أنه قد انتصر فيها على زوجته .. وهو لم يكن يدرى إلا أنه لم ينتصر إلا لشيطانه على نفسه..

ذهب عادل هذا اليوم والتقى بأصدقائه جميعًا .. وروى لهم تفاصيل ليلته الحافلة بالأمس .. كانت ردودهم مشجعة للغاية .. فلم يقتصروا على

تشجيعه فقط .. بل هنئوه واحتفوا به كثيرًا .. وعلى الرغم من ردود أفعالهم المهينة .. المُسكنة للضمير .. إلا أن عادل لم يجد عندهم ما يُهدئ من روعه .. لم يرتح لسماع حديثهم كما ظن .. ولم يجد في حديثهم أى شعور بالراحة .. لذلك عاد إلى بيته تلك الليلة وقد قرر أنه سوف يعيد ميزة إلى البيت غدًا ..

وهنا بدأت لديه مشكلة جديدة .. ألا وهي أحمد المسعدى .. والد زوجته وحموه .. فقد كان عادل يعلم جيدًا أنه باستطاعته مراضاة زوجته فقط بعدة كلمات .. لكن والدها .. كان هذا أمرًا صعبًا ومهمة ليست هينة .. بحيث كان عادل يعلم جيدًا إنه في طريقه لمراضاة ميزة ينتظره كلامًا لاذعًا من والدها ..

كانت الساعة بالفعل قد قاربت على الثانية عشر ليلاً .. إلا أن عادل كان لازال يقظًا يحاول التفكير في أمرٍ ما يخول له استعادة ميزة إلى البيت بدون التعرض لوالدها .. وعلى الرغم من تأخر الوقت .. إلا أنه تناول هاتفه واتصل بخالتها هدى بدون تفكير مسبق .. فقد كان ضميره يغلى بما فيه الكفاية للدرجة التي قد قضت على صبره .. لم يكن يقوى على الانتظار للصباح لمكالمتها ..

رحبت هدى بمكالمته كثيرًا .. وعنفته قليلًا .. وعاتبته قليلًا .. ثم اتفقا على أن تُرافقه غدًا في رحلته إلى بيت عائلة ميزة .. لأجل استعادة زوجته .. أغلق الهاتف سعيدًا بحصوله على محامٍ آخر .. بإمكانه الاستعانة به في وجه أحمد المحامى المحنك .. والأب الغاضب لابنته ..

هُدى .. وماذا عنكِ يا هُدى ..!! كيف سموكى عبثاً بهُدى، بينما على ما يبدو انكِ فى الحقيقة تفتقرين إلى الكثير والكثير من الهُدى ..

وهكذا و لو عومِل كل إنسان بما يحمله اسمه من معانٍ .. لخدعتنا الأسماء كثيراً كما اعتادت المظاهر دوماً على خداعنا ..

هُدى .. الزوجة المصرية العتيبة .. التى تلعب فى الحياة أدواراً متعددة.. فى تارة زوجة وربة منزل .. تارة أم .. وتارة أخرى خالة لميزة وأخوها مصطفى .. وهكذا تتعدد أدوارها، تلك الأدوار التى لا يمكن لأحدهم إنكار أهميتها .. الا أن هناك أمراً واحداً يجب الوقوف عليه لإنكاره.. ألا وهو أن هدى كانت تظن أنها سيدة السيدات .. أنها أكثرهم أوممةً .. وأكثرهم حُباً .. وأنجحهم كزوجةً .. كانت تعتقد أن أبنائها محظوظون فقط لمجرد فكرة أنهم قد ولدوا ووجدوا أنفسهم أبناءاً لها هى.. محظوظون فقط لأن الحظ حالفهم بعثورهم على أمٍ مثلها هى .. والأكثر من ذلك أنها كانت تظن أن كل من فى الأرض من أولاد وبنات يتمنون فى أعماق أعماقهم أن تكون هى أمّاً لهم بدلاً من أمهاتهم الحالية .. بل ويحسدون أبنائها عليها كذلك ..

كانت تظن عبثاً أن أعظم هدية قد تُهادى بها امرأة ما .. هى تلك النصائح الذهبية الرنانة .. النصائح، التى لطالما لقبتها هى بنصائح .. لكنها فى الحقيقة لم تكن فى أغلب الأمر بنصائح .. وإنما هى مصائب مغلقة بكلمة نصائح ..

كانت تستمد سعادتها الأزلية من التدخل فى مشاكل الناس .. والإغداق عليهم بالكثير والكثير من الارشادات .. كانت تتسلى بدور " حمامة السلام " هذا الدور الذى كان يشعرها بأهميتها كامرأة .. تلك الأهمية التى

لطالما ولازالت تفتقد إلى الكثير منها في حياتها هي الشخصية .. بل في داخل بيتها هي كذلك ..

هي التي كان أولادها يكادون يفقدون عقلهم من فرط تدخلها في أدق تفاصيل حياتهم .. مما كان يقودهم في الكثير من الأحيان إلى الصراخ في وجهها والتشاجر معها ومعاملتها بازدراءٍ بين ..

هدى التي كانت تفخر بمهارتها كربة منزل .. كانت في واقع الأمر لا تجلب لنفسها كوب مياه واحد في منزلها .. فقد عودت زوجها منذ زمنًا على تناول الطعام بالخارج أو إعداده لنفسه بنفسه في البيت في حال أراد يومًا تناول طعامًا منزليًا .. وهكذا كَبُرَ ابنائها ليجدوا أنفسهم ينشأون تحت رعاية امرأة مهملة .. مفعمة باللامبالاة .. هي نفسها كانت بحاجة إلى من يربعها .. وهكذا اعتادت هدى أن تتمارض تمامًا في توقيت كل مشكلة تحدث بينها وبين أحد أبنائها أو زوجها .. كانت تتمارض في سبيل الحصول على عطفهم وجذب انتباههم ثم تجلس لتُمتع نفسها بمشاهدتهم وهم يقومون على خدمتها بتفاني ..

وعن هذه المرأة .. الأم .. الزوجة .. هدى .. التي لطالما كان ينقصها الكثير والكثير من النجاحات الأسرية .. كانت هي كثيرة الحديث عن إنجازاتها الأسرية .. وعلاقاتها المترابطة بزوجها وأبنائها .. والتي هي بالفعل جميعها أحاديث كاذبة وعلاقات وروابط غير موجودة بالمرّة.

ولهذا السبب دومًا .. قيل ولازال يُقال .. أن حديث الإنسان عن موضوع واحد بكثرة في كل وقت وفي أي وقت .. بسبب وبدون سبب .. لا يدل على شيء سوى فرط انتقاص كل مُتحدث بما يجود في الحديث عنه ..

ذلك وأن البشر بعاداتهم يميلون إلى إخفاء ما يُسعدهم .. خوفًا من فقدانه.. رغبةً في حمايته ..

لذلك كانت هدى دائمًا ما تميل إلى الحديث عما لا تملك .. كانت تميل لأن تتباهى بشيئًا لم يكن يومًا عندها .. لعلها بذلك تقنع نفسها وتوحي لمن حولها بوجوده في حياتها ..

وهكذا تبقى دائمًا الزوجة التي لا تتوقف عن إخبار الجميع عن مدى حب زوجها لها .. مثيرة للشفقة .. لكونها تسعى جاهدة لإخفاء كراهية زوجها لها ..

وهكذا يبقى دائمًا الرجل .. الكثير الكلام عن نجاحاته وإنجازاته أمام الغرباء .. مثيرًا للشفقة .. لكونه يحاول إقناع الآخرين بأمرٍ هو نفسه يعلم أنه لا يملكه .. ظنًا منه أنه وهذه الطريقة يخفى فشله تحت قناع من الكذبات المتتابة .. ولا يعلم أنه يفضح نفسه دون أن يدري ..

وهكذا تبقى دائمًا الفتاة .. التي لا تتوقف عن إخبار قريناتها أنها الأجل والأوفر حظًا .. وبأن الخطاب يتسارعون لأجل نيل قلبها والحصول على ابتساماتها .. مثيرة للشفقة .. فهي تعلم والجميع يعلمون أنها أكثر فتاة غير ملحوظة في العالم ..

وهكذا أيضًا .. تبقى المرأة الكتومة .. التي لا تُفصح عن أسرار بيتها .. هي الأسعد بينهم على الإطلاق .. فهي تملك بالفعل حياة سعيدة تُخفيها عن الآخرين منعًا لإثارة الحسد .. تُخفيها أملًا في الاحتفاظ بها لأطول فترة ممكنة ..

أما عن هؤلاء .. ممن لا يتوقفون عن توثيق أحداث حياتهم اليومية عبر مواقع التواصل الاجتماعي .. خطوة بخطوة .. يذكرون أين تناولون الغداء وبرفقة من .. ثم يتشددون بإخبار الجميع عن حالتهم النفسية .. أود أن أخبركم كم أنتم مثيرون للشفقة !!..

لو كنتم سعداء بالفعل لما تسنى لكم الوقت لتفكروا في هواتفكم وفي إثراء صفحاتكم عبر المواقع المختلفة !!..

لو كنتم سعداء حقًا كما تدعون أثناء تلك اللحظات .. لألهتكم السعادة عن التفكير في أى شئ سوى هؤلاء الأشخاص اللذين أنتم برفقتهم !!..

وهكذا تستمرون في التباهي على بعضكم البعض .. تارة يتباهى هو بصورة سيارته الجديدة .. وتارة أخرى تتباهى هى بصورة خاتم خطبتها الحديثة .. وتارة أخرى تعلن امرأة عن تناولها عشاءًا رومانسيًا برفقة زوجها في أفخم المطاعم عبر الإنترنت .. وفي الحقيقة لو كانت كل تلك الأمور، التى تتباهون بها تسعدكم حقًا لأخفيتموها .. وإنما أنتم تتباهون بما ينقصكم كثيرًا .. تتباهون بما ينقصكم ويوجعكم نقصانه .. تخبرون الجميع عن سعادتم الزائفة، لعلكم بذلك تفلحون في إنكار تعاستكم ..

وهكذا وبعد عمرٍ من الزمن .. سوف تمضى بكم الأيام .. وسوف تشيخون لتكتشفون أنكم قد أمضيتم أيامكم الأجمل على الإطلاق في ادعاء السعادة .. بدلًا من النهوض لصناعتها بأنفسكم..

يالتعاستكم !!!!..

وهنا يبقى القول .. بأن عادل كان في طريقه إلى استعادة ذكائه بعض الشيء .. بحيث أنه قد وفق في اختياره لمن سوف يرافقه في رحلة استعادة ميزة مرة أخرى إلى البيت ..

أما عن عادل .. الذى قد قرر قضاء ليلته في إخفاء معالم جريمته .. ألقى بالهاتف مسرعاً من يديه .. ثم ركض في البيت يميناً وشمالاً .. وهكذا قام بإعادة تنظيف كل شبر في البيت .. قام بمحو كل ذلك الاتساخ، الذى قد خلفه من قبل عمداً في البيت لإثارة استفزاز ميزة والانتقام منها .. دارت الدائرة سريعاً وهاهو ينظف البيت بنفسه .. دخل إلى المطبخ .. وقام بغسل كل طبق وكل ملعقة وتنظيف كل الأسطح الرخامية وتلميع كل شيء جيداً .. ثم جمع القمامة من كل أنحاء البيت وألقى بها خارجاً حتى يتأكد أنه لن يكون هناك أى خيط باستطاعة ميزة أن تمسك بطرفه بعد ذلك للاستدلال على حدوث أمرٍ مريب في بيتها أثناء عدم وجودها ..

انتهى من تنظيف البيت وحن الآن موعد تقفى آثار سوسو .. دخل إلى غرفة النوم التى كان قد ترك مهمة تنظيفها إلى آخر لحظة .. نزع عن الفراش الملاءة .. ثم ألقاها على الأرض ..

استخرج أحد الملاءات الجديدة من الخزانة .. ووضعها على الفراش .. ثم قام بترتيبها بعناية .. وبعد ذلك نظر جانباً فوجد الملاءة لازالت على الأرض .. تلك الملاءة، التى قد لامستها سوسو بالفعل .. رفع رأسه قليلاً فوقعت عيناه على جلبابه المُبَجَّل، الذى كان ملقاً على كرسى التسريحة .. وهكذا .. ذهب إلى المطبخ وحصل على زوجين من القفازات البلاستيكية، التى عادة ما تجلبهم ميزة من السوق بغرض ارتدائهم أثناء تنظيف وإعداد اللحوم والدجاج ..

ارتدى القفازين .. ثم حمل الملاءة و الجلباب ووضعهما في كيس آخر من أكياس القمامة .. كان الشعور بالقرف جراء ما حدث بينه وبين سوسو تلك الليلة لازال يملك منه بطريقة غير عادية .. لدرجة أنه لم يعد بمقدوره أن يتحمل فكرة أن تلامس يديه شيئاً قد لامسته سوسو قبلاً ..

ثم فتح باب البيت ووضعهم خارجاً .. بالقرب من بقية القمامة التي قد أخرجها لتوه ..

لقد أوشك موعد أذان الفجر .. بينما هو لازال يدور ويدور في البيت .. تُدقق عيناه في كل شيء .. لعله نسى شيئاً ما هنا .. أو هناك .. لعل سوسو نسيت شيئاً ما هنا .. أو هناك .. يحتاج عادل الآن أن يكون دقيقاً إلى أبعد الحدود ..

ثم نظر إلى يديه مرة أخرى .. وقربها إلى فمه .. شم رائحتهما .. فشعر أنه ليس نظيفاً .. ركض مرة أخرى في نفس اليوم للحصول على حمام باستخدام الغسول المعقم ..

استيقظ عادل في اليوم التالي على مكالمة من هدى .. تسأله فيها عن موعد قدومه .. وتتأكد من عدة أشياء سوف يتذرع بها كلاهما قبل الذهاب إلى بيت ميزة، واتفق كلاهما على أن تتولى هدى أمر أحمد زوج أختها المتوفاة، وأن يتولى هو أمر زوجته ميزة ..

استيقظ عادل .. ولا يعرف لماذا .. لازال يشعر بالقرف .. وبعدم النظافة .. إنه شعور شديد بالالتساخ يعتره بالكامل الآن ..

حصل على حمام آخر .. ثم ارتدى أفضل ما يملك .. وخرج مسرعاً إلى الشارع .. جلب الكثير والكثير من الزهور .. والشموع ..

عاد مرة أخرى إلى البيت .. وقام بنثر الزهور على الفراش .. وبالقرب من الفراش .. وعلى الأرض وفي كل مكان في غرفة النوم .. حتى فاحت منها رائحة الزهور العطرية .. فقد كان أنف عادل بأمس الحاجة لأن تشم رائحة أخرى سوى رائحة الدنس، التي كان يشعر أنها تنبعث من جدران هذا البيت ..

إلا أنه ومع ذلك .. لازال يشعر أن هناك شيئاً ما ليس نظيفاً في البيت.. دخل إلى غرفة الغسيل وتناول قطعة من الأقمشة، التي تستخدمها ميزة في التلميع .. ثم غمس تلك القطعة في سائل الكلور .. وقام بتلميع كل القطع الخشبية التي تتدلى من فراشه .. ثم قام بمسح الأرضيات بالكثير والكثير من السوائل المعقمة ..

ذهب إلى طاولة الطعام .. ووضع عليها الكثير والكثير من الشموع .. ثم جلب أطباق ميزة الفخمة، التي تحافظ عليها هي جيداً .. ووضعها بطريقة فندقية جنباً إلى جنب على طاولة الطعام .. بالقرب من الشوكة والملقعة والسكين ..

يااه .. إيه إلهي ناقص .. إيه إلهي ناقص عشان ما أخلصاش تشك في حاجة .. أه أه صح .. بالظبط كده..

ركض خارجاً .. قاد سيارته مسرعاً إلى أحد المجمعات التجارية الكبرى.. واشترى لزوجته جهاز كمبيوتر جديد .. من إحدى الشركات العالمية الكبرى .. كلفه الجهاز الكثير من المال فقد كان هذا أغلى عدة مرات من ذلك الذي كانت زوجته بالفعل تملكه ..

قد يظن البعض أن عادل قد اشتراه باهظ الكلفة لإرضاء ميزة ..
وإنما في الحقيقة قد اشتراه في محاولة بأئسة منه لإرضاء ضميره ..
ولإسكات ذلك الصوت المزعج الذي لا يتوقف عن وخزه في كل دقيقة من
حياته .. منذ أن فعل فعلته ..

بينما كان لازال خارجًا من المتجر .. وقعت عيناه على أحد المحال
الشهيرة، التي تتبع عطور.. دخل واشترى لزوجته زجاجتي عطر.. قد كلفته
الكثير والكثير من المال ..

وبعد أن عاد لسيارته .. لا يزال يشعر بتلك الوخزة .. وخزة ضميره ..
التي باتت تعذبه ولا يعرف كيف يُسكتها .. لذلك قرر تجاهلها وتكملة
الطريقة وصولًا إلى وجهته المنشودة .. بيت ميزة ..

سبقتة هدى إلى بيت أختها .. وانفردت بميزة في غرفتها قبيل وصول
أحمد ومصطفى من العمل .. وهكذا دار بينهم الحديث ..

- يا خالتو بقولك أنا حسيت كأنه واحد تانى في الوقت دا .. والله
العظيم أنا شفتها في عينيه دا قرب منى وكان ناوى يضربنى ورجع في كلامه
في آخر لحظة وكسر اللاب توب .. دا إتغير وإتحول كأنى متجوزة واحد تانى
غير إالى حبيته ..

- يا عبيييبييطة .. دا حب .. أه والله العظيم حب .. دا لعلمك بيعمل
كده من حبه فيكى ..

- إزاي يعنى يا خالتو من حبه فيا بقولك كان هيضربنى..!!

- ما هو ده إلی مشككى فيه إنه كان هيضريك ما ضريكيش ..

التفتت ميزة إلى خالتها هدى ورمقتها بتلك النظرة التي توحى بالكثير والكثير من التعجب... ثم قالت ..

- هو إيه دا يا خالتو إنتي كنتي عايزاه يضريني يعني أنا مش فاهماكي..

- لأ طبعا يا روح خالتو .. بس مش كده .. الراجل من دول لما يكون بيحب مراته وبيموت فيها .. بيحب دايمًا يشوفها في أحسن حال .. ولما يلاقها ابنتت تتعوج منه يروح واكلها علقة حلوة من إياهم عشان ترجع تتعدل تانى .. بيقوم سلوك مراته يعني .. أصلا ضرب الزوج للزوجة حلال أه والله حلال .. عشان كده الراجل إلی ما بيحبش مراته ما يمدش إيداه عليها، ما يهמוש أمرها في حاجة .. سألت إيداه منها يعني بالبلدى كده .. يقولك والله يبقى فيها العبر ولا يهمنى منها حاجة أديها عايشة بتاكل وتشرب وتربى العيال وتخدمنى وخلص ..

- أولًا يا خالتو مع احترامى ليكى تصحيح يعنى ضرب الزوج للزوجة في الإسلام بالسواك .. وفي أكثر من طريقة لتقويم سلوك الزوجة برضو في الإسلام وكلها ملهاش علاقة بالضرب .. وبصراحة يعنى أنا الكلام إلى حضرتك قولتيه دا مش

قاطعتها هدى .. - بلا مش بلا ممش .. إسمعى بقولك إيه إحنا ما عندناش بنات تتطلق في العيلة دى .. أه هترجى مع جوزك النهاردة وابوكى سيبوه عليه أنا هعرف أتفاهم معاه .. بس إنتي بس عادل زمانه جاى وأول ما بيعى أنا هدخلهولك هنا تتكلموا مع بعض .. وشغل ستات بقى زى ما إنتي فاهمة ..

نظرت إليها ميزة بدون أن تنطق بكلمة .. تلك النظرة، التي تحمل الكثير والكثير من المعاني، التي ليس بمقدور ميزة الإفصاح عنها لخالتها .. لأنها خالتها .. احترامًا لمقامها وسنها ليس أكثر.

لقد حالف عادل الحظ هذا اليوم .. ووصل قبل عودة أحمد إلى البيت من العمل بوقتٍ كافٍ .. فدخل ليتحدث إلى ميزة على انفراد وهو يحمل في يديه الهدايا، التي قد جلبها لها..

أغلق خلفه باب غرفتها ثم وقف لبرهة لا يعرف كيف يبدأ الحديث .. ثم مد يده قائلاً في سكون ..

- ميزة أنا .. أنا .. أسف عشان كسرتلك الكمبيوتر .. أنا جيبتلك واحد تانى غيره أهو .. وكمان دى هدية جيبتهم ليكى كمان يارب يعجبوكى ..

نظرت إليه ميزة بتعجب .. ثم قالت ..

- يعنى لو إنت متوقع إنى مشيت وسيبتلك البيت وزعلت عشان أنا عايزاك تجيبلى كمبيوتر جديد بس تبقى غلطان قوى ..

- لأ أنا عارف إنى زعلتك وزعقتلك .. وكسرتلك الكمبيوتر .. بس إنتى كمان يا ميزة عارضتيني .. وقاوحتى معايا وأنا جوزك والراجل بتاعك والمفروض تفكيرك يبقى منبثق من تفكيرى ..

- عادل إنت سامع إنت بتقول إيه .. إنت مش جاى تعتذر إنت جاى تخلى الأمور اسوأ .. ممكن تقعد بس ثانية عشان نعرف نتكلم ولو سمحت تسمعنى للأخر ما تقاطعنيش عشان عندى كلام كتير عايزة أقوله .. أنا الكام يوم دول إالى قعدتهم هنا خلونى أدركت إن المشكلة إالى حصلت

بيني وبينك أسبابها أكبر بكثير من حثة كمبيوتر وزعيق وشخيطة .. المشكلة دى سبب من أسبابها الكلمة اللى إنت لسة قايها دلوقتى حالاً اهو .. أنا جوزك ولازم تفكيرك يبقى منبثق من تفكيرى .. ما هى لو الحكاية كده يبقى إنت ما كنتش إتجوزتى أحسن .. كنت إتجوزت نفسك أو دورت على واحدة ست تبقى نسخة منك فى طريقك وتفكيرك وكل حاجة ..!! أنا بس نفسى أفهم إيه السرور ومحاولاتك الرهيبة دى إنك تخلىنى نسخة تانية عنك .. دا ربنا خلق الناس مختلفين عشان يكملوا بعض .. تفتكر ليه يعنى ما خلقهمش نسخ من بعض مثلاً..!!

لم يرد على سؤالها .. ظل صامتاً يستمع إليها .. أو على الأقل كان يتظاهر هو بذلك..

عادل إنت إتغيرت كثير .. أنا بقيت أحس فى الفترة الأخيرة إنك واحد تانى غير إلى أنا إتجوزته .. فى عادل المثقف المتفتح .. إلى كنت بعد ما إتجوزنا بنقعد أنا وهو بالساعات نتكلم فى حجج كثير فى الدنيا .. نتكلم عن كل حاجة وأى حاجة .. فإكر لما قلتلى واحنا مخطوبين إن أكثر حاجة بتفرحك وإنت معايا هى إنك بتعرف تناقشنى فى أى موضوع إنت عايزه .. راح فى الكلام دا كله .. راحت فى ضحكاتنا وحواراتنا وهزارنا مع بعض .. كل دا راح واتبدل فى لحظة .. ومرة واحدة لقينا نفسنا بقينا زوجين مملين .. كأننا متجوزين بقالنا خمسة وأربعين سنة مش حياالله كام شهر .. بقيت الحياة كلها مرتبطة بالنوم والأكل والشرب .. ما بنتكلمش مع بعض غير فى الطبخ أو الحاجات التانية اللى إنت عارفها .. كل خروجاتنا بقت من البيت للسوبر ماركت ومن السوبر ماركت للبيت .. سواء إنت أو أنا إحنا الإثنين لو تفتكر إتجوزنا بعض بعد طول انتظار .. إنت وانا أخرنا جوازنا عشان نتفادى الدائرة إلى كل الناس عايشين فيها .. الدائرة إلى بتخلى كل

الناس حياتهم زى بعض بيعملوا نفس الحجات وبيتكلموا عن نفس الحجات وبيعيشوا بنفس الطريقة ..

فاكر لما وعدتني إن إحنا هنتجوز ونسافر نروح تحت كثير .. وعدتني إننا هنستكشف العالم مع بعض .. فين وعودك وفين حبك ليا إلى كنت ياما بتحكيلى عنه .. فين حنيتك عليه اللى بقيت بحس إنها كل يوم والتانى بتختفى وبتتحول لواحد قاسى ومستبد مش عايز تسمع غير صوتك إنت بس ورأيك إنت بس ..

قالها ميزة ثم بدأت فى البكاء .. غطت وجهها بكفها .. بينما كان ميزة لتوها قد ضغطت بقوة على أعرق مخاوف عادل .. ألا وهى شخصية الزوج المستبد الطاغية القاسى، التى لطالما عصفت به فى طفولته وطوال حياته .. وهكذا كان عادل قد أقنع نفسه أن كل ضحكة وكل لمسة حنان إلى زوجته تأخذه خطوات أبعد فى طريقه للهروب من التلبس والتحول إلى نسخة أخرى عن والده ..

عندما قالت له ميزة هذه الكلمات .. شعر أنه بحاجة لأن ينفى عن نفسه تهمة التحول إلى والده .. فاقترب منها .. ووضع يده بحنو على كتفها .. ثم احتضنها بينما كانت هى تبكى ..

ثم قال لها .. أنا أسف .. إرجعى بيتك يلا البيت وحش قوى من غيرك ..

اعتدلت ثم استطردت فى حديثها وهى لازالت تبكى ..

فاكر ياعادل أحلى أيام حياتنا أول ما إتجوزنا .. راحت فى حنيتك .. إنت كنت بتحضنى كل لحظة .. أول ما بفرح بتحضنى وتحسنى إنك

معايا ومشاركى فرحتى .. أول ما بزعل أو بتعصب على أبسط حاجة كنت بتحضنى وحضنك كان بيخلينى أهدى وافرح فى ثوانى .. كنت بتحضنى وأنا بطبخ .. وساعات بتحضنى أول ما بتصحى من النوم كنت بحس ساعتها كأنى وحشاك بقالى زمن .. مش كأنك لسة شايفى قبل ما تغمض عنيك بليل .. كنت بتحضنى واحنا بنتفرج عالتليفزيون .. واحنا واقفين على البراندة .. إنما فى الفترة الاخيرة .. أنا فعلاً حاسة إنى ما بقيتش أعرفك..

فى تلك اللحظة .. سمعوا صوتًا صاحبًا من الخارج .. كان هذا أحمد قد وصل لتوه إلى البيت ويتشاجر مع هدى ..

- إنت ازاي ياهانم تسمحي لنفسك إنك تخليه يدخل يتكلم معاها من غير ما يكلمنى أنا الأول .. إنتى مش ملاحظة إنك بتتعدى حدودك ..

- ما تنساش يا أحمد إن أنا خالتها .. والخالة فى حكم الأم خاصة لو الأم مش موجودة ..

- وما تنسيش يا هدى إن أنا أبوها .. وحاليًا أمها كمان .. وانا ما أحبش إن حد يتدخل بينى وبين بنتى ..

- إنت قصدك إيه يا أحمد إنت بتطردنى يعنى ولا إيه .. ولا شكلك مش هتمدى ولا هترتاح غير لما بنتك تتطلق منه .. إنت أصلاً ما كنتش عايزها لا تتجوزه ولا تتجوز غيره .. إنت كنت عايز تقعد لها جنبك كده .. وقالتها وهى إحدها يديها على خصرها وتنظر إليه بتحدى ..

وفى هذه اللحظة خرجت ميزة من غرفتها برفقة عادل الذى كان ممسكًا بيدها .. وقالت لوالدها وهى تبتسم ..

- بابا خلاص .. عشان خاطرى إهدى .. ما حصلش حاجة عادل جيه
أهو واتكلم معايا وإتصالحنا خلاص ..

نظر إليه أحمد بغضب .. ثم قال بنبرة من الغيظ ..

- والله إتصالح معاكى .. طب وهو بيتصالح معاكى ما قالكيش هو ليه
إتجدعن قوى وإسترجل قوى كده وسابك تنزلى من البيت فى نص الليل
لوحدك ..

- خلاص يا بابا والله عادل إعتذرلى ..

- أيوه بس هو ما إعتذرليش أنا .. أنا كمان لازم يعتذرلى ..

كان عادل يفور غيظاً .. ينظر إلى الأسفل فى محاولة لتفادى النظر إلى
والد زوجته .. لعله بذلك ينجح فى إخفاء مشاعره ..

- خلاص يا بابا .. حقك عليا ..

- إنتى بتعتذرلى ليه .. هو أنا قلتلك إن أنا عايز إعتذارك إنتى .. أنا
عايز إعتذاره هو .. وعامة .. معلش بس كده سيبونا لوحدنا أنا وهو ..
إتفضلوا كلكوا إدخالوا جوه ..

قالت ميزة .. طب يا بابا بس ممكن ..

- قلت إدخالوا جوه .. كلامى يتسمع .. وإنتى أولهم .. ثم نظر إلى هدى ..

قالت هدى - كده يا أحمد .. ماشى هى دى أخرتها أنا الحق عليا إنى
قلبى على بنتك ..

انصرفت كلتاهما إلى الداخل .. فاصطحب أحمد عادل إلى الشرفة ..
وأغلق الباب من خلفهم .. حتى يتأكد أن محاولات هدى في استراق السمع
إلى حديثهما سوف تفشل .. وما إن دخلا إلى الشرفة .. حتى وقف أحمد في
مواجهة عادل وعلى بعد خطوة منه .. نظر في عينيه بتحدٍ .. وقال له بنبرة
تهديد ..

- بص يا أستاذ عادل .. أنا هفهمك حاجة بس عشان نبقى على نور
كده من أولها .. مش هكدب عليك أنا بنتى ميزة دى هى كل حياتى .. وأهم
حاجة فى حياتى كمان .. مش معنى إنى هسيهالك دلوقتى ترجع معاك
البيت يبقى أنا كده راضى عن إالى حصل واللى بيحصل وإلى أنا عارف
إنه لسه هيجصل .. أنا هسيهيا ترجع معاك لسبب هو تقربياً نفس السبب
إلى خلانى سيبتها تتجوزك من البداية .. وهو إنى كنت شايف للأسف ..
للأسف .. إن وجودك فى حياتها بيخليها مبسوفة .. وعشان كده بقولك إن
اللحظة إالى هحس فيها إن ده ما بيحصلش وإن وجودك فى حياتها
بيسببها التعاسة .. أنا هاخدها منك تانى .. وعلى فكرة بس عشان تبقى
عارف أنا عندى بنتى تفضل لوحدها حرة ومبسوفة .. أحسن مية مرة ما
تكمل حياتها مع راجل ما يستاهلهاش ..

قال له عادل بهدوء .. مفهوم .. بينما مد يده لفتح باب الغرفة وهو
يَمُّ بالمغادرة .. فأمسك به أحمد ثم قال .. أنا لسة ما خلصتس كلامى ..
أخر حاجة هقولها لك .. خليك فاكر إن المرة الجاية إالى بنتى فيها هترجع
بالشكل دا .. هتبقى إنت كده حطيت نفسك فى مواجهة مباشرة معايا أنا
شخصياً .. ودى حاجة بالتأكيد إنت لسة ما جربتهاش وما أفتكرش إنك
بالغباء الكافى إنك تبقى عايز تجربها ..

وهكذا .. مرت الليلة في سلام .. عاد الزوجان إلى بيتهما .. كانت ميزة في غاية السعادة، عندما رأته ما قد أعدّه عادل في البيت مسبقًا .. أخبرها أنه سوف يقوم بطلب الطعام من أحد المطاعم الليلة .. لقد أهرها الأمر كثيرًا.. فقد عادت لتكتشف أن زوجها، الذي اعتاد أن يطلب منها أن تأتي إلى غرفة الجلوس لتعطى إليه جهاز التحكم عن بعد .. الذي عادة ما يكون على بعد وسادتين فقط من مكانه .. عادت لتكتشف أن زوجها الكسول عدو التنظيم والترتيب الأول .. قد تحول فجأة إلى آلة نظافة .. صدقًا لقد أهرتها نظافة وترتيب البيت .. والفرش وكل شيء وصولًا إلى المطبخ ..

- عاادل .. حبيبي .. مين إلى عمل كل ده؟؟

- أنا طبعًا .. أمال مين يعني.. قصدك إيه ..؟؟ قالها بطريقة دفاعية دون أن يشعر..

- ممم يعني مش معقول إنت إلى نضفت البيت دا كله لوحدهك وخليته بيلمع كده .. كنت مخبي عنى فين المهارات دى قبل كده يا دودو..؟؟

- عادى يعنى .. أنا طول عمري نضيف على فكرة ..

- عادل قولى بجد بصراحة .. إنت جيبت حد البيت ومش عايز تقولى..؟؟ قالتها وهى تبتسم فى مكر .. بينما رد هو بطريقة دفاعية وبدأ فى التوتور..

- لأ طبعًا حد إيه .. إنتى قصدك إيه يعنى ..؟؟ إنتى إزاي تقولى كده؟؟

- يا عااادل مالك إتعصبت ليه ..؟ يعنى ما فهاش حاجة لو جيبت شغالة تنضف قولى .. مش لازم تحاول تقنعنى إن إنت إلى عملت كل ده لوحك .. أنا برضو هفضل فرحانة إنك بتحبنى وروحت جيبت واحدة تنضفى البيت عشان أرجع لأقيه نضيف ..

تنفس عادل الصعداء .. ثم ابتسم قائلاً وهو يداعب خدها بيديه ..

- لا يا حياتى .. أنا إلى عملت كل ده عشانك .. ما تخافيش مش بكذب عليكى .. والله العظيم أنا إلى نضفت البيت كله لوحدى ..

ميزة المرأة، التى قد أعمى بصيرتها الحب كثيرًا .. لدرجة أنها قد تصورت أن عادل قد أبقى هاتفه مغلقًا تلك الليلة بأكملها .. وطوال فترة بقائه فى البيت رغبة منه بالانعزال عن العالم والبقاء معها وحدها فقط.. ياللهول .. ماذا لو عرفت أنه قد أبقاه مغلقًا خوفًا من إحدى مكالمات سوسو الليلية التى اعتادت أن تداهمه على غير موعد فى أى وقت لما كانت قد بدأت لتوها رحلة مطاردته التى لم تكن سوسو تنتوى أن تضع لها يومًا نهاية ..

مرت الليلة فى سلامٍ ودفءٍ ومحبة .. وفى صباح اليوم التالى ... كان عادل قد قرر البقاء فى البيت وعدم الذهاب إلى العمل كذلك .. فقد أجرى مكالمة هاتفية فى الصباح الباكر وطلب الحصول على يومٍ آخر كإجازة .. ومُنح الموافقة ..

استيقظت ميزة من نومها .. كمن يستيقظ لتوه من حلم أمس الجميل .. وبدأت تُمارس حياتها الطبيعية اليومية العادية جدًا ..

لقد حصل عادل لتوه على حمام صباحى طويل .. وبينما هو يفتح الباب وعلى وشك الخروج .. وجد ميزة واقفة تُحدق فى تعجب فى التسريحة، التى تعلوها المرأة الموجودة فى غرفة نومها.. نظرت إليه ثم سألته ..

- عادل ... حبيبي .. بقولك إيه هو فين أزايد البرفيوم بتوعى اللى أنا كنت حطاهم هنا .. وعلبة كريم وشى أنا كنت لسة جايها جديدة ما بقاليش أسبوع .. واللوشن بتاعى كمان .. كل الحجات اللى كانت هنا راحت فين ..

وقف عادل فى صمت .. ينظر إليها ويحاول جاهداً أن يخفى علامات الخوف من على وجهه ولا يعلم من عليه أن يذم فى تلك اللحظة .. هل يذم عيناه الرجليتين اللتين قد خدعتاه عندما أغفلا إخباره باختفاء تلك المستحضرات قبل حضور ميزة .. أم عليه أن يذم سوسو السارقة، التى وياالسخرية الأمر كان عادل مستاءً من سرقتها لأغراض زوجته .. هو الذى قد منحها بمحض إرادته أغلى ما قد تملك أى زوجة .. ألا وهو زوجها .. يا بنت الحرامية يا سوسو الكلب .. أقولها أنا إيه دلوقتي .. هكذا فكر عادل فى تلك اللحظة قبل أن يتكلم..

- ما تبصى كده كويس ممكن تكونى غيرتى مكانهم أو حطيتهم هنا أو هنا؟

- لأ ما غيرتش مكانهم أنا متأكدة .. هما راحوا فين؟

- عادى يعنى تلاقىكى خدتيهم معاكى وانتي ماشية ونسيكى تجيبهم معاكى تانى.

ضحكت ميزة ثم قالت له - وانا ماشية زعلانة ورايحة هيبقى عندى وقت أخذ معايا الحججات بتاعتي إالى أنا سايباها على التسريحة وكمان هاخدهم وانسى!!! إزاي يعنى .. لأ بجد راحو فين؟؟

صمت عادل لبرهة ثم عرف حُجَّتَهُ الملائمة للخروج من الموقف .. اقترب منها وهو ينظر للأرض بخجل .. ثم وضع يده على إحدى كتفها .. ومنحها تلك الابتسامة الخجلة ..

- بصى بصراحة .. أنا كنت بحاول أخبى عليكى .. أنا جيبت ست تنضف .. أه والله .. بس شكلها كده طلعت حرامية بقى ولطشت الحججات إالى كانت على التسريحة.

ضحكت ميزة بعمق .. ثم قالت له بنبرة من المزاح ..

- شفت .. أدى أخرة الكذب وحشة .. إمبارح قعدت أقولك قول جيبت ست ولا نضفت لوحدك .. وإنت تقولى أه والله العظيم نضفت .. قعدت تحلف كذب بس .. عامة ماشى .. أنا لسة مبسوفة إنك عملت كل ده عشانى .. ومش زعلانة على الحججات إالى إتسرفت ..

تناول يدها .. ووضع قبلة عليها ثم قال لها ..

- حبيبة قلبى .. ولا يهملك أنا هجيبلك أحلى وأغلى منهم ..

- ماشى بس أنا هبص فى البيت كده أدور أشوفها سرقت حاجات تانية ولا لأ .. بس إنت على فكرة مين إالى جاهالك البواب؟؟ لو كده لازم تروح تهزقه وتمدله .. عشان إزاي يجيبلك ست حرامية إفرض كنت حاطة

دهى أو حاجة غالية هنا ولا هنا مش كانت سرقتها بالمرة .. الحمدلله إنها جت فى شوية كريمات وحاجات هبلة ..

- لأ خلاص مالهاش لازمة أى حاجة تنقص فى البيت أنا هجيبلك بدالها على طول .. هجيبلك أحلى وأغلى منها ..

- لأ بس أنا لازم أهزقه عطية دا أنا ههدله على الحركة دى .. وهقول لكل الجيران كمان إنهم ما يطلبوش منه أى خدمات عشان هو مش بيتأكد الأول قبل ما يجيب الناس للشقق ..

ارتعد عادل خوفًا من أن تفعلها زوجته عن حسن نية .. وتشيع الخبر بين الجيران ..

- لأ يا حبيبتي إوعى تعملها حرام عليكى ..

- حرام عليا أنا .. وهو مش حرام عليه ..؟؟

- أيوه لأ حرام تفضحيه .. الفضيحة وحشة ودا أكل عيشه .. ما تحكيش لحد لحسن يمشوه من البيت وكده هنقطع عيشه هو وولاده .. يللا يا روحى .. سيبك من الكلام ده .. وروحي إلبسى عشان خارجين ..

لقد سارت إلهام فى خطوات مسرعة .. بينما كانت تلهث جراء صعود الدرج .. لأنها لم تكد تملك من الصبر ما يحملها على انتظار دورها أمام المصعد المزدحم كالعادة .. فتحت باب غرفة الكافيتيريا بعنف .. ثم قالت وهى تلتقط أنفاسها ..

- سوسو .. بت ياسوسو .. عندى ليكي حطة خير .. عادل جه الجورنال
النهاردة .. أنا لسة شايفاه دلوقتي حالاً ..

انتفضت سوسو من موضعها بسعادة ..

- إيه ده بجد والنعمة .. إوعى كده بقى .. قالتها وهي تزيج إلهام عن
طريقها حتى يتسنى لها الخروج من الباب .. فأمسكت إلهام بذراعها
وقالت ..

- رايحة فين؟؟

- ودى عايزة كلام .. رايحة الحمام .. أظبط التواليت إلى على وشى ده ..
أمال إيه يعنى .. هو مش عشانى أصلاً دا عشان دولة ..

انتهت من الاستعداد السريع للقاء عادل .. ثم سارت في خطى كانت
تعرف وجهتها مسبقاً .. ذهبت إلى مكتبه ووضعت القهوة أمامه بحركة
خليعة كالعادة ..

ما إن رآها عادل حتى نظر إليها نفس نظرة الاشمزاز المعهودة .. ثم
اعتدل واقفاً وسار خطوتين من مكتبه .. تخطاها ليعبر إلى باب المكتب ..
نظر إلى الخارج فلم ير أى شخص يحوم في الأرجاء في تلك اللحظة .. بينما
كانت هي قد وضعت القهوة على المكتب بالفعل ..

أمسك بها من ذراعها بعنف .. وأطبق عليها .. وقال بصوتٍ منخفض
يملؤه الكثير من الغضب ..

- إنتى يا حرامية يابنت ال*****، إنتى إزاي تمدى إيدك وتسرقى حاجة
مراتى وانتى عندى ..

نظرت إليه نظرة استعفاف بينما كانت تتلوى في خلاعة .. مدعية
الشعور بالألم بسبب قبضته..

- يا بيه .. يا بيه .. طب سيب إيدى يا بيه .. وإيه يعنى خدتهم من
عندكوا هدية .. أهو أبقى طلعت منك بأى حاجة .. إعتبر نفسك إديتهملى
هدية يا بيه ..

- هدية يا بنت ال***** عامة خليموملك .. عارفة لو عرفت كده ولا
حتى شमित خبر إن حد هنا عرف كلمة واحدة بس عن إالى حصل بيننا
هعمل فيكى إيه ..

ترك يدها ثم وقف ينظر إليها نظرة وعيد وتهديد ..

- حاضريا بيه ما تخافش سرك فى بير..

أشار بيده إلى القهوة بينما كان فى طريقه ليعود ويجلس على مكتبه
مرة أخرى..

- شيلى البتاعة دى من هنا .. وبعد كده ما تجيبيليش قهوة تانى .. أنا
خلاص بقيت بشترى قهوتى من برا ..

- برا إيه .. ودى تيجى يا بيه برضو .. تبقى عندك سوسو .. أحلى واحدة
تعمل قهوة .. وتروح تشرب من برا.. (قالتها وفى صوتها نبرة من الخلاعة
بينما ترتسم على وجهها تلك الابتسامة المبتذلة) ..

- بقولك شيلى القرف دا من هنا .. وما تجيبيليش قهوة تانى .. وياريت
كمان بالمره ما تبقيش تورينى خلقتك دى عالصبح عشان نفسى ما
تتسدش ..

هكذا قال لها عادل .. وهكذا تصرف معها .. ظناً منه أن وقاحة أسلوبه في معاملتها سوف تكون كفيلاً بصرفها عنه .. ولكنه كان مخطئاً كل الخطأ كالعادة .. فلو كانت وقاحته كفيلاً بصرفها عنه منذ البداية .. لما كانت سوسو قد ألقَتْ بنفسها تحت قدميه وقررت احتمال تلك الوقاحة منه منذ البداية .. ذلك وأن سوسو امرأة لها أهداف .. صدقاً إنها امرأة لها أهداف !!.. سواء صغرت أو كبرت تلك الأهداف .. سواء عظمت أو هانت .. كانت في عينيها هي أهداف وهذا هو المهم .. وهذا هو كل شيء .. فهي لم تكن تفكر جيداً كم من الأثر سوف تضيفه أهدافها إلى البشرية، قبل أن تخطط إلى أمرها ..

إلا أنها كانت بالفعل قد عقدت العزم على الحصول على عادل .. وعدم تركه أبداً إلا حين يحلو لها هي .. وكانت تعرف كذلك أكثر من سبيل للإطباق عليه جيداً ..

حملت فنجان القهوة .. واتجهت إلى باب المكتب في طريقها إلى الذهاب .. ثم التفتت إليه مرة أخرى قائلة وهي تضع يدها الأخرى على أعلى حجابها ..

- بس يكون في علمك يا بيه .. قصدي يا سى دولة .. دخول الحمام مش زى خروجه .. إوعى تكون فاكر إن إالى يجرب سوسو مرة يعرف يسبها.. تبقى غلطان .. دا أنا سوسو...

ما لبثت أن خرجت من المكتب .. حتى وضع عادل يديه على لوحة المفاتيح التابعة لجهاز الكمبيوتر المقابل له .. وبعد لحظات لا أكثر .. وجد نفسه دون أن يشعر ينظر إلى يديه متفحصاً .. كما لو كأنه يرى فيها شيئاً غير مرئى لدونه من البشر ..

قرب يده التي لامست لتوها ذراع سوسو إلى أنفه .. شعر أنه يَشُم رائحة عفنة .. قام من موضعه وركض إلى المغسل حتى ينظفهما بالماء والصابون .. وبعد أن عاد إلى مكتبه مرة أخرى عاد إلى موضعه ثم مد يده في حقيبته واستخرج منها زجاجة صغيرة .. كُتِبَ عليها سائل معقم غسول لتنظيف وتعقيم اليدين .. فتح الزجاجة وأغدق على يديه بالكثير والكثير من هذا السائل ..

وقبل أن تلامس يديه لوحة المفاتيح جهاز الكمبيوتر مرة أخرى .. نظر إلى لوحة المفاتيح وتذكر أنه قد لامسها لتوه باستخدام يده الملوثة .. التي لامست ذراع سوسو..

لذلك قرر تعقيم لوحة المفاتيح قبل بدأ العمل .. أمسك بيديه إحدى المناديل الورقية .. ووضع عليه الكثير والكثير من هذا السائل .. ثم استمر في مسح مفاتيح اللوحة واحداً تلو الآخر..

وقف أمام باب البيت .. مد يده في إحدى جيوبه .. واستخرج مفتاح البيت .. فلقد انقطع عادل عن عاداته في طرق باب البيت قبل أن يدخل .. واستبدلها باستخدام المفتاح .. حتى يُفاجئ ميزة دائماً ويتعرف على نشاطاتها .. دخل بخطوات هادئة حتى لا تشعر به ..

وبينما هو يدخل .. سَمِع صوت زوجته تضحك .. وتحدث عن أحد الأفلام العربية القديمة، التي تعشقها هي بشدة .. وقف عادل بالقرب من باب غرفة الجلوس حيث كانت تجلس ميزة .. ووقف يختلس السمع .. بينما كانت سارة لتوها تُخبر ميزة عن أمرٍ ما ..

- ميزة .. إنتى فى حد عندك فى البيت ..؟؟

- لأ مفيش غيرى .. عادل لسة ما جاش .. كان عادل فى تلك اللحظة يقف خلف الباب يختلس السمع فى حماس ..

- إنتى بجد لوحدهك ..؟

- أه والله العظيم لوحدى مالك فى إيه ..

- اصلى مش عارفة ليه حاسة إنى لمحت من ورا صورتك كده رجلين ماشية ..

- إيه إنتى متأكدة؟؟

- أه متأكدة .. إنتى معاكى سلاح أو حاجة ..؟؟

- انتفضت ميزة من موضعها بقلق .. - لأ معايش ولا حاجة .. بس عادل زمانه جاى .. أنا هعمل إيه دلوقتى ..

- إهدى كده وروحي بسرعة إندهى على البواب وَعَلَى صوتك وسمعى كل الجيران إن فى عندك حرامى .. سيبى الخط مفتوح عشان أبقى سامعاكى وأتطمئن عليكى ..

- وقفت ميزة واستدارت نحو الباب وهى تتحرك بخفة وخوف على أطراف أصابعها .. وفجأة ارتطمت بعادل واستمرت فى الصراخ لعدة لحظات .. بينما كان هو يضحك بشدة .. ويهدئ من روعها ..

- إيه يابنتى دا .. مالك خايفة كده ليه ..؟؟

- إنت فى البيت وما قولتلىش ليه إنك جيت ..؟ إحنا إفتكرنا إن فى حرامى ..

جاء صوت سارة من الخلف عبر جهاز الكمبيوتر .. منادياً .. ميزة ..
ميزة...

- أيوه يا سارة دا طلع عادل .. كان عايز يخضنى ..

- طب الحمدلله جت سليمة .. إزيك يا عادل عامل إيه ...؟

- الحمدلله .. وإنتى إزيك وإزاي جوزك ..؟

- الحمدلله أنا هروح أنا بقى دلوقتى .. سلام ..

نظرت ميزة إلى شاشة الجهاز حتى تأكدت من أن المكالمة قد انتهت ..
وأنه ليس بوسع سارة أن تسمعهم .. ثم نظرت إلى عادل بضيق .. وقالت ..

- كده يا عادل حرام عليك .. كده كنت هموت من الرعب ..

- بهزر معاكى يا حبيبتي .. عامة معلش ما تزعليش ..

- ها هتتغدى دلوقتى ..؟؟

- لأ هاخذ دش الأول ..

نظرت إليه ميزة بغرابة .. ثم قالت .. خلاص وانا هحط الأكل على ما
تخلص حمامك ..

- لأ ما تحطيش الأكل غير لما أطلع عشان الأكل ما يبردش ..

دخل عادل ليحصل على حمامه .. وما إن سَمِعَت مِيزة صوت خروجه من الحمام ركضت إلى المطبخ وأعدت الطعام ثم وضعت على الطاولة .. وذهبت إلى غرفة النوم لتُخبره أن كل شيء جاهز .. فوجدته واقفًا بالقرب من الخزانة .. مُلصقًا يديه في أنفه .. وَيَشُم رائحتهما ..

- عادل .. الأكل خلص إنت مش هتيجي ..

لم يشعر عادل بخطواتها تقترب لفرط انهماكه في تأمل نظافة يديه .. وعندما نطقت باسمه ارتعد ونظر إليها وهو يبتسم ..

- أيوه يا حبيبي أنا جاى أهو .. خلصت وجاى ..

- عادل إنت عيان أو تعبان أو فيك حاجة أنا ما أعرفهاش ..؟؟ قالتها بقلق ..

- لأ أنا مش عيان مين إلى قالك كده ..

- عادل بجد قولى ما تقلقنيش عليك .. إيدك مالهم كنت واقف بتشم ريحتهم ليه..؟

- لأ والله عادى دا النهاردة بس عشان فى عصافير عملتها على إيدى وانا واقف تحت الشجرة فكنت قرفان وبشوفهم نضاف ولا لأ ..

- لأ يا عادل ما تكديش عليا .. أنا حسة إن فيك حاجة متغيرة إنت ما كنتش كده .. كل يوم بتاخذ حمام وساعات حمامين .. واحد بعد ما ترجع من الشغل على طول والتانى قبل ما تنام .. وبقيت كل الصابون والحجات إلى بتستعملها مواد معقمة .. وكمان ماشى بغسول يدوى معقم فى

شنتطتك .. إيه اللي حصلك دا إنت كنت بتغسل رجلك بالعافية .. إيه إى
إتغير فىك ..

بدأ عادل فى المزاح للتغطية على الموقف ..

- يا سلام عليكوا إنتوا يا ستات .. يعنى الواحد يبقى نضيف مش
عاجبك .. الواحد ما يغسلش رجله ولا وشه تشتكى وتقوللى النضافة من
الإيمان .. أعمل إيه يعنى عشان أعجبك أنا مش فاهمك حاجة ..

وهكذا .. مر اليوم بسلام كالعادة .. يومًا عاديًا جدًا كأحد أيام السنة ..
وحان موعد النوم .. وأغمض كليهما عينيه وانفصلا عن العالم بروحهما
وغطا فى نوم عميق .. ولم يشعرا بصوتٍ خارجي إلا ذاك الصوت .. صوت
دقة هاتف عادل، الذى قد أغفل إغلاقه قبل أن ينام هذه الليلة ..

نظر عادل بعينين نائمتين إلى شاشة الهاتف فوجد رقم سوسو ..
الذى على الرغم من أنه قد أثر محوه منذ أن عادت ميزة إلى البيت من
قبل إلا أنه كان يعرفه ويعرف أرقامه جيدًا.. بل قد أوشك على حفظه عن
ظهر قلب لفرط ما كان يتلقى مكالمات من سوسو فى جميع الأوقات .. أغلق
المكالمة ثم أغلق الهاتف واستكمل نومه .. بينما همست له ميزة فى صوت
نائم كذلك ..

- مين دا يا عادل إلى بيتصل بينا دلوقتى ..؟

- ما أعرفش يا حبيبتى نمرة غريبة بقالها فترة مستلمانى ..

ما لم يلبث أن قالها حتى عاد كلاهما إلى النوم .. سريعًا ..

وهكذا عاد عادل إلى النوم بينما كانت سوسو المقاتلة المستميتة يقظة .. تُخطط إلى وجهة جديدة في حرمها، تبحث عن إجابة لأسئلتها الكثيرة .. كيف تستحوذ على عادل ..؟ كيف تُخبر زوجته بوجودها ..؟ أسئلة كثيرة لم تجد لها حلاً سوى ذلك الحل القديم العجيب السحري .. الذى لطالما عاش عبر العصور .. ويتلخص فى المثل القائل .. " الزن عالودان أمر من السحر " ... نعم سوف تحتفظ به بقوة الملاحقة .. تلك الخطة التى كانت بالفعل قد اتبعتها منذ أن عادت ميزة إلى البيت .. وقد بدا لها أنها تؤتى ثمارها .. فها هو عادل قد بدأ يلين نحوها شيئاً فشيئاً .. وها هو شيطانها يلين رأسه ويميل عينيه باتجاهها مرة أخرى ...

فقد عاد عادل إلى العمل فى اليوم التالى وطلب من سوسو أن تُرافقه لتناول الغداء فى أحد المطاعم .. اتصل بميزة وأخبرها أنه سوف يتأخر .. وسوف يلتقى بحفنة من أصدقائه .. طلب منها ألا تنتظره على الغداء هذا اليوم .. وذهب برفقة سوسو للخارج ..

جلساً معاً .. كان هو صامتاً أغلب الجلسة بينما تولت سوسو الحديث هذه المرة .. فلم تتوقف عن ذكر شوقها إليه .. وكم هو خطأ جسيماً أن تحتفظ به لنفسها امرأة واحدة فقط .. بل من المفترض أن رجلاً عظيماً مثله .. وجميلاً مثله .. ورشيقاً مثله .. وذكياً مثله .. أن يكون كالشركات المساهمة .. كل امرأة على وجه الأرض تملك فيه سهماً .. لقد تلاعبت سوسو بعادل .. فقد كانت تعرف جيداً كم هو رجل مغرور .. وحتى هؤلاء الرجال العاديون جداً، قد يتحولون إلى طغاة بسبب بضع كلمات لا قيمة لها صدرت عن امرأة مثل تلك ..

لقد أسرت سوسو أذنيه هذه المرة .. تمهيداً لما هو آتٍ ..

بعد أن انتهوا من تناول الطعام في ذلك المكان النائي جدًا، الذي قد اصطحبها إليه عادل حتى يتأكد من أنه سوف يكون في مأمن بعيدًا عن عيون كل من يعرفه ..

وفي طريق العودة .. لا يعلم عادل من كان هو المسؤول في هذا اليوم عن غوايته .. هل كانت هي سوسو أم الشيطان ..؟؟ أم كليهما ..؟؟ لم يعبأ كثيرًا بالإجابة عن هذا السؤال في تلك اللحظة .. لعلمه أن سوسو والشيطان كلاهما وجهان لعملة واحدة .. فقد وجد نفسه يصف السيارة جانبًا في إحدى تلك البقاع المظلمة النائية الخاوية على عروشها إلا من الحشرات التي كانت قد بدأت تعتاد على أمثال عادل وسوسو من زوار الظلام ورفاق السر .. وهكذا .. ضحك الشيطان كثيرًا وهو يجلس برفقة قرناءه مستمتعًا بمشاهدة ما يجري بينهما ..

وهكذا أيضًا .. يعود عادل إلى بيته .. ومرة أخرى .. الذنب يملؤه .. وكذلك الشعور بالاتساح يتزايد شيئًا فشيئًا .. حتى يكاد يخنقه .. فتح باب البيت فوجد ميزة في انتظاره كالعادة .. قامت من موضعها لتقبيله على جبينه كما قد تعود أن تفعل معه كل يوم عند عودته .. إلا أنه قد صدها عن ذلك .. فقد كان يشعر بالاتساح المطبق .. لم يرد لزوجه أن تقرب منه وهو متمسك .. اكتفى بأن يقول لها .. - أنا هدخل أخذ دش ..

لم يرد عادل هذا اليوم أن يحصل على حمامًا فقط .. وإنما أراد أن يحصل كذلك على قسطٍ من الخصوصية في هذا البيت، الذي لم يعد بوسعه أن يستوعب بكاء عادل أكثر من ذلك خاصة بعد عودة ميزة إليه ..

دخل فأغلق الباب من خلفه .. وفتح المغسل .. وجلس يحصل على حمامه ويبيكي في بؤسٍ وفي صمتٍ .. أو على الأقل هكذا هيئ له .. أنه يبكي

في صمت .. الا أن صوت أنفاسه الباكية كانت تكاد تتسرب عبر الباب إلى الخارج .. حيث سَمِعَها ميزة، التي كانت قد بدأت بالفعل تشعر بالغرابة وتقلق على زوجها لما طالت مدة حمامه ..

ذهبت إليه فطرقت الباب .. ونادته في قلق .. عادل .. عادل .. إنت كويس..؟؟

صَمَت ولم يجاوبها .. فزاد قلقها وحاولت فتح الباب .. وبالطبع فشلت لأن عادل قد أوصده من الداخل فور دخوله .. وهنا جاء صوت عادل ...

- نعم يا حبيبتي .. في إيه ..؟؟ قالها هو مبتسمًا حتى يغطى على نبرة الحزن في صوته ..

- إنت كويس ..؟؟ قلقتنى عليك حاسة إني زى ما أكون سمعتك بتعيط أو عندك ضيق في التنفس أو في حاجة ..

- لأ مفيش يا حبيبتي أنا كويس .. خمسة وطالعك ..

- طب ممكن تفتحلى ..؟

- لأ مالهاش لازمة أنا خمسة وطالعك ..

ارتدى ملابسه .. وارتدى كذلك ابتسامته الكاذبة .. وخرج مازحًا مع زوجته قبيل النوم .. كان عادل جالسًا على فراشه بينما كانت هي تقف بالقرب من الخزانة .. تبحث عن مناشف نظيفة ..

- كده خضتيني .. داخلة تخيطى عليه في الحمام زى المباحث بالظبط..

- أنا خفت عليك .. بيتيألى زى ما أكون سمعت صوت عياط طالع
من الحمام .. اللهم احفظنا ..

- عياط .. عياط إيه يا بنتى .. دى تلاقىها تهيؤات ..

- أه والله عندك حق .. أنا فعلاً حسة إن بقى بيتيألى حجات كتير قوى
اليومين دول .. بس صحيح يا عادل .. إنت ما شوفتش الملاية اللى لونها
أبيض وفيها مربعات موف بتاعتى؟؟

- ملاية .. ملاية إيه .. شكلها إيه دى؟؟

- أيوه البيضضا إلى فيها مربعات موف .. أنا مش لاقياها خالص قلبت
عليها البيت هتجنن واعرف ضاعت راحت فين .. دى آخر مرة كنت حاطها
على السرير قبل ما أروح عند بابا ساعة ما إتخانقنا فاكرها؟؟

دق قلب عادل فى جسده .. وتذكرها بالفعل .. ثم قال لها مماًزحاً ..

- يا بنتى دورى كويس تلاقىها هنا ولا هنا .. وعامة خلاص يعنى لو ما
لقيتهاش أشتريك بدل الواحدة ألف ..

- هو مش عالشرا .. أنا بس هتجنن الحاجات بقت بتضيع منى ومش
بلاقىها حاسة إنى بدأت أخرف..

وهكذا ومن خيانة إلى أخرى .. ومن سقطة إلى أخرى .. مر شهران ..
كان عادل خلالهما قد اعتاد على أن يتجرد من كل ما له علاقة بإنسانيته
ويترك العنان لرغباته الحيوانية فى كل مرة يلتقى فيها مع سوسو ..

وهكذا أيضًا .. تدرج عادل في سُلّم الخطيئة .. بدءًا من الشعور بالذنب .. ثم محاولة مقاومة الذنب والعودة عنه .. ثم الاستسلام إليه إطلاقًا .. بل والاعتياد عليه كذلك .. فقد أصبحت سوسو جزءًا من روتين وعادات عادل المستعصية .. الرجل الذي كان قد اعتاد أن يسمع من أمه دائمًا مقولة " إبنك على ما تربيه وجوزك على ما تعوديه .. " قد عرف الآن حجم حاجة كل رجل إلى التزام عاداته واحترامها جيدًا .. وهكذا أيضًا .. واعتمادًا على نفس هذا المثل .. كانت سوسو قد حاربت حتى تحفر لنفسها مكانًا على قائمة عاداته ..

وهكذا يُقال .. أن البشر قد خلقوا على نوعين .. خلقوا على صنفين .. القوى منهم والضعيف .. وكلاهما مخطئ وخطيء وميال للخطيئة .. إلا أن القوى يُخطئ ويقاوم خطيئته .. ويرجع عنها في النهاية .. القوى يُخطئ ثم يندم حتى يتوب .. حتى يمحو ندمه خطيئته ..

أما الضعيف .. هو من يخطئ ويندم حتى يستسلم لذنبه .. يُخطئ ويترك خطيئته تتحكم به وتسيطر عليه وتجرفه إليها ... ثم تمر الأيام بعد ذلك ليجد نفسه قد أصبح عبدًا لخطيئته .. وهكذا لقد وضع عادل الذي لطالما وصف نفسه ووصفوه الناس بالقوة نفسه في مصاف الضعفاء .. بل الأضعف على الإطلاق .. عادل الذي كان يسعى منذ أن تزوج ميزة إلى إحكام قبضته وسيطرته عليها .. فشل لتوه في إحكام قبضته وسيطرته على نفسه هو .. على رغباته وشهواته هو .. لقد فشل عادل في السيطرة على النزعة الحيوانية بداخله ..

لقد أصبح عادل يرى في نفسه اليوم الحق في تجربة امرأة واثنين وثلاثة وعشرة .. إنه حق مكتسب لرجل عظيم مثله .. هكذا أخبرته

سوسو.. وهكذا هو اقتنع .. وهكذا اعتقد أن رجلاً مثله يشبه التحف الفنية الفرعونية النادرة الأصيلة .. التي لا تقدر بثمن .. ومن وجهة نظره .. ومن أعماق قلبٍ قد أعماه الغرور وأغرقتة الخطيئة .. تصور عادل أو صور له الشيطان أنه وكما يُعد إهدارًا للموروث الثقافي الإنساني أن يحتفظ إنسانًا ما بتحفة فرعونية له وحده ويعزلها بذلك عن دون البشر.. كذلك يُعد من الظلم والأناجية أن تستأثر امرأة واحدة به لنفسها، وتعزله عن بقية نساء الأرض اللاوتى قد بات من حقهن أن يجربن هناء الحصول عليه ولو ليلية واحدة فقط على الأقل .. فقد كان يرى في نفسه نهرًا من أنهار الجنة، التي من حق كل امرأة أن ترتشف منه كأسًا واحدًا على الأقل في الحياة ..

وأما عن مشكلته ومعضلته الوحيدة في ذلك تتلخص في وسواسه المرضى .. الذى قد بدأت وتيرته تعلو وتزايد شيئًا فشيئًا .. فحتى وإن كان بمقدوره أن يتناسى شعوره بالذنب والخطيئة .. فهو لم ولن يتمكن يومًا من الهرب من ذلك الشعور القوى بالاتساخ الذى ينبع من داخله ولا يمكنه أبدًا السيطرة عليه أو حتى محاولة تنظيفه وتطهيره ..

وهكذا يقولون .. أن المواقف تصنع الإنسان .. وأقول أنا .. أن المواقف تفضح الإنسان .. نعم تفضحه...!! فموقفك من القاتل يُحدد دواخلك .. لأنك عندما تتعاطف مع قاتل الأطفال، فإن تعاطفك وحده كافيًا بأن يصنع منك وحشًا...!!

وعندما تتعاطف مع واحدًا من أشهر اللصوص وأكثرهم ثراءً .. تعاطفك وحده كافيًا بأن يُخبر الناس عن نواياك وأمنياتك الدفينة ..

نواياك التي لو كانت الظروف قد أعطتك الفرصة مثل هذا الرجل لكنك سرقت مثله وحصلت على حياة مثل حياته وثراءً ضالاً مثل ثراه !!..

وعندما تتعاطف مع مُتحرش .. تعاطفك يُبلغ الجميع أنك ما تتعاطف معه وإنما تتعاطف مع نفسك .. لأنك أنت أيضاً متحرشاً مثله ..

وعندما لا يخلو حديثاً لك من نقدٍ صريحٍ ولاذعٍ لملابس كل النساء .. فهذا أيضاً لا يفضح أمراً سوى رغباتك الدفينة في امتلاكهن والحصول عليهن جميعاً في آنٍ واحد..

وكذا موقفك من الخائن .. إن طاوعته في خيانته .. لتبين لمن حولك الكثير والكثير عنك وعن اختياراتك وعن ميولك الخفية .. وهكذا هم البشر .. وهكذا هو الإنسان .. عندما يتحدث ويُبدي رأياً في شأنٍ ما .. يكون بذلك قد أخبر عن رؤياه ودواخله لمُحدثه ..

كان عادل في طريقه إلى البيت .. بعد يوم طويل من العمل كالعادة .. عندما تناول هاتفه ليرد على مكالمة من زوجته ميزة .. أخبرته أن مصطفى أخوها سيحضر اليوم إلى البيت ويتناول معهم الغداء .. وأخبرته كذلك أن سرزيارته هو مشكلة ما قد حدثت .. ستخبره بها عندما يصل.

وهكذا وصل عادل إلى البيت .. ورحب بمصطفى .. الذى وعلى عكس والده كان يكن له الكثير من الود .. بينما كانت ميزة تُعَيِّف أخوها كثيراً بسبب فسخ الخطبة بينه وبين خطيبته ..

وما إن حضر عادل حتى أخبرته عما حدث وذهبت وتركهم يتحدثون بعضهم البعض حتى تضع طعام الغداء .. وما إن ذهبت حتى بدأ كلاً منهم يتحدث إلى الآخر..

- إيه يا عم الكلام إالى أنا سمعته دا .. هى مها يعنى عرفت تفتح
أكونت الفيس بوك بتاعك إزاي وتشوف الرسائل إالى بينك وبين البنات
إياهم ..؟؟ مش منطقية يعنى؟

- أه والله دا إالى حصل ..

- يا رايي ااجل قول كلام غير دا .. يعنى هى شافتهم إزاي أصلا وعايضة
تسيبك .. لأ أنا شاكك إن فى حاجة تانية ..

- أه والله .. إستغفلتى بنت اللذينة .. كنا قاعدين مع بعض زى
السمن على العسل وفى كافييه كبير يا ابني وبس سيبت الموبايل على
الطراييزة ودخلت الحمام ورجعت لقيتها لك معيطة وعاملها مناخة
وتقولى يا خاين وتشتم فيا شتاييم .. الهانم فتحت الموبايل وبصت وقرت
الرسائل بتاعتي .. أنا مش فاهم أنا إيه الجنان دا ..

- طب هى موضوع رسائل بس يعنى .. دى عبيطة قوى روح راضيها
بكلمتين ..

- اه اتفضل يا سيدى .. أدريك إنت قلتها دى رسائل بس يعنى .. وهو أنا
كنت عملت إيه عشان دا كله .. أصل بابا وميزة شغالين تهزيق فيا من
إمبارح للنهاردة وكأنى أذنبت مثلاً لا سمح الله .. محسسينى إنى أنا بنت
وقفشوها بتكلم ولاد على النت فى كلام لا مؤاخذة يعنى .. أنا راجل ومن
حقى إنى أتسلى .. وبعدين هو أنا إالى فسخت الخطوبة مهى إالى فسخت
ورمتلى الدبلة فى وشى ..

كانت ميزة قد وضعت الطعام على الطاولة وعادت لتخبرهم بذلك
عندما سمعت رد عادل التالى ..

شرودها ثم جففت دموعها .. وقررت أن تتظاهر بأن كل شيء طبيعي وعلى ما يرام .. أو على الأقل حتى تتأكد من شكوكها .. لعل كل ما تتصوره الآن ليس أكثر من مجرد شكوك .. أثرت الصمت حتى لا تستيق الأحداث .. وبينما هم جالسون على طاولة الغداء .. قررت أن تجرب قول أمرٍ ما .. بوسعها أن تستشف من ردة فعل عادل شيئاً ملموساً .. نظرت إلى مصطفى وقالت له ..

- عارف يا مصطفى .. أنا ممكن دلوقتي حالاً أعمل مكالمة لمها واقنعها ترجعك .. أه والله ..

مصطفى - بجد .. طب ياللا مستنية إيه يا أحلى أخت في الدنيا ..

- بس أنا مش هعملها .. عارف ليه عشان إنت ما تستاهلهاش أه والله

مصطفى - دا ليه البواخة دى .. إنتى جاية هنا تبع مين بالضبط ..؟؟

- أنا هنا تبع الحق .. هقولك إنت لو كنت بتعمل أى حاجة تانية أو غلطت في أى حاجة تانية أنا كان ممكن أتوسطلك .. إنما أتوسطلك في الخيانة أبداً .. بعينك مش هتشوف ضفر مها دى تانى .. ولعلمك أنا هتصل بيها فعلاً بس عشان أقومها عليك .. وأقولها إياكى تفكرى تبصى في وشه ولا ترجعيه تانى عشان هو ما يستاهلش واحدة نضيضة زيك .. دا يستاهل واحدة لفة ودائرة على ميت واحد قبله .. ويتجوزها وهو على عماء وفاكرها قطعة مغمضة وهى أصلاً أنصح منه وعملت كل إلى نفسها فيه وضحكت عليه وفهمته إنها ملاك ..

مصطفى - يا بنتى حرام عليكى .. دا بدل ما تتميلى الخير مع واحدة بنت حلال .. وبعدين يعنى انتى مالك محبكاها كده ليه .. ما عادى يعنى أصلا كل الشباب بتعمل كده مش أنا لوحدى ..

- أولاً أتمنالك الخير أه .. بس ما أقدرش أقولك غير .. الطيبون للطيبات والخبيثون للخبيثات .. والواحدة بتسامح فى أى حاجة إلا الخيانة .. ثانيًا يا أستاذ مصطفى .. هو إنت لو مشيت حياتك بمبدأ إن الحاجات إالى كل الناس بتعملها هى الصح يبقى كده هتشرحب حشيش وتهتعرف بنات وهتمشى فى سكة الحرام من أولها لأخرها .. إحنا طول عمرنا متربيين على إن الصح صح والغلط غلط .. ومش معنى إن فى حاجة كل الناس بقت بتعملها يبقى معنى كده إنها صح وإن من حقنا نظيط فى الضيطة إحنا كمان ونعمل زهيم .. دا حتى ربنا قال ولا تعجبك كثرة الخبيث يا أخى ..

كانت ميزة تراقب وجه عادل بينما هى تتحدث إى مصطفى .. الذى امتعض فجأة .. وراح ينظر إى الطبق الموضوع أمامه ويأكل فى صمت .. ويتجنب النظر إى عينها أو تجاهها .. ويتجنب حتى مشاركتهم الحديث .. كان رد فعله أكبر دليل على أنه يُخفى أمرًا ما ليس بهينًا .. وهكذا لقد بدأت ميزة فى التحقق من أولى شكوكها ..

نظر مصطفى إى عادل وقال له .. - ياعم إحقنى من مراتك دى دخلت فى حوارات خيانة وحشيش ومش عارف إيه ..

ميزة - والله أنا ما أعرفلهاش إسم تانى .. إنت بتسميها إيه ..

مصطفى - بسميها راجل ويتسلى .. الخيانة دي حاجة ما تحسسسينيش
إني بغضب ربنا لا سمح الله ..

ميزة - لأ وانت لما تروح تكلم بنات عالنت كلام قدر تبقى كده مش
بتغضب ربنا لا سمح الله .. على أساس إنك كده هتاخذ ثواب مثلاً .. أسوأ
حاجة فيك هي فهمك الغلط للدين إلى موديك في داهية ده ..

مصطفى - يوووه بقى ما تحبكيهاش .. يا عادل شوف مراتك بتقول
إيه والنبي .. ولا كأني اخوها ..

نظر إليه عادل بجدية ثم قال له .. كلام إيه .. أختك عندها حق طبعاً
إنت ما تستاهلش مها ولا حاجة ..

قال له مصطفى وهو يتناول الطعام - ماشى ياعم عندك حق يا
عادل .. عندك حق يا ميزة .. أنا غلطان ووحش وما أستاهلهاش ..

مرت الساعات تلك الليلة على ميزة كما لو كأنها سنوات .. كانت كلما
عبرت دقيقتان نظرت إلى الساعة .. كما لو كأنها ترجوها سراً أن تتحرك
وتمضى إلى الأمام .. كانت ميزة تتوسل الوقت بإحساسها وبأعصابها التي
قد بدأت تنفذ من فرط عدم صبرها على انقضاء الليل وحلول الصباح
حتى موعد ذهاب زوجها إلى العمل واختلائها بالبيت ..

ذهب مصطفى في طريقه .. بينما وجدت ميزة نفسها وحيدة في
مواجهة أمرين .. زوجها وشكوكها به .. جاءت ساعات المساء .. وضع كلاً
منهما نفسه على أريكتين منفصلتين في غرفة الجلوس .. تمدد عادل في
نفس بقعته المفضلة، التي يحب أن يتمدد بها أمام التلفاز كل يوم بعد
تناوله الغداء ..

تناول جهاز التحكم عن بعد .. واستمر في التحول من محطة فضائية إلى أخرى .. وميزة تنظر إليه من وهلة لأخرى .. نظرات هي نفسها لم تكن تدرى مغزاها أو سببها ..

كانت كمن تبدو لمن يراها من بعيد كما لو كأنها تراقبه .. ولا تعلم لِمَ تراقبه وهو مائلاً أمام عينها لن يتحرك إلى أى مكان ..

وفجأة قالت له فى لهفة ..

- بس بس .. خلى الفيلم دا ..

- فيلم إيه دا أنا ما أعرفوش؟؟

- دا فيلم الباب المفتوح بتاع فاتن حمامة ومحمود مرسى وصالح سليم وحسن يوسف ..

- أيوه يعنى دا فيلم بهتان وشكله قديم جداً .. بيتكلم عن إيه ..؟؟

- مش كل حاجة قديمة لازم تكون بالضرورة بهتانة .. إتفرج عليه وانت تعرف .. قالتها ثم صمتت بعد ذلك .. وهى تردد فى داخلها عبارة " مش يمكن تلاقى نفسك شبه شخصية من الشخصيات إلى طالعة فى الفيلم دا إنت كمان " ..

أحداث الفيلم تمر شيئاً فشيئاً .. حتى يبدأ شعور ميزة تجاه هذا الفيلم يتبدل شيئاً فشيئاً بدوره .. ميزة التى كانت من قبل تعشق هذا الفيلم الكلاسيكى .. وترى فيه عمقاً وبعداً جديداً للحرية .. بدأت تراه الآن بمنظور آخر .. بدأت ترى كم هى متورطة إلى إخمص قدمها مع عادل .. بدأت تشعر أنها تمر بنفس حالة الحصار التى شعرت بها ليلى فى الفيلم ..

تسعر هي بذلك تجاه عادل .. زوجها الذى أصبح لا يترك محاولةً ولا فعلاً
لبسط سيطرته عليها إلا وفعله ..

كانت تُشاهد في تلك اللحظة الدكتور فؤاد .. أستاذ الفلسفة
المتزمت.. المتحفظ .. الديكتاتور .. وهو يحوم حول ليلي طالبة الجامعة
الرقيقة لمدة ثلاث سنوات .. لقد رآها فؤاد وشعر تجاهها بالإعجاب منذ
ثلاث سنوات بالفعل .. ولم يجرؤ على الذهاب لخطبتها إلا عندما أمرها
ذات مرة بإزالة أحمر الشفاه من على فمها فطاوعته وانصاعت لأرائه ..

يا إلهى .. لقد انتظر كل هذا الوقت قبل أن يعلن رغبته من الزواج
منها فقط حتى يتسنى له أن يتأكد من إمكانية نجاحه في بسط سيطرته
عليها .. حتى يتأكد من حقيقة إذا كانت ليلي مادة خام لفتاة قابلة
للخضوع .. هكذا فكرت ميزة .. ثم نظرت إلى عادل بتأمل وتفحص .. كانت
كمن ترى زوجها بنظرة مختلفة الآن ..

إزاي كنتى مغفلة وغيبية للدرجة دى .. إزاي سمحتيله يخدعك بكلماته
الرنانة وأسلوبه الشيك .. كده على طول فهمتى إنه ماعندوش نزعات
السيطرة الجنونية إالى عند كل الرجالة .. ولا لأ لأ بلاش تقولى عليهم
رجالة .. دول إسمهم ذكور .. ما يختلفوش كثير عن الحيوانات ..

تسير أحداث الفيلم إلى الأمام مجدداً .. حتى وجدت نفسها ميزة أمام
هذا المشهد المؤلم .. تراه الآن في التلفاز .. بعد أن عايشته اليوم في الواقع ..
ويالفرط التشابه بين كلا المشهدين ..

جاء مشهد الفنان محمود مرسى .. الذى يلعب دور فؤاد خطيب ليلي
" فاتن حمامة " بينما هو ينصح أياها بعدم الإقدام على الزواج من

المرأة، التي يُحب واختيار أخرى .. كانت ليلى في هذا المشهد رغمًا عنها قد
اختلفت السمع إلى حديثهما .. ذلك الحديث الذي افتضح لتوه أمر الكثير
والكثير بشأن الرجل .. الذي توجه بكلامه إلى أخيها ناصحًا ..

في فرق بين الحب .. والرغبة .. أنت لازم تتجوز يا محمود .. ما ينفعش
تستنى أكثر من كده .. لازم تتجوز عشان الرغبة .. الإنسان لما يبجي يتجوز
لازم يختار واحدة تعيش تحت رجليه .. تخدمه .. تبقى مطيعة ومؤدبة ..
واحدة يعرف يتحكم فيها .. يعرف يسيطر عليها ..

بمجرد سماعها هذه الكلمات .. شعرت ميزة بوخزة قوية في قلبها ..
بدأت تفكر في نظرتها للزواج .. وفي نظرة عادل للزواج .. الجواز بالنسبالك
حب وحياة .. وبالنسباليه هو رغبة وسيطرة وخدمة من غير فلوس..

لقد فاجأت كلمات فؤاد ليلى في الفيلم .. كما فاجأت كلمات عادل
ميزة في الحقيقة .. وعلى اختلاف الأحداث .. يبقى دائمًا مضمون
الشخصيات ومحتوى تفكيرهم واحدًا لا يختلف كثيرًا .. وها هو فؤاد الذي
قد بدا لتوه كثير الشبه بزوجها .. زوجها الذي وبالصدفة اسمه عادل
فؤاد ..

نظرت إليه ميزة فوجدته لازال مستلقيًا على ظهره .. جامدًا في
موضعه كما هو لا يتحرك .. هل يشبه فؤاد هذا أبيك فؤاد في الحقيقة !!
أم يشبهك أنت !! هكذا فكرت هي .. واستمرت في التفكير حتى توصلت إلى
إجابة .. إن شخصية فؤاد في الفيلم ما هي إلا مزيج من فؤاد والد عادل
وعادل نفسه.. بل والأكثر من ذلك مزيجًا من شخصية رجال كثيرون
لطالما عاشوا ولزالوا يعيشون بيننا .. يتداولون أفكارهم ويتوارثونها من
جيلٍ إلى جيلٍ ..

لا تعرف لماذا دفعتها مشاهدة هذا الفيلم الآن إلى أن تضع نفسها في موقف عادل .. في محاولة بائسة منها لتتوصل إلى سبب واحد قد دفعه للزواج منها .. سبب غير الحب الذي لطالما ادعاه وتظاهر به ..

لا تعلم لماذا .. كانت ميزة تتوجه بعينها بالنظر إلى عادل في تلك الليلة.. أكثر ما كانت توجه عينها إلى التلفاز .. نظرت وفجأة انتابها شعور قوى جداً بالعطش .. لدرجة أنها فكرت أنه قد مضى على أخر مرة شربت فيها الماء ما يقرب من عشرون يوماً .. وليس عشرون دقيقة فقط .. يالغريبة .. ثرى ما هو سر هذا الشعور الغريب بالعطش الذى يجتاح حنجرتها الآن !!

- عادل .. ممكن تناولنى إزازة الميه إالى جنبك دى ..؟؟

- هى فين دى إالى جنبى .. إنتى عايزانى أقوم أجيبها لك من على الطراييزة ولا إيه!!

- آه وإيه المشكلة ..؟؟ دا إنت لو مديت إيدك كده هتطولها ..

- هاهاها .. دا عشم إبليس فى الجنة .. إنتى فاكرانى الخدمة الفلبينية إالى أبوكى جابهالك ولا إيه؟؟

- لأ لا سمح الله .. ما تقولش كده على نفسك .. إنت مش الخدمة بتاعتى .. أنا الخدمة بتاعتك .. قالتها وهى تنظر إليه بحزن ثم قامت من موضعها وجلبت لنفسها زجاجة الماء .. ولو كانت ميزة فى أى يومٍ آخر لتحدثت وقالت الكثير والكثير لعادل ردًا على هذه الكلمة .. إلا أنها قد آثرت أن تقابلها بصمت وطاعة، لما كانت لا تريد لصوتٍ أن يعلو صوت فكرها فى تلك اللحظة .. فقد علمت أنها لو تحدثت إليه أو لامته لتشاجر

معها .. لذا أثرت البقاء في صمت حتى تتمكن من الحصول على قسطٍ كافٍ ومريح من التفكير ..

لم تحصل ميزة على قسط طيب من النوم في تلك الليلة .. فلقد انتظرت حتى تأكدت من نوم عادل .. ثم تسللت بعد ذلك بالقرب منه وتناولت هاتفه .. الذى اكتشفت لتوها أنه مغلق باستخدام كلمة سر .. ميزة تذكرت لتوها متى آخر مرة أمسكت فيها بهاتف عادل .. كان هذا بعد زواجهم بثلاث أشهر وكان حينها يبقى على هاتفه دائماً مفتوحاً .. تذكرت كيف كان دائماً يُخبرها عن اعتقاده بأن الأغبياء فقط هم من يحرصون على إحكام غلق الأبواب خلفهم في كل شيء .. في البيوت والهواتف وأجهزة الكمبيوتر .. وضعت الهاتف في محله وتذكرت كلماته إلى مصطفى .. وصوت الشك بداخلها يسألها .. يا ترى إيه اللى إنت خايف إني أعرفه لدرجة إنك قافل موبايلك منى ...؟؟

تسللت مرة أخرى وعادت إلى موضعها في الفراش بالقرب منه .. وتظاهرت بالنوم .. حرصت على ألا تحدث من الجلبة ما يكفى لإفاقته من نومه .. لعلمها أنه كان خفيف النوم يستيقظ من أقل صوت ..

انقضت ليلتها على مريض .. وما إن ذهب عادل في طريقه .. حتى نهضت هي واستخرجت معظم قمصانه وتفحصتها بعمق .. ولكنها بالطبع لم تعثر على أى شيء على الإطلاق، ذلك لأن عادل قد عودته وسواسه أن يتخلص من ملابسه في سلة الغسيل مباشرة بعد كل مرة من مرات اختلاطه بسوسو ..

تركت قمصانه .. ثم نظرت إلى تسريحتها وتذكرت أمراً ما ..

ذهبت إلى خط الاتصال الداخلى الموجود بالبناية كلها .. واتصلت ب عطية حارس البناية .. وطلبت منه الصعود إلى شقتها ..

فتحت له الباب ثم قالت ..

- صباح الخير يا عم عطية .. بقولك إيه خد هاتلى الحاجات إالى أنا كتبالك على الورقة دى .. بس نقى الخضار صباح ما يكونش مفعص .. كأنك بتنقيه لنفسك بالطبط ..

- حاضر يا مدام تؤمرينى بأى خدمة تانية ..

- آه كنت عايزة أسألك على حاجة .. بقولك إيه هو أنا لو طلبت منك تشوفلى واحدة ست تيجى تنضف البيت عندى هنا هتجيبلى أم أحمد مراتك ولا إنت ما بتشغلهاش فى البيوت؟

- أيوه طبعاً أجيبالك .. ولو ما رضيتش أجيبالك يا ست هانم لحد عندك هنا تعملك كل إالى إنتى عايزاه أمال إيه يعنى دا إحنا تحت أمرك .. لهو إوعى تكونى قولتيلها إنك عايزاها وهى ما رضيتش ..؟؟

- لأ لأ .. طبعاً يا عم عطية ما حصلش بيننا كلام خالص .. أنا بسألك بس عشان أعرف إنت بتجيب ستات من برا العمارة تدخلهم الشقق هنا ينضفولنا ولا مراتك بس ..؟ بتأكد يعنى عشان الأمان إنت عارف الدنيا بقت خطر دلوقتى والحرامية انتشروا ..

- لأ طبعاً يا مدام .. أنا لا يمكن أبداً أدخل واحدة من برا على شقق السكان أبداً .. هى أم أحمد بتروح لكل شقة فى العمارة يوم فى الأسبوع .. والله العظيم لو عايزاها دلوقتى أنزل أصحيمالك تطلعلك.

- لا مالهاش لازمة كمان شوية كده .. أو يوم تانى .. أول ما أعوزها
هناديلها..

أغلقت ميزة باب البيت .. واستمرت فى التفكير .. لو أم أحمد مرآة عم
عطية بتطلع البيوت على طول، أكيد كانت هتسرق من الجيران زى ما
سرقت من عندى هنا .. ولو كانت هى بتسرق من الناس كان عم عطية
إزاي هيكمل فى العمارة دى يومين على بعض أكيد كانوا هيطردوه ..

طب لو عادل جاب واحدة تانية تنضف البيت غير أم أحمد .. إزاي
كده وعم عطية لسة قايل إنه ما بيحبش حد غريب يدخله العمارة ..
وبعدين هيجيب لعادل ليه واحدة تانية ويضيع الرزق على مراته .. ماهى
مراته موجودة ...

جلست تُفكر لبرهة من الوقت .. ثم قامت من موضعها وقررت تناول
نفس الهاتف الداخلى ومناداة عم عطية وطلب زوجته للصعود .. أخبرته
أنها تريد زوجته فى تنظيف المطبخ فقط هذا اليوم .. وبالفعل سعدت أم
أحمد .. وأثناء ضلوعها بمهمة تنظيف المطبخ قررت ميزة إستجوابها
بطريقة باطنية ذكية .. وهكذا .. وعلى صيغة الدردشات النسائية .. قررت
ميزة المرأة التى لم تكن يومًا بحاجة إلى العثور على طريقٍ مباشرٍ يوصلها
للإجابات اللازمة لأسئلتها .. بدأت ميزة الحديث ..

- عارفة يا أم أحمد .. والله كويس إنك موجودة هنا .. تساعدينى ..
أصل أنا تنظيف المطبخ بيتعبنى قوى .. أكثر حته فى الشقة بتتعبنى .. وما
يحبش أدخل حد غريب البيت هنا .. بس إنتى مش غريبة ..

- أيوه طبعا يا مدام .. تنضيف المطبخ يتعبك ويمهد حيلك .. دا أنى
حيلى مهودود أهون .. ألا صحيح يا مدام .. هو أنى كنت مستغربة .. إنتى
شكلك بنت أصول كده وواحدة عالعزيز .. إزاي بتقومى بالبيت الشرح البرح
دا كله لوحدهك .. ألا عمرنا من ساعة ما جيتوا سكتنوا هنا إنتى والأستاذ
عادل ما شفتناكى جايبة واحدة تخدمك .. دا أنى كنت ببقى قاعدة تحت
بضرب أخماس فى أسداس أنى وسى عطية .. أه والله ..

قالتها أم أحمد .. فى نفس التوقيت الذى بدأت أولى الدموع تنهمر فيه
على جبين مينة .. التى قد تجمدت فى موضعها للحظات ولم تستفق إلا على
صوت أم أحمد منادية إياها ..

- يا مدام .. يا مدام .. مالك يا مدام إنتى تعبانة ولا إيه؟

- لأ مليش .. ثوانى كده ..

ركضت مينة إلى الداخل وعادت وفى يدها ورقة نقدية تساوى عشرون
جنيهاً .. ومنحتها لأم أحمد ثم صرفتها بعد ذلك ..

- شكراً يا مدام بس أنا لسة ما خلصت شغل .. عايزانى أمشى كده
والمطبخ يضرب يقلب..؟

- أه إنزلى دلوقتى وانا هبقى أندهلك بعدين .. أصل ورايا حاجات
افتكرتها ..

كانت مينة تسارع الزمن لتختلى بنفسها .. كانت تحاول بكل جهد
الإسراع من وتيرة رحيل أم أحمد حتى يتسنى لها البكاء وحدها .. بدون أن
يراها أحد أو يشعر بها أحد .. فقد تأكدت لتوها من خيانة زوجها ..

خرجت أم أحمد واغلقت ميزة الباب خلفها .. ولم تشعر بنفسها إلا وهي ملقاة على الأرض ظهرها ملتصق بالباب وتبكي بحرقه .. استمرت في البكاء لفترة زمنية هي لا تدرى متى .. حتى قامت من موضعها وأدركت أن هذا هو الوقت الذي أصبح يتوجب عليها مكالمه سارة فيه .. عليها إخبارها بكل ما تعرف .. ولحسن الحظ .. كانت سارة موجودة على شبكة الإنترنت في هذا الوقت .. كما لو كأنها كانت تشعر سلفاً بأن امرأ ما قد طرأ لدى أعز صديقاتها .. تحدثنا وأخبرتها ميزة كل شيء .. منذ بداية الخلافات وصولاً إلى تلك المعلومة، التي قد حصلت عليها ميزة لتوها من أم أحمد زوجة عم عطية الحارس .. وجاء رد سارة بصوت مهدي كالتالي ..

- بس ممكن تهدي شوية وتبطلي عياط عشان نعرف نفكر مع بعض

- أهدى إزاي .. بقولك بيخوني بيخوني .. أنا متأكدة ..

- أولاً إنتي لحد دلوقتي ما ينفعش تكوني متأكدة .. لأنك فعلاً مش ماسكة عليه دليل قاطع فحرام تنكدي على نفسك وعلينا وعليه هو كمان .. يعني مثلاً بالنسبة لسرقه برفاناتك وكريماتك يا بنتي إنتي تعرفي منين .. مش يمكن عادل يكون فعلاً جاب شغالة من برا العمارة تبع واحد من أصحابه المتجوزين .. مش يمكن يكون جابها والبواب ما شافهاش ..

- أه والله .. جابها ولبسها طاقيه الإخفا .. أصل منطقي كده إنه عادل هيدخل شغالة البيت من غير ما عم عطية ولا مراته ولا عياله المتلتين يشوفوها ويعدوا يحققوا معاها رايحة فين وعند مين .. بقولك بيخوني .. أنا ست وعارفة .. هو اتغير معايا وكل حاجة فيه إنغيرت .. أنا كنت حاسة إن في حاجة غلط بس ما كنتش أتصور إن عادل يطلع منه حاجة زي دي

أبدًا .. أنا حاسة إنى هتجنن مش عارفة اعمل إيه فى المصيبة دى .. أنا هسيبله البيت وامشى ..

- لأ لأ لأ .. مش عايزين أى تهور .. إنتى ما ينفعش تعملى كده حجتك إيه يعنى .. ما هو لو بيخونك فعلا ولقاكى هتمشى عشان كده هيطلعك ألف مبرر وهيطلعك فى الآخر إنتى إلى غلطانة ..

-أمال أعمل إيه ..

- أولًا إنتى ما تجييش سيرة لحد خالص .. ولا باباكي ولا مصطفى بالذات ما يعرفش عشان دا متهور ومجنون .. وعادل ما تحسسهموش بحاجة خالص تبقى معاه طبيعية جدًا .. عشان هو لو فعلا بيخونك وشم خبر من بعيد كده إنك عرفتى هياخد حذره واحنا مش هنعرف نمسك عليه حاجة ..

- وبعدين ..؟؟

- وبعدين تراقبيه بقى .. طبعًا ما أقصدش تخرجى تمشى وراه فى الشارع والحركات الهابطة بتاعت الأفلام دى .. أقصد تراقبيه تركزى فى تصرفاته .. خرج الساعة كام رجع الساعة كام .. بيتأخر برا كام يوم فى الأسبوع .. وأهم حاجة هدومه .. يرجع يقلعها تمسكها تفلها بالمنظار .. الراجل إلى بيخون مراته دايماً بيسيب أثر على هدومه ..

- أه صحيح أنا إفتكرت .. دا على طول فى الأيام إلى بيرجع فيها متأخر بيقلع هدومه ويبحطها فى الغسيل وانا زى الهبله بغسلها من غير ما أبص عليها ..

- لا تركزي .. وحاولي كمان حاجة تعملها .. حاولي تركزي معاه وهو بيكتب الباسورود على الموبايل بتاعه .. لو عرفتيه يبقى كده إحنا أحرزنا هدف هنفتح تليفونه ونجيب من الآخر ونعرف كل حاجة ..

- أه صح إنتى عندك حق .. فعلاً كلامك صح ..

- بس زى ما قلتك أهم حاجة ما تبينيلوش أى حاجة .. الأمور تمشى بينكم طبيعية جداً لحد ما نتأكد ونعرف هنتصرف معاه إزاي ..

- طيب خلاص أنا هروح دلوقتي أعمل الأكل وأظبط البيت واعمل نفس إلى بعمله كل يوم عشان ما يشكش ..

مر يومان والحياة بينهما تسير على وتيرة طبيعية جداً .. كانت ميزة قد نجحت في أن تتظاهر بالطبيعية لأقصى درجة ممكنة .. لدرجة أن عادل لم يلحظ أى تغير قد طرأ على سلوكها .. لذلك كان يمارس عاداته بطريقة طبيعية .. هاتفها في نهاية يوم العمل ليخبرها أنه سوف يذهب اليوم لمقابلة أصدقائه .. بينما كان في الحقيقة ذاهباً للقاء سوسو ..

عاد متأخراً كالعادة .. بدل ملابسه ووضعها في سلة الغسيل ثم دخل ليحصل على حمام طويل كالعادة .. انتظرت ميزة حتى تأكدت أنه قد اضطجع لينام .. حتى تحركت وفحصت ملابسه تحت أقوى أضواء المنزل سطوعاً .. وبالفعل لقد عثرت على أطراف قميصه على شعر نسائي أصفر اللون .. كان هذا هو لون الشعر الاصطناعي الذي تستخدمه سوسو حتى تضيف على شعرها القصير المصبوغ المهترئ طولاً وكثافة .. أمسكت الشعرة بيدها .. ثم نظرت إليها وضعت يدها على فمها حتى لا يشعر عادل بأصوات أنفاسها المتسارعة التي عادة ما تسبق موجة البكاء الحامية ..

التي كانت مميزة على وشك خوضها .. أمسكت بها فيها في التو وأرسلت إلى سارة رسالة نصية تخبرها فيها بما عثرت عليه ..

جاء رد سارة مقتضباً .. إصبري شوية هنتكلم بكرة الصبح إن شاء الله أول ما ينزل من البيت .. إوعى تتجننى وتعرفيه حاجة .. فاهمة ..؟
- طيب أنا هصبر أهو .. أنا هسكت أهو ..

قضت الليلة على قلق .. ذلك القلق الذي اعتاد أن يصيب قلبها ويؤرق مضجعها كل ليلة منذ أن بدأت تنتشر في الأجواء رائحة خيانة عادل .. زوجها الحبيب .. انقضت الليلة وهي تحترق في نار وحدها هي من تراها .. ووحدها هي من تستشعر حرارتها وسخونها .. استلقت بالقرب منه في الفراش .. تتأمل ملامح وجهه النائم في عمق .. وتسأل نفسها أسئلة عدة.. كان أهمها كيف يتسنى له النوم بعد ما اقتربت يداه .. وأنا ها هنا لا أملك للنوم سبيلاً ..

ما إن ذهب إلى العمل حتى تناولت الكمبيوتر واتصلت بسارة .. التي كانت يقظة ومستعدة لمكالمتها بالفعل ..

- سارة شوفتى .. لقيت شعره صفرة على كتفه .. تخيلى .. الخاين الحقير ..

- إنتى ما عرفتيش تاخدى باسوورد الموبايل بتاعه ..؟؟

- لأ ما عرفتش .. حويط قوى حضرتك طبعاً لازم يبقى كده ما هو بيعمل حاجة غلط .. لازم يحاوط على أسرارته وحقارته ..

- وهتعملى إيه دلوقتى بعد ما إتأكدتى ..؟

- لألسة ما إتأكدتش .. أنا لازم أشوف بعيني .. عشان لما أواجهه ما يعرفش ينكر الحقيقة ويكذب عليا ويضحك عليا زي ما بيعمل على طول

- هتعملى إيه ..؟

- هقولك

دق صوت هاتفه .. وعندما نظر إلى الشاشة .. وجد رقم ميزة ابنة خالته ..

- هيثم إزيك عامل إيه .. وإزى خالتو ومنى والولاد عاملين إيه؟

- أنا الحمدلله كويس وكلهم كويسين وبخير.. إنتى إزيك إنتى وعادل عاملين إيه؟؟

- الحمدلله .. كان نفسى أقولك كويسين بس مش قادرة .. هيثم أنا عايذة أتكلم معاك ضرورى فى حاجة مهمة قوى ..

- إيه خير قولى قلقيتنى ..

- لأ مش هينفع على التليفون .. لازم أشوفك فى أى حطة بس إوعى تقول لعادل إنى كلمتك .. أه أه ولا بابا ومصطفى كمان ..

- طيب ماشى خلاص تعالى نتقابل فى أى كافييه إنتى تختاريه ..

- ساعة زمن بالطببط وهجيلك عند الشغل إستأذن ساعة معلش هنقعد فى أى حطة نتكلم شوية مش هطول عليك ..

سيدتى الجميلة .. أحيانًا يكون لكِ أختًا .. وأحيانًا يكون لكِ أخوان ..
وأحيانًا يكون لكِ أختًا لم تلده أمك .. وإنما ولدته من هى بمنزلة مشابهة
لها .. إنه ابن خالتك وصديق طفولتك .. وقع اختيار ميرة على هيثم
بالطبع .. ومن سواه بوسعه حفظ سرها ومساعدتها بدون تهور .. إنه حقًا
خير صديق .. فلو أخبرت ميرة والدها لانفجر غضبًا فى عادل دون تفهم ..
ولو أخبرت أخواها لفعل بالمثل .. لكن هيثم كان لها دائمًا أختًا وصديقًا
وخزانة أسرار .. هكذا هى فكرت .. ولهذا هى قررت الاعتماد عليه ..

خرجت من بيتها والتقت به فى أحد المقاهى، بعد أن أخبرت عادل أنها
سوف تخرج لشراء بعض الحاجيات اللازمة للبيت ..

- مالك يا ميرة قلقتىنى .. فى إيه؟

- بص يا هيثم .. الكلام إلى هقولهولك دا سر كبير قوى بينى وبينك
ما تقولش لحد أبدًا .. أنا بحكيك عشان تساعدنى .. فاهمنى ..

مر الوقت وهى تخبر هيثم عن شكوكها فى عادل .. وعن ما توصلت له
تحقيقاتها خلفه .. كان يستمع إليها وهو لا يصدق .. علامات التعجب
والغرابة تبدو بقوة على وجهه .. لا ينفك يسألها بين العبارة تلو الأخرى ..

- عادل .. عادل .. يا شيخة لأ مش ممكن مش معقول ..

وهى تؤكد له .. طلبت منه أن يساعدها فى كذبة على عادل .. أن
يهاتف عادل ويخبره أن ميرة مطلوبة للمساعدة فى ترجمة فعاليات مؤتمر
ما فى مدينة الإسكندرية .. وسوف يتعين عليها المبيت هناك لمدة ليلة
واحدة .. وطلبت منه أن يختار يومًا فى منتصف الأسبوع حتى يبقى عادل
وحيدًا فى القاهرة بالقرب من عمله .. لعلمها أنه قد استنفد رصيد

إجازاته بالفعل .. ولن يملك أى فرصة للسفر معها .. وافق هيثم على خطتها .. شرط أن يرافقها فى كل خطوة سوف تخطوها فى تلك الليلة .. وشرط أيضًا أن تأتى لتمكث هذه الليلة فى بيته هو وزوجته وألا تسكن فى أحد الفنادق ..

وافقها هيثم على الرغم من رغبته الدفينة بعدم التصديق .. وافقها واشترط مرافقتها أملاً منه فى أنها سوف تكتشف فى النهاية ظلمها لصديقه عادل .. وافقها خوفًا عليها لما لاحظته من الحالة المزرية، التى كانت عليها أثناء هذا اللقاء ..

عادت ميزة إلى البيت .. وأثناء طريق العودة مرت على أحد الأسواق وقامت بشراء بعض المنتجات، التى تنقصها ..

مريوم واحد بعد ذلك حتى قام هيثم بعمل المكالمة الهاتفية المرجوة منه إلى عادل .. وافق عادل على سفر زوجته .. وهى ميزة تحزم حقيبتها الصغيرة، التى من المفترض أن تكفيها ليوم واحد ..

استيقظت ميزة فى الصباح الباكر .. أراد عادل أن يقوم بإيصالها إلى محطة القطارات بنفسه إلا أنه لم يستطع لتعارض موعد قطارها مع مواعيد عمله الرسمية فى الجريدة .. لذلك أخبرته ميزة أنها سوف تستقل سيارة أجرة ..

هذا الصباح كان صباحًا مختلفًا .. استيقظ عادل فى مواعده كما اعتاد .. وبينما كان يرتدى ملابسه إلى العمل وقعت عيناه على حقيبتها الصغيرة .. الموجودة بالقرب من الخزانة .. كان يتأملها بعناية .. وصوت بداخله يخبره بأمْرِ ما .. ذلك الصوت الداخلى المؤلم كان يسأله .. ماذا

سوف تفعل يا عادل إن كانت هذه هي الحقيبة الأخيرة التي تعدها زوجتك
قبيل رحيلها عنك إلى الأبد...!!! ماذا سوف تفعل ؟؟

ظل يتأملها قليلاً .. حتى أجاب نفسه بنفسه .. مفكرًا .. يا سلام على
التهيؤات إلى بيتي للواحد على الصبح .. كان عادل يعتقد أن صوته
الداخلي يُسمى تهيؤات .. وهو لا يعلم أن هذا الصوت هو صوت الغريزة ..
هو صوت القلب .. وصوت القلب لا يكذب أبدًا .. إلا إن كان القلب
مريضًا.. وعلى الرغم من أن قلب عادل قد تعلم الكذب بالفعل منذ أن
تعلم صاحبه الخيانة والخطيئة .. إلا أنه وفي هذه المرة .. صدق قلبه
عندما سأله هذا السؤال .. لقد كان قلبه يهيؤه لما هو آتٍ ..

ودعته ميزة هذا الصباح وداعًا مختلفًا عن كل صباح .. كان يجب
عليه أن يشعر أن هناك أمر ما .. إلا أنه وكما قيل قديمًا ودائمًا .. ساعة
القدر يُعمى البصر.. وبالفعل كان هذا ما حدث مع عادل .. فتحت له باب
البيت تودعه الوداع الأخير .. بينما ظن هو أنها تودعه وداع ما قبل
السفر.. وعلى الرغم من جراحها .. عانقته ميزة عناقًا طويلًا .. كانت تعلم
مسبقًا أنها وبعد هذه الليلة لن تتمكن من منحه هذا العناق مجددًا أبدًا

كانت تعلم أن في هذه الليلة .. سوف يتغير الكثير .. ماعادت ميزة تعلم
أكثر من ذلك .. هل هي تحبه بشدة ..؟؟ هل هي تحبه حد الغفران ..؟؟
عانقته وهي تفكر وتساءل نفسها كيف سيتسنى لك العيش بدونه بعد هذه
الليلة ..؟؟ فكري مجددًا .. هل بإمكانك المضي قدمًا وتجاهل كونه
يخونك..؟؟ بإمكانك الادعاء بأن شيئًا لم يحدث .. كل هذه الأفكار راودتها
في لحظات بينما هي تعانقه .. وما إن افترقت عنه راحت تلك الافكار عنها
رواح الرياح بلا عودة ..

رفع يدها من حول عنقه وضحك متسائلاً .. إيه يا بنتي مالك متأثرة
كده ليه .. ما تخضينيش عليكى .. إنتى محسسانى إن دى آخر مرة تشوفينى
فيها ..

باللسخرية .. لقد قالها لتوه .. كانت هذه الليلة بالفعل سوف تكون
آخر مرة ترى فيها ميزة عادل كما تراه الآن .. كانت تعلم جيداً أنها لن تراه
بعد هذه الليلة .. وهل من الممكن أن ترى امرأة رجلاً بعد سقوطه من
نظرها؟؟

استطرد عادل قائلاً .. يلا مع السلامة خلى بالك من نفسك ..

أجابته بحزن .. وإنت كمان خلى بالك من نفسك ..

تمنى له أن يعتنى بنفسه .. تلك النفس التى قد اختار هو بنفسه لها
أن تبقى ملوثة ..

وصلت ميزة إلى بيت هيثم .. وبقيت بصحبة زوجته منى .. مرت تلك
الساعات عليها كالسنوات .. لا بل أكثر من ذلك .. لقد مرت كدهورٍ بأكملها
من الزمن .. قضى فيها كلاً منى وهيثم فى محاولات مستميتة لأجل إلهاء
ميزة عن التفكير فى عادل .. وعن النظر إلى الساعة ..

دق قلب ميزة مع دقائق الساعة السابعة .. ها لقد اقترب الموعد .. ها
لقد اقتربت خطواتها أكثر فأكثر من معرفة الحقيقة ..

ثم دقت الساعة الثامنة ودق معها جرس باب بيت هيثم .. الذى فُتِحَ
لتوه ليُدخل أحمد المسعدى والد ميزة مندفعاً كالطوفان .. معنفاً ابنته ..

التي ما لبثت أن رآته حتى نظرت إلى هيثم نظرة يملؤها الكثير والكثير من
الخبية .. وقالت له ..

- ليه كده يا هيثم .. حرام عليك هو أنا ناقصة ..

أجاب والدها بعصبية - آه طبعا .. مش عايزاني أعرف حاجة .. ما
إنتي خلاص ما بقاش ليكي أب .. ما بقيتيش عايزة تعرفيني حاجة عنك ..
رايحة تتحامي في هيثم .. أصل أنا مت خلاص وإنتي مالكيش أب عشان
كده رايحة تستنجدي بيه ..

- بعد الشر عنك يا بابا والله العظيم الحكاية مش كده .. أنا أصلاً
شاغة لسة ما إتأكدتش لو كنت متأكدة كنت قلتلك .. أنا خوفت من
الفضيحة أفضحه قدامكوا إزاي وهو جوزي ..

- عارفة يا ميزة إنتي عيبك إيه .. إنك فكراني مش أبوكي أو عشان أنا
أبوكي مش هحس بيكي .. أصلاً انتي لو ما كنتيش متأكدة إنه بيخونك ما
كانش زمانك قاعدة هنا دلوقتي .. كان زمانك هناك في بيته قاعدة
بتشغليه خدامة ..

نظرت ميزة إلى هيثم نظرة عتاب .. وقالت له : أنا الحق عليا إنى
قولتلك ..

هيثم - يا ميزة إنتي مش فاهمة .. دى بالذات عمو كان لازم يعرفها ..
تقدرى تقوليلي أنا كان يبقى موقفى ولا موقفك إيه لو روحنا النهاردة
بالليل ولقيناها فعلا معاه واحدة في الشقة .. هيبقى عيب قوى .. لازم عمو
يبقى شاهد وحاضر ..

تدخل أحمد بقوة في الحوار .. وتحدث إلى مينة بأسلوب صارم، وهو يشير إليها بالسبابة .. قائلاً...

- إتصلى بيه .. إتصلى بيه دلوقتى حالاً ..

أجابته مينة وفي صوتها تلك الرعدة، التي عادة ما ترتعدها النساء أمام أبٍ غاضب ..

- أكلمه أقوله إيه ..؟

- إتصلى إسألبيه هو فين وهيعمل إيه النهاردة بليل .. وإعملى نفسك بتتطمى عليه ..

- حاضريا بابا ..

هاتفته مينة وما أن أنهت المكالمة حتى استدارت صوب والدها وقالت له .. قاللى إنه هيروح النهاردة يسهر مع أصحابه في الكافية بتاعهم دا معرفش إسمه إيه .. وإحتمال يبات عند واحد فيهم ..

- وإنتوا البواب بتاعكم إسمه إيه دا بينام الساعة كام هو ومراته ..

- على الساعة عشرة حداشركده مش متأكدة ..

- يبقى هنطب عليه الساعة إتناشر ..

ساد الصمت الجلسة .. كان الجميع ينتظر مرور تلك الساعات القليلة في عمر الزمن الطويلة في عمر الموقف بفارغ الصبر .. أرادت منى كسر حاجز الصمت .. فقالت ..

- تحبوا تاكلوا حاجة .. أقوم أحضر العشا ..؟؟

سألت متى الصمت .. وكذلك كان الصمت المطبق وحده هو من أجاها ..

دقت الساعة الثانية عشر والربع دقائقها .. وها هم قد وصلوا في سيارة هيثم أسفل بناية مميزة، الموجودة في ذلك الحى الهادئ ليلاً .. الذى قد بدأ هدوءه يقترب من حد الخوف ..

نظرت إليهم مميزة .. بينما كانت أصابعها ترتعد دون أن تدرى من فرط الخوف .. قالت لهم بصوت خافت ..

- خليكوا هنا .. أنا هاخذ شنطتى وأطلع أعمل نفسى كأن سفريتى إتلغت عشان لو طلع إن ...

أجاها والدها الذى كان يفور من الغيظ .. مندفعاً ..

- لو طلع إيه ونيلة إيه .. هو لسة هيطلع .. هى مش دى برضو تبقى عربية البيه إالى راكنة تحت البيت أهى .. ولا أنا بيتهىألى .. هو مش كان قايلك إنه مش موجود النهاردة .. إطلعى إطلعى .. ثم نظر إلى هيثم وقال له .. وانت كمان إطلع ..

- بابا أرجوك عشان خاطرى بلاش هيثم .. بلاش فضايح .. طب بجد كفاية إن إنت هتطلع بلاش قدام هيثم .. قالتها وهى تتوسل إليه ..

- فضايح هو لسة شاف فضايح .. بقولك إيه أنا قايلك ما تدخليش إنتى أنا محامى وعارف أنا بعمل إيه كويس قوى .. إنت هتطلع يعنى

هتطلع يا هيثم .. ومحدث يناقشني دلوقتي خالص عشان أنا مش مستحمل كلمة من حد ومش شايف قدامي ..

خطوة تليها خطوة .. ودرجة تليها الأخرى .. كانت ميزة تحاول جاهدة أن تلتقط أنفاسها .. تحاول أن تُقنع نفسها قبيل اللحظات الأخيرة .. أن هناك أملاً ألا يكون عادل خائئاً .. أن هناك أملاً أن يكون عادل نائماً الآن وحده أو يأكل وحده أو يشاهد التلفاز وحده .. أو من المحتمل أن يكون الآن يفعل أى شيء آخر سوى خيانتها .. هكذا هن النساء .. عندما يقعن في الحب .. يسقط عنهن المنطق والعقل كذلك ..

حاولت أن تستجمع قواها طوال تلك الدقائق .. كانت تصعد الدرج وهي تُقرر أن تواجه الموقف بقوة .. ألا تبكى وألا تنهار .. قررت عبثاً أن تتماسك وأن تتمالك نفسها .. في إحدى تلك المواقف وإحدى تلك الأيام التي لا يمكن لإنسان ما أن يقرر ماهيتها وكيف تعبر على أصحابها سوى أصحابها أنفسهم .. سوى من عبروا بها قبلاً .. أو بالأحرى سوى من اختبروها قبلاً ..

فتحت ميزة باب الشقة بسلاسة وهدوء مطلق .. وما إن دخل ثلاثتهم إلى البيت .. حتى بدأت تترأى إلى مسامعهم أصوات عادل وامرأة أخرى غريبة قادماً من غرفة النوم ..

حملتها أقدامها إلى حيث ذلك المكان الذي اعتاد أن يكون في السابق لها هي وعادل .. الحب الأول في حياتها .. وقفت أمام الباب بالضبط تختلس السمع في زهول .. تتوسط هيثم من جهة وأبيها من جهة أخرى .. وها هي المرأة التي كانت لتوها تتوعد بالتماسك والقوة، تنهار في البكاء ..

لم تكن تقوى على فتح الباب .. ولكم تمنى أن تستدير وتعود أدراجها في صمت في تلك اللحظات ..

استمرت واقفة تبكى في صمت للحظات .. حتى مد والدها يده وضعها على مقبض الباب وفتحته فجأة .. يا إلهي .. لقد فتح أحمد الباب .. بيد أنه لم يفتح بابًا عاديًا لإحدى الغرف .. بيد أنه قد فتح لتوه إحدى أبواب الجحيم ... الجحيم الذي سوف يلاحق ذاكرة عادل وميزة مدى الحياة ..

التفت عادل إلى الخلف فوجد ميزة تقف أمام الباب .. جاحظة العينين .. بدت مقلتها كمن كانت على وشك الخروج من وجهها من فرط البكاء ..

وأحمد واقفًا بالقرب منها يقول .. شايقة ... شايقة .. أهو والله العظيم كنت متأكد إنه مش مضبوط من الأول .. استمر أحمد في الحديث ولكن ميزة لم تكن تسمعه في تلك اللحظات ..

التفت عادل وعلى الرغم من وجود أحمد وهيثم وميزة .. وعلى الرغم من رؤيته عينا زوجته وهي تتراوح ما بين النظر إليه والنظر إلى سوسو عشيقته .. إلا أنه لم يكن يلحظ في تلك الساعة شيئًا سوى عريه .. بدأ يشعر أن جسده قد امتلأ فجأة بالثقوب .. بالكثير والكثير منها .. وفي مقابل كل نظرة كان يتلقاها من أحدهم .. كانت تلك النظرة تُحدث ثقبًا غائرًا في جسده .. لا يعلم متى وأين وكيف سوف يتسنى له ملء هذه الثقوب مجددًا وإعادتها إلى ما كانت عليه ..

لقد تراءى له الآن أن للرجال شرفاً كذلك مثلهن مثل النساء .. لقد تراءى له الآن أن الرجل أيضاً من الممكن أن يجلب العار على نفسه، وليست فقط النساء هي من بمقدورها فعل هذا الأمر..

عادل ظل مشدوهاً .. عاجز الفكر .. بل مشلول الفكر .. كانت تلك هي إحدى اللحظات التي لم تخطر له ببال أنها قادمة لا محالة في يومٍ من الأيام .. لقد ظن عادل عبثاً أنه قد ملك الدنيا وما فيها .. ولن يقوى على كشف مخططاته أكثرهم ذكاءً .. إلا أنهم وكما يقولون .. أن الإنسان يبدأ في ارتكاب أكبر أخطاؤه وأكثرهم حمقاً في تلك اللحظة التي يظن فيها أنه قد ملك ذكاءً غير عادياً .. وأن جميع من في الأرض ما هم إلا حفنة من المخلوقات الغبية .. التي لا تقوى على كشف ألاعيبه ..

دارت في رأسه أفكار كثيرة وأشياء بعيدة غاية في البعد عن مجريات الأحداث .. لم يكن يملك عادل أدنى فكرة عن أسباب هذه الأفكار .. بدا لنفسه كمن كان يحتضر .. بدأ يشعر أن روحه تخرج من جسده .. وأنه يرى الآن شريط أحداث حياته يمر بالكامل عبر عينيه .. فقد تذكر لتوه أشياء من ماضيه السحيق .. لقد تذكر إحدى تلك اللحظات التي رأى فيها والده وهو يضرب أمه .. لقد عادت إلى مسامعه الآن فقط كل صرخة صرختها أمه .. وكل لحظة هلع عاصرها هو وأخوه أثناء تلك العلاقات الساخنة التي كان والده قد اعتاد على أن يمنحها لأمه على مسمع ومرأى من أطفالها .. لقد تذكر الآن فجأة كل صفة وكل لكمة وكل ركلة .. لقد عاد لتوه شبح والده في الظهور ولكن في حلة جديدة .. لم يستفق عادل إلا عندما سقطت ميزة على ركبتيها من فرط البكاء على الأرض .. أراد أن يقوم من موضعه ولكن يا للعار .. كان بحاجة إلى شيءٍ يستر به جسده .. ذلك

الجسد الذى كرمه الله بالملابس، ولكن نزعت عنه الرغبات الحيوانية إنسانيته بانزاعها بيديه ..

عندما سقطت ميزة على الأرض منهمة في البكاء .. أراد أن يركض إليها ومنعه عريه .. جلس في موضعه مفكرًا للحظات .. حتى تناول بيده أحد تلك الأغطية المتناثرة على الفراش يمينًا وشمالًا .. لف جسده بها وتحرك بخطى سريعة إلى ميزة .. التي كانت تجلس على الأرض .. جلس بالقرب منها ووضع كلا يديه على ذراعها .. لقد أحكم قبضته على منكبها واستمر في تحريكها .. ومناداتها باسمها .. ميزة .. ميزة .. الذى كان صدقًا في تلك اللحظة لا يدري ماذا عساه أن يقول سواه .. وكيف عساه أن يدافع عن نفسه ..؟؟ كيف ..؟؟

جلست سوسو التي كانت لازالت في الفراش في موضعها .. تنظر إلى الجميع بفخر يكاد يطير من عينيها .. وتلك السعادة تملؤها .. فقد كانت هذه هي أول مرة في حياتها ترى تلك النظرات في عيني امرأة شريفة أخرى.. لقد عرفت زوجته اليوم عني، أخيرًا انتصرت عليها .. هذا كان كل ما فكرت فيه .. وهذا كان كل ما حلمت به يومًا .. بدأت ملامح وجهها تتحول من نظرات السعادة إلى تلك النظرات النسائية المبتذلة .. التي قد تمنحها امرأة لأخرى احتفالاً بالنصر .. وإخبارًا لها عن أنوثتها الغير منقطعة النظير التي قد جعلت زوج هذه تركها وركض خلف الأخرى ..

بينما كان عادل مستمرًا في ترديد ميزة .. ميزة أرجوكى سامحيني .. بدأت الدموع تهمر من عينيهِ هو أيضًا وزوجته في الأرض تبكى .. لا تقوى حتى على النظر إليه أكثر من ذلك ..

ميزة أرجوكى سامحيني .. أنا مش عارف أقولك إيه .. أنا ما عنديش كلام أقوله غير كلمة سامحيني .. ميزة ميزة .. مالك فيكى إيه .. انتى مش بتتكلمى ليه .. ردى عليا .. ردى عليا أبوس رجلك ردى عليه .. إنتى ست الستات .. أنا عمرى فى حياتى ما هلاقى ضفرك ..

وهنا أتاه من الخلف صوت أحمد مرددًا .. أه عمرك ما هتلاقى ضفرها.. أصل إالى زيك أصلًا ما يعرفش ستات .. يعرف ضوافرهم بس .. بصوا بصوا يا جماعة .. أهوزى ما قتللكم .. كان هذا صوت أحمد مشيرًا بذراعه إلى عادل وسوسو من خلفه ..

رفع عادل عينيه إلى الأعلى فلمح أحمد يقف بالقرب من عم عطية الحارس وزوجته بالقرب منه ينظرون كلاهما إلى عادل نظرة يملؤها الاستحغار والازدراء والتعجب ..

بدأ عادل يدرك حجم المصيبة، التى وقع فيها لتوه .. لقد كُشف سترك يا عادل .. وما أصعب أن يسقط رداء الستر الإلهى الذى يغطى البشر أجمع عن أحدهم .. إن هذا الرداء ما هو إلا رحمة من الله .. يغطى به الله العبد مرة تلو الأخرى .. ولا يسقط عنه إلا عندما يطغى .. ولقد طغيت وطفى سلطانك وغرورك يا عادل ... ألم تمتحك الأقدار فرصة تلو الأخرى للتراجع ..!!! ألم تحصل على أكثر من فرصة للتراجع فى السر..!! كم من مرة أخطأت فيها يا عادل ولم يعرف بخطأك سوى من خلقك ..!! ولكنك مع ذلك لم تتراجع .. بل لم يزدك الستر إلا طغيانًا .. فسقط عنك رداءك ..

قيل قديمًا أن الستر هو هبة الله .. في وجودها حكمة .. وفي سقوطها حكمة أكبر .. ففي وجودها فرصة للتراجع والتوبة .. وفي سقوطها أمر صريح بالتراجع ..

كانت ميزة لا تشعر بالعالم من حولها .. فقط تجلس على الأرض باكيةً في انكسار .. أنهضها أحمد وسلمها لهيثم .. وقال له .. خدّها إنت على العربية وإستنوني أنا جايلكم ..

لا يعلم عادل لماذا وقف واعتدل في موضعه في نفس توقيت ووقوف ميزة .. لعله كان يريد ملاحظتها ولكن لا يملك أدنى فكرة عن كيف من الممكن أن يلاحظها وهو شبه عارٍ تلاحقه الأنظار من كل حذب وصوب ..

ذهبت ميزة بينما بقى هو في موضعه .. لا يعلم في أى اتجاه يتوجب عليه النظر .. يميناً أم يساراً .. هنا أم هناك .. فهنا أم أحمد .. وهناك عم عطية .. يميناً هيثم .. ويساراً أحمد حماه .. يا إلهى لقد ضاقت عليه الدنيا.. لم تمنحه حتى بقعة واحدة من بمقدوره النظر إليها ..

ذهبت ميزة مع هيثم .. الذى قد حرص على البصق في وجه عادل باشمئزاز قبل أن يتحرك قائلاً ..

- إتفو .. إتفو عليك يا أخى وعلى إلهى يعرفك وعلى إلهى يعوز يعرفك ..

بقى أحمد صامتاً في موضعه .. ينظر صوب الباب وعينيه مملؤتان بالكثير والكثير من الوعيد والتوعد .. تتبعهم حتى خرجوا من البيت .. ثم نظر إلى عادل .. وقال له ..

- بص بقى يا حلو .. إنت وقعت ولا حدش سمي عليك .. إنت راجل متجوز .. ودا مسكن الزوجية .. واللى إنت عملته دا اسمه فعل زنا مثبت.. يعنى شهود عيان عليك موجودين وشافوك بعينهم وإنت متلبس .. ولو على الصور الصور أهي .. أنا صورتلك فيديو وصور عادية عشان ما أبقاش حرمتك من حاجة .. وإلى إنت هتعمله بكرة الصبح أول ما النهار يطلع هتروح تطلق بنتى وتديها كل مستحقاتها .. ومش بس كده إنت ما توريماش وشك تانى .. أنا مش عايز أسمع إسمك كده بالصدفة .. عشان أنا مش ضامن نفسى الصراحة بعد ما أخرج من هنا هعمل إيه بالصور الحلوة إالى عندى على الموبايل دى .. بفكر .. لسة بفكر .. يا ترى أفضحك بيهم .. ولا أنزلهم عالنت وأخلى الناس تنبسط وتشوف المؤلف المحترم عادل فؤاد عمل إيه .. ولا مش عارف .. فيستحسن كده إنك تسمع كلامى زى الشاطر وما تلعبش بيديك لا يمين ولا شمال .. بدل ما أفضحك ..

لم يقو عادل على الرد .. لم يقوى عادل على النطق بحرف واحد .. ياللهول .. لقد عرف لتوه أن أحمد قام بتصويره .. ياللهول لقد ألتهته فجيئته عن ملاحظة عدسة الكاميرا وهى مواجهة صوبه .. لقد عرف الآن أنه ليس فقط بصدد مواجهة فضيخته أمام من رأوه .. وأمام من سمعوه.. وإنما فقط سوف يتعين عليه مواجهة احتمال الفضيحة أمام البلاد بأسرها..

سار أحمد صوب باب البيت خطوتين .. ثم تراجع مرة أخرى خطوتين للخلف .. ولكم عادل فى وجهه لكمة بالغة القوة .. قد أفقدته توازنه وأعادته مرة أخرى إلى الأرض .. ولكن هذه المرة لم يجلس بمحض إرادته وإنما سقط سقطه يملؤها الذل ..

أحمد الرجل الخمسينى المسالم .. الذى قد عُرف بإنسانيته طوال حياته .. الذى قد عرف عنه أنه ليس بمقدوره أن يؤذى ذبابة .. ها هو يستجمع كل ما يملك من قوى ليملك شأبًا قوى البنية على وجهه لكمة بالغة القوة .. لكمه أحمد ثم قال له ..

- دى عشان بنتى إالى أنا يا خسارة إكتشفت دلوقتى إن غلطة عمرى كانت إنى فى يوم من الأيام أمنتك عليها ..

ظل عادل ملقى فى موضعه على الأرض .. لم يكن يملك شيئًا واحدًا من القوة أو الطاقة ليرفع جسده من على الأرض .. لم يكن يقو حتى على أن يرفع عينيه فى وجه عم عطية أو زوجته أو أى إنسان كان ..

خرج أحمد .. وتلاه عم عطية وزوجته .. وتركوا خلفهم باب الشقة مفتوحًا على مصراعيه .. وعلى الرغم من شبه عريه .. إلا أنه لم يكن يعبأ فى تلك اللحظة بمسألة الأبواب المغلقة أو الأبواب الموصدة أكثر من ذلك .. ولم عليه يعبأ أو يخاف من أن يراه أحدهم عاريًا أكثر من ذلك !!

وكما كان دائمًا الشعور بالاتساح الداخلى هو مرض عادل المستعصى فى الماضى القريب .. وجد نفسه الآن يعيش ليضيف إلى قائمة أمراضه مرضًا آخر .. ألا وهو الشعور بالعرى الداخلى ..

مشاعر صعبة ... مشاعر لا توصف .. تلك المشاعر التى تجعلك تظن أنك أينما ذهبت وكلما تحدثت وكلما التقيت بأحدهم .. سوف تظل عاريًا فى أعينهم مهما بلغت ملابسك من سُمْكِ .. ومهما ازدادت ألوان ملابسك من قمامة .. سوف تظل مكشوفًا دائمًا .. سوف تسير بين الناس لتجد نفسك مخترقًا من قِبَل أعينهم .. إحساس بالرخص والعهر يعتريه الآن

بالكامل .. يجعله يظن أنه مهما فعل .. ومهما بالغ في شراء أغلى الملابس ..
سوف يظل دائماً رخيصاً .. عارياً .. متسخاً...

إنها أمراضك ولوازمك الجديدة يا عادل .. فقط بات عليك أن تعتاد
عليها .. وتعيش كل دقيقة من عمرك القادم تتأمل ما اقترفت يداك .. وما
أوصلتك إليه نفسك .. نفسك الأمانة بالسوء ..

قد يظن المرء أن النساء تقوى بأزواجهن .. قد يظن المرء أن النساء
تقوى بأبنائهن .. قد يظن المرء أن النساء تقوى بإخوتهن .. إلا أنه وفي
الحقيقة النساء لا تقوى إلا بأبائهن .. فكما أن وراء كل رجل عظيم امرأة
أعظم .. وراء كل امرأة قوية .. أباً أقوى منها .. قرر أن يتحدى بها ولأجلها
العالم ..

أوشكت الساعة على الرابعة فجراً .. وهي لازالت تبكي .. ولكن خفت
وطأة دموعها .. بعد أن أوشكت على استنفاد رصيدها من الدموع في هذا
اليوم .. كانت تضع رأسها في حضن والدها .. الذي يمرر يده في رفق على
عينها محاولاً تجفيف دموعها .. قائلاً ..

- عارفة يا ميمزة .. أنا قبل ما إنتى تيجى الدنيا .. كنت خايف أخلف
بنات .. أه والله .. كنت خايف أخلف بنات بس مش عشان البنات وحشين
لا سمح الله .. أنا كنت خايف أخلف بنت عشان كنت دايمًا عارف إنى
هفضل خايف عليها طول عمري .. بس رينا رزقنى ببنت حلوة .. أول ما
شوفتك حسيت بمشاعر أنا ما عرفتهاش وما حسيتهاش قبل كده .. عرفت
إن أحلى إحساس فى الدنيا هو الإحساس إالى بيحسه الأب ناحية بنته ..

إنغيرت ساعتها وبقيت بعامل مامتك المعاملة إلى حلمت إنك في يوم من الأيام لما تكبرى تلاقى واحد يعاملها لك .. بس وكبرتى وكل الناس كانوا فاكرين إني مش عايزك تتجوزى عشان بغير عليكى .. أو بكرهلك الخير أو إن عندى حب تملك .. لأ هما فهمونى غلط .. الأب بيعيش عمره كله بيعمى ولاده من الحاجات والأخطار المموسة .. أنا كافحت وحاربت الدنيا عشان أعرف أحميكى من الفقر وما أخليش في نفسك حاجة .. كنت عارف إنى أقدر أحميكى من حرامى عايز يسرق شنطتك .. أو من حرامى تانى عايز يسرق جسمك .. بس أكثر حاجة كنت عارف إنى مستحيل أعرف أحميكى منها هى الحرامى إلى عايز يسرق قلبك .. لأن إلى يبسرق القلب ما بيستأذنش قبل ما يسرقه .. أنا عارف إن يمكن الكلام إلى بقوله دا غريب وانقى أول مرة تسمعيه .. بس أنا كنت عارف دايمًا إني مهمما بالغت في حمايتك من كل حاجة ومن أى حاجة عمرى في حياتى ما كنت هقدر أحميكى من حُبكِ ومن قلبك.. أنا عشان راجل كنت دايمًا حاطط رغبات الرجالة وأطماعهم قدام عينيه .. أكثر حاجة كانت طول عمرها مخوفانى حصلت النهاردة .. إني أربيكى وأكبرك وأشوفك بتبقى أحلى يوم بعد يوم .. وبعد كل دا بيعى راجل في لحظة .. في غمضة عين .. بين يوم وليلة يكسرلك قلبك.. مش عارف أقولك إيه .. مش عارف أقولك إيه ..

تنهد أحمد قليلاً.. ثم استطرد حديثه ..

وعشان كده ربيتك على إنك تبقى قوية عشان تعرفى تعتمدى على نفسك في كل حاجة .. وإنك تروحي تحققى أحلامك لنفسك وما تستنيش راجل يحققها لك .. وعشان كده برضو أنا عايز أقولك إن اللى حصل النهاردة دا مش النهاية .. اللى حصل النهاردة دا مش أكثر من مجرد بداية ..

بداية جديدة ليكى عشان تعرفى تعيشى حياة جديدة .. و تفتحى صفحة جديدة وتنسى كل إلى فات..

فاكرة يا ميزة زمان وانتي صغيرة .. لما كنتى كل مرة بنروح نصيف فيها بتبقى قدام البحر .. و تفتحى بوقك من كتر الإنهار .. ما كنتيش ساعتها بتبطلى تفكير فى البحر .. وفى نهاية البحر.. ساعتها ياما سألتينى .. كنتى بتقوليلى يا ترى يا بابا أخرة البحر دى نهاية؟؟ يا ترى آخر البحر دا الناس لازم تموت؟؟ وانا كنت أرد وأقولك مفيش حاجة إسمها نهاية .. وإن آخر البحر فى حياة تانية .. وإن تحت البحر برضو فى حياة تانية زى ما فوق البحر برضو فى حياة كبيرة.. وكبرتى وفضلتى تسألينى نفس السؤال سنة ورا سنة وما بطلتيش تسألينى إلا لما أشرتلك منظار وبعدين أخذتكم وطلعنا فى رحلة بحرية .. عشان أعلمك إن الحاجات إلى عنيننا بتشوفها على إنها النهاية .. وأعلمك إن الحاجات إلى إحنا بنفكرها النهاية .. مش ضرورى تكون نهاية فعلاً .. وساعتها بس حسيت إنك فعلاً فهمتى إن الخط إلى إحنا بنفكره النهاية دائماً بيكون بعده حياة وحياء أجمل كمان .. ودى الحاجة إلى أنا عايزك النهاردة تفتكرها يا حبيبتى ..

صمت أحمد لبرهة .. ثم انحنى فنظر إلى وجه ابنته .. فوجدها قد نامت بالفعل..

سارة .. المرأة القريبة من الله .. المحجبة .. التى تُفضل أن تُسمى درجة علاقتها بالله " بالقرب من الله " عوضاً عن تسميتها بالتدين .. حتى لا يُساء فهمها فى مجتمع قد غير معانى كلمة التدين وحملها معانٍ أخرى بعيدة كل البعد عن معناها .. تلك التى لأمها الجميع على حياها لإليخاندر .. تلك التى

توقع لها الجميع الفشل في زواجها .. تلك التي لم يتوقف يوماً أحدهم عن إخبارها بأن ذلك اليوم الذي يرتد فيه اليخاندروا عن الدين قادم لا محالة .. وبأنه سوف يخونها مع عشرة نساء وليس فقط واحدة .. أخبروها أنه سوف يعود إلى حياته السابقة .. وأنه لاخير أبداً في مسلم مستجد .. راهنوها على ارتداده وراهنتهم هي على بقاءه .. اتهموها عبثاً بالركض خلف الغرب ومحاولة الالتصاق بهم والخروج عن مجتمعها .. ولكن كانت الحقيقة أنها ما ركضت يوماً خلف الغرب لمجرد أنهم غرباً .. وما نبذت يوماً العرب لأنهم عرباً .. وإنما مال قلبها نحو رجل على نفس درجة قربها من الله .. لما عرفت عن الإسلام من أنه دين لا يميز بين بشري وآخر .. بين غربي وعربي إلا بالتقوى والقرب من الله .. تزوجت سارة اليخاندروا لأنها رأت في قلبه إيماناً لظالما افتقدته في قلوب معظم من عاصرتهم من رجال عرب مولودون على الإسلام..

تركت الهاتف من يديها .. وألقته جانباً .. وبدأت تتأمل الماضي والحاضر والمستقبل .. تتساءل في نفسها .. متى سوف تتوقف تلك الكوابيس عن الحلول .. لقد ظننتُ أنني هربتُ وانتهى الأمر .. ولكن يبدو أنه لن ينتهي أبداً؟؟

فجأة دخل اليخاندروا إلى الغرفة .. فوجدها تجلس والوجوم بين على وجهها .. سألتها ماذا بك؟؟

أجابته .. - لقد خان عادل ميزة .. تخيل؟؟

- كيف؟؟

- خانها .. يا اليخاندرىوا أقصد أنه قد اقام علاقة غير شرعية مع امرأة أخرى غريبة عنه ..؟؟

- حقًا ..!!! لا أفهم .. كيف فعلها اليس هذا النوع من العلاقات محرم فى الإسلام ..؟؟ هل عادل يعلم أن هذا الأمر محرماً؟؟

- نعم يا اليخاندرىوا .. محرم .. وهو بالتأكيد يعلم؟؟

- إذًا لماذا فعل هذا الأمر وهو مسلم يوقن جيداً حرمانيته ..؟؟

كان هذا هو السؤال الأكثر إبلاماً على قلب سارة .. نظرت إليه فى عجز.. لم تكن تعلم بماذا يتوجب عليها الإجابة الآن .. إنه السؤال الأكثر عجزاً والحقيقة الأكثر إبلاماً ..

فكرت لبرهة ثم قالت له ..

- سوف أذهب إلى مصر.. يجب أن أعود إلى مصر بسرعة .. يجب أن أبقى بالقرب من ميزة فى هذه الأيام ..

- حسناً هل تحبين أن أحضر معك ..؟؟

- لا .. سوف أذهب وحدى هذه المرة .. هذا أفضل ..

فى نهار اليوم التالى .. كان مصطفى جالساً فى غرفة أخته ميزة .. يواسيها .. بينما كان أحمد فى البيت هذا اليوم .. لقد قرر أن يبقى فى المنزل بالقرب من ابنته الحزينة كذلك .. عندما دق جرس الباب .. فتح أحمد وفوجئ بعادل .. الذى لا يعلم كيف قد تمكن من أن يستجمع قواه

ويذهب مباشرة للحديث إلى ميزة، التي لازالت حتى هذه اللحظات زوجته أمام الشرع والقانون ..

فتح أحمد الباب .. ثم نظر إلى عادل نظرة من أسفل إلى أعلى يملؤها التعجب والتعالي في نفس الوقت .. وقال..

- إيه دا .. إنت رجلك شايلاك وجابتك لحد هنا .. دا أنا قلت زمانك روحت طلقها .. إنت جاى هنا تعمل إيه .. طلقت بنتى ولا لسة ..؟؟

- جاى أتكلم مع مراتى .. أنا أسف يا عمى لو سمحت أرجوك خلينى أكلمها إنشالله حتى لو خمس دقائق ..

- عما الدبيب .. مراتك دا كان زمان يا حيلتها .. إنما دلوقتى الكلام إختلف إنت هتطلقها .. يعنى هتطلقها ..

- أيوه أرجوك .. أرجوك أنا غلطان وجاى أعترفلها وأطلب منها تسامحنى .. أرجوك يا عمى إدينى فرصة تانية إعتبرنى زى إبنك مصطفى .. أرجوك خلينى أكلمها أنا بحبها ما أقدرش أطلقها.. ما أقدرش ..

- هتطلقها ورجلك فوق رقبتك .. ماذا وإلا هفضحك .. وهروح أرفع عليك قضية طلاق وإنت عارف وأنا عارف إنى هكسيها فى جلسة واحدة بس بالصور والشهود إالى معايا .. ومش بس كده أنا هروح أقف فى المحكمة وأجيب صحفيين وأقول بعلو صوتى .. بنتى عايزة تطلق من عادل فؤاد بيه المحترم عشان قفشته مع واحدة شمال فى الشقة والصور أهى ..

- يا عمى أبوس إيدك .. بلاش فضايح .. طب بلاش عشانى أنا هتفضح بنتك يعنى ..

- أفضح بنتى ليه .. وهى بنتى مالها .. تكونش فاكرنى واحد متخلف
هدارى على فضيحتك عشان بنتى ما تتفضحش .. لا دا أنا هفضحك إنت
أنا بنتى مالهاش دعوة بالموضوع ..

وفجأة اندفع مصطفى من الداخل .. خارجًا بخطى مسرعة وعلامات
الغضب تبدو على وجهه .. ويهلل بصوتٍ عالٍ ..

- إنت يا ***** إيه إلى جايبك هنا .. إنت ليك عين تيجى بعد إلى
عملته .. قالها وهو يقترب من عادل ليضربه ..

إلا أن عادل لا يعلم لماذا لم يشعر بالانكسار أمام مصطفى بالتحديد..
بل نظر إليه بعيون ثابتة وقوية .. ولم يتحرك من مكانه ولم يتراجع حتى
خطوة واحدة للخلف .. ثم قال..

- يا سلااااام .. ومالك محموق قوى كده ليه .. وعاملى فيها أبو
الشرف.. على أساس إنك ما عملتهاش قبل كده .. وبعدين عادى يعنى أنا
راجل ومن حقى أتسلى .. ولا هى التسلية دى حلال عليك وحرام على كل
الرجالة .. زعلان قوى عشان جت فى أختك .. روح بص لنفسك الأول قبل
ما تيجى تعيب على الناس ..

كانت ميزة تجلس فى غرفتها تستمع إلى حديثهم .. كانت لا تريد رؤيته ..
ولكنها لا تعلم لماذا انهمرت من على وجهها دمععة عندما سمعت رد عادل
على مصطفى .. وشعرت أنه مُحق فى كلماته .. لقد كان هذا دين على
أخوها .. توجب رده إليه عبرها .. لذلك استجمعت قواها وخرجت ..

بينما كان أحمد يصرخ فى وجه عادل .. إطلع برا .. إطلع برا .. ثم ينظر
إلى مصطفى الذى قد بدأ يفور ويقترب من عادل أكثر فأكثر بعدما قاله

رغبة منه في ضربه .. وإنك كمان إنت إتجننت .. داخل تضربه وعاملى
نفسك فتوة ما هو من عمالك السودا ..

خرجت ميزة .. فاجأت الجميع .. بابا.. مصطفى لو سمحتوا أنا عايزة
أسمعه ..

أجابه أحمد - لأ .. تسمعيه إيه إنتى إتجننتى .. إدخلى أوضتك يلا
وما تطالعيش منها خالص..

- بعد إذنك يا بابا دى رغبتى لو بتحبنى خليه يتكلم حتى لو للمرة
الأخيرة ..

- طيب .. إتفضلوا فى الصالون وما تطولوش ..

وهكذا دخل كلاهما إلى الغرفة وأغلقا خلفهما الباب .. وقفت ميزة فى
مواجهة عادل .. تنظر فى عينيه بقوة .. بدون دموع .. بدون بكاء .. بدت
متماسكة بينما صمت هو قليلاً لا يعلم من أين يتوجب عليه أن يبدأ
حديثه ..

- إتفضل إتكلم .. مش كنت لسة بتقول إنك عايز تكلمنى .. إتفضل
كلمنى ..

- عينيكى مالها .. كنتى بتعيطى طول الليل صح .. عيطتى ليه أنا ما
أستاهلش زعلك عليا ..

- ومين قالك إنى كنت بعيط عشان زعلانة عليك .. أنا كنت بعيط
عشان زعلانة على نفسى..

- ميزة أنا أسف .. سامحيني بجد ... أنا مش لاقى كلام أقولهوك ..
ومش لاقى أى مبرر يبرلك غلطى غير إنى أطلب منك السماح .. أنا عارف
إن إلى بطلبه دا كبير قوى .. بس فى نفس الوقت أنا عارف إنك قوية وإنك
هتسامحيني .. أنا مش هعمل كده تانى .. أوعدك لو رجعتىلى هخليكى
أسعد إنسانة فى الدنيا وعمرى فى حياتى ما هخونك تانى ..

- زى ما وعدتني قبل كده صح ..؟؟ نظرت إليه بسخرية ..

اقترب منها وأمسك بيدها أراد أن يقبلها فسحبتها هي ..

- أنا أسف .. أنا غلطان والغلط راكبني من ساسى لراسى .. وجاى
لحد عندك أهو ويعترفلك بغلطى وبطلب منك تسامحيني ..

- عادل .. ممكن أسألك سؤال .. لو الوضع إتكس .. لو كنت أنا إلى
خنتك فى سريرك كنت هتسامحنى بعدها؟؟

صمت عادل لبرهة .. مفكرًا فى مخرج لتلك الزاوية التى قد حشرته
فيها ميزة لتوها .. فنظرت بمكر وقالت له ..

- طبعًا ما كنتش هتسامحنى .. دا مش بعيد كنت تقتلنى فيها كمان
وساعتها كانت الناس هتصقفلك على رجولتك مش كده ..؟؟

- يا ميزة أنا راجل ..

- الغلط ما يعرفش فرق بين راجل وست .. الغلط غلط والصح صح ..
هو ربنا لما حرم الزنا فى القرآن كتب جنب التحريم .. دا محرم إرتكابه
للسنات .. وحلال للرجال؟؟ ربنا حرم الحجات الغلط على السنات
والرجال .. بس للأسف إحنا إلى مهما بنتطور أو بندعى إننا بنتطور

بفضل برضو باقي عندنا ناس زيك فاكرين إن من حقهم يغلطوا براحتهم
بس عشان هما رجالة ..

- أيوه بس إنتى أحسن منى وطول عمرك قلبك كبير وبتسامحى ..
سامحيني يا ميزة دا ربنا بيسامح ..

- أيوه ربنا بيسامح .. بس أنا مش ربنا .. والقوة إالى إنت متخيل إنها
عندى دى وهقدر أسامحك بيها .. مش موجودة أصلاً ..

التفتت وسارت عدة خطوات باتجاه الباب .. بحيث أصبح ظهرها إليه
ووجهها موجهاً صوب الباب.. بينما قال هو لها ..

- أنا راجل وغلطان وعارف إنى..

التفتت إليه وقاطعته قائلة .. لأ يا عادل .. إنت عارف إنت مشكلتك
الحقيقية والوحيدة إيه .. إنك مش راجل غلطان .. إنك راجل شرفى ..!!!

فتحت الباب وذهبت إلى غرفتها ... بينما خرج هو من باب الشقة
وصوت أحمد يتردد إلى مسامعه .. قدامك 24 ساعة عشان تطلقها بعد
كده هرفع قضية وهفضحك يا بن ال *****

عندما تحب المرأة زهرة .. فهى ترعاها فى موضعها .. ترعاها فى
موطنها.. تتركها على حالها .. تترك لها حق الحياة فى وعاءها الذى ولدت
منه إلى الحياة .. فقط جل ما يمكن أن تفعله هو أن تقترب منها لتحصل
على رائحتها .. وصورة لها بعد ذلك .. ولكن عندما يُحب الرجل زهرة .. فهو
يُحبها بأناوية تجعله ينتزعها من موضعها ليحملها معه ويضعها فى بيته ..

يحملها معه على الرغم من علمه أنها قد ماتت بمجرد انتزاعها من تربتها .. ماتت وما هي إلا أيام حتى تدبل في بيته وتفقد آخر أيام جمالها ورحيقها وعطرها ..

وهكذا لطالما كان دائماً الفرق بين المرأة والرجل كالفرق بين الحياة والموت .. كالفرق بين العطاء والأنانية .. بين الحُب وحُب التملك .. بين الرحمة والقسوة .. وهكذا كان أيضاً هو الفرق بين ميزة وعادل .. ميزة التي كانت ترى أن الحب حرية .. وعادل الذي كان لا يعلم كيف بإمكانه استعادة زوجته إلى قفص الزوجية .. غير مكترثاً بأى شيء سوى بتلك الرغبة الدفينة في إعادة زوجته التي تشبه الزهور كثيراً من وعاءها إلى تلك الزهرية اليابسة الموضوعة على الطاولة .. كانت ميزة زهرة .. انتزاعها عادل من وعائها وذهبت هي معه على أمل أن تجد عنده وعاءاً جديداً .. يتسع لها ولبنورها .. منحته ميزة نفسها بحثاً عن وطنٍ جديدٍ عنده .. إلا أنها ذهبت لتكتشف أن مكانها محدد مسبقاً في قعر إحدى تلك الزهريات الجميلة، التي يزين بها الناس مساكنهم .. وهكذا كان عادل يقضى معظم أوقاته متباهياً متزيناً بميزة .. غير مكترثاً بأن الزهرة تبدأ بالإحتضار منذ لحظة خروجها من وعائها .. لم يكن يعبأ بضوء زوجته وحياتها التي قد بدأت في الانزواء على يديه .. وفي بيته ..

عادل الرجل الذي كاد يجن لشعوره أن لأفعاله عواقب .. هو الذي ما اعتاد على أن يعاقبه أحدهم منذ أن تخلص من شباك والده .. كان متمسكاً بميزة بقوة .. مُحكمًا قبضته عليها ولا يريد أن يفلتها أبداً .. لا يعرف كيف سوف يتمكن من الإبقاء عليها بعد اليوم .. يحتاج أن يشعر أن كل شيء لازال على ما يرام ويمكن إصلاحه وبأنه من الممكن لخطأه أن يتم تداركه .. وهو يعلم جيداً أنه لا يمكنه أبداً الشعور بهذا الامر إلا باستعادة

ميزة .. ميزة التي يعتبرها هو إحدى ممتلكاته، التي لا يمكن أن يسمح لرجلٍ آخر أن يحصل عليها من بعده .. إنها زوجته هو وسوف تظل هكذا إلى الأبد ..

خرج عادل من بيتهم وهو يفور غيظًا .. كانت علامات الجنون تُبدو على وجهه .. يُفكر فيما بوسعه أن يفعله في تلك المهلة الزمنية القصيرة، التي قد منحه أحمد إياها قبل تطليقها أو الفضيحة ..

لذلك جاءت دائمًا هدى هي الحل والمخرج الوحيد .. والمحامي العائلي المتفاني الذي كان عادل أكيدًا من أنها سوف تساعد كالعادة .. وسوف تقف إلى صفه كالعادة ..

وبدون سابق موعد .. ذهب عادل إلى منزلها، الذي كان يعرف عنوانه جيدًا .. وأخبرها بكل شيء .. لامته ولكنه قد الحق القصة باعتذاراته وشعوره القاتل بالألم .. وبرغبته في الحصول على غفران ميزة وبتمسكه بها وعدم رغبته في تطليقها .. صدقته بالطبع وارتدت ملابسها وطلبت منه أن يُقلها إلى بيت أختها بسيارته ..

- يا خالتو أنا قلتك هتطلق يعني هتطلق .. لو سمحتي ما تحاوليش معايا .. أنا مش هغير رأيي ومش هرجع في كلامي..

- بس تفي من بوقك ما تقوليش كده .. إحنا ما عندناش بنات تطلق في العيلة .. إنتي عايزة الناس تاكل وشنا ولا إيه .. ما كملتيش سنة جواز وعايزة تتطلقى وتطمعى الرجالة فيكى ..

- رجالة إيه إالى يطمعوا فيا عشان إتطلقت .. والراجل إالى هيطمع في ست مطلقة دا أصلًا ما بيقاش راجل ..

- راجل ولا مش راجل دا مش موضوعنا .. موضوعنا المصيبة إلى إنتى
عايزة تعملها فى نفسك .. إيه يعنى جوزك غلط .. غلطة وتعدى .. يا
حبيبتى يا بنتى كل الرجالة كده .. مفيش راجل فى الدنيا مالهبوش نزوات،
بس فى الآخر الراجل من دول بيلف يلف وفى الآخر بيرجع لمراته أم عياله ..
الست الشاطرة هى إلى تعرف تحاجى على بيتها وجوزها وتخلى دايمًا عينها
عليه .. إنتى كمان كنتى غلطانة ميت مرة أقولك سيبى شغلك وركزى فى
بيتك .. بس إنتى دماغك ناشفة طالعة لأبوكى مخك تخين زيه ..

- بصى يا خالتو أنا مش هدافع عن نفسى ولا هقولك إنى مش
غلطانة وشغلى ومش شغلى لأن عادل فعلاً ما بقاش يهمنى وفعلاً ما
يهمنيش أبرر موقفى لحد .. أنا خلاص قررت أتطلق وهتطلق يعنى هتطلق
- بص برضو البت بقولها إيه وبتقولى إيه ..

- وأنا إيه إلى يجبرنى إنى أعيش مع راجل خاين زيه ..

- إلى يجبرك إنك ست .. والست الأصيلة هى إلى بتستحمل الراجل ..
وبتصبر عليه ..

- أيوووااه الست هى إلى بتستحمل .. يبقى أنا عشان ربنا خلقنى
ست وهو ربنا خلقه راجل مطلوب منى أعمل نفسى ما شفتوش وهو
بيخونى مع واحدة تانية فى سريرى .. مطلوب منى أستحمل غيرته وشكته
الأعمى فىا إلى ساعات كان بيوصل لدرجة إنه يطعننى فى شرفى .. والأيام
إلى كان بيرجع فيها متأخر من برا وأنا عارفة وهو عارف إنه كان متأخر
بيعمل إيه مطلوب منى أنساها برضو دى كمان .. مطلوب منى استحمل
راجل حاسس بالنقص من ناحيتى وخايف من ذكائى وعايز يلغى

شخصيتي.. تعرفي هي دي المشكلة .. إننا فعلا عايشين في مجتمع مبني على فكرة واحدة .. هي إن الست هي إلى بتستحمل .. حضرتك عايزاني أفضل كده لحد ما أكبر وألاقي نفسي بستحمل خياناته ليا .. إلى هتجر بعدها ضرب وإهانة وقلة أدب وحاجات تانية كتير.. وأصبر وكل دا ليه عشان هو الراجل وأنا الست والست الأصلية هي إلى بتستحمل .. وأنا المفروض أستحمل عشان يتقال عليا أصيلة .. لكن لو أخذت موقف وطلع عندي كرامة ما أبقاش أصيلة أبقى وحشة .. وبعدين تقدرى تقوليلي الراجل في مجتمعنا إيه دوره في الحياة ..؟؟ بيشتغل وبيصرف عالبيت وبيخرج يُعط برا ويعمل إلى على مزاجه .. في الوقت إلى مراته فيه بتكون بتعمل كل حاجة جوا البيت .. بتنظف وتمسح وتكنس وتطبخ وتشتغل وتأخذ بالها منه ومن طلباته ومن هدومه وأكله وتأخذ بالها من العيال وتربهم وتذاكرهم ... وأهم حاجة تأخذ بالها من نفسها لحسن تتخن أو توحش شوية أو يشم منها ريحة ما تعجبوش يقوم يجري جرى يرمى نفسه في حضن أول ست تقع في طريقه عشان مراته ما بقتش لسة حلوة زى زمان.. الست في مجتمعنا بتربي العيال لوحدها وبتكبرهم لوحدها وبيكبروا وهما كل مفهومهم عن أبوهم إن هو دا الراجل إلى بيصرف علينا .. دا على أساس كمان حتى إن لسة في رجالة بتصرف فعلاً على مراتها وولادها .. دول لو حتى صفة الصرف بقت دي لسة موجودة فيهم كمان .. كل حاجة إستحملي إستحملي ... الست هي إلى بتستحمل .. يبقى راجل خاين الست إلى تستحمل .. بخيل الست برضو هي إلى تستحمل .. قليل الأدب وعصبى وعنيف الست هي إلى بتستحمل .. أناى وما بيفكرش غير في نفسه وبس برضو الست هي إلى بتستحمل .. يبقى الراجل فيه عبر الدنيا والأخرة وبرضو مطلوب من الست هي إلى تستحمل .. عشان هو راجل وعشان هي ست.

بس لأ .. لأ وألف لأ أنا مش هستحمل ... أنا هتطلق ومش هستحملة ..
ومش هستحمل أى سخافات تانية من المجتمع المريض دا .. دا مجتمع
مريض وببطلع كل أمراضه وعقده على الستات بس ..

- طب تقدرى تقولى هتعرفى تعيشى إزاي من غير راجل فى حياتك..؟؟

- هعرف أعيش إزاي ..؟؟!! ومين قالك يا خالتو إني محتاجة راجل فى
حياتي عشان أعرف أعيش .. أنا طول عمرى بعرف أعيش من غير راجل ..
عشان أنا إنسانة مش حيوانة يا خالتو .. إنسانة عندي روح وقلب .. ليه
كيان وربنا كرمي بالعقل .. وأنعم عليا كمان بحاجة إسمها الإرادة .. أقدر
أستخدمها عشان أتحكم فى نفسى وامنع نفسى من أى حاجة أنا مش
عايزها .. لازم تكونى عارفة يا خالتو إني مؤمنة إن لو مكانش وجود
الراجل فى حياة الست بيزودها سعادة على سعادتها .. يبقى أكرملها
تحتفظ بحريتها لنفسها .. ولا إنتى عايزاني أعيش مع واحد يجرمنى من
حريتي ويقضى على سعادتى .. يعنى لا سعادة ولا حرية .. دا يبقى ظلم كبير
قوى ليه ..

- أدى أخرة الكتب إلى بتقرىها دى هى إلى بوظلتك دماغك، أهو كله
من أبوكى هو السبب الله يسامحه .. أمك الله يرحمها لو كانت لسة عايشة
ما كانش عجبها حالك دا أبداً.. يا بنتى يا حبيبتى إلى إنتى بتعمليه دا
عيب.. أه والله العظيم عيب .. راجعى نفسك الراجل لسة شاريكى وعايزك
جنبه ..

- عيب .. إلى أنا بعمله عيب وإلى هو بيعمله صح ومش عيب .. أنا
تعبت من المجتمع دا .. إلى دايمًا باصصلى على إني عيب عشان أنا
ست... عيب تطلقى .. عيب تحبى .. عيب تعيشى .. عيب تسافرى .. عيب

تخرجى ... عيب تننفسى .. عيب تاكلى .. عيب تشربى .. عيب تضحكى فى الشارع .. عيب تكلمى صحبتك فى التليفون قدام الناس لحسن الناس يفتكروكى مصاحبة راجل لا سمح الله .. عيب عيب عيب .. أنا زهقت وتعبت من كتر كلمة عيب دى اللى بقت زى اللعنة بتلاحقنى فى كل حطة بروحها .. أنا مش عيب ياخالتو .. وعمرى فى حياتى كلها ما كنت ولا هكون عيب .. أنا ميزة وهفضل طول عمرى ميزة..

كانت أمها تعمل منذ فترة الشباب كإحدى الموظفات فى مبنى محافظة الجيزة .. لذا كان من الطبيعى جداً أن تحظى امرأة فى مثل موقعها بعدد لا بأس به من الصديقات .. أو بالأحرى الزميلات اللواتى قد تحولن بفعل الزمن والعشرة إلى صديقات..

اصطحبتها أمها معها هذه المرة إلى بيت صديقتها نهلة .. أو "طنط نهلة .." بعد أن كانت مها تمر بفترة صعبة ولا تريد الحديث إلى أى كائن يكون.. ولكنها لم تقو على الصمود أمام ضغط والدتها، التى كانت تظن أنها بهذه الطريقة تقوم بالترفيه عن ابنتها ..

ذهبت مها .. ووجدت نفسها تجلس بين أمها وصديقة أمها تتابعهم فى صمت .. بينما كانت كلا السيدتين يتبادلان الأحاديث النسائية العادية جداً ..

- أأ صحيح يا سعاد .. شفقتى الواد أحمد .. مش خلف وجاب توأم ..
- توأم .. بسم الله ما شاء الله .. ربنا يكرمه ويسعده ويفرحه بعياله ..
عقبال ولادك يا نهلة ..

- وعقبال ولادك كمان .. بس صحيح .. عارفة المهندس حمدى ..؟

- المهندس حمدى مين .. مش فاكراه ..؟؟

- المهندس حمدى يا سعاد .. أخو منى زميلتنا فى الشغل .. عمو حمدى .. مش فاكراه يا مها؟

مها – أه يا طنط بس دا أنا آخر مرة شوفته هو وولاده كانت من سنين .. ياااه كنا صغيرين قوى ساعتها ..

إستطردت نهلة حديثها بالنظر إلى سعاد والدة مها ..

- أهى بنتك فاكراه أهى .. إنتى مش فاكراه إزاي شكلك خرفتى ..

- أه أه صحيح .. ياااه دا إيه إالى فكرك بيه دا بقالنا زمان لا شفناه ولا سمعنا عنه حاجة لا هو ولا مراته ..

- أه ياختى رجعوا من الكويت .. أتاريه إبن المحظوظة كان شغال هناك كل دا .. لأ وراجع إيه على قلبه شىء وشويات .. سمعت إنه إشتري فيلا فخمة قد كده وفرشها أحسن فرش .. وبناته التلاتة .. منار الكبيرة إتجوزت من شهرين وسمعت إنها حامل دلوقتى .. والتانية إالى بعديها على طول إسمها إيه دى بسمة مخطوبة لواد زى القمر أنا أصلى شفتهم فى فرح بنت منى الأسبوع إالى فات، لو كنتى جيتى كنتى شفتهم إنتى كمان ...

تذكرتهم مها لتوها .. الثلاث فتيات منار وبسمة والأخيرة مى .. أصغرهم .. التى كانت فى مثل عمر مها بالضبط .. التى كانت مها تلعب معها وهى صغيرة ..

تذكرتها مها لتوها وقفزت وعلامات الفرحة على وجهها .. وسألت نهلة

- إيه دا .. طنط نهلة .. طنط نهلة .. ومى عاملة إيه دلوقتي .. ما
معاكيش صورة ليها .. دى وحشتنى قوى ..

نظرت إليها نهلة في تلك اللحظة .. تبدو علامات الفخر والجدية على
وجهها .. وقالت..

- مى .. مى مرتبطة ..!!!

قالتها نهلة ثم استدارت لتستكمل الحديث مع نهلة .. وهكذا لقد
ألقت نهلة لتوها وبدون أن تشعر بقنبلة إلى قلب مها .. كانت مها تسألها
عن أحوال مى .. بينما لم تجيبها هى سوى بكلمة واحدة .. مى مرتبطة !!!
وهل كل ما يجب على الفتاة أن تفعله لكى تقنع الناس أنها بخير هو فقط
أن تكون مرتبطة ..؟؟

هل بالضرورة يجب أن تعادل الحالة الاجتماعية للفتاة في مجتمعنا ..
حالتها النفسية كذلك ..؟؟ وهل الإرتباط أصبح الآن في حياتنا هدفاً .. أو
بالأحرى أصبح إنجازاً يُحسد الناس عليه؟؟

قالتها نهلة " مرتبطة " كما لو كأنها تقول أن مى قد حصلت على
جائزة نوبل في أمرٍ ما ..!! كان من الممكن أن تختار نهلة أى كلمة أخرى للرد
على هذا السؤال .. أى كلمة سوى " مرتبطة" .. كان من الممكن أن تقول "
بخير " أو حتى " بتشغل في المكان الفلان الفلانى " ولكنها قد استخدمت
الكلمة الوحيدة التى رأت فيها هى الخير للفتاة .. الارتباط أو الخطوبة أو
الزواج ..

يعنى مى دلوقتى مرتبطة وأهلها وكل الناس عارفين إنها ماشية مع واحد .. ومع ذلك طنط نهلة بتتفشخر بالموضوع دا عادى .. آمال لو كانت مخطوبة بقى كانت عملت فينا وفي نفسها .. أوووف .. يا ريتنى ما كنت سألت ..!! هما هيعايرونى يعنى عشان فسخت خطوبتى ولا إيه ..!!

كان طريق العودة إلى البيت طويلاً نوعاً ما .. ساد الصمت السيارة .. ولكنه لم يسُد ذهنها..

خليكى كده قاعدة .. الدنيا كلها بتتحرك حوالىكى وإننى قاعدة .. عملتى نفسك بظلة وأخذتى موقف زى الهبلة .. كنتى فاكرة إنه بيحبك ومش هيقدر يبعد عنك زى ما بيقول .. صدقتيه ..!! أهو أديه رماكى ولا سأل فيكى .. ولا حتى كلف نفسه يتصل يستسمحك أو يحاول معاكى .. دا كأنه مصدق ..

وإننى اللى رحتى رميتى نفسك فى حضنه .. بقت حياتك كلها تجاوزات فى تجاوزات .. وزعلتى ربنا منك .. تقدرى تقولى دلوقتى لو مصطفى ما رجعلكيش .. هتتجوزى واحد تانى إزاي ..!!!

إحساسك هيبقى إيه لما تتجوزى واحد تانى ما يعرفش عن ماضيكى أى حاجة وفاركك ملاك برىء وإننى أصلاً نيلة سودا وزبالة وتاريخك إسود ..!! منك لله يا مصطفى .. أنا كنت نضيفه .. كنت طول عمرى نضيفه .. إنت اللى عملت فيه كده .. إنت اللى وسختنى .. ياريتنى ما كنت سمعت كلامك .. على الأقل دلوقتى لما سيبتك ما كنتش هندم كده ولا هحس إنى مش نضيفه بالشكل ده ..

بس لأ .. أنا مش هسيبك .. مش بعد إلى إحنا عملناه مع بعض .. أنا
أه أقدر أتجوز حد غيرك عادي .. بس أنا هتجوزك إنت .. عشان إنت اللي
وسختنى .. وأنا ما أقدرش أسيبك بالبساطة دي وأروح لواحد تانى يعمل
فيا نفس اللي إنت كنت بتعمله دا .. مش بعد كل إلى حصل بينا وبعد
إلى إنت أخذته منى ..

وهكذا يُنبى الرجل علاقة عاطفية تلو الأخرى .. يذهب إلى تلك بعد
أن يفرغ من التي تسبقها .. يخبر هذه أنه يعشقها بجنون ثم يدير إليها
ظهره بعد أول خلاف ..

يدير إليها ظهره بعد أن يتركها ملتصقة بهاتفها .. أسيرة له .. لا ترفع
عينها من عليه .. ولا تسمح ليديها أن تفلته أبدًا ..

وهكذا وبفضل الرجال .. تتحول النساء إلى عبدات لهواتفهن !!!..

طلقها عادل .. لقد وقع لتوه على تلك الورقة .. التي ينظر إليها الناس
على أنها ورقة للفراق .. ولكن من وجهة نظره هو .. كانت بمثابة ورقة
الحرية .. التي سوف تمنح ميزة الحق في الاقتران برجل غيره .. وبالألرعب ..
سوف يعيش ليشاهد زوجته وهي تذهب إلى رجلٍ آخر سواء .. سوف
يعيش ليعلم أن ميزة تمنح رجلاً آخر ما منحتة إياه مسبقًا .. وفي عينيه إنها
لخيانة أكبر بكثير من خياناته هو لها .. وبطريقة أو بأخرى .. عاجلاً أو آجلاً..
كان عادل يعلم جيداً أنه سوف يتجرع من نفس الكأس، الذي قد عبر قبلاً
على شفاه ميزة .. كأس مرار الخيانة .. كأس مرارة الشعور بأن أحدهم
يختلس النظر إلى حياته السرية مع زوجته السابقة ميزة ..

ليس من الضروري أن تريح دائماً كل معاركك .. وإنما من الجيد أن تعلم أنك قد حاربت في يومٍ من الأيام .. هكذا قالت مارجورى هولمز..عندما كانت تصف معارك الإنسان في الحياة .. وكيف يترتب مصير كل إنسان على موقفه من معركته الخاصة .. وهكذا أيضاً يجب عليك أن تُفكر جيداً قبل إعلان حريك التالية .. حتى لا يمضى بك الزمان لتكتشف أنك قد شخُتْ وابتَضَّ شعرك بينما كنت تُحارب طوال تلك السنوات في معركة خاسرة منذ البداية ..

وهكذا يبقى دائماً قرارك في محاربة ميولك لِلهُو والتسلية .. والتمسك بدراستك والاجتهاد فيها هي معركة ناجحة تستحق خوضها والبقاء لأجلها وهكذا أيضاً .. يبقى دائماً اختيارك البقاء بالقرب من أحد والديك المسنين ورعايته في عجزه .. هو قرار بخوض معركة ناجحة .. تستحق البقاء لأجلها كذلك ..

وهكذا أيضاً .. تبقى معركة كفاح النفس هي المعركة الأكثر شراسة والأكثر عنفًا التي قد عرفتها البشرية منذ قديم الأزل ولازالت تعرفها حتى الآن .. تلك المعركة التي قد أسقطت رجالاً إلى مزيلة الإنسانية .. ورفعت آخرون إلى قمة الهرم الانساني .. وهذه المعركة أيضاً هي ما تضع رجلاً قد رفض لتوه امرأة جميلة عرضت نفسها عليه في مصاف أعظم عظماء البشرية .. فهل هناك رجل أقوى من ذاك الذي نجح في مقاومة أقصى لحظات ضعفه !!!..

أما عن ميزة .. تلك المرأة التي كانت دائماً تفكر مرة وألف مرة قبيل إعلان معركةٍ ما .. وقبيل اتخاذ قرارٍ ما .. لقد ظن الناس أنها قد قررت

التخلي عن عادل .. ولكن الحقيقة أنها قد قررت التنحي عن خوض معركة هي تعلم جيداً أنها خاسرة منذ البداية ..

وكيف بوسعها البقاء والكفاح لأجل إنقاذ أحد النفوس المعذبة، التي حكمت عليها فطرتها السيئة بالعذاب سلفاً .. وكيف بوسعها أن تخوض معركة بعد أن انتهت وحُسمت خساراتها فيها بالفعل ..

هربت ميزة بنفسها لتركض بعيداً عن أرض تلك المعركة الخاسرة .. ولقد يبدو للبعض أن في هروبها خسارة .. بينما كانت ترى هي أن في هروبها نجاة وخلصاً ..

طلقها عادل .. منحها حريتها لتوه .. وذهب بانساً .. لاهثاً خلف سوسو.. يحاول الاتصال بها مرة واثنان وثلاثة .. حتى يلتقى بها كما اعتاد دائماً أن يحصل عليها هو متى يريد .. ولا تحصل هي عليها متى تريد ..

لم ترد على اتصالاته .. ابتئس كثيراً .. واستمر في المحاولة لساعات .. لم يكن يعلم أن سوسو كذلك قد انصرفت عنه أخيراً .. سوسو التي قد ربحت لتوها معركة منذ البداية حتى النهاية .. لم تكن بحاجة لعادل أكثر من ذلك .. فقد حصلت عليه رغم تمنعه .. وانتصرت على زوجته .. وهذا هو كل ما كانت تريده .. وهذا هو كل ما كانت تسعى إليه منذ البداية .. إنها تتلذذ بهدم البيوت .. فقد كانت هذه موهبتها التي لطالما برعت فيها كثيراً .. والتي لم تكن تنتوى الانقطاع عن ممارستها مدى حياتها..

انصرفت عنه سوسو وقررت البحث عن مهمة جديدة .. عن رجلٍ آخر متزوج حتى تُلقى بشباكها عليه .. فهكذا كانت دائماً وستظل هي حياتها .. وهكذا كانت دائماً وستظل هي طبيعتها التي تحبها هي كثيراً وتتقبلها كثيراً ..

انزوت عنه ميزة .. وانزوت عنه سوسو كذلك .. وبقي وحيداً بائساً لا يدري إلى أين يذهب .. ومع من عساه أن يتحدث ويشكو همومه .. وهكذا حملته قدميه إلى حيث يجتمع أصدقائه المعتادون .. ذهب والتقى بهم وأخبرهم قصته .. وكانت ردودهم كالتالي ..

- يا عم فكك .. مالك زعلان ومتضايق كده ليه .. تروح واحدة يججو عشرة غيرها دا الستات على قفا من يشيل ..

رد آخر – وبعدين ما هو بصراحة يعنى لا مؤاخذاة الست هى إلى غلطانة .. يعنى هو الراجل بيخون مراته ليه .. مش عشان هى مقصرة معاه.. ما هى لو ما كانتش الست بتقصر مع جوزها كان هيروح يبص لبرا ..

وأخريقول – الستات دول صنف عايز الحرق .. ما هو لو كانوا كلهم محترمين ولمين نفسهم كان الراجل مننا فى لحظة ضعفه هيلاقى ست يخون معاه .. يا راجل بقى خلينى ساكت الواحد هيقول إيه ولا إيه ..

- وبعدين سيبيك إنت إحنا أصلاً رجالة .. والواحد مش عارف ليه الخيانة فيها حاجة أحلى من الحلال .. الواحدة من دول لو بتعامل جوزها كأنها عشيقته .. ما كانش بص لبرا .. أصل العشيقه دى دائماً كده بيبقى سبحان الله معرفش ليه فيها حاجة أحلى من مراتك .. إسألونى أنا ..

- لعلمك أه .. الستات دول عاملين زى الأكل .. كل واحدة فيهم محطوطة فى طبق .. والراجل مننا يحب يجرب معلقة من كل طبق كده عشان يحس بنفسه ويعرف يفرق بين دى ودى ودى ..

- أصلاً الستات دول كلهم خطيئة وكائنات بتميل للغواية بطبعها .. أصلاً غلط إنهم يطلعوا من بيوتهم .. أنا مش فاهم يا أخى هما بيطلعوا كل

يوم ليه ويزاحموننا فى رزقنا .. وينزلوا معنا الشوارع لابسينلى الضيق
والمحزق .. وهى الواحدة من دول لو كانت بتتهد وتقعده فى بيتها زى زمان كنا
سمعنا عن التحرش ولا الخيانة .. ما هما السبب يا أخی إحنا الرجالة
غلاية أوى وأقل حاجة بتغويننا ..

فى العام 1766 اكتشف هنرى كفاندش الهيدروجين .. وفى العام
1844 نجح صامويل مورس فى إرسال أول رسالة تلغرافية فى العالم .. وفى
العام 1953 قام العالم الألمانى ريختر باختراع مقياس ريختر لقياس قوة
الزلازل .. ومع ذلك .. هل تعلم أنه وفى عامنا الحالى لازال يعيش فى المجتمع
المصرى رجالاً يملكون تلك النظرة الدونية إلى النساء من حولهن !!!

وهكذا يبقى السؤال .. إلى متى !!! وإلى أين نحنُ ذاهبون !!!

وصلت ميزة إلى حديقة الأزهر العامة .. وما إن عبرت البوابة حتى
وجدت مها فى انتظارها .. تبادلنا التحية معاً .. ثم ذهبنا للجلوس فى أحد
المطاعم، لتناول الغداء معاً كما اتفقنا مسبقاً عبر الهاتف ...

- شكراً يا ميزة إنك جيتى .. وشكراً كمان إنك ما عرفتيش مصطفى
إنى إتصلت بيكى ..

- شكراً إيه بس أنا أصلاً كان المفروض أكلّمك من بدرى بس والله
العظيم أنا من ساعة ما إنتى فسختى وأنا مشغولة جدّاً وحياتى إتقلبت
وإتطلقت زى ما إنتى عارفة ..

- أه منا عارفة .. معلش ما تزعليش ..

- أزعل ..!! ومين قالك إن أنا زعلانة ..!! المهم سيبك متى أنا ومواضيعي .. أنا جاية أتكلم معاكى إنتى .. عايزة أسألك إنتى تقدرى ترجعى لمصطفى تانى؟؟

صمتمت مها .. ونظرت إلى الأسفل .. فاستطردت ميزة ..

- بصى يا مها ... إنتى زى أختى الصغيرة بالظبط .. وإنتى عارفة أنا قد إيه بحبك وحتى لو ما حصلش نصيب بينك وبين أخويا إنتى هتفضلى دايماً صاحبتى .. وعشان كده أنا عايزة أتكلم معاكى وأنا عارفة إنك مش هتفهمينى غلط ولا هتقولى إنى بوقع بينك وبينه ومش عايزة الجوازة تتم والكلام دا ..

- لأ قولى .. قولى مفيش مشكلة إنتى عارفة أنا بحبك إزاي .. والله مش هفهمك غلط ابداً..

- وأنا كمان بحبك يا مها.. بس أنا ما أقدرش أبداً أنصحك أو أشجعك إنك تعملى حاجة أنا ما قبلتهاش على نفسى .. يمكن يكون الوضع مختلف ويمكن يكون حجم خيانة عادل ليا كان أكبر بكتييير من حجم خيانة مصطفى ليكى .. بس الحاليتين فى النهاية بيندرجوا بالنسبالي تحت مسمى خيانة .. وأنا بكره الخيانة والخائنين .. وما أعرفش إنتى عندك فكرة ولا لأ.. بس أنا عادل خانى وشوفته بعينى .. أنا مش بقولك كده عشان أفضحه ولا حاجة .. أنا بقولك كده عشان يمكن إنتى تحسى إن خيانة عادل ليه فيها عزاء بالنسبالك لأن أخويا خانك .. وفى حاجات كده فى الدنيا داين تدان .. هو عمل كده معاكى وإتردت ليا ..

- لا ما تقوليش كده .. أنا عمرى فى حياتى ما هفرح بموقفك دا ولا أتمناهولك وإننى عارفة كده كويس ..

- ما تخافيش أنا عارفة مشاعرك كويس يا مها إننى بنت طيبة جداً .. وعلى نياتك ويمكن عشان كده إننى ما عرفتيش تسلكى مع مصطفى .. للأسف هو أخويا بس أنا عارفاه كويس وما أقدرش أجمل من صورته عشان هو أخويا .. هو الغلطان والغلط راكمه من فوقيه لتحتيه ..

انتهت كلاهما من تناول الغداء .. ثم قامتا للحصول على جولة فى الحديقة .. بينما تستكملان أحاديثهما ..

- ميزة .. أه .. ممكن .. مم أسألك سؤال ..؟؟

- إفضلى ..

- هو إننى قدرتى تعملى كده إزاي ..؟؟

- قدرت أعمل إيه ..؟؟

- تقعدى فترة كبيرة بمزاجك ما تتجوزيش وترفضى تنزلى تقابلى عرسان زى ما كل البنات بتعمل وتستعملى كلام الناس .. ولا أه صحيح إننى عندك عمو ما بيخليش حد يتكلم عنك ربنا يخليهولك ..

نظرت إليها ميزة برفق .. ثم ابتسمت وقالت ..

- طبعا ربنا يخليلى بابا ويخليليك باباى .. بس إننى فاكرة إن باباى أو بابايا أو إن فى أى حد يقدر يمنع عن بنته كلام الناس ..!! يا بنتى دا أنا إستحملت كتير وقابلت أشكال ياما .. أشكال وألوان .. أه والله العظيم ..

- زى إيه كده ..

- قابلت نوع من الستات اللى هى عارفة كويس إنها ما قدرتش تربي
إبنها .. وإنه طالع سافل وزبالة وفلتان وما عندوش أخلاق .. وأول ما
شافتنى عرفت إنى محترمة وعشان أنا محترمة إستنتجت إنى لما أتجوز
إبنها هقدر أعدل حاله وأربي إبنها اللى هى نفسها ما عرفتش تربيه طول
عمره كله .. يعنى من الآخر كده كانت عايضة تلاقى زوجة محترمة لابنها إالى
مش محترم ..

وقابلت كمان نوع تانى من الستات إالى هى عشان جوزت كل بناتها
بالطريقة دى مصممة إن إنتى كمان تتجوزى زيهم عشان ما يبقاش فى حد
أحسن من حد .. وتروح تجيلك عرسان مستواهم أقل من مستوى إجواز
بناتها عشان تضمن إن إنتى تبقى أقل من بناتها ..

وقابلت كمان نوع من الرجالة .. دا بقى هتلاقيه كبير فى السن
وبخيل .. متجوز وعنده أورطة عيال وعایش مع مراته مقهور وبيكرها كره
العمى .. هو إتجوزها طبعاً صالونات وبعدين هى دبسته وخلفت عيال
كثير عشان تضمن إنه ما يسيهاش لأنها عارفة كويس إن عينه زايدة
وبيكرها ونفسه يتجوز عليها .. فقالت فى نفسها أما ألخمه بالمصاريف
الكثير .. النوع دا بقى تعيس وفاشل فى حياته وفاضى كمان .. دا أول ما
بيشوف بنت عايضة تختار لنفسها زوج كويس .. ومش عايضة تتعك فى جوازة
زى جوازته .. بس يروح قافش تحت باطه أول عريس فاشل زيه ويروح
جايه ويقرر يرازيها بيه .. أهو منه يضمن إنه يبقى صاحب جمایل عليها
هى وأهلها .. ومنه يضمن إنها تعيش عمرها كله تعيسة ومضروبة بالجزمة
ومتدبسة زيه .. ومنه كمان يضمن السمعة بقى يلف فى بيوت الناس يقول

ميزة أنا إلى جوزتها كانت هتعنس من غيرى لولايما ما كانتش إتجوزت .. ما هو ما عندوش طريقة تانية تحسسه بأهميته غيرى ..

وقابلت كمان الراجل الغنى الناجح فى شغله .. اللى هو لسة شاب وشكله كويس .. مغرور جداً وأناانى كمان وما بيفكرش غير فى نفسه هو وبس .. إتجوز وهو صغير فى السن لسبب أنا ما أعرفوش وعنده ولاد طبعاً .. ودلوقتي أول ما شافنى قرر إنه من حقه إن مفيش حاجة فى الدنيا دى تفوته .. وإنه لو عرف يقربلى هيبقى حقق إنتصار كبير قوى لنفسه ولكبرياءه .. الراجل اللى زى دا بيفتكر إنه يقدر يمتلك أى بنت بفلوسه ... دا بقى يعتبر أكثر راجل أنا خوفت منه فى حياتى كلها .. كنت أول ما بشوفه قلبى بيتقبض وبتوتر وأعصابى بتبوظ .. أنا بعدت عنه بسرعة جداً على فكرة عشان خفت على نفسى منه ..

وقابلت كمان الشاب اللى لف وصاع ودار .. لحد ما الدنيا إسودت فى عنيه وما بقاش عارف يميز الصح من الغلط .. والحلو من الوحش .. وعشان كده طلب من مامته هى إلى تختارله .. قالك لو العروسة طلعت فشكك أو قليلة الأدب أطلقها وأرمى اللوم على ماما .. أنا ببساطة مش غلطان لأنى أصلاً ما إخترتهاش ..

وقابلت كمان فى الجامعة الشاب إلى عارف إنى مش بصاحب .. وعشان كده راسه وألف ستين جزمة لازم يصاحبنى عشان يتمنظر قدام الناس كلها ويقولهم ميزة إلى مش بتصاحب صاحبتنى أنا .. أنا اللى أخذت البريمو .. أنا اللى وصلت للبنات الصعبة .. ودا بقى كان يحاول ينتهز أى فرصة ويتللكك عشان بيعجى بس يقف جنبى أو يعمل نفسه بيكلمنى فى أى حاجة .. فى نفس الوقت إلى بيبقى فيه مفهم أصحابه إن فى بيتى وبينه

حاجة وألف ورايا ألقى أصحابه مركزين وواقفين بيتفرجوا عليه وهو بيكلمنى عشان يتأكدوا إنه فعلا يعرفنى مش بيكدب عليهم ولا حاجة..

وعلى كده وقابلت بقى أشكال كتبيير .. أشكال وألوان .. منهم الشاب اللى عايز يتجوز أى واحدة والسلام .. ومنهم الشاب إلى بيحب على نفسه وكل ما يشوف واحدة قبل ما يكلمها يقولك أنا بجمها وفي خمس دقائق بعد كده ينساها.. والشاب اللى محلو في نفسه وفاكر نفسه قمر ومفيش منه إثنين .. وقابلت الناس إلى عرفت إن كان تحليلهم لعدم جوازى ينحصر في تلت إتجاهات يا إما معقدة نفسيًا .. يا إما مصاحبة واحد من وراهم في السر ومستنياه .. يا إما متجوزة عرفى عشان كده خايفة أتجوز لحسن أنفضح.. قالتها ثم ضحكت بسخرية ..

- إيه متجوزة عرفى .. يا خير .. إزاي كده ..؟؟

ضحكت ميزة ثم استطردت ..

- أيوه متجوزة عرفى .. ما تستغريش .. كنت عارفة إنهم هيتجننوا ويعرفوا أنا لسة ما إتجوزتش ليه .. بيسألوا نفسهم يا ترى هي ميزة عايزة إيه؟؟ ما يعرفوش إن كل إلى أنا كنت في يوم من الأيام عايزاه ومحتاجاله هو إنهم يسيبونى في حالى ويفهموا إنى عايزة أعيش حياتى على طريقتى أنا مش على طريقتهم هما ..

بس بقى يا بنتى وعلى كده وقابلت ناس كتبيير جدًا .. أصل أنا زى أى بنت في ناس كتير كانت عايزانى بس عمر ما حد حبنى .. وفي فرق كبير قوى بين إن حد يحبك وحد يعوزك .. دى حاجة للأسف دايماً بتلخبط بنات كتير وبتخليهم يفرحوا بلمة الشباب الكدابة حوالهم .. بيفتكروا إن الولاد ملمومين عليهم عشان هما حلوين .. مساكين والله ما يعرفوش السبب

الحقيقى .. ما يعرفوش إن كل الولاد بتتلم على كل البنات وما بيعدوش غير فى حالتين .. الأولانية إن البنات بتديله فعلاً إلى هو عايزه .. والثانية إنه يفقد الأمل إنها هتديله إلى هو عايزه وساعتها بيسمها ويدور على غيرها.. عشان كده عمر ما كانت لمة الولاد على بنت معناها إن البنات دى حلوة.. وعمر برضو ما كانت لمة البنات على ولد معناها إنه ولد أمور وحلو ..

- آمال البنات بتتلم على الولاد ليه؟؟

- عادى يعنى ملمومين عليه عشان معاه فلوس أو عنده استعداد يتجوز !!..

- ياااااه يا ميزة .. إنتى بالكلمتين إلى قولتيم دول لخصتى كلام كتير أنا شفته وكلام كتير يمكن لسة هشوفه .. بس غريبة قوى حياتك .. إنك بعد كل الناس إلى شوفتيم دول برضو فى الآخر إتخيمتى ووقعتى فى عادل..

ضحكت ميزة بحب .. ثم نظرت إلى مها .. وقالت ...

- إنتى شايفة إنى إتخيمت .. بس أنا شايفها حاجة تانية خالص .. شايفها نصيبى من التجارب السيئة .. نصيب وخبرة كان لازم أتعلمها بأى شكل عشان أعرف أتابع حياتى بعد كده.. تسمى يا مها عن المثل إلى بيقولك ساعة القدر يعنى البصر..؟؟

- أه طبعاً .. وهو فى حد ما يعرفوش ..

- أهو أنا بقى البنات إلى عيشت عمرى كله بهرب من كلمة حب .. كنت دائماً خايفة على نفسى وخايفة أغلط فى الإختيار وأساعد حد إنه يقدر يأذبنى .. سبحان الله هربت من المصير إلى كان المفروض أتعلم إنى

محتاجة أواجهه وأمر بيه الأول عشان أتعلم واكتسب خبرات كثير كانت غايبة عنى قبل كده .. ساعات كثير التجارب الصعبة بتكون هى أحسن مدرسة نقدر نتعلم فيها .. ربنا عارف إن فى حاجات كثير كان لازم عشان أقدر أتعلمها أجربها فى الواقع مش بس أقرأها من على الورق .. أنا على الأقل دلوقتى بقيت بشوف الأمور والدنيا كلها من منظور مختلف تمامًا .. عادل كان قدرى يا مها .. على الأقل كان قدرى أقابله وأتجوزه وأتطلق منه.. ولو ما كنتش قابلته دلوقتى كنت هقابله بعدين ولازم نفس الرحلة همشيها معاه من البداية للنهاية .. عادل كان قدرى وما أفتكرش إن فى إنسان إتخلق على وجه الأرض دى كلها مهما بلغ من قوة وشجاعة يقدر إنه يهرب من قدره..

- فعلاً معاكى حق .. محدش يقدر لا يهرب من القدر .. ولا يخدعه .. بس إنتى قوية قوى .. إزاي تقدرى تخرجى من علاقة جواز فاشلة وتقضى على رجلك تانى .. أنا حاسة إنى مكسوفة عشان فسخت خطوبتى .. أمال لو كنت مكانك وجوزى خانى وشففت إالى حصل دا كله كان حصلى إيه ..

- ما كانش هيحصلك حاجة .. العيار إالى ما يصبش يدوش .. والضربة إالى مش بتقتلك بتقويكى .. خليكى فاكرة دايماً إن أى إنسان موجود فى علاقة غلط يقدر يقف فى أى لحظة ويرسم نقطة ويبدأ من أول السطر .. لو ما عندكيش القدرة إنك تعملى كده فى حياتك كلها مش بس فى العلاقات السيئة يبقى هتتعبى كثير وهتبقى حكمتى على نفسك بالتعاسة مدى حياتك..

- أيوه يا ميمة .. بس إنتى قدرتى تستحملى إزاي وتواجهى المجتمع وكل الناس دول ..؟

- قدرت أواجههم ولسة هقدر أواجههم لأنى طول عمرى كان عندى أهداف .. ولأن الجواز مش هدف ولا إنجاز يا مها .. الجواز مش كل حاجة .. ولا أى حاجة أصلاً لو إتبنى على أسس غلط من أولها...!! فى حاجة أنا عرفها كويس قوى وهى إن إنتى كبنت المفروض تفكرى فى تنمية شخصيتك .. وتحددى لنفسك أهداف .. وتسعى إنك تحققها .. وتقرى كتب كتير .. كتب مفيدة مش كتب تافهة ومتخلفة .. وما تفكرش فى الجواز والحب وإنى بتحاولى تحققى الأهداف دى .. وساعتها بس الجواز والحب هيتحققوك فى الميعاد المحدد إالى ربنا خلقه وقرر هوك .. هما هيزهروا لوحدهم لما تبطلى دورى عليهم وتفكرى فيهم .. هى دى المعادلة..
هى كده ..

بس هاه .. ما رديش على سؤالى .. هترجى لمصطفى ولا لأ ..؟؟ لو عايزة ترجعيله أنا ممكن أرجع هوك النهاردة وأخليه يبجى لحد عندك ويعتذرلك ويستسمحك كمان .. ومش هقوله إن إنتى إالى إتصلتى .. وهجيب الموقف كله من ناحيتى أنا عشان أحافظ على شكلك وأحفظك كرامتك .. بس فكرى كويس وحددى الحاجة إالى إنتى عايزاها .. وإسألنى نفسك سؤال واحد .. يا ترى لو مصطفى رجعلك وإتأسفك .. هل دا معناه إنه فعلاً نادم وفعلاً مش هيوخونك تانى؟؟؟

- مش عارفة .. بجد مش عارفة ..

- فكرى كويس وشوفى إنتى عايزة إيه .. ونصيحة صلى إستخارة .. وأيا كان إالى تطلبه أنا هعملهوك..

وصلت سارة بعد مرور عشرة أيام .. كان هذا هو أول حجز تمكنت من العثور عليه .. كان أول ما فعلت عند وصولها هو أن توجهت إلى بيت مينة .. لقد جعلتها مفاجأة .. أرادت أن تدخل الفرحة على قلب صديقتها بطريقة أو بأخرى .. وكانت هذه هي طريقتهما ..

عانقتها مينة عناقًا طويلًا يملؤه الشوق إلى تلك الصديقة، التي لطالما كانت هي ذلك الصدر الذي يتسع للكثير والكثير إلى الأم من حوله .. ويحتويها باهتمام ..

كانت مينة هادئة جدًا كثيرة الابتسام .. كانت هادئة لذلك الحد، الذي قد دفع سارة لسؤالها عن سر هدوئها ..

- أنا مش قصدى حاجة .. بس مش هكذب عليكى أنا تخيلت إنى هاجى الأليكى محطمة ولسة زعلانة .. وبتعيطى كمان .. ما توقعتش خالص إنى هاجى الأليكى متماسكة وهادية كده وبتتكلّمى عن الموضوع عادى .. أنا بتكلم على حد معرفتى بيكى يعنى ولما بيكون فى حاجة أو حد مزعلك أنا عارفة كويس إنتى بتكونى عاملة إزاي ..

ابتسمت مينة ثم أجابته قائلة ..

- مش عارفة .. أنا كمان ما بقتش فاهمة نفسى قوى .. هقولك تعرفى حاجة .. مش عارفة ليه كل ما بيحصلنى عن اليوم دا وقت كل ما بحس إنى بقيت بشوف الأمور بطريقة أوضح وأنقى من الأول بكثير .. الصورة بقت واضحة دلوقتى .. أنا بدأت أحس إنى أنا كمان كنت غلطانة فى كل حاجة حصلت .. أنا كمان كنت جزء من إلى وصلناله إحنا الإثنين مش هو لوحده زى ما كنت فاكرة فى الأول ..

نظرت إليها سارة باهتمام وسألتها .. - غلطانة إزاي يعنى؟؟ مش
فاهماكي؟؟

- غلطانة يعنى .. مش عارفة .. يمكن ما كنتش مهتمة بيه زى ما كنت
دائماً بتخيل .. ما كنتش رومانسية معاه .. ساعات كتير كنت لما بسمع
أغاني حب .. كنت بحس إني بسرح بخيالي لشخص تاني .. كنت بسرح
وبروح وبحمل بشخصية فتى الأحلام إالى طول عمرى إتمنيته .. الشخصية
دى إالى كنت فاكرة إني أول ما هحب وهتجوز هبطل أحلم بيها لأنى أكيد
هكون متجوزة فتى أحلامي دا إالى أنا كنت فاكراه عادل .. بس معرفش
ليه حتى بعد ما إتجوزت كنت كأنى لسة شايفة فى خيالى نفس الصورة
لنفس فارس الأحلام إالى إتعودت طول عمرى أهرب من مشاكل الواقع
لخيالى معاه .. مش عارفة .. مش عارفة .. حاسة إني ما بقيتش فاهمة
نفسى ..

- بس أنا فاهماكي يا مينة .. إنتى ما كنتيش بتحى عادل .. هو دا
تحليلي لكلامك .. عارفة أنا كانت عندى طول حياتي نفس الصورة فى
خيالى .. صورة فارس الأحلام إالى هيبقى يخلى الدنيا زى الورد فى عينيها ..
بس من ساعة ما إتجوزت الشخص إالى بحبه، وكل الأحلام دى راحت
منها صورة فارس الأحلام الخيالى وحل محله صورة جوزى .. جوزى إالى
أنا متأكدة إني بحبه..

- إنتى قصدك إيه .. إنى فعلاً ما حبيتهوش .. تفتكرى؟؟ طب لو كده
فعلاً أنا أعرف إزاي إنى بحب بجد ..؟؟ إيه هى علامات الحب الحقيقي..؟؟
إيه هى مشاعر الحب؟؟

- علامات الحب الحقيقي إنه مالوش علامات ياميزة .. فعلا مالهبوش
علامات ولا أسباب .. إنتى لما بتقابلى حبيب عمرك الحقيقي ما بيكونش
عندك ساعتها مساحة من الوقت ولا العقل إنك تقفى لحظة وتفكرى
وتسألنى نفسك .. هو دا مناسب ليه ولا لأ .. ما بتسألينى نفسك ولا بتفتشى
جوا نفسك عشان تدورى على علامات الحب الحقيقي إالى تأكدك دا ..
شريك حياتك ونصك التانى وحب عمرك إنتى لوحدك هتعرفيه من أول
مرة هتشوفيه فيها .. وساعتها بس هتحسى إنك هتنفجرى من كتر الفرحة
إلى جواكى فى كل مرة بتشوفيه فيها .. إالى هى برضو فرحة مالهاش
أسباب .. فرحة عشان عينيكى شايفاه بس .. إوعى يا ميزة تكونى فاكرة إنى
أنا واليخاندرو مفيش بيننا مشاكل أو شخصين كاملين ما عندناش
عيوب .. لأ بالعكس إحنا ساعات كتير جداً بزعل مع بعض وبتتخافق .. بس
دايما بيكون فى حاجة أقوى مننا بتربطنا ببعض وبترجعنا لبعض ..
والحاجة دى هى الحب الحقيقي...

صممت ميزة .. بينما شردت عيناها وذهنها إلى مكانٍ آخر .. ثم عادت
وقالت لسارة ..

- وتفتكرى إن الحب لوحده كفاية ..؟؟ تفتكرى إنى هقدر أكمل حياتى
عادى بعد كده وابدأ من أول وجديد .. ولا دى كلها أوهام فى دماغى وأنا
مش هقدر أنساه ولا حاجة زى ما بقول لكل الناس..؟؟

- لأ يا ميزة الحب لوحده مش كفاية .. إنتى لو قابلتى حد حبك وما
فهمكيش يبقى هتفشلى معاه .. الحب عشان ينجح لازم يكون فى معاه
تفاهم واحترام .. لو مش موجودين يبقى بلاش أحسن .. لازم إالى تتجوزيه
بعد كده دا تكونى بتحببيه بتفهميه وهو كمان يبادللك نفس الشعور ..

وبعدين بطلى عبط .. هو إيه دا إلی تفتكرى هقدر أبدأ من أول وجديد ..
ما تحسسينيش إني قاعدة مع حد تانى غير ميزة إلی أنا أعرفها .. إنتى
ناسية كلامك زمان .. إن مفيش حاجة إسمها الوقت فات وبقى متأخر على
تصحيح المسارات .. وإن كل إنسان معرض لأن هو يمشى فى سكة غلط ..
بس فى نفس الوقت بيفضل دايمًا قدامه قرار الوقوف والبدء من أول
وجديد .. دا كلامك إنتى وقناعاتك إنتى على فكرة .. أنا بس بفكرك بهم..

- أه فعلاً عندك حق .. ابتسمت ميزة ثم استطرقت قائلة..

تعرفى يا سارة .. وإنى بتتكلمى معايا دلوقتى .. أنا سألت نفسى
السؤال دا .. أنا حبيت عادل ليه .. وسبحانك يارب النهاردة بس لقيتله
إجابة .. والنهاردة بس عرفت إني ما كنتش بحبه فعلاً زى ما كنت متخيلة..
ياااه بجد حاجة غريبة .. عارفة لما تحسى إنك إتجوزتى واحد عشان
خايفة تكسرى قلبه .. عادل قبل ما أوافق عليه كان بيقولى إني أنا
الشمس والقمر .. وإنى أنا الأرض .. وإنى كل شىء فى الكون بتاعه .. وإنه ما
يقدرش يكمل لحظة من غيرى .. وإنه من بعدى هيكون إنسان محطم ..
عادل حاوطنى بجو من الرومانسية والحاجات إلی طول عمرى حلمت
بها.. معرفش ليه وإزاي ما وقفنش مع نفسى لحظة صدق وأخذت قرار إني
أواجه الحقيقة ساعتها .. ليه سيبت نفسى أنجرف ورا التيار وخلص ..
التيار إلی عادل صنعه وعاش فيه وعيشنى أنا كمان فيه ..

نظرت إلی سارة بينما كانت تمرر أصابعها بين شعرها .. أنا فعلاً
خوفت أكسفه وأجرحه وأكسر قلبه .. فعلاً خوفت عليه من حبه ..

- ميزة إمتى هتتعلمى تشوفى ما وراء المظاهر .. كل الكلام إلی إنتى
بتقوليه دا كان تمثيل عادل بيمثله عشان يهرك .. أنا فعلاً من أول يوم

شوفته فيه وأنا كنت مقتنعة بكده .. إنه مش بيعمل كده عشان يقنعك إنه بيحبك قد ما بيعمل كده عشان يهرك ويخطف قلبك وعقلك .. لو قلنا الحق هو كمان عمره ما حبك .. هو كان عايز يمتلكك .. هو شاف فيكى الصورة المثالية للست إلى ترضى غروره .. الست إلى وجودها جنبه هيخليه يظهر قدام المجتمع بصورة أفضل .. الصورة إلى هو عايزها وحلم بيها .. إنه يروح يعرف كل الناس إنه خد أحسن واحدة .. إن عادل فؤاد ما يتجوزش أى واحدة .. لازم تكون واحدة مثالية وعندها وعندها ... وما إلى آخره ..

صمتمت ميزة مرة أخرى .. وشردت بعيدًا .. تتذكر بعضًا من أحداث حياتها مع عادل .. ثم تعود لتتحدث إلى سارة ..

- تعرفي يا سارة .. ساعات كتير بتمنى إن كل الرجالة يشوفوا الدنيا بعينينا .. مين عارف .. مش يمكن ساعتها بس يقدرُوا يفهموا إحنا قد إيه بنستحمل سخافتهم وأنانيتهم وعدم تفكيرهم غير في أنفسهم وفي إحتياجاتهم هما وبس ..

باللعجب .. لقد حسدتها عليه عندما تزوجته .. وها هي تحسدها مرة أخرى الآن بعد أن تركته .. ندى .. تلك المرأة البائسة .. التى تقضى معظم أوقاتها فى التفتيش خلف أخبار الناس عبر شبكة الانترنت .. لقد عرفت منذ أيام قليلة فقط .. أن ميزة قد انفصلت عن عادل .. أن ميزة قد تركت الرجل الذى قد وصفته فى يوم من الأيام بأنه هو حب حياتها .. يا إلهى كيف فعلتها ..؟؟ من أين واتتها تلك الجرأة ..؟؟ هكذا فكرت ندى .. التى كانت تحسد ميزة على عادل .. تجد نفسها الآن تحسدها مرة أخرى على

فرصة الرجوع إلى الخلف .. على فرصة رسم نقطة في صفحة حياتها ثم النزول للبدء مرة أخرى من على سطرٍ جديد .. تحسدها على تلك الفرصة، التي تفتقدها الكثيرات والكثيرات من النساء .. اللواتي قد فقدن حريتهن إلى الأبد بمجرد توقيعهن لذلك العقد المُسمى بعقد الزواج .. وكانت هي تعلم عن يقين أنها إحداهن .. لقد تزوجت من آدم بمحض إرادتها .. ثم أنجبت منه الأطفال ظناً منها أنها بهذه الطريقة سوف تكبله وتجبره على البقاء بالقرب منها مدى الحياة .. وهي لم تكن تعلم أنها ما كبلت آدم إنما كبلت نفسها هي به .. والأغرب من ذلك .. فكرت ندى لوهلة .. ماذا سوف يحدث لو لم أكن قد أنجبت منك أطفالاً يا آدم مثلما لم تنجب ميزة أطفالاً من عادل قط ...!!! هل كنتِ ستجراين على طلب الطلاق مثلها؟؟ بالطبع لا .. كاذبة إن ظننتِ انه بوسعك فعلها ..؟؟ وإن فعلتها إذاً كيف ستواجهين المجتمع وأنتِ امرأة مطلقه ..؟؟ وإلى أين سوف تذهبين بعد بيته ..؟؟ هل ستعودين إلى بيت أبيك مرة أخرى ..؟؟ هل سوف تعودين إلى تلك الحجرة المقيتة، التي تشبه القبر ..؟؟ هل كنتِ لتفعلينها ..؟؟ وما الفرق بين بيتك يا آدم وبيتك يا أبي ..؟؟ فكلاهما قبر .. هكذا فكرت ندى ..

وهكذا روادتها الكثير والكثير من التساؤلات .. ولكن في النهاية لم يسيطر على فكرها أى أمر سوى كم هي تحسد ميزة على كل شيء .. فلطالما حسدتها على والدها الرائع، الذى يساندها ويدعمها في كل شيء .. ثم حسدتها على جمالها وأناقته .. ثم حسدتها بعد ذلك على حريتها .. ثم حسدتها مرة أخرى على وظيفتها .. ثم مرة أخرى على زوجها .. وها هي الآن تتطلع إلى الشعور بالكرامة .. الذى تتمتع به ميزة وهي لا..

فعلى الرغم من أنها كانت تتحرق شوقاً لمعرفة السبب .. ويأكلها الفضول أكلاً من الداخل .. إلا أنها لم تكن تستطع الاتصال بميزة

والتدخل في حياتها أكثر من ذلك .. فقد وضعت لها ميزة حدودًا من قبل بالفعل وتقطعت بينهم العلاقات جميعها .. فيما عدا تلك الصداقة الزائفة، التي تربطهم ببعض إسميًا على موقع فيس بوك ..

وعلى الرغم من عدم علمها للأسباب .. إلا أن معرفتها الوثيقة السابقة بميزة كانت كافيةً لإعطاءها مقدمات عن أسباب الطلاق .. إنه حتمًا أمر يتعلق بالكرامة يا ميزة .. هكذا فكرت ندى .. وهكذا سوف تفكر دائمًا بغض النظر عن حصولها على أخبار من عدمه .. وهكذا سوف تقضى ما تبقى من عمرها في التفكير في حياة كل الناس عدا حياتها ..

طبعًا لها حق تتطلق .. ولو ما كانتش ميزة إلى تتطلق آمال مين إلى هتعملها..!! تعرف إيه هي عن القهر والذل .. تعرف إيه هي عن ضربات قلبي كل مرة بشوف جوزي متعصب أو حاجة مضايقاه، وخوفي أكلمه في حاجة لحسن يطلع عصبيته عليا ويضربني .. تعرف إيه هي عن إحساس واحدة ست جوزها بيمد إيدها عليها ومش بس كده لأ دا كمان بيعمل كده قدام عيالها إلى خلاص كبروا وفتحوا عيونهم على الدنيا وبقوا بيشاركوا أبوهم في إهانتته لأهمهم..

يااااه يا ندى .. الظاهر إنك كنتي غلطانة .. كأن الدنيا مش عايزة تسيبك غير لما تصدقي إن الجواز إلى إنتي ياما جريت وراه وحاربتى لحد ما وصلتيله ما كانش هدف مظبوط من البداية .. بصى لنفسك دلوقتي .. أديكي بتدفعي تمن تسرعك وسوء اختيارك غالى .. غالى قوى يا ندى .. هكذا فكرت ندى ..

عاد أحمد إلى بيته .. سار عدة خطوات .. وبينما كان يمر في الردهة .. سمع صوتًا قادمًا من غرفة ابنته ميزة .. كان هذا هو صوت ميزة وهي

تتحدث إلى سارة .. التي كانت تجلس معها في غرفتها في ذلك الوقت .. وعلى الرغم من كراهيته لعادة التلصص .. إلا أنه لا يعلم لماذا ظل واقفًا في محله منتظرًا سماع بقية الحديث ..

- سارة أنا ما أقدرش أسافر أعيش برا وأدور على شغل أو أدرس أو أعمل أى حاجة عندك في إسبانيا .. صدقينى .. ما هو السبب إالى منعى عمري كله من إنى أعملها لسة موجود .. أنا ما أقدرش أبعد عن بابا أسيبه لوحده أبدًا ..

- إالى تشوفيه .. أنا عارفة إن موضوع سفرك لفترة طويلة دا موضوع صعب عليكى فعلاً .. وعارفة إنتى قد إيه مرتبطة بعمو .. بس أنا شايفة إن فى حالتك دى دلوقتى إنتى محتاجة تغيرى مكانك وتغيرى وشوش كل الناس إالى حواليكى عشان تعرفى تبدأى من جديد .. أو على الأقل لحد ما كل الناس تبدأ تنسى وإنتى كمان تنسى عادل وأيامه بالكامل وتمسح من ذاكرتك ..

- لأ مش هينفع يا سارة .. مش هينفع صدقينى ...

استدار أحمد وذهب إلى غرفته .. جلس على حافة فراشه شاردًا .. مفكرًا .. ثم أمسك بإحدى يديه صورة قديمة له مع زوجته الراحلة أم ميزة ومصطفى ..

لو كنتى معانا دلوقتى كنتى هتعملى إيه ..؟؟ كنى هتخليها تقعد هنا ولا هتقوليلها تسافر ..؟؟ طب لو كنت أنا اللى موتت قبلك وإنى لسة عايشة لوحديك برضو كنتى هتعملى إيه يا هويدا؟؟

وكنت دائماً تخبرنى كم تحبى .. وكنت تحب أن تقضى الليل بقربى ..
وكنت تفضل صوتى على بقية الأصوات .. وكنت تستمع إليّ حتى تنام ..
وكنت تخبرنى أننا سوف نضحك معاً، ونبكي معاً .. وأننا سوف نشيخ معاً...
وكنت تصف لى حبك لابنتنا المستقبلية التى سوف تحبها كثيراً فقط لمجرد
ذلك الشبه الكبير الذى يجمع بينى وبينها .. وكنت تخبرنى أننى أنا أجمل
نساء الكون .. وبأنه ليس قبلى قبلاً .. وليس بعدى بعداً .. وبأن الليل يختبئ
خجلاً عندما يرى شعرى .. وبأن القمر يختفى فى حضرتى .. وبأن الشمس لا
تشرق حتى أستيقظ .. وبأن كل طيور الكون متصلة بقلبى .. وبأن كل
الزهور تزهر فقط لأجلى أنا ..

وهكذا كنا وهكذا كان .. وهكذا كان يا زمان .. وهكذا كنت تقول ..
وهكذا كنت أصدقك .. وهكذا خدعتُ نفسى وظننتُ أننى أحببتك ..

هكذا فكرت ميزة .. بينما كانت تقف على الشرفة فى إحدى ساعات
الليل المتأخرة .. بعد أن اطمأنت أن جميع من فى البيت قد ناموا .. وفجأة
همس أحمد والدها باسمها ..

- بابا إنت لسة صاحى .. أنا إفتكرتك نمت .. قالتها وهى تبسم فى
دفع ..

- أه .. لسة صاحى .. ما نمتش أصلاً ..

- ليه كده .. كل دا إيه إالى مصحيك ..

- إنتى إالى مصحيانى .. بصى يا ميزة يا حبيبتى أنا عايز أقولك حاجة ..
أنا بالصدفة سمعت كلامك النهاردة إنتى وسارة عن السفر .. وبينى وبينك
فى الأول فرحت لما سمعتك وإنتى بترفضى وبتقوليلها لأ أنا مش هسافر

عشان ما أسيبش بابا لوحده .. يمكن قبل ما تتجوزى لو كنت سمعتك بتقولى كده كنت أيدتك فى قرارك دا .. بس دلوقتى الوضع إختلف .. لا أنا ولا أخوكى بقينا صغيرين .. وأنا يمكن هتعب شوية وهزعل شوية لو سبتينا وسافرتى .. بس ما أكديش عليكى أنا محتاج إني أشوفك بتنخطى أزمتمك .. محتاج أشوفك بتفرحى مرة تانية .. وبتعيشى مرة تانية .. محتاج أشوفك أقوى من الأول وأسعد من الأول .. ووجودك هنا فى مصر للأسف مش هيحسسى بكده أبداً .. أنا عايزك تسافرى مع صاحبتك .. وتنبسطى وتعيشى .. أنا محتاج أبقى مطمئن عليكى ومتأكد إنك فرحانة ومبسوطة ..

- لأ يا بابا .. إنت بتقول إيه .. إنت عايزنى أسافر .. أنا ما أفدرش أعملها .. ما يجيليش قلب أعملها ..

- وأنا كمان ما يجيليش قلب أشوفك زعلانة .. أنا شايف إنتى بتبقى فرحانة قد إيه بوجود سارة صاحبتك .. وبتبقى فرحانة إزاي هناك فى إسبانيا .. صدقينى أنا محتاج لسفرك أكثر ما إنتى محتاجاله .. أنا فعلاً عايز أشوفك مبسوطة .. عشان خاطرى حقيقى رغبتى دى .. إنتى تعبتى معانا كثير .. قضيتى سنين طويلة من عمرك بتاخدى بالك منى أنا وأخوكى .. إنتى شيلتى البيت دا كثير وما أفتكروش إن فى حاجة تانية تقدرى تعملها علشان أكثر من كده .. إحنا دلوقتى اللى محتاجين نشوفك مبسوطة .. ودا الوقت إلى المفروض تشوفى فيه سعادتك فىن وتلحقها ..

الساعة الآن الواحدة وعشرون دقيقة صباحاً .. لقد غط أخيراً فى نوم مضطرب .. بعد أن نسى كيف هو مذاق النوم العميق بالفعل .. بمجرد أن دق هاتفه مد يده فى غفوة يتحسس كل شىء بقربه وصولاً إلى الهاتف ..

- ألو .. مين ..؟

- مين إيه .. إنت مش شايف رقمى عندك .. أنا هدى يا عادل .. قوم
بسرعة..

أجاها بلسان أثقله النوم ..

- هدى مين .. أه أه .. صح خالة ميزة .. فى إيه ..؟

- ميزة مسافرة إسبانيا النهاردة .. طيارتها هتطلع الساعة أربعة
الفجر.. هتبقى عند المطار الساعة إثنين .. إلحق بسرعة روح إلحقها قبل
ما تسافر..

- إيه .. إيه .. بتقولى إيه ؟؟ انتفض من موضعه ونظر فى الساعة ..
أدرك ان الوقت قد أصبح متأخرًا بالفعل .. ولكنه مع ذلك سوف يخوض
المحاولة الأخيرة لاستعادتها ..

ألقى الهاتف جانبًا .. وارتدى ملابسه فى دقيقة .. ثم اندفع فى سرعة
عجيبة، غير مكترث بعلامات النوم الظاهرة على وجهه .. ولا بشعره
الأشعث الذى كان بحاجة ماسة إلى التصفيف..

قاد سيارته وهو يرجو من الله فى سره أن يلحق بها .. كان يسابق الزمن
للوصول قبيل رحلة الصديقتان .. يرجو الله فى سره أن يراها .. لو حتى
للمرة الأخيرة .. أصبحت الآن الساعة الثانية إلا خمس دقائق .. وها هو
يعبر بوابات المطار بسيارته .. لقد بدأ الحظ يقف إلى صفه مرة أخرى ..
فقد كانت الشوارع موروًا من بيته إلى المطار شبه خاوية ..

وصل إلى أقرب بقعة بإمكانه ترك سيارته فيها ..

ونزل منها ليركض مسرعًا باتجاه بوابة المغادرة .. إنها نفس البوابة التي قد غادر منها إلى إسبانيا المرة السابقة مع ميزة .. وعلى أمتار من البوابة .. وجدها .. يا إلهي .. لقد وجدها !!.. لقد رآها ولكن لا يمكنه الاقتراب منها مادام أبوها وأخوها موجودان في الأجواء ..

هناك شخصًا آخر يراه واقفًا بالقرب منها .. يادى القرف .. سارة معاها كمان .. لأدى كده إتقفلت من كل ناحية .. بس مش مشكلة برضو هفضل واقف وأول ما يمشوا هكلمها .. أكيد هيمشوا ويسيبوها .. هكذا فكر عادل ..

مرت خمس دقائق .. أو ما يقارب الخمس دقائق .. لم يكن عادل في حالة تسمح له بمتابعة الوقت .. كان يراقب ميزة عن كثب .. وبالغرابية .. فلکم أوجعته سعادتها في تلك اللحظة .. لقد كان وجهها يشرق ابتسامًا ونورًا .. لقد عادت كما كانت تمامًا عندما رآها أول مرة .. لقد عادت إليها تلك الإشراق والهالة الضوئية التي كانت محيطة بها قبل أن تتزوج منه ..

لقد بدأ عادل يدرك لتوه أن ميزة أفضل حالًا بدونه .. بدأ يفكر في كم سيكون أنانيًا إن استعادها مجددًا .. إنها تزهو بدوني وتذبل بالقرب مني .. هكذا فكر عادل ..

كان الجميع يقف بالقرب من البوابة في تلك اللحظة .. عانقت ميزة أحمد ومصطفى .. ثم ودعوها وذهبوا بعد أن تبادلوا التحية مع سارة .. انحنى كلتاها للإمساك بحقائهما .. بينما كان هو لا زال يقف مترددًا .. هل يُناديها الآن ..؟؟ أم يحمل حاله ويذهب في صمت ويتركها لسعادتها ..؟؟

كانت هذه هي اللحظة الحاسمة بالنسبة اليه .. ففى هنا الآن .. وفى اللحظة التالية سوف ترحل فى رحلة هى نفسها لا تعلم متى سوف تُنهىها ..

لم يفكر كثيرًا .. فلقد تذكر لتوه عنصر تحفيزه الأول والأخير .. أهم سبب كان دائمًا يدفعه للبقاء بالقرب منها والاحتفاظ بها لنفسه ..

يااه .. أخيرًا عرفت الإجابة على السؤال دا .. ميزة عمرها ما حبت حد قبلك .. بس إنت يا عادل إالى كنت نصيبها من التجارب السيئة .. ودلوقتى هى هتروح لتجربة تانية حلوة أحلى منك بكتير .. هتروح لواحد تانى غيرك هيسعدما أكثر منك .. هتفرح معاه وهتنسك خالص .. مستنى إيه .. هى هتعيش وهتنبسط فى حياتها وإنت هتفضل هنا زى ما إنت .. بس لا .. لا يا ميزة أنا مش نصيبك من التجارب السيئة .. أنا نصيبك من كل حاجة .. أنا نصيبك من الحياة كلها.. والله العظيم ما أنا سايبك تروحي لواحد غيرى ..

وكعادته .. لقد ألقى لتوه دون أن يشعر قسمًا هو نفسه ليس أكيدًا من إمكانية الوفاء به .. ركض مسرعًا وهو يلوح وينادى بصوت عالى مسموع للجميع .. بينما كانت سارة تسبق ميزة بالفعل بعدة خطوات صوب البوابة ..

ميزة .. ميزة .. إستنى .. ميزة ..

استدارت ميزة ووقعت عينها عليه .. لقد نظرت إليه ولكنها لم تراه .. فعادل الذى تزوجته كان قد اختفى من ناظرها إلى الأبد فى تلك اللحظة، التى اكتشفت فيها خيانتة لها ..

لا يعلم لماذا توقف عن الركض وعن مناداة اسمها في تلك اللحظة ..
لقد نظرت إليه فقط، ولكن كما لو كان في نظرتها أمر بالتوقف ..

وهكذا .. وقفت ميزة في المنتصف تمامًا .. بين سارة وعادل .. بين
المستقبل والماضي .. بين الصداقة الحقيقية والزواج الزائف .. بين
السعادة والبؤس ..

رفعت كلا حاجبيها ونظرت إليه نظرة يملؤها الفخر والتعجب في نفس
الوقت .. ثم التفتت ونظرت إلى سارة .. والتفتت مرة أخرى ونظرت إليه ..
كمن كانت تُفكر في من يتوجب عليها اختياره اليوم ..

نظرت مرة أخرى إلى سارة .. ثم عاودت النظر إلى عادل .. لقد منحته
تلك النظرة .. التي تُعلن انتهاء الوقت .. لقد حان الآن موعد الرحيل ..
أمسكت بمقبض حقيبتها واستدارت صوب بوابة المطار .. وكان آخر ما
سمعها تقوله هو صوتها وهي تقول لسارة ..

يللا يا سارة نمشي من هنا .. في ناس لسة محتاجة تعيش عشان
تتعلم إن الحياة قطر كبير .. باصص قدامه .. وما بيرجعش لورا أبدًا ..

عاد أدراجه .. فتح باب شقته .. نظر حوله .. فوجدها خاوية من كل
شئ .. وعندما نظر بداخله شعر بفطرط التشابه الذي قد جمع بينه وبين
شقته في تلك اللحظة .. فقد كانت هي جميلة من الخارج خاوية من
الداخل .. تمامًا مثله هو .. الذي يبدو جميلًا من الخارج .. خاويًا من
الداخل ..

أو هكذا تركته مينة .. خاويًا .. ضائعًا .. تمامًا كالسفينة التي ما إن خرجت من الميناء .. حتى فقدت قبطانها وتمزقت عنها شراعاتها .. وحينها فقط بدأت رحلت التيه العملاقة .. التي ضاعت بها السفينة .. وها هي تجوب البحار بلا وجهة .. بلا مرسى .. بلا أى شىء .. تتقلبها الأمواج وتتقبل هي ركلاتهم في صمت وحزن وانكسار..

كل الأماكن بالنسبة لها بحار .. وكل شىء بالنسبة لها سواء .. فقط بحر وسماء.. النهار يشبه الليل .. والليل يشبه النهار ... كل الأوقات سيات .. وكل شىء يسوده الصمت المطبق .. ذلك الصمت القاتل .. الذى وبعد رحيل مينة .. لم يعد بوسع أذنى عادل أن تسمع سواه ..

باللعذاب .. سوف يتعين عليه أن يقضى بقية حياته معذبًا .. لقد ظهرت آثارك عليه الآن يا مينة .. لقد حُكم على عيني عادل أن ترى بقية النساء منذ الآن وصاعدًا مينة فقط .. أنت فقط ..

لم يعد بوسعه فعل أى شىء الآن سوى الاستمرار فى لعب نفس الدور، الذى لطالما اعتاد أن يلعبه من قبلك .. دور الرجل المثالى .. الرجل الضحية .. نصير المرأة .. الصوت المنادى بالمساواة .. ولكن التغيير الوحيد الذى طرأ على حاله .. هو أنه الآن بات يعلم جيدًا عن يقين أن كل تلك الأفكار، التى لطالما تحدث عنها فى كتبه ومقالاته ولقاءاته التليفزيونية .. هي ليست أكثر من مجرد قناع ..

كان فى الماضى يعتقد أن أفكاره هي حقيقته الوحيدة .. كان قبل ظهورك يا مينة يعتقد أن هذه هي حقيقته .. ولكن بعد ظهورك فى حياته ورحيلك عنها بات يعرف جيدًا ماهية حقيقته .. عادل هو كل شىء آخر إلا أفكاره .. أو بالأحرى الأفكار التى يدعيها .. ويتظاهر بأنه يتبناها ..

مرت الأيام والشهور .. ومر الكثير من الوقت بعد ذلك .. واستمر عادل في لعب نفس دوره في المجتمع .. تحدث الجميع عن حبه لزوجته السابقة.. تحاكي الجميع بإخلاصه وضربوا به الأمثال، الإخلاص الذى ألف كتبًا وكتب كثيرًا بعد ذلك تتحدث عنه فقط ..

قال الناس انظروا له .. ياللعجب ..!! كيف باستطاعة شاب جميل مثله أن يبقى أعزب كل هذا الوقت .. أل هذه الدرجة لازال واقفًا في غرام زوجته السابقة ..؟؟ بل قالوا عنها كذلك امرأة قاسية متحجرة القلب ..!! كيف تجرؤ على الإفلات من رجل لطالما أحبها مثله .. ولكم تمتت الكثيرات أن يكن هي .. أن يكن في محلها .. ياللعجب .. ومرة أخرى تخدعن المظاهر.. ولو كانوا اطلعوا على ما في رأسك .. ولو كانوا قد اطلعوا على حياتك الآن .. على حقيقتك الآن ... لاختلف الأمر كثيرًا ... ولكن ماذا عسانا أن نقول .. وماذا عسانا أن نفعل .. وكيف باستطاعتنا الحياة في مجتمع يعشق المظاهر .. ويعتد بها في كل شيء .. فهكذا هي الحياة .. وليس في وسعك شيء سوى أن تعيشها كما هي يا عادل .. ليس في وسعك أن تفعل شيئًا سوى أن تسير الموجه .. وتمشى مع التيار وليس ضده كما كنت تظن أنك ستفعل في الماضي.

يقولون .. أن هناك الكثيرات والكثيرات من النساء العاديات جدًا .. بل وأحيانًا الغبيات .. يجرب الرجل منهن واحدة تلو الأخرى .. وينتهى من واحدة تلو الأخرى .. وهكذا قد يقضى الرجل عمرًا بأكمله يتقلب بين هؤلاء النسوة، اللواتي يتشابهن في كل شيء فيما عدا الوجه والقالب .. يقضى الرجل عمرًا يتقلب بينهن ولا تبقى أيًا منهن في ذاكرته لثانية واحدة بعد رحيلها عنه ..

أما عن المرأة الذكية .. ففى تلك التى يتصادف وجودها فى حياة الرجل مرة واحدة فقط ولا يمكن لها أن تتكرر أبدًا .. إنها كالنجم الثاقب إن كنت محظوظًا قد تصادفه عينك مرة واحدة فقط فى الحياة .. إنها كالشهاب .. تأتى مضيئة ومهيرة ودائمًا على عجلة من أمرها .. وتذهب لتترك الرجل على حالٍ آخر غير ذلك الذى وجدته عليه .. تختفى من أمام ناظره بعد أن حفرت لها مكانًا غائرًا فى ذاكرته .. لا يمكن أن يُمحي مكانها أبدًا .. لا يمكن أن تحل محلها امرأة أخرى أبدًا ..

المرأة الذكية .. التى يحبها الكثيرون .. ولا يحظى بها سوى ذاك الرجل، الذى يملك شجاعة الحياة بالقرب من امرأة تملك ما هو أكثر من مجرد وجه جميل .. وجسد رائع .. وشعر طويل ناعم ..

وحده الرجل الشجاع ذو البصيرة الثاقبة .. هو من يملك الرؤية عبر أرواح النساء .. هو من يعبر بعينه إلى ما هو خلف هذا الوجه وهذه الصورة ..

وحده الرجل الشجاع .. الذى لا يمكن أن يشعر أنه مهتد لمجرد وجود امرأة ذكية فى الأجواء .. هو من يملك القوة اللازمة للبقاء بالقرب منها .. وهو أيضًا من يملك الحظ الكافى للحصول عليها ..

يا سيدتى .. ألم يأن لكِ الوقت بعد حتى تعرفى .. أن الناس يرحلون عن هذه الحياة بدون السيارة الجميلة .. والبيت الفسيح ذو الطابقين ..!!

يا سيدتى .. ألم يأن لكِ الوقت بعد حتى تعرفى .. أن قيمة الرجل لا يمكن أن تُقدر بوظيفته المرموقة .. وملابسه الباهظة ..!!

سوف تمر بكِ السنوات .. وسوف تتزوجين .. وقد تنجبن بعد ذلك
الكثير من الأطفال .. أو قد تنجبن طفلاً واحداً فقط .. أو قد لا تنجبن
أية أطفال على الإطلاق..

سوف تمر بكِ السنوات .. وسوف تتزوجين .. رجلاً غنياً أو فقيراً ..
جميلاً أو قبيحاً .. ومن يدري لعل الله بعد ذلك يُنعم عليكِ ويمنحكِ الكثير
والكثير من الأموال لكِ إنْتِ وزوجك .. وسوف تسكنين قصرًا مُهيّبًا ..
يخطف أنفاس البشر لمجرد عبورهم من حوله .. وسوف تصبحين أنتِ
سيدة هذا القصر..

إلا انكِ وبعد كل ذلك .. وعلى الرغم من كل ذلك .. سوف ترحلين عن
هذا العالم في النهاية وحيدة تمامًا .. وسوف تتركين كل شيء خلفك .. كل
هؤلاء الأشخاص .. وكل تلك الأشياء .. وكل هذه الأرصدة .. سوف تنفصل
عني وتتركِ وحيدة .. إلا رصيدك من السعادة .. سوف يبقى دائماً معيَّباً في
روحك .. سوف تحميلة معكِ إلى العالم الآخر .. وسوف يبقى دائماً هو
ونيسك وابتسامتك .. حتى بعد الرحيل ..

عيشي يا سيدتي .. عيشي وافرحي .. عيشي واحلمي .. عيشي وأهيري
الدنيا بجمال أحلامك .. واتركي الناس تتحدث عنكِ وعن إرادتك وعن
أيامكِ .. أحبي الحياة .. وامنحها الفرصة لتحبك في المقابل .. افرحي
واصنعي الكثير والكثير من الذكريات السعيدة .. ففى النهاية وبعد كل
شيء.. لن يبقى لكِ سوى أصداء تلك الذكريات .. افرحي .. فالحياة ليست
كلها رجالاً .. وليست كلها لأجل الرجل .. وكل شيء له موعد .. فلا ترهقي
نفسك بانتظار الحب .. ولا ترهقي نفسك بالبحث عن الحب .. ولا تركضي
خلف هذا وذاك تتوسلين الحب ..

فإن للحب موعدًا لن يخلفه .. ومكانًا كلنا إليه سائرون لا محالة ..

فاركضى فى فضاء الخيال .. واتركى للأقدار حرية الموعد .. اتركى لها
حلاوة الموعد .. اتركى لها روعة الموعد ..

وصلت إلى البيت .. ثم دقت جرس الباب .. فتح لها عادل واستقبلها
بحرارة .. ثم دعاها للدخول .. وقفت على الباب لبرهة .. تتأمل المكان ..
تتأمل هذا البيت الجديد .. الذى أخبرها عادل انه قد انتقل إليه حديثًا ..
لما عُرف عنه من كثرة التنقل .. وكثرة تغيير البيوت ..

قال لها مُرحبًا ..

- إتأخرتى عليا كده ليه يا مينة ..

- معلش الدنيا كانت زحمة شوية ..

- طب يللا تعالى .. تعالى ..

جذب يدها من الباب وصولًا إلى غرفة النوم .. وأشار إلى كرسى
القراءة الموجود فيها وقال لها ..

- أقعدى على الكرسى دا يا مينة ..

- إستنى بس إحنا لسة ما إتفقايش أنا هأخذ منك كام النهاردة .. أنا
باخذ فى الليلة

قاطعها قائلًا ..

- هديكى إلى إنتى عايزاه .. بس تسمعى كلامى وتعملى كل إلى بقولك عليه .. تعالى أقعدى على الكرسى دا يا مينة ..

- حاضر يا بيه هقععد ... بس على فكرة أنا إسمى مش مينة .. أنا إسمى قاطعها مرة أخرى ..

- مش مهم أعرف إسمك الحقيقى إيه .. المهم إنك النهاردة حتكونى مينة ..

obseikan.com

oboiikan.com

جميع حقوق الطبع والنشر محفوظة للناشر



noon_publishing@yahoo.com
0235860372 - 01127772007